

УСМОН ТУРАР

ТАСАВВУФ ТАРИХИ

«Истиқлол»

86.38

Т 87

Таржимон:

Ўзбекистон Республикаси Фанлар академияси
Алишер Навоий номидаги Тил ва адабиёт институти
илмий ходими

Нодирхон Ҳасан

Сўзбоши муаллифи ва масъул муҳаррир:

Ўзбекистон Республикаси Фанлар академияси
Алишер Навоий номидаги Тил ва адабиёт институти
катта илмий ходими

Сайфиддин Рафиъддин

Тақризчилар:

Ўзбекистон Республикаси Фанлар академияси
Абу Райхон Беруний номидаги Шарқшунослик
институти катта илмий ходими, тарих фанлари
номзоди
falсафа фанлари номзоди

*Махмуд Ҳасаний,
Эркин Юнусов*

Турар Усмон

Тасаввуф тарихи. —Т.: «Истиқдол»,
1999.—1806.

ББК 86.38

Шарқ маънавияти ва маданияти тараққиётида тасаввуф таълимотининг ўзига хос ўрни бор. Тасаввуф — бу инсоннинг руҳияти ва маънавий оламидаги жараён бўлиб, инсонни руҳий ва аҳлоқий камолатга етказувчи бир илмдир. Шу нуқтаи назардан олиб қараганда қўлингиздаги китоб халқимизнинг руҳий эҳтиёжини қондириш, маънавий қадриятларини тиклаш ва теран англаш йўлида хизмат қиливчи мухим манбадир. Асарда шунингдек, тариқатлар ва уларнинг инсон ҳаётидаги руҳий оламидаги ўрни ва аҳамияти далиллар ва холосалар билан баён қилиб берилган.

Китоб кенг ўқувчилар оммасига мўлжалланган.

© У.Турар, «Истиқдол» нашриёти
(тарж.), 1999 й.

*Ангаким худтарости бўлди одат,
На билсунким, недур пиру ироат.*

(Саййид Қосимиј)

ТАСАВВУФ МОХИЯТИ

Яратған ва ўзини танитган Парвардигоримизга беадад ҳамду санолар бўлсин! Унинг энг маҳбуб бандаси, севикли пайғамбаримиз - Муҳаммад Мустафо саллаллоҳу алайҳи васалламга, хонадон аҳлари ва саҳобаларига чексиз салоту саломлар бўлсин!

Ислом дини ва маданиятининг руҳи, тамал асоси бўлган тасаввуф илми, яъни ислом тасаввуфи ўз тарихи, шаклланиш ва такомиллашиш жараёнига эга. Машойихи изом ва авлиёи киромларни ҳақиқат манзилига етаклаган исломий тасаввуф - эътиқод, ахлоқ, фикр, адабиёт, санъат, фалсафа, борингки, ҳаётнинг турли-туман жабҳаларидан чуқур жой олиб келди.

Тасаввуф ва тариқат масаласи ўтмишдаги каби бугунги кунда ҳам кўп баҳсларга сабаб бўлган мавзулардан биридир. Унинг ўзига хос илм соҳаси, амалий ва назарий ҳамда руҳий ва тажрибавий хусусиятлари мавжуд. Жумладан:

1. Тасаввуф тажриба орқали ҳис қилиб, яшаб, англашиладиган ҳол илмидир.
2. Тасаввуф амалда қўлланадиган бир илм бўлганидан муршид ёки шайх (ёки пири комил) дейиладиган устоз ҳузурида ва унинг тарбияси остида ўрганилади.
3. Тасаввуф илмининг мавзуси маърифатуллоҳдир.
4. Тасаввуф сирларини ўргатган муршид ёки шайх (ёки пир) деган кишининг ҳазрати пайғамбаримизга уланадиган, узилиб қолмаган бир силсилага соҳиб бўлишиб қеракдир.
5. Тасаввуф китобий бир илм эмас. Яъни бирор киши тасаввуфга доир ёзилган китобларни ўқиб, (пир ва унинг кўрсатмасини бажармасдан) шайх ва сўфий бўлолмайди.
6. Тасаввуф моварои ақл (ақлдан устун) бир илмидир.
7. Тасаввуф кўз билан кўрадиган бу шаҳодат ва носут (биз кўрмайдиган) оламидан ташқари, ҳар замон ғайб оламидан баҳс этади.
8. Тасаввуфга, тариқат деб аталган ва Аллоҳга еткарадиган ўзига хос йўллар билан кирилади.¹

Ҳазрати расулуллоҳдан бизгача етиб келган бу таълимот, шарифатга асосланиши билан бирга, айрим сирли ва пардали жиҳатларга, ўзига хос хусусиятларга ҳам эга бўлганлигидан, бу соҳага нисбатан турли-туман қарашлар, нуқтаи назарлар ҳам пайдо бўлган...

Бу соҳа тарихига назар ташласак, Қуръони карим ва ҳадиси шарифга таянган тасаввуф бағрида қодирия, яссавия, кубравия, сухравардия, нақшбандия, шозалия, хилватия, мавлавия, бадавия,

¹ Каранг: Комил Йилмаз. Тасаввуф ва тариқатлар. Истанбул; 1997, 20-22 бет.

дасуқия, жалватия каби бир қанча тариқатлар шаклланди, ривожланди. Мусулмон миллатлари шу каби тариқатлар таъсирида маънавий камолот ҳосил қилиб келдилар ва келаётирлар. Ислом дунёси фан ва майданиятдан муносиб ўрин олган Ҳазрат Имом Аъзам, Ҳожа Аҳмад Яссавий, Имом Фаззолий, Юнус Эмро, Нажмиддин Кубро, Жалолиддин Румий, Баҳоуддин Нақшбанд, Фақиҳ Абуллайс Самарқандий, Абдураҳмон Жомий, Алишер Навоий, Сўфи Оллоёр, Муҳаммад Зоҳид Қўтқу каби улуғ сиймоларга тасаввуфнинг маънавий етуклик пиллапояси бўлиб хизмат қилганлиги шоёни диққатdir. Шунинг учун ҳам бу табаррук зотлар руҳан пок, ахлоқан комил, маърифатли, муҳаббатли, тақволи, солиҳ, муҳлис, муҳсин, мушфиқ ва ҳикмат соҳиби эдилар. Улар ҳар жабҳада: дунёвий ва ухравий ишларда Расууллоҳ (с.а.в.) ҳазратларига эргашганликлари учун ҳам номларини эҳтиром билан тилга оламиз. Зотан тасаввуф ғояларига, у илгари сурган талабларга назар ташласак, қайсиdir оят ва ҳадисга асосланганлигини кўрамиз. Афсуски, бу ҳақиқатни тан олмайдиган, тасаввуфга бадбинлик назари билан қарайдиган ёки унинг қайсиdir жиҳатини танқид қиласидиган кишилар ҳар бир даврда бўлганидек, бугунги кунда ҳам бор. Хўш, нега “Ислом руҳонийлигини зоҳир эта-диган унумдор бир майдон” (Абул Аъло ал-Афиғий) бўлган тасав-вуфга қарши кучлар пайдо бўлишган? Муҳолифчиларнинг мақсад ва иддаолари нимадан иборат эди? - деган савол тұғилади. Аслида бу савол алоҳида тадқиқотни талаб қиласа-да, биз жузъий мулоҳазаларимизни баён этишни лозим деб топдик. Назаримизда, қарши кучларнинг эътирозида икки хил асосий сабаб бор:

1. Дарҳақиқат, машҳур дин олимларидан Имом Фаҳр Розий, Ибн Таймия (ваф.х 728/м1327), унинг шогирди Ибн Қаййим Жавзия (ваф. 790/1388) кабилар “фиқхи зоҳир” бўлган шаръий илмларни пухта эгаллаган бўлсалар-да, “фиқҳи ботин”* бўлган тасаввуф илмига майл ва рағбат кўрсатишмаган. Сайру сулукнинг амалий ҳаётида яшамаганликлари учун уларга тасаввуфнинг сир пардаси очилмай қолган... Зоро, илмли бўлиш ҳали том маънода фазилатли бўлиш дегани эмас. Баъзи саҳобалар авом эдилар, аммо ихлос, самимиятлари туфайли Аллоҳнинг инояти или сирлар оламидан воқиф бўлардилар, басират кўзи или ашёлар моҳиятини кўрардилар... Машҳур мутасаввиғ Ибн Арабий (в. 638/1290) Фаҳриддин Розийнинг “Тафсири Кабир”и муносабати билан ёзган мактубида ўқиб, ўрганиладиган илмдан ташқари, Аллоҳдан келадиган илм, илҳом, кашфу ҳоллар борлигини айтади. Бундай илмнинг ҳар қандай илмдан юксак эканлиги ва бу илмнинг асосан тариқат йўли билан кўлга киритилишини тъкид-

* Базъи олимлар шарият ва тариқат илмини шартли равишда шундай тас-ниф қилганлар. (мас. мух.)

лайди ҳамда Имом Розийни тариқатга киришга ундаиди. Ибн Арабийнинг ўзи “Фусусул ҳикам” ва “Футуҳоти Маккийя” асарларини илоҳий илҳом, завқу шавқ билан ёзганини асар муқаддимасида қайд этиб ўтган.¹ Мутасаввифлар эса “шариатсиз тариқатга кириб бўлмас”-лигини яхши билган ҳолда аввало шаръий илмларни пухта эгаллашган, ҳатто бъазилари бу соҳада замонининг пешқадам уламоларидан ҳисобланишган. Аҳли тариқат бўлган авлиёуллоҳдан бири: “Мен уч хил илм ҳосил қилдим: биринчиси оммага хос бўлган шариат илми; иккинчиси фақат аҳли тариқат англайдиган “хос” илм; учинчиси ўзим ва Аллоҳ ўртасидаги “хос-ал-хос” илм деб илму маърифат дарражаларидан хабар берган...”

2. Мазкур олимлар соҳта шайхлар, ботил тариқатлар, қаллоб дарвишларни кўриб: “Тасаввуф шундай бўладиган бўлса, бундай тасаввуфнинг бизга кераги йўқ!” деб ҳақли эътиroz билдиришган. Мутасаввифларимиз ҳам асарларида соҳта шайх ва дарвишларни бот-бот танқид қилиб туришган. Султонул орифин, пири Туркистон Ҳожа Аҳмад Яссавий бир ҳикматларида:

Тариқатга шариатсиз кирганларни.

Шайтон келиб, имонини олор эрмиш.

десалар, муножотларида ёзадилар:

Ўзини шайх олур кулбори холи,
Йигирма бешга етмай они соли.
Насиҳатлар қилур пиру жавонни,
Ўзи фаҳм этмайин яхши ямонни.
Аларни сўзлари золлу музилдур,
Шариат аҳли бу элдин хижилдур.
Ионсун деб муни бир неча беақл,
Қилурлар авлиёлардан муни нақл.
Қўюб домин гузаргоҳларға бе пир,
Тили макру ҳиял, қилғони тазвир.
Ани макри эрур Шайтондин аъло,
Кўпар юзи қаро, маҳшарда танҳо.
Аларни кўрмангиз юзини ҳаргиз;

Анингдек лаънатидин айланг парҳиз.²

Нақшбандия тариқатининг мансуби, унинг фаол тарғиботчиси, улуғ мутафаккир ва мутасаввиф шоиримиз Алишер Навоий ҳазратлари ҳам асарларида тез-тез соҳта шайх, қаландар ва дарвишларни, “риёйи хирқапўшларни” қаттиқ танқид қилганлар. Масалан, “Мах-

¹ Қаранг: Аҳмад Авни Кўнуқ. Фусусул Ҳикам. Таржима ва шарҳ. 4 жилдлик, 1-жилд, Истанбул, 1994, 30-32-бетлар. Яна қаранг: Ибн Арабий. Маърифат ва ҳикмат. Истанбул 1997, 9-бет.

² Яссавий Ҳожа Аҳмад. Девони ҳикмат. Тошкент, 1894, 158-бет.

бубул қулуб”да: “Сурати дарвишващ ва маңниси саросар ғаш” шайхни шаклу шамойили, риёси ва юриш туришини ҳажв қилиб бундай дейдилар: “Ҳайҳот-ҳайҳот, уят, юз минг уят! Турфа бу ким бу мазҳарга муридлар ҳам бор, хизматида барча шефтау бекарор. Ул бу дуконни юрутуб тадбир била ва бу маъракани қуруб тазвир билаким, шаётинға ҳайраттур ва деви лаъйинға мужиби ибрат ва нафраттур”.¹

Юқоридаги мисоллардан ҳам кўриниб турибдики, мутасаввиफ-ларимизнинг ўzlари ҳам тасаввуфни “сунний” ва “ботил” тариқатларга ажратиб, ботилини кескин танқид қилган ҳолда, қарши кураш чораларини излаганлар.

Тасаввуфга баъзи ташқи муҳит, ўзга маданият ва одатлар, фалсафалар таъсир қилганини рўйкач қилиб, унга эътиroz билдирганлар ҳам бор. Китобларда бу масала баҳс этилган ва сўнгги ҳолоса сифатида Ислом тасаввуфининг манбаи Қуръон ва ҳадис эканлиги, унинг руҳи, йўналиши ўзига хослиги исботланган.²

Профессор Мустафо Қара тасаввуфда ташқи муҳит ва маданиятларнинг таъсири ва исломлашиши, муштарак инсоний туйгуларнинг сўфиёна шаклда ифодаланиши ва бошқа қатор сабабларни ўрганиб бундай ҳолосага келади:

Булардан қатъий назар Ислом тасаввуфи Қуръони карим ва ҳадиси шарифлар йўналтирган ўзига хос бир усулга эга бўлган ҳаракатдир. Кейинги маъба ва таъсирлар аҳамияти иккинчи даражалидир. А. Никольсон, А. Шиммел каби Оврупо шарқшунослари ҳам шу фикрдадар.³

Баъзи Оврупо шарқшунослари исломни заифлаштироқчи бўлиб, атайин тасаввуфи исломга қарши қўйдилар. Улар “тасаввуфга ташқи таъсир масаласини” ва унинг “ҳол”, “мақом” ларидаги нозик нуқталарни нотўғри талқин қилиб, кўпларни чалғитдилар. Афсуслар бўлсинким, баъзи, ислом олимлари ҳам улар изидан боришди. Диёримизда эса бу ҳол шўролар даврида кенг авж олди. Худога шукрки, бугун биз ўзлигимизни таниб, гаразли мақсадда ёзилган тадқиқотларга жавоб бериш имконига эгамиз! Тўғри, Расулуллоҳ (с.а.в.) замонида тасаввуф деган сўз ёки илм соҳаси йўқ эди. Ахир, бу даврда тафсир, ҳадис, фикҳ, ақоид каби илмлар ҳам тасниф қилинмаган эди-ку? Расулуллоҳ (с.а.в.) замонларида бу илмларнинг барчаси бир бутун шаклда мавжуд эди. Эҳтиёжманд киши Рағсулуллоҳ (с.а.в.)дан ёки айрим улуғ саҳобалардан илмнинг барча соҳасида жавоб олиши мумкин эди. Шунингдек, тасаввуф ҳам у замонларда “ҳол” сифатида

¹ Алишер Навониј. Асарлар. 15 томлик, 13-том, Тошкент, 1968. 34-бет.

² Қаранг: Жўшан М.А. Ислом, тасаввуф ва ҳаёт. Истанбул, 1996. 135-137 бетлар.

³ Мустафо Қара. Тасаввуф ва тариқатлар тарихи. Истанбул, 1995. 95-97 бетлар. Бу ҳақда кўлингиздаги китобдан ҳам кенг маълумот оласиз (мас. муг.).

мавжуд эди. Кейинчалик эҳтиёж туфайли бу илмларни уламоларимиз тасниф қилишиб ривожлантирилдилар.

Тариқатларнинг кўплиги ҳам эътиrozга сабаб бўлмайди. Аҳли тасаввуф орасида “Аллоҳга олиб борадиган йўллар махлуқотнинг нафаси саноғича” деган сўз машҳур. Ҳар бир тариқат соҳибининг зикр ва одоб дарслари бошқа-бошқа бўлса-да, мақсади битта: Аллоҳ розилигини топиш. Аллоҳнинг севган ва рози бўлган бандаси ўлароқ, жаннати ва жамолига мушарраф бўлиш... Қолаверса, бошқа фан соҳаларида ҳам қанчадан-қанча қашфиётлар, топилмалар, услугуб ва методлар мавжуд-ку?! Баъзилар тариқатлар орасидаги жузъий тафовут ва мунозаралардан кир ахтарадилар. Биз биламизки, “ваҳдати вужуд” ва “ваҳдати шуҳуд” чилар орасида “тавҳид”, “Аллоҳ ва олам” “Аллоҳнинг исму сифатлари” орасида мунозаралар бўлиб ўтган.¹ Сода қилиб айтганда, улар мунозарасини, фиқҳий масалада ҳананий ва шофиййларнинг баҳсига ўхшатиш мумкин... Олимлар илмдаги бундай мунозараларни таназзул эмас, тараққиёт аломатларидан деб биладилар. Аммо “ваҳдати вужуд” ғояларини тўғри англаш учун кимда шаръий билим бўлмаса оёғи тоийиб кетиши мумкинлиги, нақшбандийликда асосан ваҳдати шуҳуд қарашлари мавжуд ва ҳукмрон эканлиги илмий манбаларда қайд этилган.²

Авлиё (“валий”нинг кўплиги) - Аллоҳнинг дўстлари. Улар Аллоҳнинг назарига тушган, айрича илтифотга ноил бўлган, кароматли, тақволи, солиҳ, муҳлис, муслиҳ кишилардир. Мусулмон оламида кароматлари саҳиҳ зоҳир бўлган, ҳалқ томонидан авлиё деб тан оғинган кишиларнинг аксари аҳли тариқат бўлганлиги ҳеч кимга сир эмас. Каромат эса ҳар кимга берилмайди. Мухаққақ, у Аллоҳнинг инояти бўлиб, илму амали, тақвоси, хайру эҳсони, марҳамат-шафқати, ихлос-самимияти, эътиқоди кучли бўлган кишиларгагина берилган. Энди мантиқан ўйлаб кўринг: Агар тариқат, унинг одоб-арконлари, зикру тасбиҳотлари заррача бўлса ҳам шариатга зид бўлганда эди, аҳли тариқат бўлмиш валийларга каромат берилмас эди... Аҳли суннат вал жамоат тоифаси кароматни, валийликни ҳақ деб билади. Оят ва ҳадисларда улар ҳақида айтиб ўтилган. Абу Ҳурайра (р.а.) ривоят қилган бир ҳадисга кўра, Расулуллоҳ (с.а.в.) бундай марҳамат қилганлар: “Аллоҳу таоло буюради: ким менинг валиларим (дўстларим)дан бирортасига душманлик қилса, шубҳасиз, мен унга уруш эълон қиласман”. “Бандам ўзига фарз қилинган ибодатлардан кўра яхшироқ нарса билан менга яқинлаша олмайди. Бандам тинмасдан нафл ибодатлар билан менга яқинлашади, ниҳоят мен уни севаман.

¹ Бу ҳақда китобдан қенг маълумот оласиз (мас. мух.)

² Жўшан М.А. Юнус Эмро ва тасаввуф. Истанбул, 1995, 75-78 бетлар

Уни севгач, эса, эшитадиган қулоғи, күрадиган кўзи, юрадиган оёғи бўламан... Мендан нима истаса, истаганини бераман. Менга сифинганида уни қўриқлайман. Ўлимни хуш қаршиламаган бандамнинг жонини олишда иккиланмаганим каби, қилган ҳеч бир ишимда иккиланмадим. Чунки уни хафа қилишни истамайман".

Валийларга берилган имтиёз, фавқулодда ҳолатлар уларнинг амали ва тақвосига ҳам боғлик, дедик. Бишр ибни Ҳорис Ҳофий деган машхур сўфий (в. 227/841) тушида расулуллоҳ (с.а.в.)ни қўргач, унга: "Эй Бишр, биласанми, Аллоҳ сени нега бошқалардан устун қилди?" дебдилар. "Йўқ, билмайман ё расулуллоҳ", дебди. Расулуллоҳ (с.а.в.) унга: "Суннатимга тобе бўлдинг, солиҳ инсонларга хизмат этдинг, диндош биродарларингга насиҳат қилдинг, асҳобим ва аҳли байтими севдинг" шу сабабдан устун қилди дебдилар.¹ Валийларга билиб-бilmай тил тегизишдан эҳтиёт бўлиш керак, чунки улар "Аллоҳнинг нури билан боқади" дейдилар. Диёrimизда етишиб чиққан, ўтган XIX-аср охиirlарида яшаб ижод этган Азим Ҳожа Эшон "Ҳикмат"ларининг бирида бундай деб огоҳлантиради:

Билур билмас, ақлингизга бино қўюб,
Эранларга тил текизманг дўстларимо.
Қўрқарманким, ииқилғайсиз, йўлдин тоийб,
Эранларга тил текизманг, дўстларимо.
Юз ихлосдан ортуқ эрур пир ризоси,
Бўлур бўлса ҳидояти, муддаоси.
Пир ризоси - нафс изоси, рух ғизоси,
Эранларга тил текизманг, дўстларимо.
Башир Ҳофи яланг оёқ қорни бости,
"Ху-ху" тею чўллар кезиб, хорни бости,
Мундоғ этиб, ҳирсу ҳаво, орни бости,
Эранларга тил текизманг, дўстларимо.
Азизларни синагунча ўзни синанг,
Борму сизда ҳирсу ҳаво номусу нанг?
Ўз ҳолини ўзи билмас улдур гаранг,
Эранларга тил текизманг, дўстларимо.
Насимиининг ҳикоятин билмасмусиз,
Шайх Мансурдин эштиб ибрат олмасмусиз,
Фурсат қўлдин кетмай ўзга келмасмусиз,
Эранларга тил текизманг, дўстларимо.
Ноқисликда комил ишин қилиб бўлмас,
Бақоликлар асрорларин билиб бўлмас,
Фано бўлмай бақо мулкин олиб бўлмас.

¹ Қаранг: Қушайрий Абдулкарим. Рисолаи Қушайрия, Истанбул, 1991, 120-бет.

Эранларга тил текизманг, дўстларимо.
Шарьу тариқ эранларнинг равишлари,
Тажрид, тафрид, тафвиз, таслим бўлишлари,
Ладун илми эрмиш фаҳму донишлари,
Эранларга тил текизманг, дўстларимо.
Мискин Азим, ориф кўнгли гулзор эрмиш,
Ҳар гулида минг дафтари асрор эрмиш.
Номаҳрамдин пинҳон ани асрор эрмиш,
Эранларга тил текизманг, дўстларимо!¹

Ашраф ўғли Румий деган шоир ва мутасаввиғи, муршиди комилларнинг иккигина вазифаси борлигини таъкидлайди:

1. Аллоҳни бандаларга севдирмоқ
2. Бандаларни Аллоҳга севдирмоқ.

Албатта, Аллоҳни бандаларга севдирмоқ - қулай ва осон. Лекин бандаларга Аллоҳни қандай севдириш мумкин? Шайх Румий Қуръони каримдаги “-Айтинг (Эй Мұхаммад): “Агар Аллоҳни севсангиз, менга әргашинглар. Шунда Аллоҳ сизларни севади ва гуноҳларингизни мағфират қиласи” оятига ишора қилиб бундай жавоб беради: Мурилларни Аллоҳга севдириш учун уларни расулуллоҳга әргаштираман, ҳазрати Пайғамбаримизнинг суннати санийасига тобе қиласман ва шу йўл билан уларни етиштираман”. Ўшанда Аллоҳ уларни сева-ди²...

Муршиди комиллар муридни нафақат фарзу вожиб, ҳатто адабга жиддий эътибор беришин талаб қилганлар. Баданан ва руҳан чиниқтириш, камолотга еткариш воситаларини амалда қўллаганлар. Муридни қўйидаги иккига хил тарбия орқали мақсадга йўналтирганлар:

1. Инсон ўз иродасини, нафс деган борлиғини йўлга солиш учун унга мустаҳкам таълим-тарбия, ҳарбийларга хос бўлған интизом лозим. Бу интизомга “риёзат” деб айтилади. Руҳий бир риёзат...
2. Тағин ишқ, севги ва муҳаббат йўли бор. Бирор “ҳарбий интизом” билан, машаққатли тарбиялар воситасида етиштирса, иккинчи йўл инсонда севги, ишқ уйғотиб, уни муҳиб, ошиқ инсонга айлантиради. Яхши ишлар қилиш учун кучли бир ҳолатга келтиради.³

Хулоса қилиб айтганда, Ҳақни таниш, унга ибодат қилишга буюрилган бандани тасаввуф тарбияси юксак маънавий мақомга кўтаради. Ҳақнинг розилиги ва абадий саодатга ноил қилиш учун “нафсни тарбиялаш, ахлоҳни гўзаллаштириш, ботин ва зоҳирни нурлантириш,

¹ Қаранг: Азим Ҳожа Эшон. Ҳикмат., Тошкент, 1993 1-бет.

² Жўшан М.А. Ислом, тасаввуф ва ҳаёт. Истанбул, 1996, 148-бет.

³ Мазкур асар. 155-бет.

сийрат ва суратни поклаш ҳақида тавсиялар беради. Инсон руҳи, хулқи, руҳоний ҳаётидан баҳс юритиб комиликка чорлайди. Ориф, комил инсонлардан ўрнак олишга даъват этади. Шунинг учун бир пири комилнинг этагини тутмай, зикру ибодатда, тасбиху тоатда, мужоҳада муроқабада бўлмаган, бир сўз билан айтганда тасаввуфий ҳаётда яшамаган кишининг тасаввуфдан дам уриши соҳта ва янглишdir. Сайид Қосимий айтганидек:

Ичинг тошинг била эрмас мувофиқ,
Тасаввуфдин дам урма, эй мунофиқ.¹

Умрида асални кўрмаган ва яламаган кишининг асални таърифлаши қанчалик юзаки бўлса, тариқатга кирмаган кишининг “хол” ва “мақом”лардан баҳс этиши ана шундай юзаки ва бетаъсир бўлади... Қўлингиздаги китоб муаллифи эса ҳам олим, (фан доктори, профессор) ҳам тариқат аҳли бўлганидан ёзганларини завқ билан ўқийсиз...

Усмон Турап Арзиурум университетида тасаввуфдан сабоқ беради. Унинг номи олимларимиз орасида яхши таниш. У франсиялик шарқшунослар Александр Беннигсен ва Ч. Л. Куелкуежайларнинг собиқ шўролар иттифоқидаги (хусусан Ўрта Осиё) тасаввуф ва тариқатлар тарихига бағишилаган «Сўфий ва комиссар» (Совет Иттифоқидаги Ислом тариқатлари) асарини 1988 йил туркчага таржима қилган. Шунингдек, олимнинг Ҳожа Аҳмад Яссавий ҳаёти, ижоди ва фаолиятига доир эълон қилган қатор мақолалари яссавийшуносликда алоҳида мавқега эга. У. Турап юртдошимиз, машҳур аллома, нақшбандия тариқатининг муршиди комили, профессор Маҳмуд Асьад Жўшайнинг муридидир.

Биз айрим сабабларга кўра, сўзбошимизда асосан тасаввуф тарбиясининг шаръий асосга таянгани, унга нисбатан хуруж ва эътиrozларнинг сабаби ҳақида мухтасар тўхтадлик. Тасаввуф ҳақидаги теран маълумотларни бошқа манбалардан, жумладан, қўлингиздаги китобдан ҳам олишингиз мумкин.

Ўзига хос тадқиқот бўлган ушбу китоб, тасаввуф тарихига ўзигашланган. Тасаввуф тарихи - исломнинг руҳоний ва маънавий ҳаёти бўлган тасаввуфнинг юзага келиши, муассасалари, улуғ мутафаккирлар ва мутасаввифларини, тариқат ва уларнинг асосчилари ни, бошқа исломий мұассасалар билан муносабатини тарихий жараёни билан тадқиқ қилган илмдир.²

Китоб муқаддима ва уч бўлимдан иборат. Муаллифнинг таъкидлашича:

¹ Қосимий Сайид. Маснавийлар мажмуаси. Тошкент 1992. 164-бет.
² Йилмаз Ҳ.К. Тасаввуф ва тариқатлар. 75-бет.

Биринчи бўлимда тасаввуфнинг таърифи, мавзуси, ғояси, илмий ва фикрий хусусиятлари, мистицизмдан фарқи, унинг пайдо бўлишига сабаб бўлган омиллар, тасаввуфий ҳаракатнинг тарихий ривожланиш жараёнига назар ташлаш сингари дастлаб билиш лозим бўлган жиҳатлар баён этилган.

Иккинчи бўлимда тасаввуфнинг ижтимоий муассасалари бўлмиши тариқатлар масаласига ўрин берилган. Тариқат тушунчаси, тариқатларнинг муштарак жиҳатлари, тариқат таълимотига доир амалиётлар ва ҳоказолар ҳақида сўз юритилади. Машҳур тариқатлар ва уларнинг асосчилари ҳақида маълумот берилган.

Учинчи бўлимда эса, назарий маънода тасаввуф аҳли катта аҳамият берган тавҳид, нубувват, валийлик, ботин илми, комил инсон ғояси каби баязи асосий мавзулар билан бир қаторда, “ваҳдати вужуд” масаласи кенг ёритилган. Шунингдек, “ваҳдати шуҳуд” ва “ваҳдати вужуд” ўртасидаги фарқлар имкон қадар баён этилган.

Тасаввуф ахлоқи ва сўфийларнинг ҳолу мақомларига тааллуқли мавзулар, тасаввуфий истилоҳлар эса мавзудан четга чиқмаслик ҳамда асар ҳажмини кенгайтирмаслик учун изоҳ қилинмади.

Бинобарин, бу асар кенг маънодаги тасаввуф тарихи, чуқур ва теран маънодаги тасаввуф илми ёритилган, тасаввуфий тарбияни ҳар томонлама изоҳловчи одобу аркон китоби ёки кенг маънодаги тасаввуф фалсафаси асари эмас ва бундай даъволардан узоқ.

Тасаввуф мавзусини қисқа ва ихчам ёритиб берувчи, ҳар соҳанинг мутахассиси бемалол ўқиб, фойдалана оладиган мӯъжазгина ушбу китобни ҳурматли ўқувчиларимиз дикқатига ҳавола этарканмиз, уларнинг фикрлари, билдирадиган танқидий мулоҳазалари китоб савиясини янада кўтаришга хизмат қиласи, деб ўйлаймиз.

*Сайфиддин Рафиъиддин. Филология фанлари номзоди,
Халқаро Аҳмад Яссавий мукофоти соҳиби,
Ўзбекистон Ёзувчилар Уюшмаси аъзоси.*

МУҚАДДИМА

Ислом илмлари орасида тасаввуф илми ҳам улкан аҳамиятга молик. Манбай тасаввуфга асосланган, ижтимоий, диний ва маданий шаклланиш орқали жамият онгига тасаввуф ғояларини етказган тариқатлар ҳам Ислом маданияти ва тафаккур тарихида муҳим ўрин тутади.

Қайси илм соҳаси бўлишидан қатъий назар етарлича билим эгаллаш ва батафсил тадқиқот олиб бориш учун авваломбор, ўша соҳага тааллуқли маълум манбаларни билиш керак. Шу боис мавзуга бевосита киришишдан олдин тасаввуф тарихининг муҳим манбаларини эслаб ўтишининг фойдаси бўлади деб ўйлаймиз.

Аммо шунга ҳам эътибор этиш керакки, тасаввуф тарихига оид барча асарларни бу ерда дарж этиш имқонсизdir. Чунки бу асарларнинг миқдори жуда кўп. Бинобарин, рисоламиз муқаддимасида тасаввуф тарихи ҳақида ёзилган асарларни таснифлаб, улардан энг муҳимларини санаb ўтамиш.

1. Тасаввуф тарихига оид манбалар:

a) **Тасаввуфий-фалсафий асарлар:** Тасаввуфий асарларнинг бир қисми Аллоҳ таолонинг зоти ва сифатлари, махлуқотининг яратилиш ва моҳияти, Аллоҳ-инсон муносабати, билим масаласи каби соҳалар, фалсафа ҳамда қалом илмлари шуғулланадиган мавзулардан иборат. Бундай асарларда ҳужжат-далиллар келтириш билан бирга муаллифнинг ҳам фикрлари ўрин олган ва мукошафа илмига кўп аҳамият берилган бўлади. Уларда ақл, нақл, ва илҳом (кашф) муштарақ илм қайноғи сифатида қўлланилган бўлиб, кўпроқ илҳомга аҳамият берилади.

Тасаввуф фалсафасининг асосий манбаларини ташкил этувчи бу асарлар Муҳиддин Ибн Арабий қаламига оидdir. Унинг энг машҳур асарлари қуйидагилар:

1. “Футухотил Маккия”. Бу тўрт жилдли асар бўлиб, тасаввуф фалсафасининг энг муҳим манбаларидан бириди.

2. “Фусусил ҳикам”. Бу асар ҳам тасаввуф фалсафасининг муҳим манбаларидан бўлиб, бир неча бор шарҳланган.

3. “Ат Тадбиратул илоҳийя”;

4. “Ат Таназзулатул мавсилия”; (Ибн Арабийнинг рисолалари шу китобдан жой олган)¹.

¹ Ибн Арабийнинг бошқа асарлари ҳақида кенг маълумот учун қаранг: Ахмад Оташ. “Муҳиддин Арабий”, Ислом қомуси, VIII-ж, 533-555-бет. (541 вд).

5. Мансур Ҳаллож, “Китобут тавосин”.
 6. Абдулкарим Жилий, “Ал инсонул комил”.
 7. Фахриддин Ироқий, “Ламаот”. Мавлоно Абдураҳмон Жомий бу асарни “Ашиъатул ламаот” номи билан шарҳлаган.
 8. Мавлоно Абдураҳмон Жомий, “Лавоих”.
- 6) **Тасаввуф илмини изоҳлаган асарлар:**

Булар тасаввуф илмининг асосий мавзуларини изоҳлаш, бу мавзуларнинг шаръий асосларини кўрсатмоқ, тасаввуф ахлоқининг асосларини аниқламоқ ва тасаввуф илмининг Исломга зид келадиган томонлари йўқлигини кўрсатиш каби мақсадларда ёзилган. Бундай асарларнинг калом ва фикҳ илмлари билан ҳам муносабати бор бўлиб, уларнинг энг машҳурлари қўйидагилар:

1. Калабозий, “Ат таарруф ли мазҳаби аҳлит-тасаввуф”.
2. Ҳорис Мұхосибий, “Ар риоя ли ҳуқуқиллаҳ”.
3. Абу Толиб ал Маккий, “Кутул қулуб”.
4. Абу Наср Саррож Тусий, “Ал Лумъа фит тасаввуф”.
5. Абдулкарим Қушайрий, “Ар рисола”.
6. Али ибн Усмон Жуллобий Ҳужвирий, “Кашфул маҳжуб”.
7. Имом Ғаззолий, “Иҳёу улумиддин”.
8. Абдулқодир Жилоний, “Кунятут толибин”.
9. Ибн Холдун, “Шифо ус соил ли таҳзибил масоил”.
10. Шаҳобиддин Суҳравардий, “Аворифул маориф”.
11. Абдуллоҳ Анзорий Ҳиравий, “Манозилус соирин”.
12. Имом Раббоний, “Мактубот”.

Мазкур асарларнинг кўни туркчага таржима қилинган.

- в) **“Табақоти суфия” китоблари:**

Бу асарлар машҳур мугасавифларнинг ҳаёти ҳақидаги ҳикоятлардан, тури фикр-қараашларидан, иршод тарзларидан, қимматли сўзларидан, тасаввуфий мартабаларидан, кароматларидан ва ҳоказолардан сўз юритади. Бундай асарларда ровийларга оид ҳужжат занжирига-силсиласига ўрин берилганлиги билан ҳадис илми ўртасида услубий ўхшашлик мавжуд. Тасаввуф аҳлига намуна ва ўрнак бўлган энг машҳур асарлар қўйидагилардир:

1. Абдураҳмон Сулламий, “Табақатус суфия”.
2. Калабозий, “Ат таарруф ли мазҳаби аҳлит-тасаввуф”.
3. Абу Нуайм ал Исфаҳоний, “Ҳилятул авлиё ва табақатул ас-фиё” (10 жилдлик катта асардир).
4. Абдулкарим Қушайрий, “Ар рисола”.
5. Ҳужвирий, “Кашфул маҳжуб”.
6. Абдуллоҳ Анзорий Ҳиравий, “Табақатус суфия”.
7. Фаридуддин Аттор, “Тазкиратул авлиё”.
8. Мавлоно Абдураҳмон Жомий, “Нафаҳотул унс мин ҳазаротил қудс”.
9. Ибнул Жавзий, “Сифатус сафва”.

10. Абдулваҳҳоб Шаъроний, “Лавокиҳул анвор фи табақотил ахёр”.
(Табақатул кубро).

11. Ал Мунавий, “ал Кавокибуд дуррия фи тарожимис саодатис суфия”.

12. Юсуф ан Набҳоний, “Жамиу кароматил-авлиё”.

13. Ҳусайн Вассоғ, “Сафинаи авлиёи аброр”. (беш жилд, қўлёзма, Сулаймония кутубхонаси қўлёзмалари, № 2305-2309).

д) Маноқиб китоблари:

Бундай асарлар ё бир мутасаввифнинг ёки маълум бир тариқатга мансуб шайхларнинг ҳаётларидан, қароматларидан, гўзал, ҳикматли сўзларидан, яшаш тарзларидан, халифаларидан, тариқатларидан ва ҳоказолардан ҳикоя қиласди. Бу асарларда баъзан асли йўқ маноқибларга ва муболагаларга ўрин берилгани боине, илмий манба сифатида фойдаланишда эҳтиёт бўлиш керак. Бу асарлар мазмунан “Табақот” китобларини эслатади. Бундай асарларнинг бир неча науналари қўйидагилардир:

1. Ибнул Жавзий, “Маноқиби Маъруфи Карҳий”.

2. Аҳмади Афлоқиӣ, “Маноқибул орифин” (мавлавия тариқати аҳллари ҳақидаги рисола).

3. Фахриддин Али Сафий, “Рашаҳотул айнил ҳаёт” (нақшбандия машойихи ҳақида).

4. Алиййул Қори, “ад Дуррус самин фи маноқибиши-шайх Муҳиддин” (доктор Абдулқодир Шенер ва доктор М. Рами Аёс томонидан қўлёзма нусхадан таржима қилиниб, нашр этилган. Анқара, 1972 й).

5. Лавъизода Абдулбоқиӣ, “Маноқиби маломия”.

Асосан Абдулқодир Жилоний, Аҳмад Руфоий, Амир Султон, Ҳожи Байрам Валий ва бошқа улуғ шахслар ҳақида ёзилган маноқибиий китобларнинг саноғи жуда кўп. Тариқат пирларининг ва машҳур шайхларнинг маноқибларини ҳикоя қилувчи китоблар ёзмоқ, тариқатларда бир нави анъана ҳолига айланган.

д) Одоб ва аркон китоблари:

Бундай асарлар тариқат аҳлининг таълим-тарбиясини ёритиш учун ёзилган бўлиб, тариқатнинг ташқи тамоийларидан, сайру сулук ҳусусиятларидан, муриднинг ва шайхнинг вазифаларидан, зикр пайтида ўқиладиган дуолардан ва ҳоказолардан сўз юритади. Буларга намуна сифатида қўйидаги асарларни айтиш мумкін:

1. Фахриддин Али Сафий, “Рашаҳотул айнил ҳаёт”.

2. Ҳариринзода Муҳаммад Камолиддин, “Тибёну васоилил ҳақойиқ фи баёни салосилит тароиқ”. (уч жилд, қўлёзма, Сулаймония кутубхонаси, Иброҳим афанди бўлими, №:430-432).

3. Аҳмад Зиёвуддин Кумуихонавий, “Жамиул усул”.

4. Содик Вижлоний, “Томари туруқи олия”.

е) Шеърий тасаввуфий асарлар:

Тасаввуфий рисолаларнинг катта қисмини шеърий асарлар ташкил этади. Бу асарлар тарбиявий-дидактик мөҳиятга эга бўлиш билан бирга, кўпинча асарни ёзган мутасавифнинг руҳий дунёсидан пайдо бўлган ва “илоҳий ишқ” ва “ваҳдат” фикрини тараннум этувчи лирик асарлардир. Аввал Эронда, кейинчалик бошқа ерларда ҳам бундай асарлар жуда кўп ёзилди. Буларнинг баъзиларини санаб ўтамиш:

1. Ҳофиз, “Девон”.
2. Жалолиддин Румий, “Маснавий” ва “Девони қабир”.
3. Ҳожа Аҳмад Яссавий, “Девони ҳикмат”.
4. Юнус Эмро, “Девон”.
5. Ёзувчи ўғли Мұхаммад, “Мұхаммадия”.
6. Ниёзи Мисрий, “Девон”.

ё) Тасаввуфий тафсирлар:

Тасаввуф илми манбаларининг катта қисмини эса тасаввуфий тафсирлар ташкил қиласди. Илк даврлардан то ҳозиргача мутасавиблар Қуръони каримни ўз дунёқараашлари йўналишида тафсир қилишган. Бу тафсирлар турли масалаларда мутасавибларнинг нуқтаи назарларини акс эттирувчи ўта муҳим асарлардир. Булардан баъзиларини қўйида санаб ўтамиш:

1. Саҳл Ибн Абдуллоҳ ат Тустарий, “Тафсир”.
2. Жунайд Бағдодий, “Тафсир”.
3. Абу Абдураҳмон ас Сулламий, “Ҳақойиқ”.
4. Абдулкарим Қушайрий, “Латоифул ишорат”.
5. Нажмиддин Кубро, “Айнул ҳаёт фи тафсирил Қуръон”.
6. Ибн Арабий, “Китобул жамъи ват тафсил фи асрори маъянит танзил”.
7. Садриддин Қунёвий, “Иъжазул баён” (Фотиха тафсири).
8. Абдураззоқ Қашоний, “Таъвилатул Қуръон”.
9. Неъматуллоҳ Наҳживаний. “Ал-Фавотиҳул илоҳия вал мафотиҳул ғайбия” (Қуръоннинг тўла равишдаги тасаввуфий тафсири).
10. Азиз Маҳмуд Ҳудоий, “Нафоисул мажолис”.
11. Исмоил Анқаравий, “Футухоти айния”.
12. Исмоил Ҳаққий Бурсавий, “Рұхул баён”.
13. Шаҳобиддин Ал-Алусий. “Рұхул маоний фи тафсирил Қуръонил азим вас сабъиъл масоний”!

Тасаввуф тарихининг манбалари, албатта, бу ерда айтилганлари-дангина иборат эмасдир. Улар саногини беҳд ортириш мумкин, чунки таснифимија кирмаган миңглаб тасаввуфий асарлар мавжуддир.

¹ Қаранг: док. Оғаш Сулаймон, “Ишорий тафсир мактаби”, Анқара, 1974

Хусусан бевосита тасаввуф тарихига оид асарлардан ташқари, билвосита бу соҳани ёритувчи кўплаб асарлар ҳам мавжуд. Масалан, “тарих”лар, “монография”лар, “тазкира”лар, “шоҳрангиз”лар, “қомус”лар, “саёҳатнома”лар ва ҳоказолар ҳам билвосита тасаввуф тарихининг манбаларини ташкил этади. Тадқиқотчилар бу асарлардан фойдаланишни ҳам унутмаслиги керак.

I-БОБ

ТАСАВВУФНИНГ ПАЙДО БЎЛИШИ (ШАКЛЛАНИШИ ВА ТАСАВВУФГА ДОИР МАСАЛАЛАР)

I. ТАСАВВУФНИНГ ТАЪРИФИ

Тарих саҳифаларини варакласак, тасаввуф борасида кўплаб таърифлар айтилганини кўрамиз. Бу таърифлардан умумий хуоса чиқара олиш учун уларнинг энг муҳимларини нақл қиласиз.

Маъруф Карҳий (200ҳ. - 815м. йилда вафот этган) дейди:

“Тасаввуф ҳақиқатларни қабул этмоқ, инсонларнинг кўлларидағи нарсаларга кўнгил боғламасликдир”.¹

Сирри Сақатий (251ҳ. - 865м. йилда вафот этган) дейдики:

“Тасаввуф гўзал ахлоқдир”.² “Тасаввуф уч маънони ўз ичига олган атамадир: а) маърифатнинг нури вараънинг нурини сўндирмайди; б) ботин имлига оид бирор сўзни китоб ва суннатга қарши ишлатмайди; в) кароматларни, сирларни, Аллоҳ билан ўзининг орасидаги хос сирларни элга билдиrmайди”.³

Жўнайд Бағдодий (ҳ.298 - 910м. йил вафот этган) айтади:

“Тасаввуф Ҳақнинг сендаги “сен”ни ўлдириши ва сени Ўзининг наздида тирилтиришидир”.⁴

Абу Амр Исмоил ибн Нужайд (ваф. 366 - 976й.) дейди:

“Тасаввуф амр ва наҳӣ остида сабр қилмоқдир”.⁵

Абу Саид ибн Абиль Хайр (ваф. 440 - 1048) дейди:

“Тасаввуф ақлингдаги барча ўй-хаёлларни тарк этишинг, кўлингдаги нарсаларни эҳсон қилишишнг ва сенга рӯпара келган воқеа-ҳодисалардан оҳ-воҳ чекмаслигингдир”.⁶

Абул Ҳафс ал Ҳаддод (ваф. 270 - 883) дейди:

“Тасаввуф - батамом одобдан иборат”.⁷

Абул Ҳусайн Нурий (ваф. 295 - 907) дейди:

“Тасаввуф нафснинг барча истакларини ва завқларини тарк этмоқдир”.⁸

Рувайм (ваф. 303 - 915) дейди: “Тасаввуф нафси Аллоҳнинг муродига тарк этмоқдир. Тасаввуф уч хислат узра қурилган: фақр ва ифтикорга ёпишмоқ, Аллоҳ йўлида мол-мулкингни аямай сарфлаб,

¹ Қушайрий. Рисола. Миср, 1318, 149-б.

² Абу Нуайм Исфаҳоний. Ҳиллятул авлиё. 1-ж, 23-б.

³ Қушайрий. Рисола. 12-б.

⁴ ўша асар, 150-б.

⁵ Суламий. Табақатус суфийя. Миср, 1389, 454-б.

⁶ Никольсон. Р.А. Фит тасаввуфил Исламий, 41-б.

⁷ Суламий, ўша асар, 119-б.

⁸ Суламий, ўша асар, 166-б.

ўзгани ўзингдан устун тутмоқ (ўзидан кўра кўпроқ бошқани ўйламоқ), таарруз - (шилдат кўрсатиш) ва ихтиёрни тарқ этмоқдир.¹

Имом Фаззолий (ваф. 505 - 1111) дейди:

“Тасаввуф қалбни фақатгина Аллоҳга йўналтириб, мосиво - Аллоҳдан бошқа барча нарсалардан буткул алоқани узишидир”²

Ибн Холдун (ваф. 808 - 1406) дейди:

“Тасаввуф ибодатда астойдил давом этмоқ, Аллоҳга йўналмоқ, дунёнинг bezak ва ёлғончилигидан юз ўғирмоқ, кўпчилик эътибор берадиган завқ, мол-дунё ва шон-шухратдан ҳам юз ўғириш, ибодат учун халқдан айрилиб, хилватга киришдир”.³

Абдулбори Надвий дейди:

“Тасаввуф руҳни баданий фонийликлардан поклаб, безаш ва ботиний сифатларида Жаноби Пайғамбаримизга эргашишни ўргатувчи илмдир”.⁴

Абдулҳаким Арвосий дейди:

“Тасаввуф шариатнинг ботинидир”.⁵

Кўриниб турибдики, ҳар бир олим тасаввуфни ўз дунёқарашига мувофиқ тарзда таърифлаган. Бу табиий. Чунки тасаввуф ҳар бир сўфиининг ички оламидаги руҳий жараён бўлиб, ёлғиз яшаш тарзи ва ҳиссиятига таалуқли фардий бир соҳадир. Шу боис ҳар бир сўфиий ўзининг ҳол ва мақомига кўра тасаввуфнинг маълум жиҳатини баён этганки, бир сўфиининг тасаввуф ҳақидаги таърифи бошқасиникидан фарқли бўлиши табиийдир.

Таърифларнинг фарқли бўлиши, сўфийларнинг маънавий мартабалари, табиати-машрабидаги фарқлар туфайли ҳам юзага келади.

Сиртдан бир-биридан фарқли кўринган бу таърифлар диққат билан текширилса, ҳар бири тасаввуфни тўғри изоҳлангалиги ва бу таърифларнинг муштарақлиги равшан кўринади. Мазкур таърифлардаги умумий муштарақ ҳусуслар қўйидагилардир:

- а) дунёдан юз ўғириб, қалбни Аллоҳга йўналтириш;
- б) Куръон ва суннат кўрсатган йўлда астойдил ибодат қилиб, руҳиятни софлаш;
- в) ибодат, зикр, тафаккур, риёзат ва мужоҳада орқали нафснинг орзуласини назорат остига олиш;
- г) Ҳақиқат билимини кўлга киритиб, Аллоҳга етишмоқ учун ғайрат кўрсатиш.

Бир илм йўналиши сифатида умумий таърифлаганда, “Тасаввуф

¹ Суҳравардий. “Авориғул маориф”, Байрут, 1966, 53-56-бетлар.

² Имом Ғаъзолий. “ал Мунқизу мінад далал”, 32-б.

³ Ибн Холдун. “Муқаддима”, тасаввуф боби.

⁴ Надвий. “Байнат тасаввуфи вал хаёс”, 6-б.

⁵ Арвосий. “Робитзи шариф”, 49-б.

инсон қалбидаги ёмон сифатлардан халос бўлиш чораларини ўргатувчи, қалбдаги эзгу сифатлар ва уларни кўлга киритиш йўлларини кўрсатувчи, маънавий мартабаларни босиб ўтиб, энг юксак мартаба булмиш “комил инсон” мақомига эришмоқ қоидаларини ўргатувчи ва ниҳоят, тавҳид сирларини баён этувчи бир илмдир” дейишимиз үмкун.

II. ТАСАВВУФНИНГ МАВЗУСИ

Демак, тасаввуф - Жаноби Ҳақнинг розилигига эришиш ва абадий саодатга ноил бўлиш учун нафсни тарбиялаш, ахлоқни гўзалаштириш, ботин ва зоҳирни нурлантириш, сурат ва сийратни поклаш ҳақида маълумот берадиган илм бўлиб, унинг мавзусини инсон ва хусусан, инсон руҳи, хулқи ва руҳоний тузилиши ташкил этади.

Тасаввуф ҳаётда яшаб, билиш орқали билинадиган ҳол илми бўлгани сабабли, Исломнинг ботиний жиҳатини ташкил этувчи “имон”, “эҳсон” ва Ҳақни таниб-билиш ҳам унинг мавзуси қаторига киради.

Тасаввуф илмiga оид маҳсус истелоҳлар ҳам унинг мавзуларидандир. Масалан, нафсини танимоқ, қалбидан огоҳ бўлмоқ, билмоқ, нафсини покламоқ, кўнглини тамизламоқ, мукошафа, мушоҳада, мақомлар, ҳоллар, курбият, вусул, фано, бақо, сукр, ишорат, илҳом ва ҳоказо.¹

III. ТАСАВВУФНИНГ ФОЯСИ

Ҳазрати Пайғамбаримиз (с.а.в.) “Мен гўзал ахлоқни адo этмоқ учун юборилдим”² дейиши билан сўнгги пайғамбар сифагида уз ри-солатининг ғоясини билдирганлар. Тасаввуфнинг ғояси ҳам ахлоқнинг камол мартабасига эришмоқ учун ҳар соҳада Расулуллоҳ (с.а.в.) кўрсатган йўлдан юриб, ботиний ва зоҳирий етуклик жиҳатидан Унинг ҳақиқий вориси бўлмоқ йўлини кўрсатишидир.

Тасаввуфнинг ғояси - Жаноби Ҳақнинг розилигига эришмоқ учун нафсни поклаб, гўзал ахлоқ этаси бўлишга интилмоқ, яъни Алдоҳ ва Расулининг хулқи билан ахлоқланишидир.

Инсон руҳ ва бадандан ташкил топган борлиқ бўлиб, унинг руҳи “илоҳий руҳ”дан ва “раббоний амр”дан, бадани эса “тупроқ”дан ва “балчиқ”дан ташкил топган. Латиф бўлган руҳ, жисм бўлган баданга киргач, моддий унсурларнинг руҳга кўрсатган таъсирлари, руҳнинг асл соғлигига зиён етказганлигидан ва инсон камолоти факатгина руҳнинг соғлигини муҳофаза қилиш орқали мумкинли-

¹ Моҳир Из. “Тасаввуф”, 72-б., Салжук Эройддин. “Тасаввуф ва тариқатлар”, 27-б.

² Имом Молик. “Муваккот”. Абу Ҳурайрасдан ривоят қилинган (Ажлуний. “Кашфу ҳафа”, 1-ж, 211-б.

гидан, руҳнинг 'бадан устидан ғалаба қозониши учун чора-тадбирлар кўриш-тасаввупнинг ғояси¹!

Ҳазрати Пайғамбаримиз(с.а.в.) давлат бошлиги ҳамда диний раҳбарлик вазифаларини тенг юритар эдилар. Диний раҳбарлигини ҳам икки қисмга айириш мумкин: а) диннинг фикҳий; б) диннинг мистик - руҳий жиҳатлари.

Расууллоҳнинг мистик раҳбарлиги тасаввупий раҳбарлигидан иборатdir. Зотан, тасаввупнинг бир ғояси, Расууллоҳдан кейин унинг руҳий ва мистик раҳбарлигини давом эттирадиган ҳақиқий ворислар, яъни авлиё ва сўфийлардан таркиб топган иршод наслини вояга етказмоқdir.

Қуръони карим инсондаги биологик ва физиологик хусусиятлардан ташқари яна бошқа илоҳий сирлар сақланганлигини, биз эса бу сирларни кашф этишга буюрилганимизни билдиради. Қуръон ташки дунёга тегишли сирларни кашф этиш билан бир қаторда, бизни ақл ишлатишга чорлайди ва яна бизни “ақл эгалари” дея сифатлайди. Ҳолбуки, илоҳий ва руҳоний сирларни кашф этишга чақирапкан, инсонни “лубб” эгаси сифатида эслайди. “Лубб” (яъни қалб) ҳақиқатни билишда ақлдан ҳам ўксакроқ бир воситадир... Шунинг учун ҳам тасаввупнинг ғояси инсон руҳида яширинган мазкур илоҳий сирларни кашф қилиб, юзага чиқармоқdir.²

Аъроф сурасининг 172-173-оятларида айтилганидек, инсон руҳлар оламида Аллоҳ билан, Унинг улуҳиятини тасдиқлаб, аҳду паймон қилган. Аммо дунёга келгач, бу моддий олам ташвишлари орасида кўпчилик инсонлар, “базми аласт”да Аллоҳга берган ваъдаларини унутиб, қалбларида мосивога - Аллоҳдан бошқа нарсаларга меҳр-муҳабbat қўйиб, яширин ёки очиқ ширкка йўл қўймоқдалар. Ана шу жиҳатдан тасаввупнинг ғояси - инсонга Аллоҳ билан қилган аҳду паймонини эслатиб, унинг зарурати ва сирларидан хабар бериб, инсон фитратида мавжуд бўлган Аллоҳга эришмоқ орзусини бу дунёдаёқ рўёбга чиқармоқ йўлларини кўрсатишдан иборатdir. Чунончи, Қуръоннинг кўп жойларида “охир-оқибат бизга қайтгувчисизлар”, “мутлақо бизга қайтасизлар”, “қайтиш фақит Аллоҳга қайтишdir” ва ҳоказо дейилган. Ўлимдан кейинги ҳаёт сирларини шу дунёда кашф этиш ва ўлмасдан бурун Аллоҳга эришмоқнинг чораси ҳам “ўлмасдан бурун ўлингиз” ҳадиси орқали баён этилмоқда. Демак, тасаввуп, инсонга “ўлимдан олдин ўлиш”нинг нима эканлигини ва қандай амалга оширилишини ҳам ўргатади.³

¹ Моҳир Из. “Тасаввуп”, 73-74-б.

² Яшар Нури Ўзтурк. “Қуръони карим ва суннатга қўра тасаввуп”, Истанбул, 1979. 22-б.

³ ўша асар, 23-26-б.

IV. ТАСАВВУФ СЎЗИННИГ КЕЛИБ ЧИҚИШИ

Тасаввуф калимасининг қаердан келганлиги ва тасаввуф аҳлига нима учун сўфий исми берилгани мавзусида турли қарашлар илгари сурилган. Дафъатан қараганда, бу ҳақда сўз юритиш шарт эмасга ўхшайди. Аммо мавзу атрофидаги фикр-қарашлар тасаввуфнинг мөҳиятига тааллуклидир. Баъзилар тасаввуфнинг Исломдан келиб чиққанлигига қарши даъволарини бу сўзининг келиб чиқиши ҳақидаги фикрлари билан ҳимоя қилганлар. Лекин бу даъволарга қарши ўлароқ ушбу мавзуга алоқадор Ислом мутафаккирлари ҳам ўз фикр-қарашларини илгари сурғанлар. Манбаларда зикр этилган асосий қарашлар қўйидагилардир:

а) Тасаввуф сўзи “Асҳоби суффа”дан пайдо бўлган. Бу нуқтаи назарга кўра, сўфийлар ҳолу ҳаракатлари билан Асҳоби суффага ўхшайдилар. Зоро, асҳоби суффа (супа) кўп вақтларини Масжиди Набавийнинг суффа (супа)сида ибодату зикр билан ўтказганлар.

Бироқ асҳоби суффа билан сўфиийларнинг яшаш тарзи бир-бирларига ўхшаш бўлса-да, асос жиҳатидан бу қараш тўғри эмас.

б) Тасаввуф калимаси «сафф»дан пайдо бўлган. Сўфиийлар Аллоҳнинг розилигига мувофиқ яшаганниклари туфайли охирадта Аллоҳ ҳузурида олдинги сафда турадилар, деган тушунчадан пайдо бўлган. Бу нуқтаи назар ҳам келиб чиқиш жиҳатидан тўғри эмас.

в) “Бану суфа”га нисбат берилиб, сўфий дейилган. Бану Суфа Мудор қабиласига мансуб бўлиб, Каъбатуллоҳга хизмат қилиб, Аллоҳ розилиги учун ҳалққа хизмат қилган ва астойдил ибодатга берилган бир сулоланинг исмидир. Сўфиийлар табиати жиҳатидан уларга ўхшатилиб, бу қараш олға сурилган. Келиб чиқиш қоидасига мувофиқ бўлса-да, бу қабила Исломдан аввал бўлгани, Исломдан кейин у ҳақда сўз юритилмагани боис, сўфиийларнинг ўхшатилиши ҳам ўринисиз. Агар бу қараш тўғри бўлганида эди, сўфий сўзи саҳобалар давридаёқ ишлатилган бўлиши керак эди.

г) Сўфий калимасининг асли “сафовий” бўлиб, талаффузи қийин бўлгани учун “вов” билан “фа” ўрин алмашган. Бу қараш ҳам эътиборга лойиқ эмас.

д) Сўфий сўзи “сафо” ёки “савф”дан келиб чиққан деб айтилади. Бу қарашга кўра, сўфий дунёвий кирлардан қалби гозаланиб, поклангани учун бу номга сазовор бўлган. Имом Қушайрий ушбу қараш тарафдори. Бу даъво келиб чиқиш қоидасига мувофиқ эмас.

е) Тасаввуф, бир ёқлама бўлиш, юз ўгириш маъноларини билдирувчи “савф” сўзидан олинган дейилади. Аллоҳга эришганлар мосиводан юз ўгирганилари учун уларга сўфиий, юрган йўлларига эса тасаввуф дейилган.

ё) Сўфий калимаси юончча “ҳикмат” (фалсафа) маъносини билдирадиган “софос-софиа”дан олинган. Умар Фарид Кам (1861-1944) “Ваҳдати вужуд” асарида (76-бет), Шамсиiddин Сомий (1850-1905) эса “Қомуси туркӣ” асарининг “тасаввуф” ва “сўфий” моддаларида ушбу фикрни ёқладилар. Шайх Саффат Йеткин ҳам шу нуқтаи назарни ҳимоя қиласи.¹ Исмоил Ҳаққий Измирли эса бу нуқтаи назарни рад этиб, қуидаги далилларни илгари суради: зоҳидлик йўлига сулук қилган кишиларнинг “сўфия” исми билан машхур бўлишлари, юончча асарларнинг таржима қилиниши ва фалсафанинг мусулмонлар орасида тарқалишидан аввал содир бўлган. Малик иби Динор (ҳ.131-м.748-49), Робиятул Адавийя (ҳ.135-м.752-53), Шақиқ Балхий (ҳ.153-м.770) ва Фузайл ибн Аёз (ҳ.161-м.778) шундай кишилардандир. Илк бор сўфий исми билан ғаталган зот 150ҳ.-767м. йилда вафот этган Абу Ҳошимдир. Бундан ташқари сўфий номи юончадан олинганда эди, унинг истемолга кириши юон китобларининг таржима қилиниши билан фалсафа лафзининг тарқалишидан кейин рўй берган бўларди. Нима учун сўфияга фалосифа (фалсафачилар) дейилмайди?! Модомики, сўфиянинг асарларида, сўзларида фалсафий баҳслар бор экан, нима учун файласуфларга сўфия дейилмаган? Модомики, файласуфларнинг асарлари ва сўзларида тасаввуф баҳси бор экан, Исломда ҳикмат ва фалсафа билан шуғулланганларнинг энг аввали бўлган Яъқуб ибн Исҳоқ-ал Киндий (ҳ.329-м.940)га нима учун файласуф дейилган-у, сўфий дейилмаган?²

Олим Нўлдеке ҳам юончадаги “с” ҳарфининг арабчага “син” шаклда ўтганини, сўфий эса юончадан олинган бўлса эди, “сад” билан эмас, “син” билан ёзилиши кераклигини айтган.³

ж) сўфий калимаси жун, юнг маъносидаги “суф” сўзидан олинган. Рангизиз, дағал жундан тикилган либос киймоқ у даврларда гуноҳдан пушаймон бўлишнинг аломати эди. Муҳосибийнинг фикрича, жунли либос кибрни ўлдириб, одамни камтарин қиласи. Малик ибн Динор, Утба ва Суфёни Саврийларнинг жунли либос кийганликлари ривоят қилинади. Анас ибн Моликдан ривоят қилишларича, “Пайғамбар алайҳиссалом бир кишининг даъватига ижобат қилиб, эшагига минар ва жунли кийим кийиб борар эдилар. Сўфийлар ҳам жунли кийим - пайғамбарларнинг кийими ва тавозе белгиси бўлганидан жунли либос киярдилар. Оқ рангли жунли кийим кийиш хижрий III-асрдан эътиборан сўфийлар томонидан расмий либос сифатида мақбул кўрилган.

¹ Ироқий Фахриддин . “Ламаот”, Саффат Йеткин таржимаси, Истанбул, 1985, V-VII б.

² Эроидин С. ў.а. Истанбул, 1981, 26-б; Жаридай илмийя, 2345-46 бетдан.

³ Никольсон. ў.а. Афиғий таржимаси, Қоҳира, 1956, 67-б.

Сўфий калимаси хақида тўғри қараш ана шундан иборат. Бунинг тўғрилигига кўп олимлар билиттифоқ келишганлар. Франсиялик шарқшунос Луиз Массигнон ҳам ушбу фикрда (“Ассай”, 34-37 бет).

Турли хил талқинларга қарамай, бу мавзуда узил-кесил хулоса кўйидагича: қайси сўздан келиб чиққан бўлишига қарамай, “сўфий” калимаси сўфийлик сифатига эга кишилар гурухининг номи бўлиб, сўфийлик йўлини танлаган киши “сўфий”, у юрган йўлга эса “тасаввуф” дейилади. Бундан ташқари, сўфийлар дунё билан қалбан алокани узуб, юртларини тарк этиб, шахарма шахар кезгандари учун уларни “сайёхун” (саёхатчилар) ва “ғуррабо” (ғариблар), гаомни оз еганлари учун “жуийя” (қорни очлар), молу давлатга рағбат қилмаганлари учун “фуқаро” (фақирлар), чўлларда кезиб, ғорларда яшаганлари учун Хурросон ахли томонидан “шикафтийя” деб ҳам аталганлар.

V. ТАСАВВУФ ИЛМИНИНГ ПАЙДО БЎЛИШИ ТАРИХИДАН

Фикҳ, тафсир, калом ва бошқа зоҳирий илмлар каби тасаввувф илми ҳам хижрий II ва III асрларда пайдо бўлди. Албатта, бу илмининг бошқа илмлардан фарқли жихатлари мавжуд. Тасаввувф илмининг қандай қилиб дунёга келгани ва қандай хусусиятларга эга эканлиги тўгрисида Ибн Холдун “Муқаддима” асарида аниқ-равшан маълумот берган. Мухимларини қўйида нақл этамиз: “Бу илм, Ислом жамиятида пайдо бўлган шаръий илмлардандир. Унинг асли будир: тасаввувф ахлининг йўли, сахоба ва тобеиндан бўлган салафлар назарида Ҳақ ва хидоят йўли эди. Тасаввувф йўлининг асоси, дунёни зеб-зийнатию гўзалликларидан юз ўғирмоқ, ўткинчи дунё завқларидан кўнгилни айириб, Ҳаққа йўналмоқ ва тоат-ибодатга астойдил бел боғламоқдир. Ҳижрий II-асрдан бошлаб мусулмонлар орасида дунё севгиси кучайиб кетгач, тоат-ибодатга берилганлар тоифаси сўфий ва мутасаввиф исмлари билан танилдилар. Бу исм иштиқоқ жихатидан “сүф”дан келиб чиққан. Чунки улар чиройли либосларни тарк этиб, сүф-жун кийиб, дунёпарастларга зид иш Қилганлар. Улар зуҳд, узлат, ибодат ва тоатга қаттиқ берилгач, ўзларига хос важд(жўшиш) ва бошқа холларга эга бўлдилар. Бунинг сабаби ва хикмати эса бундай: инсонни бошқа жониворлардан ажратиб турувчи жихат - ақлу идрок эгаси эканлиги. Идрок икки хил: биринчиси, илму маърифатли идрок бўлиб, яқийн, гумон, шубха ва вахимадан иборат. Иккинчиси эса, роҳат-фароҳат, фам-ташвиш, қабз, баст, ризо, ғазаб, шукр ва сабр каби ўзи билан қоим бўлган холларни идрок этишдир. Булар инсоннинг мумаййиз (яхшини ёмондан ажратса олувчи) сифатлари бўлиб, бир-бирига таъсир қиласи.

Чунончи, далиллардан хулоса: ғам чекадиган ва хурсанд бўладиган нарсани идрок этишдан ғамгиналик ва шодлик хосил бўлади. Муридинг ҳоли ҳам муҳоҳада ва ибодатида ана шундай. Муридинг ҳар муҳоҳадаси оқибатида бир ҳол зуҳур этиши зарурдир. Бу ҳол бир нави ибодат бўлиб, ундан пайдо бўлган завқ мурид учун бир мақом бўлади ёки ибодат навидан бўлмай, севинч, шодлик дангасалик сингари нафса хосил бўлган ҳар қандай кайфият мақом бўлади. Мурид шу тарзда бир мақомдан бошқа бир мақомга кўтарилиб, нихоят асл фоя бўлган - тавхид ва маърифат мартабасига эришади. Чунончи, Расулуллоҳ(с.а.в.) “Ким Аллоҳдан бошқа илоҳ йўқлигига гувоҳлик бериб вафот этса, жаннатга боради” деганлар. Демак, мурид бу мақомларда юксалиши керак. Бу мақомларнинг асли эса имонга таянган ибодат ва ихлос бўлиб, уларга юксалган кишида ҳар мақомнинг самараси бўлган баъзи ҳоллар ва сифатлар пайдо бўлади. Бу ҳоллардан эса бошқа ҳоллар зуҳур этади ва натижада тавхид, ирфон мартабасига юксалади. Агар натижада бирор қусур ва камчилик рўй берса, бу олдинги мақом ва ҳолдаги бир нуқсондир. Нафсоний хотиралар ва қалбий ўй-фикрлар борасида ҳам ахвол шундай. Шунинг учун мурид нафс хисоб-китобига мухтож. Чунки амалларнинг оқибати албатта ошкор бўлади. Агар натижада камчилик кўрилса, бу унга сабаб бўлган амалдаги нуқсондан дедик. Мурид буни ўз завқи орқали билади ва аввалги ҳолларини хисоб-китоб қиласди, аммо жуда кам инсонлар бу йўлдан юрадилар. Бу мақомга жуда оз кишилар эриша оладилар. Буларга эса солик дейдилар. Чунки инсонларнинг кўпига бу ахводдан ғафлатда. Солик бўлмаган ибодат ахли фикҳий илм қоидаларига кўра тоат-ибодатини ихлос билан бажараверадилар. Сулук ахли эса қылган ибодатининг камчиликдан ҳоли бўлиб, бўлмаганини англамоқ учун завқ ва важд билан ибодатларининг натижаларидан баҳс этадилар. Мазкур изоҳлардан шундай хулоса чиқадики, тасаввуф ахлининг асл йўли - феъл ва тарқ узра нафсини хисоб-китоб қилиш ва муҳоҳадалар натижасида хосил бўлган завқу важд ҳоллари ҳақида сўз юритишдан иборат. Шу ҳолда уларнинг ўзларига хос баъзи одобу усуллари, ўзаро ишлатиладиган маълум истилоҳлар бор. Чунки луғатлардаги қалималар фақатгина ҳамма англайдиган маъноларга далил бўлганидан, ҳамма англамайдиган маъно пайдо бўлгач, уни ифодалайдиган таъбир ва истилоҳ қидириб топилиши табиийдир. Ана шу тарзда фақатгина мутасаввиғларга хос бўлиб, оддий шариат ахли билмайдиган тасаввуф илми юзага келди ва шариат илми ҳам икки қисмга ажралди: бири фақих ва фатво ахлига хос бўлган фикҳ илми бўлиб, барча мусулмонлар билиши зарур бўлган ибодатлар: исломий муомалалар шулар жумласидандир. Иккинчиси эса, тоат-ибодатлар муҳоҳадаси туфайли пайдо бўлган завқу важд бўлиб, буларга биридан иккинчисига юксалишнинг моҳияти ва

буларга тегишли истилохларнинг изохланишидан иборатdir. Илмлар аста-секин кўнгиллардан сатрларга кўчиб, фикҳ, усули фикҳ, қалом, тафсир ва хоказо илмларга оид асарлар ёзила бошланганида, тасаввуф йўлига мансуб кишилар ҳам ўз тариқатларига доир асарлар бита бошладилар. Уларнинг баъзилари вараъ, тақво, ахз ва таркка аҳамият бериб, нафс ҳақида китоблар ёздилар. Мухосибийнинг “Ар риоя” асари бунга мисол. Баъзи тариқат ахллари эса тариқат одоби ва тариқат ахлининг завқу важда ҳолларига доир рисолалар ёздилар. Имом Қушайрийнинг “Ар рисола”, Суҳравардийнинг “Аворифул маориф” асарлари шулар жумласидандир. Имом Ғаззолий эса мазкур икки йўлни жамлаб, “Ихёу улумиддин” асарини ижод этди. Сўфийлар тариқати дастлаб фақатгина тоат-ибодатдан иборат бўлиб, ҳукмлари тасаввуф араббларининг сўзларидан ўрганилар экан, тафсир, ҳадис, фикҳ ва бошқа илмлар зухур этганидек, тасаввуф илми ҳам мусулмонлар орасида мустақил бир илм сифатида пайдо бўлди. Сўфийлар қилган муҳоҳада ва зикрлари соясида кўпинча хиссиёт пардалари кўтарилиб, илоҳий оламлардан бўлмиш ғайб оламларига рўбарў келадилар. Ҳис-туйфулардан нарига ўтолмайдиган ахли хис мазкур оламлар ҳақида ҳеч нарса идрок этолмайдилар. Рух ҳам ушбу ғайб оламидандир. Бу кашфнинг сабаби қўйидагичадир: Рух зоҳирий туйгулардан халос бўлиб, ботинга ўйналса, туйғу аъзоларининг хис ва идроклари заифлашади. Унга сари рух кучаяди, салтанати ортади ва тобора ривож топади. Зикр ҳам унга ёрдам беради. Чунки зикр рухнинг инкишофига озуқадир. Шу тарзда рух доимо ривожланиб, “ilm” мартабасидан “шуҳуд” мартабасига чиқади; хиссиёт пардалари батамом кўтарилади ва нафснинг зотий мавжудияти тамом бўлади - ана шу идрокдир. Нафс ва рух бу мартабага юксалгач, баъзи илоҳий эҳсон-икромларга, ладуний илмларга, ғайб оламига оид сирларга эришади. Нафслари билан курашда давом этувчиларнинг кўпчилигида бу ҳолат мавжуд бўлади. Бундайларга кашф ахли дейилиб, улар вужуд ҳақиқати борасида бошқалар англаб етмайдиган сирлардан воқиф бўладилар. Кўпинча келажакдаги ҳақиқатларни аввалдан идрок этадилар. Айрича, қалбий химмат ва нафсоний қувватлари билан моддий оламда тасарруф эгаларига айланадилар. Аммо буюк мутасавифлар бу кашфларга ҳам эътибор бермайдилар. Тасарруф мавзусига кирмайдилар ва ўзлари маъмур бўлмаган жихатларнинг ҳақиқатидан хабар бермайдилар. Аксинча, ўзларида зухур этган бу кашфларни бир имтиҳон деб қабул қиласидилар ва ундан Аллоҳга тавба қиласидилар. Чунончи, асхоби киром ана шу тарзда муҳоҳада қилганлари боис бундай кароматларга бошқаларга нисбатан кўпроқ эга эдилар. Аммо бундай кашфу кароматларга эътибор бермасдилар. Жумладан, хулафои рошидиннинг кашфу кароматлари кўп эди. Қушайрийнинг “Рисола”сида ўрин олган тариқат улуғлари ва кей-

инчалик уларнинг йўлидан юрганлар ҳам бу хусусда асҳоби киромга тобе бўлганлар. Кейин чиқсан мутасаввифларнинг баъзилари эса бундай кашфу кароматлар ва ғайб оламига алоҳида эътибор бериб, буни ўз сулукларининг ғояси деб санаганлар. Рухларни инкишоф эттириб, туйғуларини заифлаштириш усувлари фарқли бўлганидан, уларнинг риёзат йўллари ҳам турличадир. Улар мазкур кашф ҳолига эришганларида, борликнинг барча сирларини идрок этиб, хақиқатларни тугал кашф этдик деб ўйладилар.

Ибн Холдуннинг ёзиича, Имом Фаззолий ўзининг “Ихё”сида бундай кашфу кароматга эга бўлган сўфийларга ён босмайди. Чунки риёзат ва хилват натижасида баъзи ғайримуслимларда ҳам шундай ҳоллар хосил бўлади. Эътиборга лойиқ жихати шуки, кашфу каромат шариатда истиқоматнинг тўғрилигидан келиб чиқсан кашфdir, дейди. Бу изоҳлардан маълум бўлмоқдаки, тасаввуф илми - мавзу, ғоя, усул жихатидан бошқа шаръий илмлардан ажралиб туради. Унинг бошқа диний билимлар орасидаги ўринини кўйидаги муносабат орқали аниқлаш мумкин: маълумки, фикҳ, тафсир, хадис илмлари хис, ақл ва нақлга таянади. Диний хужжатларнинг зоҳирий маънолари асос қилиб олинади. Буларда ақл ушбу хужжатларга бўйсунади. Калом илмининг манбаи ҳам хис, ақл ва нақлдир. Аммо калом илмida ақлга кўпроқ эътибор берилиб, диний хужжатларни асос қилиб олган ҳолда, фалсафа усулидан фойдаланилади. Фалсафанинг йўли хис ва ақл бўлиб, ақл хужжатдан олдин келади. Тасаввуфнинг йўли эса булардан айрича, унинг йўли - “кашф” йўлидир. Манбаи хис, ақл ва хужжат билан бир қаторда диний хаёт тарзига асосланган завқ, илҳом ва кашфdir. Шу билан бирга шариат ҳукмларига итоат қилиш ҳамдир. Кашф йўлига асосланмоқ билан бирга шариат ва тиний хужжатларга эътибор берилмаган йўлга эса “ишрок” (ширк келтириш) йўли дейилади. Қисқаси илм эгаллашда икки бош йўл бор: I) назар ва истидол (хужжат келтириш); ақл ва мантиқ йўли бўлиб, бу йўлдан агар диний хужжатларга асослансанса, калом илми, асосланманса фалсафа илми пайдо бўлади. II) риёзат ва муҳоҳада, кашф ва сезги (басират) йўли; бу йўл орқали қўлга киритилган илмга, агар шариат ва диний хужжатларга таянса, тасаввуф, таянмаса ишрок фалсафаси дейилади. Бу изоҳдан келиб чиқсан ҳолда дейиш мумкинки, тасаввуф илми диний хужжатларнинг зоҳирий ҳукмларга кўра амал қилишни ўзига асос қилиб олгани туфайли фикҳ, тафсир ва хадис орқали назар ва истидолдан фойдаланса, калом ва фалсафа билан ҳамкор-муштарак хусусиятга эга бўлади. Булар билан бир қаторда кашф, илҳом ва сезгини ўзи учун билим манбаи деб билиши сабабли, бошқа илмларда бўлмаган турли шахсларга тегишли бир хусусиятга ҳам эришиб, исломий илмларнинг мустақил бир жабхасини ташкил этмоқда.

VI. ТАСАВВУФИЙ ТУШУНЧАНИНГ ХУСУСИЯТЛАРИ

Фиқҳ, тафсир, хадис ва қалом каби илмлардан ташқари, мустақил бир илм соҳаси сифатида хижрий II-асрнинг охиридан бошлаб жамлана бошлаган тасаввуфнинг ўзига хос баъзи хусусиятлари мавжуд. Чунончи:

а) Тасаввуф, асос эътибори билан Қуръони карим ва ҳадиси шарифларга асосланган илмидир. Тасаввуф мавзусида асар ёзган муаллифлар, барча фикрларини ё бир ояти каримага ёхуд бир ҳадиси шарифга таянган ҳолда билдиришган. Бу хусусият тасаввуф тарихининг ҳар саҳифасида ҳукми жорий этилган хусусидир. Ҳижрий IV ва V-асрлардан эътиборан тасаввуфнинг ичига кирган бир қанча ташқи - бегона фикрлар, унинг бу хусусиятига зиён етказмайдилар. Хуллас, тасаввуф Исломдан пайдо бўлган ва исломий хусусиятни давом эттирган илм соҳаси ва фикрлаш тизимиdir. Тасаввуф қиёфасида майдонга чиқкан баъзи ботил мазҳаб ва ҳаракатларни ҳақиқий-асл тасаввуфга қориштирмаслик керак.

б) Тасаввуф назарий бўлиши билан бирга, тажрибада кўринадиган амалий илм ҳамдир. У фақатгина назариёт билан чекланиб қолган тушунча эмас. Чунки тасаввуф кўрсатган мақсадларга фақатгина тушунча ва ўрганиш билан эмас, амал қилиш орқали эришмоқ мумкин. Бу ерда амал дейишдан мақсад, фақатгина ибодат эмас, ҳаётнинг ҳар бир дақиқасида маълум бир ният ва мақсадга кўра қилинган ҳар бир фаолиятдир. Тасаввуф - ҳаётни батамом феълан Қуръон ва суннатга кўра белгилашни талқин этади. Коинотдаги ва инсоннинг ички оламидаги сирларини кашф этмоқ ва илоҳий ҳақиқатни англомоқ фақатгина амал қилиш орқали мумкин бўлади. Имон ҳам фақатгина шу орқали камол топади. Тасаввуфий имон - амалий имондир. Калом ва фалсафа имонни мужаррад (фардий) ва ақлий бир ҳодиса сифатида баҳолайди. Тасаввуф эса имонни ахлоқий турмуш тарзи, ўзаро ҳамжиҳатлик, меҳр-муҳаббат ва ҳол сифатида баҳолайди. Яъни тасаввуфий имон статик (турғун) эмас, динамик (фаол)дир.¹

в) Тасаввуфда билим манбаи сифатида соглом фикр ва ақл билан бир қаторда илҳом, кашф ва сезгига ҳам ўрин берилган. Сўфийлар назаридаги ақл ва нақл маълум ўлчовларда билим манбаи бўлиш билан бирга, энг олий ва энг қудсий билимлар кашфу илҳом билан, яъни сезги орқали ҳосил қилинади. Бу йўл орқали эришилган билимга сўфийлар илм эмас, “маърифат”, “ирфон”, “илми мукошава”, “илми ладун”, “илми ваҳбий” каби номлар берганлар. Сезги орқали эришилган “ирфон” - Аллоҳ ва унинг сифатлари ҳақида бевосита маълумот беради. Ақл ва диний ҳужжатлар эса билвосита маъ-

¹ Ўзтурк Я.Н. ў.а. 64-6.

лумот беради. Ботиний тажриба ва маънавий мушоҳадага асосланган бевосита маълумот - “ирфон”, диний ҳужжатларнинг ривоят қилиниши ёки ақлий қиёс ва ҳужжат келтиришга асосланган маълумотлардан, яъни илмдан муҳимроқ ва қадрлироқдир.

г) Тасаввубий билимларнинг энг муҳим хусусиятларидан бири янги, асл ва оригиналлигидир. Бунинг сабаби эса манбайнинг бевосита сезги ва илҳом эканлигидир. “Маърифат”нинг хусусиятларидан бири унинг янгилиги. Сўфиylар ояту ҳадислардан барчага маълум маънолар билан бир қаторда янги маънолар чиқаришга ҳаракат қиласидар. Улар Қуръонни ўқиёнусга ўхшатган ҳолда ўқир эканлар, уни бевосита Аллоҳдан тинглашга тайрат қиласидар. Гё ѹроат онида оятлар ўзларига нозил бўлаётгандек ҳис этиб ўқийдилар ва қулоқ соладилар. Бу ҳақда Ином Шаъроний бундай дейди: “Бирор валий янги бир шариат ижод этмайди, аммо Қуръон ва ҳадис тўғрисида янгича қарааш кашф этади. Авваллари бу қараашдан бехабар бўлганлари учун, тасаввубий йўлига ишонмаганлар, кашф этилган бу қараашни қабул этолмайдилар ва уни ҳатто қоралаш ниятида “яхшику-я, аммо илгари ҳеч ким бундай демаган-ку?” дейдилар.¹ Салафчи ва қаломчиларнинг тасаввубфа қилган ҳужумлари ана шу сабаблидир. Улар шу баҳонани пеш қилиб, сўфиylарни “диннинг гоясини булғаяпти, ўзгартиряпти” деб айبلاغилар. Салафийянинг нақлга ва қаломийянинг ақлий ҳужжат келтиришга асосланган статик ва ўзгармас исломий қарашига муқобил сўфиylар ўзгарувчан ва динамик қараашга эга бўлганлар. Бу нуқтаи назар доирасида сўфиylар Исломнинг тамал ўлчовларига мувофиқ исломий қарааш тизимиға янгича ва оригинал услугуб қўшганлар.²

д) Тасаввубий билимга эга бўлиш методи қалбнинг покланишидир. Бу иш китоб ўқиш, ёдлаш билан амалга ошмайди. Ақлий ҳужжат келтириш билан ҳам амалга ошмас. Зеро, бу иш назарий эмас, амалийдир. Шунинг учун “тасаввубий қол (сўз) илми эмас, ҳол илмидир” дейилган. “Ҳолва деган билан оғиз чучимайди” мақоли ҳам шунга ишора. Қалбни поклаш ҳақиқий ихлос билан амал қилиш, ибодатга берилиш, диннинг буйруқларини бажариб, ман этгандаридан қайтишидир. Шу орқали қалб софлашиб, тиниклашади ва илоҳий билимлар тажалли этувчи маконга айланади. Бундай ҳолга келган қалбларга Аллоҳ таоло баъзи билимларни эҳсон этади. Шу боис тасаввубий билимга “ваҳбий илм” ҳам дейиллади. Негизи илоҳий бўлгани сабабли “ладуний илм” ҳам дейилганки бу илм кишининг касбкорига алоқадор эмас. Бошқача қилиб айтганда, қилинган амал ва муҳоҳада-интилишлар бу йўлда фақатгина тайёргарлик саналиб, ил-

¹ Шаъроний. Табакатул кубро, Миср, 1954, 1-ж, 6-б.

² Улудог Сулаймон. Ислом тафаккурининг тузилиши, Ист. 1979, 128-129-б.

мга эришишни қийинлаштирумайди. Аллоҳ истаган бандасига бу илм-ни эҳсон этади, истамаса йўқ. Шуниси ҳам ҳақиқатки, “ваҳбий илм-”га эриша билмоқ учун ибодат ва муҳоҳадалар орқали қалбнинг покланиши ва қалбдаги зулмат пардаларининг бартараф этилиши шарт.

Илҳом, тасаввуфда билим манбаи сифатида биринчи даражали аҳамият касб этиши маълум. Баъзи машҳур тасаввуфий асарларга қўйилган номлар бунга далиллар. Масалан, нақибандия тариқати мансублари Имом Раббонийнинг асарига “Мактуботи қудсия” дея унга қудсийлик изофа этадилар. Мавлавийлар Румийнинг “Маснавий”сига “Мағзи Қуръон” дейдилар. Ҳатто бу асарни форс тилидаги Қуръон дейишгача ҳам боргандар. Ибн Арабий эса “Футуҳотил Маккия” асарини Маккадаги ҳаёти чоғида рўй берган фатҳлар, файзу илҳомлар туфайли, “Таназзулоти мавсииля” асарини эса Мусулда яшаган пайтида ўзига келган илҳомлар сабабли қаламга олган. Бу ҳақда Ибн Арабийнинг қўйидаги сўзлари ўта аҳамиятлидир: “Аллоҳга ҳамдлар бўлсин, илм борасида ҳазрати Расулуллоҳдан бошқасига тақлид қўлмадим. Билимларимиз батамом нуқсондан холи сақланган бўлиб, нақл ва ривоятга суюнмайди”. “Аллоҳга шукрлар бўлсин, айтган сўзларимизнинг барчаси Аллоҳ қалбимизга солган илҳомга таянади”. “Ёзганларимиз ва ёзаётганларимизнинг ҳаммаси имлойи Илоҳийга, илкойи Раббонийга ва нафаси руҳонийга суюнган. Билимимиз ваҳйи қалом эмас, балки ваҳйи илҳомдир”. “Бизнинг ва бу йўлдагиларнинг билим манбаи ақлу фикр эмас, файзи илоҳийдир”. “Билимимизнинг барчаси завққа, яшаш ва ички тажрибага асосланади. Улуми завқийянинг манбаи илоҳий тажаллидир. Баъзан тўғри хабар ва соғлом назар орқали билимга эга бўлмоқдамиз”. “Футуҳот”нинг бирор қисмини иродамга ва ақлимга асосланаб ёзганим йўқ. Ҳақ таоло илҳом малаги орқали қай тарзда имло эттирган бўлса, уша тарзда қаламга олдим. “Асарларимни ақлу фикрга таяниб эмас, илҳом фариштасининг қалбимга қўйган нафасга асосланаб ёзман”. “Соғлом ақида батамом кашфу шуҳудга асосланади”. “Кашфда қатъийян хато бўлмас, аммо диний ҳужжат келтиришда янгиликлар бўлар”!¹ Ибн Арабий “Фусусил ҳикам” асарини ҳам тушида пайгамбаримиз (с.а.в.)ни кўриб, у зотнинг буйруқ ва маслаҳатлари билан ёзганини ўзи шу асарида қайд этган.

Имом Ғаззолий ҳам “Иҳёи улумиддин” асарининг “таваккул” бобида тавҳиднинг тўрт мартабаси борлигини писта мисолида бундай шарҳлайди:

1. Пистанинг ташқи яшил пўсти.
2. Бу пўстнинг остидаги қаттиқ пўст.

¹ Улудоғ С. ўша адабиёт. 138-140-б.

3. Пистанинг ичи.

4. Пистанинг ичидаги ёғ. Биринчисига қиширул қишр (пўстнинг пўсти), иккинчисига қишр (пўст), учинчисига лубб (мағзи), тўртнинчисига луббул лубб (мағзининг мағзи) дейилади. Зоҳирий олимлар назидаги тавҳид ё пўсти, ё пўстининг пўстидир. Орифлар назаридағи тавҳид эса ўзи-магзи ёки мағзининг мағзидир. Улуғ орифлар дин руҳи, улуҳият сирри ва рубубият илмидан воқифидирлар.

Фаридуддин Аттор “Тазкиратул авлиё” асарининг ибтидосида тасаввуфий билимлар назидаги зоҳирий илмларнинг қадр-қийматини қўйидағича ифодалайди: “Ирфон амал ва ҳолнинг натижасидир. Ёдлаш ва сўзлашнинг маҳсули эмас. Ирфон- аёндир, баён эмас асрордир, такрор эмас; ваҳбийдир, касбий эмас; ҳис қилиш ва яшашдир, эшитиш эмас. Ва ниҳоят ирфон - “аддабани Рабби” (Парвардигорим мени тарбиялади) каби бўлиб, “алламани аби” (отам менга ўргатди) туридан эмас.

Машхур сўфий Боязид Бастомийнинг сўzlари ҳам аҳамиятга молик: “Мискинлар ўликнинг ўликдан айтган ривоятига асосланади. Ҳолбукни, биз Ҳайй ва доим тирик бўлган Аллоҳ таолодан илм оламиз”!¹

Ибн Арабий машхур калом олими Фахриддин Розийга ёзган бир мактубида бундай дейди: “Эй дўстим, илмда камолотга эришмоқ учун нақл ва устоз изламасдан, воситачисиз илмни бевосита Аллоҳдан олмоқ даркор. Фақатгина нақл ва устоз орқали билим олган кишилар умрларини маҳлукот билан машғул этароқ тугатадилар. Парвардигорларидан завқу насиба ололмайдилар..Бир шайхга интисоб қилиб, тасаввуф йўлига кирсанг, ҳеч чарчоқ билмай, заҳмат чекмай, Хизр каби илҳом орқали соғлом билимга эришасан. Назарга, фикрга, гумонга ва тахминга эмас, балки фақатгина кашфу шуҳудга асосланган билим - ҳақиқий билимдир”².

Кўриниб турибидики, мутасаввифлар илоҳий ҳақиқатларни кашф этишда ва метафизик масалаларга оид билимларни эгаллашда ақлга, нақлга ва восита орқали ўрганишга кўп эътибор бермайдилар. Энг соғлом билим воситаси сифатида кашфу илҳомни тан оладилар. “Башарий ақл сўз ва ишларимизда ярайди, аммо ҳол бобига келганда қийматсиз”, деган экан Жалолиддин Румий.

Мутасаввифларнинг ақлга нисбатан ҳақиқий қарашларини олим Исмоил Фанний Эртуғрул бундай ифодалайди: “Бошқа динлардаги мистицизмни билмаймиз, аммо мукошафа арбоби бўлган мусулмонлар ақлни ҳеч қачон тарқ этмаганлар ва унга лоқайд қарамаганлар. Лекин ақлни идрок эта оладиган ҳақиқатлар учун ишлатганлар. Ақл

¹ Улудог С. 145-б.

² Улудог С. 154-б: Шаъроний. Лавокихул анвор, 80-б.

идрок этиш мумкин бўлмаган ҳақиқатларни кашфу илҳом орқали англашга ҳаракат қилгандар”¹.

VII. ТАСАВВУФ ВА ҒАРБ МИСТИЦИЗМИ ОРАСИДАГИ ҒАРҚЛАР

Исломнинг мистик жабҳасини ташкил қилувчи тасаввуфни, мистицизмдан ажратиб турувчи бъэзи унсурлар мавжуд. Қўйида Ислом тасаввуфи билан мистицизм орасидаги маълум фарқларни эслаб ўтсак фойдадан холи бўлмас.

Мистик тушунчанинг энг биринчи ўзига хос хусусияти-сирилиги дидир. Бундай тушунча тарзининг асоси - илоҳий билим ва яширин тутилиши лозим бўлган сирлар мавжудлиги. Асли лотинча сўз билан мистицизмнинг маъноси ҳам “яширин, тилсиз, оғиз очмаслик ва кўз юмиш” деганидир.

Мистицизмга кўра ҳақиқатга мистик йўл орқали етишилади. Фалсафий ва диний характерга эга бўлган мистицизмнинг фалсафий қисмида эришилган натижалар изоҳланади ва ҳимоя қилинади, диний мистицизмдаги ҳолат баҳслашилмайди. Мистицизмнинг ғояси - ҳақиқатни топиш, Аллоҳга эришмоқ ва маънан қониқишидир. Бу ғояга эришмоқ учун ҳар бир жамият турли мистик, ўзига хос бъэзи тамойилларни ўргата кўндаланг қўйган. Вақт ўтган сайин булар мактаб ҳолига айланган: Шарқда ҳиндуизм ва бутпарастлик, ғарбда Орфеус ва Плотиниуснинг фикр-қарашлари шулар жумласидандир. Ушбу асаримизда Исломдан ташқарида ривожланган мистик жараёнларни алоҳида текшириб ўтирамаймиз. Фақатгина Ислом тафаккурининг мистик жиҳатини ташкил қилувчи тасаввуфнинг мистицизм билан бъэзи ўхшаш томонлари мавжудлиги сабабли Ислом тасаввуфи билан “мистицизм” ўргасидаги фарқларни қисқача аниқламоқчимиз. Рўйи заминдаги барча динлар ва тизимларнинг муштарак хусусиятларидан бири - уларда бъэзи мистик томонларнинг мавжудлигидир. Аммо бу ҳолат барча мистик жараёнларнинг айнан бир-хил бўлишини тақозо этмайди. Ҳар бир дин ва фалсафа таркибида алоҳида равишда ўсиб улғайган мистик жараёнлар ўзаро фарқларни ҳам юзага келтиради. Шу боис тасаввуда мистик хусусият билан бир қаторда бошқа, ўзига хос хусусиятлар ҳам мавжуд бўлиб, мистицизмдан тамоман фарқидир. Ҳам тасаввуфни, ҳамда ғарбу шарқ мистицизмини жуда яхши билган Рене Гюнон (1951 й. в. эт.) Ислом тасаввуфи билан мистицизм ўргасидаги фарқларни қўйидагича таърифлайди:

1. Мистицизмнинг икки характери бор: пассивлик (ҳаракатсизлик) ва метод (усул)сизлик. Мистицизмда инсоннинг қаердан бошли-

¹ Луғатча-и фалсафа, 445-6.

нишию қаерга қадар етиб бориши маълум эмас. Тасаввуфда бидоят (ибтидо) ва ниҳоят, бошланиш ва камол топишга эришув ва бу йўлчиликда қўлланилган метод муҳим аҳамият касб этади. Мистицизмда ҳаракат ва ғайратга эҳтиёж йўқ, кишининг яратилиши имконияти кифоядир.

2. Мистицизмда шайхга боғланиш асоси йўқ. Тасаввуфда эса сайру сулук бир муршид ҳузурида бошланади ва бунга “иккинчи туғилиш” дейилади.

3. Мистицизмда муршидлар силсиласи йўқ. Ҳолбуки, тасаввуфий тарбиянинг энг муҳим унсурларидан бири силсиладир. Бу силсила ҳазрати Пайғамбар(с.а.в.) орқали Жаброил а.с. га қадар бориши, унинг ғайри башарий (башар усти) эканига ишорадир.

4. Мистицизмда муршид бўлмагани сабабли аврол, азкор (кундаклик ўқиладиган дуолар, зикрлар) ҳам йўқ. Ҳолбуки, сайру сулук шайх тайинланган ва белгилаган чизги-йўл узра жараён этади ва ташқарига чиқилмайди.

5. Мистицизмда юқорида айтилганидек, истеъодод ва қобилият кифоядир. Тасаввуфда эса интисоб - шайхга боғланиш, бир - бирини тақозо этувчи уч босқични намоён этади:

а) кишининг истеъододи;

б) бу истеъодод ва қобилиятнинг кучайиши ва ривожланишини таъминловчи илоҳий нур ва файзнинг берилиши;

в) шайх, зикр, риёзат каби ёрдамчи унсурлар орқали мақомларни бирма-бир ошиб ўтиб, вуслатга ва ваҳдатга эришуви.

6. Мистицизмда техник қоидалар йўқ. Ҳолбуки, тасаввуфда тариқатларнинг одоб-аркон деган маҳсус усуллари мавжуд бўлиб, киши бу техник усуллардан фитратига энг мувофиқ бўлганини танлайди ва ўша тариқатга киради. Тариқат алмашиши ҳодисаси ҳам шунга асосланади.

7. Аврол-азкор мистицизмда шарт эмас. Мистик одам қилган ибодатлар ҳар ким қиласерадиган ибодатлардир. Тасаввуфда эса шайхнинг тавсиясига кўра мурид муайян вақтларда зикру тасбеҳот билан шуғулланади.

8. Мистиклар пировардида “илмал яқийн” даражасига кўтарила оладилар. Сўфийлар эса “айнал яқийн”дан ҳам ўтиб, “ҳаққал яқийн”га - комил инсон нуқтасига эришадилар. Мистиклар “Тангрига эришув” дея жаннатни назарда тутадилар. Сўфийлар учун эса олий ғоя ва мақсад “халос-нажот”, яъни Ҳақ билан ҳақ бўлмоқ, бирга бўлмоқдир.

9. Мистик ҳолларда экстаз-важд (ўзини йўқотиш) муҳим хусус, солик учун эса ботиний (ҳолат) асосдир. Мистик ҳоллар ўтади-кетади, кейин у ҳолни топа олмасликлари мумкин. Сўфий қўлга киритган файзни эса ҳеч ким тортиб ололмайди.

10. Мистицизмда босқичлар йўқ. Тасаввуфда эса пирамидасимон тизим (мақомлар тизими) бор. Ҳамманинг ўз ўрни-мақоми бор.

11. Мистицизмда изтироб асос қилиб олинган. Тасаввуфий тарбияда эса бу усулга вақти-вақти билан мурожаат этилади, бироқ маҳсус аҳамият касб этмайди.¹

Кўриниб турибдики, мистик хусусиятга эга бўлиш билан бирга, тасаввуф мистицизмдан ҳам таркиб жиҳатидан ҳамда услуб жиҳатидан тамоман фарқлидир.

VII. ТАСАВВУФНИНГ КЕЛИБ ЧИҚИШИ МАСАЛАСИ

A. *Бегона (ташқи) таъсиrlар масаласи*

Тасаввуф калимаси каби, тасаввуф жараёнининг қаердан пайдо бўлгани ҳақида ҳам турли фикрлар айтилган. Айниқса, шарқшунослар кўпинча “Тасаввуф Исломдан ташқаридағи таълимот” деган ғояни илгари сурғанлар. Шарқшуносларнинг бундай қарашлари бир неча нуқтада кўзга ташланади:

а) Эрондан келиб чиққанлиги ҳақидаги даъво: араблар фалсафий тафаккур жиҳатидан қобилиятсиз, бетараф бўлсалар, эронликлар бу бобда қобилиятли бўлганликлари боис, нозик тафаккур тарзи билан тасаввуф арабларга Эрон таъсири орқали ўтган деган даъвони илк бор Комте де Гобинью “Эрон тарихи” номли асарида ўргата ташлаган. Кейинчалик бу фикр Броун томонидан маъқулланган, Олмонияда Хортан, Делитш, Франсияда Эдгард Блохет ва Э. Ренан каби шарқшунослар томонидан асло таңқидга учрамаган ҳолда қўллаб-қувватланган. Ҳолбуки, аксинча, тасаввуф Эронга араб миллатига мансуб илк мугасаввуф ва сўфиylар орқали кирган.²

б) Хинддин келиб чиққанлиги ҳақидаги даъво: машҳур туркий олим Абу Райҳон Беруний (973-1051)нинг “Таҳқиқу ма лил хинд” асарида ҳинд фалсафасининг Исломга таъсири ҳақида маълумот бор. Масалан, Пантанжали деган бутпарастлик фалсафасининг Ислом мустасавифларидан Боязид Бастомий, Мансур Ҳаллож ва Маҳмуд Шабустарийга таъсир қилганлиги айтилган. Бироқ бу даъво, ўта шубҳалидир. Чунки Патанжали фалсафасининг бу зотлардан кейин юзага чиққанлиги тарихдан маълум. Қолаверса, бу фалсафа Исломга тамоман зид. Зоро, Ислом “борлик” (вужуд) фикрини қабул этиб, “йўқлик”

¹ Мустафо Кара. Тасаввуф ва тариқатлар тарихи, Ист. 1985, 15-17-б; Мустафо Таҳралининг “Франсалик мусулмон Абдульходид Яхе (Ренс Генон)нинг асарларида тасаввуф ва мистицизм фарқи”// Куббаолти акаадемик мажмуаси, №4, октябрь, 1981). номли мақоласидан.

² М. Из. ўша адабиёт. 85-85-б; Умар Ризо Дўгрул. Ислом олиб келган тасаввуф, 28-31-б. X. Зиё Улкан. Ислом тафаккури, 105-б.

фикрини рад этади. Исломда дунёга кўнгил қўймаслик, мутлақ борлиқ бўлмиш Аллоҳга яқинлашмоқ учун қилинади. Айрича, Ислом Ҳиндистонга жангу жадал билан эмас, мутасаввифлар, кубравия, нақшбандия, шаттория, равшания ва нурбахшия тариқатлари воситасида кириб борган.¹ Никольсон, Блохет, Дози ва Ван Кремер каби шарқшунослар тасаввуфнинг келиб чиқишини ҳиндга боғлайдилар. Тасаввуфдаги “фано” билан бутпарастлиқдаги “нирвана” назариялари ва илк сўфийлардан Иброҳим ибн Адҳам билан Будда ҳикоялари орасидаги ўхшашлик, мазкур иddaоларнинг асосий далилларидир. Л. Массигнон, Л. Гардет ва Анавати каби олимлар тасав вуфдаги зикр услублари ҳинд таъсирида юзага келган дейдилар.²

в) Янги Афлотунчиликдан келиб чиққанлиги ҳақидаги даъво: Янги афлотунчилик ҳинд мистицизмидан ва Орфеос динидан таъсириланиб шаклланган. Орфеос дини эса шарқ динлари таъсирига учраган. Янги афлотунчилик асосчиси Плотинус, Афлотун фалсафаси билан шарқ фалсафасини бирлаштирган. Шу боис бу фалсафа ҳам ғарбликларнинг ҳамда шарқликларнинг эътиборини тортиб келган. Тасаввуфнинг илк даври бўлган зуҳд босқичида янги афлотунчилик таъсирини кўриш имконсиз. Чунки таржималар орқали юон фалсафасининг мусулмонлар орасида ёйилиши бу даврдан кейин содир бўлган. Айрича, илк сўфийлар ўз одатларига амал қилиб доим фалсафага қарши турдилар. Мазкур фалсафа тасаввуфга таъсир кўрсатди дегувчилар “ваҳдати вужуд” фалсафаси билан Ибн Арабийдаги таъсири кўзда тутмоқдалар. Л. Массигнон шулар жумласидан. Олим Эрол Гунгур “Янги афлотунчилик таъсири тасаввуфнинг иккинчи даврида - тасаввуфий тафаккур бир тизимга кирган даврда таъсир кўрсатди”, дейди. Шу билан бирга Э. Гунгур, Ибн Арабий мазкур фалсафадан кўп таъсиранганигини таъкидлайди.³ Аммо шуниси аён ҳақиқатки, Ибн Арабий ва ундан кейин чиққан мутасаввифларда янги афлотунчилик таъсири асло сезилмайди. Лекин бу мутасаввифлар ушбу фалсафадан фикр олган бўлсалар ҳам, исломий нуқтаи назар остида сингдириб, ўз фалсафаларини исломий пойdevор устуга курганлар.

г) Иброний-насронийликдан келиб чиққанлиги ҳақидаги даъво: Иброний-насроний унсурлардан арабчага ўтган ва мутасаввифлар томонидан қўлланилган “лоҳут”, “носут”, “жабарут”, “малакут” каби бир қанча истилоҳларга асосланган баъзи шарқшунослар Ислом дини ва тасаввуф иброний-насроний мұхитдан таъсирангандан, келиб чиққан

¹ М. Из. ў.а. 86-87-б; Ҳ.З. Улкан, ў.а. 106-б.

² Эрол Гунгур. Ислом тасаввуфнинг масалалари, 49-50-б.

³ Янги афлотунчи фалсафанинг тасаввуфга Қилган таъсири ҳақида қаранг: Э. Гунгур. ў.а. 51-61-б; М. Из. ў.а. 87-88-б; Ҳ.З. Улкан. ў.а. 106-108-б.

деган даъвони илгари сурадилар. Аммо бир-бирлари билан озми-кўпми ўзаро алоқаси бўлган, фарқли эътиқод ва анъаналар орасидаги табиий боғлиқликни истисно қилганда, Ислом ва тасаввуф на яҳудийликдан, на насронийликдан таъсирланиб, таъсис топган. Қолаверса, бу динлар эътиқодий жиҳатдан Исломга мувофиқ келмайдиган тизимлардир.¹ Тасаввуфдаги насронийлик таъсири ҳақида энг кўп А. Палакиос тўхталган. Юқорида айтиб ўтилган ташқи таъсирлар тўғрисида шундай фикр билдириш мумкин: Ислом тасаввуфи ташкил топар экан, ҳеч қандай ташқи таъсирга асосланмаган ҳолда бевосита исломий таъмойиллар устига қурилган. Тўғри, тасаввуф фалсафий характерга эга бўлиб, “ваҳдати вужуд” назарияси кенг тарқалган даврда баъзи ташқи манбалар, тўғрироғи унсурлар тасаввуфга кирган бўлса-да, ўз моҳиятини йўқотиб, исломийлашган ва тасаввуф исломий хусусиятини тўлаттўкис сақлаб қолган. Шуни ҳам айтиш керакки, фарқли эътиқод ва анъаналар орасидаги ўхшашилклар асло бирининг бошқасидан таъсирланганини кўрсатмайди. Инсоний жамиятларда, турли давр ва турли жойларда бир-бирига ўхшаш анъанавий унсурларга дуч келиниши, асосан инсонийлик зарурати туфайли юзага келади. Айрича, Исломият, ўз исломий тамал тамойилларига зид бўлмаган ҳолларда, ташқи анъана ва маданиятларга нисбатан ўта мусомаҳакор - келишувчан бир диндир. Чунончи, Исломдан аввалги баъзи урф-одатларнинг давом этишига рухсат берган. Шу билан бирга, соглом эътиқодий ва ижтиёмий пойдевори соясида, Ислом жамиятида бош кўтарган яккамдуккем норозиликларни ҳам ўз вақтида бостирган ва шу тариқа ўз соғлигини доимо муҳофаза қилиб келган. Тасаввуфий нуқтаи назар ҳам айнан шудир.²

Мавзумизнинг аввалида айтиб ўтганимиздек, тасаввуф борасида Исломдан ташқаридан манба излаганлар ва оқибатда тасаввуфни Исломдан ташқаридаги бир таълимот дея хулосага келганлар фақатгина ғарб шарқшуносларидир. Аммо улар орасида тасаввуфнинг аслан Исломдан келиб чиқсанлигини, ташқи таъсирлар фақатгина жузъий бўлиб, исломий руҳ ва одатларга зарар бермаслигини айтганлар ҳам бор. Бу тоифа олимларнинг бошида Луиз Мас-сигон туради. Бу ҳақда унинг ўзи бундай дейди: “Ислом мавзусида тадқиқот олиб борувчилар “Тасаввуф Шом таркидунёчилиги ёки ҳиндуизмдан келиб чиқсан” дейдилар. Никольсон эса буларга зид равишда бундай дейди: “Тасаввуф, Ислом Қуръон ва ҳадисга қаттиқ берилиб, кашф этган бир йўлдир.”³ Шуни ҳам айтиш керакки, та-

¹ Улкан Ҳ.З. ў.а. 108-б; М.Из. ў.а. 88-89-б.

² Гунгўр Э. ў.а. 62-63-б.

тасаввуфга мухолиф бўлган мусулмон олимлар ўз фикрларини қувватлаш учун шарқшуносларнинг бу хусусдаги қараашларидан фойдаланганлар”.

Б. Тасаввубнинг исломий манбалари

Ислом дунёсида юзага келиб ривож топган тасаввубнинг манбаи Ислом динидир. Аммо тасаввубнинг дунёга келишига таъсир кўрсанган исломий манбаларни ҳам бир неча моддага бўлиб ўрганиш фойдадан холи бўлмайди:

а) Оят ва ҳадислар: ҳар бир тафаккур ва маданият тизими тамалида дин ва бу диннинг муқаддас китоби ётади. Ғарб маданияти ва тафаккури тамалида насронийлик ва муқаддас китоб мавжуд бўлганидек, Ислом маданияти ва маънавиятининг пойдевори ҳам Қуръони каримдир. Исломий маданият ва тафаккур тизимининг муҳим қисмини ташкил қилувчи тасаввуб таълимотининг тамал асослари ҳам Қуръони карим ва ҳадисларга асосланади. Тасаввуб маданиятини ташкил этувчи бош унсурларнинг деярли барчаси Қуръон ва ҳадислардан олинган. Айрича, бир мутасаввифнинг ҳайтига йўналиш берувчи ягона омил яна исломий ҳужжатлардир. Тасаввуб маданиятининг асосини ташкил қилувчи баъзи мавзулар асосланган оят ва ҳадисларга бир неча мисол келтирайлик:

1. Ладун илми: Мутасаввифлар “Биз унга (Хизрга) илми ладун бердик”. (Қаҳғ-18:65) оятига суюниб, зоҳирий илмдан ташқари яна ладун илми (ботиний илм) ҳам борлигини қабул қилганлар; сезги ва илҳомга таянадиган билим назария (қоида)ларини ушбу тамал асосига қурганлар. Уларнинг фикрича, Мусо а.с. га фаришта орқали юборилган ёки ҳалқقا таблиғ этиш учун берилган диний билимлар зоҳирий илм ва шариат илми саналади. Хизр а.с. га бевосита ва маҳсус берилган диний билимлар эса ладун илми, ҳақиқат илми ёки ботин илми саналади. “Аллоҳдан қўрқинг, Аллоҳ сизга ўргатади” (Бақара - 2:282) оятида Аллоҳнинг амр ва таъқиқларига риоя қилиб, тақво узра ҳаракат қилганларга Аллоҳ бевосита илми ладун эҳсон этажагига ишора бор. Бундай йўл орқали эгалланган билимга “маърифат” дейилади. Инсон қалбини ойдинлатувчи илҳом ва маърифатга қўйидаги ояллар далиллар: “Биз учун музкоҳада этганиларга, биз йўлимизни кўрсатамиз”, “Агар тақво узра бўлсангиз, Аллоҳ сизга бир фурқон (ва нур) беради” (Анкабут-29:69, Анфол-8:29). Бу ва бунга ўхшаш ояtlар кўрсатмоқдаки, бандга риёзат ва муъжоҳадалар билан Аллоҳга яқинлашиб. Унинг розилигини топса, Аллоҳ ҳам унга “маърифат”, яъни илоҳий даргоҳидан баъзи илоҳий билимлар эҳсон этиши билан жавоб берали, мукофотлайди. “Аллоҳ бирор кишини ҳидоятга эришитирмоқни истиса, қалбини Ислом учун очиб қўяди” (Анъом-6:125) ояти ҳам маърифат илмига эри-

шиш банданинг қасбига қараб эмас, балки Аллоҳнинг хоҳиш-иродасига ва лутфу қарамига боғлиқ эканини кўрсатмоқда.

“Ахир Аллоҳ кўкксини Ислом учун кенг қилиб қўйган, бас ўзи Парвардигори томонидан бир нур-ҳидоят устида бўлган киши (куфр зулматларида адашиб-улоқиб юрган кимса билан баробар бўлурми)?!” (Зумар-39:22) ояти эса маърифат ва ладун илмига ноил бўлган кишининг ҳақ йўлни топган ва ҳидоятга эришишини баён этмоқда. Ушбу оятларнинг барчасида муштарак ифодаланганига кўра ладуний илмга эга бўлишнинг асосий шарти - Аллоҳ кўрсатган йўлдан юриб, тақвода бўлмоқдир. Шу билан бирга бу илм банданинг қасби билан эмас, Аллоҳнинг иноят қилиш натижасида қўлга киритилади. Расулуллоҳнинг бир неча ҳадислари ҳам моҳияттан сўфийларнинг бу мавзудаги фикрларини қўллаб-қувватлайди: “Бошқалар қайси йўлда фатво берса бераверсин, сен фатвони қалбингдан сўра, виждонингга қулоқ сол!”, “Қалбингни шубҳага солган нарсадан воз кеч, шубҳасизга қара!”, “Гуноҳ - қалбда дод қолдириб, виждонни касал қиласиган илладир”.¹ сингари ҳадиси шарифлар мусулмон кишини кўнглига қулоқ солишига, Аллоҳ қалбга илҳом қилган туйғуларга эътибор беришга ташвиқ этмоқдадир.

2. Зикр: Тасаввуфий ҳаёт тарзининг асосий унсурларидан бири бўлган зикр кўплаб ояту ҳадислар орқали мусулмонларга буюрилган ва тавсия қилинган. “Парвардигорингизнинг номини (мудом) ёд этинг ва Унга бутунилай берилиб, (чин ихлос билан бандалик қилинг!)” (Муззаммил-73:8), “Эй мўъминлар, Аллоҳни кўп зикр қилинглар!” (Аҳзоб-33:41), “Бас, Мени эсласангиз, Мен ҳам сизларни эслайман ва Менга шукур қилингиз ва Мени инкор қилмангиз!” (Бақара-2:152), “Улар кечадан озгина (фурсатгина) кўз юмар эдилар. Ва саҳарларда улар (қилган саҳчу хатолари учун) Парвардигордан магфират сўрар эдилар” (Вазориёт-51:17,18), “Бас, диллари элашдан қотиб қолган (яъни Аллоҳни эсланин тарқ қилган) кимсаларга ҳалокат бўлгай!” (Зумар-39:22), “Улар тургандা ҳам, ўтиргандা ҳам, ётганда ҳам Аллоҳни эслайдилар ҳамда осмонлар ва ернинг яралиши ҳақида тафаккур қилиб (дейдилар): “Парвардигоро, бу (борлик)ни бехуда яратганинг йўқ! Сен (бехуда бирон иш қилиши айбидан) поксан! Ўзинг бизни жаҳаннам азобидан асррагил!” (Оли Имрон-3:191) ояtlари ва “Парвардигорини зикр қилмаган тирик билан ўлик орасидадир”², “Бир қавм ўтириб Аллоҳни зикр қиласа уларни фаришталар ўраб олади, раҳмат қоплайди, улар узра ҳузур, файз инар ва Аллоҳ уларни ўз ҳузуридагилар ёнида зикр қиласи”³, “Жаннат боғлари қандай?” дея сўрадилар, “зикр мажлислари” дея

¹ Улудоғ С. ў.а. 133-б; Нававий, қирқ ҳадисдан нақлан.

² Бухорий. Муслим.

³ Муслим. Зикр, 38-39; Тирмизий. Қуръон, 10.

жавоб берилди.¹ “Йўлларда кезиб, зикр ахлини излаб юрувчи Аллохнинг фаришталари бор, улар зикрulloҳ билан банд бўлгандарни кўрганларида, бир-бирларига “биз излаётганлар бу ерда экан!” дейдилар”,² ҳадислари тасаввуф ва тариқатларнинг айрилмас қисми бўлган зикрнинг манбанини ташкил этади.

3. Валийлик: Тасаввуфий ҳаётда муҳим ўрин тутган “валийлик”, “валийлик” тушунчаси ҳам Қуръон ва ҳадисга асосланган бўлиб, унинг сўзма-сўз таржимаси “дўст” маъносини билдиради.

а) “Аллоҳ эса тақводор зотларнинг дўстидир” (Жосия-45:19) “Огоҳ бўлингизким, албатта, Аллоҳнинг дўстларига бирон хавф-хатар йўқдир ва улар гамгин бўлмайдилар... Иймон келтирган ва (Аллоҳдан) кўркувчи бўлган зотлар учун ҳаёти дунёда ҳам, охиратда ҳам хушхабар бордир” (Юнус-10:62,63,64), “У гайбни билгувчидир. У ўз гайбини бирон кишига билдирамайди, фақат Ўзи рози бўлган элчиларгагина билдиради. Чунки У Ўзи рози бўлган кишиларнинг олдига, орқасига кузатувчи ва қўриқловчилар қўяди, уларни шайтонларнинг васвасасидан ёки билған-кўрган нарсаларидаги адашитирувчи нарсалар қориштиришларига тўскин бўлади” (Жин-72:26, 27) ва ҳоказо оятларда ифодаланганидек, валий - “Аллоҳ доим кузатиб, назорат қилиб турадиган, ўз ҳифзу ҳимоясида сақлайдиган ва бир он бўлса-да, ўз нафси билан танҳо ташлаб қўймайдиган киши”дир.

б) “Тоат-ибодатлари натижасида Аллоҳнинг дўстига айланган киши”каби маъноларда ишлатилади. Бир ҳадиси шарифда бундай дейилади: “Аллоҳнинг бандалари орасида шундай кишилар борки, на пайғамбар, на шаҳид, аммо қиёмат куни Аллоҳ наздида уларнинг мақому даражаларини кўрган пайғамбарлар ва шаҳидлар уларга ҳавас қиладилар.” Буларнинг кимлигини сўраган саҳобаларга пайғамбар алайҳиссалом бундай жавоб берганлар: “Булар шундай кициларки, ораларида қариндошлиқ алоқаси бўлмаса ҳам, бир-бирлари билан олди-бердилари бўлмаса ҳам, бир-бирларини Аллоҳ учун яхши кўрадилар. Уларнинг юзлари нур ва улар нурли минбар узра ўтирадилар. Одамлар кўркувга тушганларида улар кўркмайдилар, одамлар хавотирланганларида улар хавотирланмайдилар”. Пайғамбар а.с. бу сўзларни айтгач, қуйидаги ояти каримани ўқиганликлари нақл этилади: “Огоҳ бўлингизким, албатта, Аллоҳнинг дўстларига бирон хавф-хатар йўқдир ва улар гамгин бўлмайдилар” (Юнус-10:62)³. Бошқа бир ҳадисида бундай дейилади: “Ҳак таоло буюради: Бир валийга душманлик қилганга мен урущ эълон қиласман. Ҳеч бир банда ўзига Мен фарз қилган амалларни бажаришдан ҳам афзалроқ бир нарса билан

¹ Кушайрий. ў.а. Зикр боби.

² Ибн Ҳанбал. Муснад, 11, 359-6.

³ Ибн Ҳанбал. ў.а. 5, 229, 239, 328, 341, 342, 343.

Менга яқинлаша олмайди. Банда нафл ибодатлар билан Менга яқинлашаверади. Шу даражада яқинлашадики, ҳатто Мен уни севаман...¹

Тасаввуфда мұхим аҳамият қасб этган “валийлик” ва унга боғлиқ тушунча тарзлари ҳам мазкур ҳужжатлар сингари ояту ҳадисларга асосланған.

4. Оламнинг яратилиши: Тасаввуф фалсафасининг мұхим мавзуларидан бұлған “оламнинг яратилиши” ҳақидаги тушунча-қараашлари машхур ҳадис китобларидан ўрин олмаган бўлса ҳам, тасаввуф арбоблари орасида ҳадиси құдсий дея қабул этилган қуйидаги машхур ҳадисга асосланади: “Мен яшириң хазина әдим. Ўзимни танитмоқ учун маҳлукотни яратдим”. Бу ҳадисга асосланиб, борлиқ оламининг яратилишини “Аллоҳнинг бошқалар томонидан билиниши-танилишини ирода қилиши”нинг натижаси ўлароқ изоҳлаганлар. Мутасавифларнинг мазкур ҳадисни қай тарзда англаганликларини изоҳлаш мақсадида Исмоил Ҳаққи Бурсавий “Канзи маҳфий” асарини ёзған. “Ваҳдати вужуд” фалсафасида ҳам мазкур ҳадиснинг аҳамияти улуғ. Тасаввуф фалсафасига доир мазкур мұхтасар маълумотлардан ташқари, тасаввуфнинг ахлоқий ва феълий мавзуларида ҳам Қуръон ва ҳадисга асосланған жиҳатлар қуйидагилардир.

5. Тавба: Тасаввуф йўлининг ибтиносини ташкил қилувчи тавба - гуноҳдан қайтиш, воз кечиш демакдир. Тавба - маънавий уйғониш, ўтмишдаги хато-камчиликларни тан олиб, улардан пушаймон бўлиш, қисқаси, рух инқилобининг дастлабки ва энг мұхим саҳифаси. Шу сабабли муршид муридга аввало тавба қилишни буюради. Зоро, кўпгина ояту ҳадислар билан ахли мўъмин тавба қилишга буюрган: “Барчаларингиз Аллоҳга тавба қилинглар, эй мўъминлар; шоядки (шунда) најжот топсангизлар” (Нур-24:31). “Бас, агар тавба қилсангизлар, бу ўзингиз учун яхшироқдир” (Тавба-9:3). “Албатта, Аллоҳ тавба қилгувчиларни ва ўзларини мудом пок тутгувчиларни севади”. (Бақара-2:222), “Дарҳол Парвардигорингизга ҳамд айтши билан (У зотни ҳар қандай шериклардан) покланг ва У зотдан магфират сўранг! Зоро, У тавбаларни қабул қилгувчи бўлган зотdir” (Наср-110:3), “Парвардигорингиздан магфират сўранглар, сўнгра Унинг ўзига тавба қилинглар” (Худ-11:3) оятлари, “Гуноҳларига тавба қилган гуноҳсиз қабидир. Аллоҳ бир бандасини севдими, гуноҳ унга зарар етказмайди. Чунки, унга тавба қилишни ҳам насиб қиласди”², “Аллоҳга қасамки, бир кунда етмишдан зиёд марта Аллоҳга тавба-истигфор киламан”³, “Банда тавба қилганида, Аллоҳ таоло шу даражада севинадики, худди

¹ Бухорий. Риқоқ, 38.

² Ибн Можа. Зуҳд, 30.

³ Бухорий. Даават, 3; Ибн Можа. Адаб, 57.

сиздан бирингиз чўлда тұясини йўқотиб қўйиб, яна топганидан ҳам кўпроқ”¹ ҳадислари шулар жумласидандир.

6. Зуҳд: Тасаввубнинг илк давларидаги асосий тамойилларидан саналган зуҳд (зоҳидлик) - “воз кешиш, назарга илмай тарк этиш, қизиқмаслик ва эътибор бермаслик” каби маъноларни билдиради. Тасаввубда эса Аллоҳдан ташқаридаги бошқа ҳамма нарсалар, яъни мосивога қўнгил қўймаслик маъносини билдиради. Чунончи, дунёнинг ўткинчи, алдоқчи, охират ҳаётига қиёсан қадрқимматсизлиги маълум ояту ҳадислар орқали билдирилган ва зуҳд ҳаёти тавсия этилган: “*Бас, ҳаргиз сизларни ҳаёти дунё (ўзининг ўткинчи неъматлари билан) алдаб қўймасин*” (Луқмон-31:33), “*Бу ҳаёти дунё фақат (бир нафаслик) ўйин-кулгидир. Агар улар билсалар, охират диёргина (мангу) ҳаёт (диёридир)*” (Анкабут-29:64), “*Мол-мулк, болача, шу ҳаёти дунё зайнатидир*”. (Каҳф-18:46), “*Раббингизнинг номини доим зикр қилинг ва қалбингизни ҳамма нарсадан холи қилиб, чин ихлос бирла унга йўналинг!*” (Муззаммил-73:8) “*Одамларга аёллар, болалар, туганмас олтин, кумуш, бойликлар, (қиммат) баҳоли отлар, чорва ва экин-текинлар каби истак-хоҳишиларига қўнгил қўйиш чиройли қилинди. Ҳолбуки, бу нарсалар ҳаёти дунёнинг (ўткинчи) нарсаларидир. Аллоҳнинг ҳузурида эса энг гўзал қайтадиган жой жаннат бордир*”. (Оли Имрон-3:14) “*Токи сизлар қўйларингиздан кетган нарсага қайтумрагайсизлар ва (Аллоҳ) ато этган нарса билан шодланиб (ҳаволаниб) кетмагайсизлар*” (Ҳадид-57:23) ва ҳоказо ояти карималар дунёга ҳаддан зиёд берилмасликни, асл ғоя - охират ҳаётини қўлга киритиш эканлигини эслатмоқда. Муҳаммада а.с. баъзи ҳадисларида зоҳидликни мақтаганлар: “Дунёда зоҳид бўлгинки, Аллоҳ сени севсин. Инсонларнинг қўлидаги нарсаларга ҳам зоҳидларча қарагинки, улар ҳам сени севсинлар”², “Аллоҳ наздига дунё пашша қанотичалик қадрли бўлганида эди, Аллоҳ бирон кофирга бир ютум сув ҳам бермаган бўларди”³, “Охиратга қараганда дунёнинг қадри, бирингизнинг бармоғини денгизга солиб қўйишга ўҳшайди. Бармоғи билан денгиздан сув олиб, кўз ўнтига келтирсин”⁴, “Хар уммат учун бир фитна сабаби бор, умматимнинг фитнаси молу дунё севгисидир”⁵, “Дирҳам-пулга кул бўлганинг бурни ерга ишқалансин. Пулга кул бўлган лаънатга учрасин. Киссасига асир бўлган хору ҳақир бўлсин”⁶, “Дунёга нисбатан зоҳид бўлган ва зуҳд масаласида ўзига ваъз қилиш

¹ Муслим, Тавба, 8.

² Ибн Можа, Зуҳд, 1.

³ Тирмизий, Зуҳд, 13.

⁴ Муслим, Жаннат, 55.

⁵ Тирмизий, Зуҳд, 26.

⁶ Бухорий, Риқоқ, 10; Ибн Можа, Зуҳд, 58.

фазилати эхсон бўлган бир кишини кўрдингизми? Унга яқинлашинг, чунки у хикматни талқин этади".¹

7. Таваккул: Тасаввуфда мұҳим ўрин тутган таваккул боби, Аллоҳга ишониб, суяниш ва Ундан бошқасига эҳтиёжини айтмаслик маъноларини билдиради. Бошқа тасаввуфий мавзулар каби таваккул ҳам ояту ҳадисларга асосланган: “*Ва уни ўзи ўйламаган томондан ризқлантирур, Ким Аллоҳга таваккул қиласа, бас, (Аллоҳнинг) ўзи унга етарлидир*” (Талоқ-65:3), “*(Ёлғиз) Аллоҳга таваккул қилинг! Аллоҳнинг ўзи етарли вакил-сақлагувчидир*” (Аҳзоб-33:3), “*Айтинг, бизга фақат Аллоҳ биз учун ёзib кўйган нарсагина етур. У бизнинг Ҳожамиздир. Бас, иймонли кишилар фақат Аллоҳгагина суюсинлар*” (Тавба-9:51), “*Аллоҳ ўз бандасига (яъни Мұҳаммад а.с.га, у кишини барча бало-қазодан асрар учун) етарли эмасми?!*” (Зумар-39:36). Мұҳаммад а.с. бу ҳақда бундай дейдилар: “*Агар Аллоҳга ҳақиқатан (ҳақкими бериб) таваккул қилсангиз эди, Аллоҳ қушларга ризқ бергани каби сизларни ризқлантирар эди. Қушлар оч қорин билан тонгда уяларидан чиқиб, оқшом корни тўқ ҳолда қайтадилар*”².

8. Риёзат-мужоҳада: Оз емоқ, оз ухламоқ ва оз гапирмоқ таълимотини берувчи ва нафснинг орзуларини тарқ этиб, озайтириб, кўпроқ тоат-ибодат билан шугулланмоқ маъноларини билдирувчи “риёзат” билан нафсу шайтоннинг орзуларига қарши курашиш маъносидаги «мужоҳада» тушунчаси ҳам тасаввуфда ояту ҳадисларга асослангандир: “...*Кечаси (бедор бўлиб, намозда) туринг*”, “...*Куръонни тартиш билан (яъни дона-дона қилиб) тиловат қилинг*” (Муззаммил-73:2-4), “*Яна кечанинг бир қисмida ҳам У зотга сажда қилинг ва тунда узок (бедор бўлиб) У зотга тасбех айтинг*” (Инсон-76:26), “*Бизнинг (айлимиз)да экиҳод қилган-курашган зотларни, албатта, Ўз йўлларимизга ҳидоят қилурмиз*” (Анкабут-29:69), “*Коғир бўлган кимсалар эса (мана шу дунёнинг ўткинчи лаззатларидан) фойдаланиб, чорва ҳайвонлари еганидек, еб-ичурлар ва дўзах уларнинг жойлари бўлур!*” (Мұҳаммад-47:12), “*(Эй Мұҳаммад), уларни қўяверинг, еб-ичиб, фойдаланиб қолсинлар, орзу ҳавасларига машгул бўлаверсинлар. Бас, яқинда (бу қилмишларининг оқибати нима бўлишини) билиб олурлар*” (Хижр-15:3). “*Олтинга, кумушга, матога, кийим-кечакка кул бўлганлар ҳалок бўлди, Уларга мол берилса мамнун, берилмаса хафадирлар*”³, “*Аллоҳга ва охират кунига ишонган, ё эзгу бир сўз сўзласин ёхуд сукут сақласин*”⁴: “*Одам боласи корнидан ҳам ёмонроқ бир халта-хуржун тўлдирмаган*”⁵. “*Бир куни*

¹ Ибн Можа, Зухд, 1.

² Тирмизий; Зухд, 33.

³ Бухорий, Жиход, 70; Ибн Можа. Зухд, 8.

⁴ Бухорий, Илм, 38; Абу Довуд, Никох, 24.

⁵ Тирмизий, Зухд, 48; Ибн Ҳанбал, 4, 132.

Мұхаммад а.с. асқобига: “Аллоҳдан ҳақиқий маңнода ҳаё килинг”, деган әдилар. Асқоби: “Алұамдулилах, ҳаё қиляпмиз” дея жавоб берди. Шұнда қазрат Пайғамбар: “У ҳақиқий ҳаё әмас, ҳақиқий маңнода Аллоҳдан ҳаё қылған киши боши ва боши ичидагиларни (бошидаги түйғу аъзоларини) мұхофаза қылсын, қорни ва у ердаги емакларни назорат қылсын, ўлим ва мусибатни эсласин. Ана шундай қылғанлар ҳақиқий маңнода Аллоҳдан ҳаё қылған бўладилар”.¹

Шундай оят ва ҳадисларга биноан, сўфийлар риёзату муҳоҳадага катта аҳамият берганлар. Аллоҳ ҳузуридаги юқсан мартабаларга эришмоқ учун нафснинг орзу ҳавасларига мухолифат қылғанлар. Мутасаввифлар аҳамият берган нарсалар фақатгина шулардан иборат әмас. Тасаввуф ахлоқи ва зуҳд ҳаётида ўрин олган хусусларда мутасаввифлар аввалимбор оят ва ҳадисларга асосланғанини күрамиз.² Шундай экан, Ислом тасаввуфининг келиб чиқишини Исломдан ташқаридаги манбалардан қидириш - бехуда ва ақлсиз иш бўлиб, ҳақиқатга зиддир. Ислом тасаввуфининг пайдо бўлиб, кенг ривож топишига нафақат Қуръон ва ҳадис, балки Мұхаммад а.с. нинг ва асҳобининг ҳаёт тарзлари ҳам тасаввуфий ҳаётнинг тараққиётига катта таъсир кўрсатган. Бошқача қилиб айтганда, Пайғамбар а.с. ни, саҳобаи киромни ва тобеинларни мутасаввифлар ўзларига ўрнак қилиб олганлар.

6) Мұхаммад алайҳиссалом ва саҳобаларнинг ҳаёт тарзи

Мұхаммад а.с. пайғамбар бўлишларидан аввал кўп вақтлар тафаккурға толгани, бальзан Ҳиро ғорида узлатта чекиниб, Аллоҳ ҳузурида яккама якка қолиб, Унинг сифат ва тажаллиларини идрок этганлари айни ҳақиқатдир. Шу хусусияти туфайли араблар унга ўша пайтлар “Мұхаммад Парвардигорига ошиқ бўлди” дер әдилар. Йиллаб давом этган ушбу тафаккур ва риёзат, уни охирги пайғамбар вазифасини олишга тайёрлаган ва руҳини илоҳий хитобни эшигадиган даражада поклаган. Бу ҳақда олим Алиййул Қори дейди: “Мұхаммад а.с. пайғамбарликдан олдин ботиний ибодатлар қиласи. Қалбий зикр - Аллоҳнинг сифатлари ҳақида, оғоқий ва анфусий яратилишлар ҳақида тафаккур, гўзал ахлоқ, заифларга меҳру шафқат, балою мусибатга сабру бардош, неъматларга шукр, қазога розилик, еру кўк Парвардигорига таслимият, Унга таваккул каби ибодатлар бўлиб, улар авлиё ва сара бандаларнинг ҳолларидир. Шу боис “пайғамбарларнинг бидояти валийларнинг ниҳоятидир” дейилган.”³

¹ Тиризий, Қиёмат, 24; Ибн Ҳанбал, I, 387.

² Мусулмонларни тасаввуфий тушунча ва ҳаётта ташвиқ этувчи оятлар учун қаранг: док. Ҳайроний Олтинтош Тасаввуф тарихи, Анқара, 1986, 14-25-б.

³ Оташ С. ў.а. 10-б.

Муҳаммад а.с. риёзат ва тафаккур ҳаётини пайғамбар бўлганидан кейин ҳам давом эттирганлар. Умри бўйи содда, камтарона ҳаёт кечирганлар, фақирликдан ифтихор этганлар. Унинг ҳаётини ҳикоя қилувчи “Шамойил” китобларида ёзилишича, Аллоҳнинг энг севгили бандаси ва элчиси бўлишига қарамай, кундалик ҳаётда эл қатори турмуш кечирган, ҳатто суф-жунли кийим кийганлар, либосларига ямоқ солган, қўй соғиб, хизматкор билан бирга бир дастурхонда овқатланган, бир хурмо билан сийлайдиган кишиларникуга ҳам таклиф қилганда бораверганлар. Уҳуд жангиде азоб-уқубатлар тортган бўлса-да, душманни қарғамадилар, аксинча, “Аллоҳим қавмимни ҳидоят қил, чунки улар билмай урушяптилар” дея, уларнинг ҳақига дуо қилганлар. Бир саҳоба “Ё Расулуллоҳ, буларни қарғасангиз”, деганида, “Мен қарғаш-лаънатлаш учун юборилмадим” деган эдилар. Ул зотдан бошқача жавоб кутилмас эди. Чунки у: “Улуғ ва пок Аллоҳ таоло мени тарбиялади, тарбиямни гўзал айлади” ҳадисида айтганидек, башарнинг эмас, Аллоҳ таолонинг тарбиясида вояга етган эди.¹ Аллоҳ расули шолча устида ухлардилар. Завжалари Ҳафса онамиз (р.а.) дер эдилар: “Расулуллоҳ (с.а.в.)нинг тўшаги шолча эди. Уни икки қават қилиб солардик, устида ухлардилар. Бир марта тўрт қават қилиб ерга солдим, эрталаб “Тагимга нима солган эдиларинг?” дея сўрадилар. “Шолчани тўрт қават қилиб солган эдик” дедик. “Илгари қандай солган бўлсангиз, ўшандай қилинг, чунки тўрт қават шолчанинг юмшоқлигидан таҳажжу, намозига тура олмадим”, дедилар. Баъзан хурмо шохларидан тўқилган бўйра устида ётардилар, юзларида бўйранинг изи қоларди”.²

Ўзининг бундай мутавозе ҳаётига чидай олмаган аёлларининг молу дунёга майл этганини кўрган пайғамбар а.с. уларга ё дунё, ёки Аллоҳ расулини танлашларини айтиб, бир ой мобайнида улардан айри яшадилар. Ўша вақтда кўпроқ қаттиқ жойда ётар эдилар. Бу орада бир чўмич сув ва бир ҳовуч арпаси бўлган ҳолда уни кўрган ҳазрати Умар ўзини тутолмай йиғлаб юборди. Расулуллоҳ дунёдан юз ўтириш кераклигини айтиб, ҳазрати Умарга тавсия-насиҳат бердилар ва ниҳоят ул зотнинг аёллари дунёдан юз ўтириб, Расулуллоҳ ва Аллоҳни танладилар. Бу ҳақда Аҳзоб сурасининг 28, 29-оятлари нозил бўлди.³ Ҳазрати Муҳаммад а. с., айниқса, ҳаётининг сўнгги йилларида, истаса, беҳисоб дунё неъматларига эга бўлиши мумкин бўлса ҳам, дунёнинг энг қудратли давлатларидан бирининг бошлиғи бўла туриб, ўта камтарона ва гариб ҳаёт кечирган, дунё неъматларига илтифот этмаган. Доим ерда ўтирас, тагига кўрпача ҳам солдирмасди. Ойша онамиз дедиларки: “Расулуллоҳ (с.а.в.) ҳеч вақт тўйиб овқат емаган-

¹ С. Оташ. ў.а. 11-б.

² ў.а. 12-б.

³ ў.а. 12-13-б.

лар. Аммо ҳеч кимга шикоят қилмаганлар. Бойлиқдан қўра фақирликни севардилар. Тонггача очликдан тинкаси қуриганда ҳам, яна эрталабдан рўза тутаверардилар. Ул зотнинг бу аҳволига раҳмим келиб, “Жоним сизга фидо бўлсин, ҳеч бўлмаса етадиган даражада ризқланинг” деганимда, “Эй Ойша, мен дунёни нима қиласман? Улул азм (буюк иродали) пайғамбар биродарларим, мендан ҳам баттарроқ мусибатларга сабр қилдилар ва ўша ҳолларда Пафвардигорларига равона бўлдилар. Жаноби Ҳақ уларнинг охиратларини гўзал қилди, уларга иззат-икром, ажру мукофот эҳсон этди. Агар мен қорним тўқ, бемалол яшасам, улардан орқада қолиб кетишдан уяламан. Ҳолбукки, мен учун ўша дўстларимга эришмоқдан, улар билан бирга бўлишдан ҳам ортиғроқ неъмат йўқ”, деб жавоб бердилар. Ҳазрати Ойша: “Шундан кейин ул зот яна бир ой ҳаёт кечирдилар, холос” дедилар.¹ Ул зот ўлим тўшагида экан, аёлларига садақа учун аталган пулнинг камбағалларга берилмаганини эшитиб, дарҳол: “садақани беринглар, бу пул менда экан, Парвардигоримнинг ҳузурига қай юз билан бораман”, деган эди.

Дунё неъматларига сира қизиқмаган ва зоҳидона турмуш кечиришга катта аҳамият берган Мұхаммад а.с. саҳобаларга ҳам дунёга ортиқча майл этмасликни, қўшимча ибодат, зикр, таваккул, сабр ва тавба билан Аллоҳга яқинлашишни тавсия қиласдилар. Муоз ибн Жабал “Пайғамбаримиздан охирги марта шуни эшитдимки, “Аллоҳга қайси амал ёқади?” деганимда, “Аллоҳни зикр қилаётисиб, тилинг намланган ҳолатда ўлишинг” дедилар.² Мұхаммад а.с. тоат-ибодат ва зикрга қаттиқ берилганилари маълум. Абу Ҳурайра дейди: “Расуулulloҳ кечалари оёқлари шишиб кетгунга қадар намоз ўқирдилар. Унга: “Аллоҳ сизнинг ўтмиш ва келажакдаги гуноҳларингизни кечиргани ҳолда нега бу қадар кўп ибодат қиласиз?” деганларида, “Шукр қилувчи бир бандада бўлолмайним!” деган эканлар.³ Ул зот нафсни поклашга имон ва Исломнинг энг юксак погонаси сифатида қараганлар, буни “эҳсон” калимаси билан ифода этганлар. “Эҳсон нима?” - дея сўраганларида, “Эҳсон - Аллоҳга уни кўриб тургандай ибодат қилишингdir, зоро сен уни кўрмасант ҳам, у сени кўриб туради”, деганлар.⁴ Умматига тинмай намоз ўқишни ва ҳар он зикр қилишни тавсия қилганлар, зикр мажлисларини жаннат боғларига ўхшатганлар.

Мана, юқорида кўриб чиққанимиз бир қанча ояту ҳадислар билан бир қаторда ҳазрати пайғамбарнинг амалий ҳаёти, Ислом тасаввубуфининг пайдо бўлиб, ривожланишида муҳим унсур бўлган мута-

¹ ў.а. 13-6.

² ў.а. 16-6

³ ў.а. 17-6.

⁴ Бухорий, Тафсиру сурә 31-32, Имон, 37; Муслим, Имон, 57.

саввифларнинг ҳоллари важду истиғроқлари, зикру фикрлари Куръонда ва пайғамбар а.с. нинг сўз ва феълларида мавжуд.

Ислом тасаввуфининг пайдо бўлишидаги яна бир унсур - саҳобаларнинг ҳаёт тарзлариидир. Ҳар жиҳатдан Расулуллоҳни ўрнак деб билган саҳобалар ҳам зуҳду тақво йўлини танлаганлар. Асҳобдан баъзилари зуҳду тақвода илғорлаганлар. Аллоҳ таоло улар ҳакида: “Уларнинг ёнбошлари ўрин-жойларидан йироқ бўлур, (яъни тунларини ибодат билан ўтказишиб, оз ухлайдилар). Улар Парвардигорларига кўркув ва умидворлик билан дуо-илтиёжо қилурлар ва Биз уларга ризқ қилиб берган нарсалардан инфоқ-эҳсон қилурлар”. (Сажда-32:16), “Улар кечадан озгина (фурсатгина) кўз юмар эдилар. Ва саҳарларда улар (қилган саҳву хатолари учун) Парвардигордан мағфират сўрар эдилар”. (Зориёт-51:17,1.18), “Уларнинг юзларида сажда изидан (қолган) белги-аломатлари бордир” (Фатҳ-48:29) дей марҳамат қилган.

Саҳобалар кундалик ибодатлардан ташқари сирру асрорга тўла ҳаётни кўпинча Пайғамбар а.с. нинг суҳбат-мажлислирида кечиргандар. “У сўзлай бошлаганида, ёнидагилар бошларини қуий солишар, нихоятда хоккорлик ва сукунатга чўмар, ўзларидан кетар, кўзлари ёшланар, қалблари титрар, гўё бошларига қўнган қушни учириб юбормаслик учун қилт этмай ўтирас эдилар”.¹ Ҳузур ва маънавий файзга тўла бу мажлислардан чиққач, ўша маънавий ҳаловатни давом эттиромаган саҳобалар ҳам бўлган ва уларни баъзан мунофиқ деб ўйлашар эди. Бу ҳақда Муҳаммад а.с. дан сўраганларида, ул зот: “Агар доим ана шундай маънавий ҳузурда яшасангиз эди, фариштадар уйларингизга келиб, сизларни зиёрат қилас, сизлар билан саломлашган бўлардилар,” — деб жавоб берганлар.² Имом Бухорий “Саҳиҳ“идаги ҳадисларнинг бирида айтилишича, “Фаришта Жаброилни кўрган, Куръон ўқигандаги фаришталар тинглаб турганларини кўрган саҳобийлар бор эди”.³ Улар Муҳаммад а.с. билан бирга бўлиб, унинг маънавий иқлимидан нафас олганликлари боис, дунёга илтифот қилмас, охиратни ва Аллоҳ розилигини қидиришдан бошқа нарсани ўйламас эдилар. Ўта нозик қалбли, Куръон ўқилгандаги ёшларини тўхтатолмайдиган ҳазрати Абу Бақр. жанг чогида бутун борлигини жангга бағишлийдиган зоҳид-дарвеш зот бўлиб, охират азобига дучор бўлишдан кўрқар эди. Шу сабабли “Кошки ҳайвонлар ейдиган ўт бўлсайдим-у, охират азобини, ҳисоб-китоб кунининг қайғусини чекмасам эди”, деган экан.⁴ Буюк саҳоба ва халифа ҳазрати Умар ҳам дунё неъматларига асло эътибор бермасди:

¹ Бухорий. Жиҳод, 37; Муслим, Фазолиус саҳоба, 19-21-б.

² Муслим. Тавба, 3; Тирмизий, Қиёмат, 59.

³ Бухорий, Маноқиб, 25.

⁴ Сарроҷ. Лумъа, Миср, 1960, 171-б.

“Дунё қадар олтиним бўлса, Аллоҳнинг азобидан қутулиш учун садақа қилиган бўлардим”¹ деган экан. Тоат-ибодатга нечогли аҳамият берганини ҳазрати Аббос бундай англатади: “Мен Умар ибн Хаттобнинг қўшниси эдим, Умардан ҳам афзалроқ киши кўрмадим. Кечалари намозхон, кундузлари рўзадор ва инсонларга кўп фойдаси тегарди”.² Зуҳду тақвоси, зариф кўнгил ва саҳоват эгаси-қўли очиқлиги билан танилган ҳазрати Усмон ҳақида ҳазрати Анас ривоят қиласи: “Бир кун Анас ҳазрати Усмоннинг олдига кетаётуб, йўлда бир аёлга кўзи тушади ва унинг гўзалигига маҳлиё бўлади. Шу ҳаёл ила ҳазрат Усмоннинг олдига келади. Ҳазрати Усмон: “Кўзингиздан зино излари сезилиб турибди”, дейди. Ҳайратдан қотиб қолган Анас: “Аллоҳ Расулидан кейин ҳам ваҳй келяптими?” деб юборади. Ҳазрати Усмон: “Йўқ, бу қалб кўзининг очиқлиги ва фаросатидир”, деб жавоб беради.³ Тасаввуф арбобларига энг кўп ўрнак бўлган ҳазрати Али (к.в.)нинг асҳоб орасидаги ўрни бўлакча. Ниҳоят даражада тақво эгаси бўлган ҳазрати Али намоз вақти кирганда ларзага келар, ранги ўзгарарди. “Нега бу ҳолга тушасиз?” деганларида, “Аллоҳ омонатини еру осмонга, тоғу тошларга бераман” деганида, улар масъулиятидан кўркиб, қабул қилмаган ва фақат инсониятгина қабул қилиб, масъулиятини бўйнига олган қарз-омонат (намоз)нинг адo этилиш вақти келди. Устимдаги омонатни гўзал равишда бажара оламанми-йўқми, билмайман”, деган эканлар.⁴ Қуйидаги ҳадиси шариф ҳам ул зот ҳақида: “Албагтаки, Қуръон етти ҳарф узра нозил бўлди. Ҳар ҳарфнинг зоҳири ва ботини бор. Али ибн Абу Толибда зоҳир ва ботин илми мавжуд”.⁵ Ҳазрати Алиниң ҳикматли сўзларидан мисол келтирайлик: “Барча хайр-эзгулик ушбу тўрт хусусда жам этилган: сукут сақламоқ, сўзлашмоқ, боқмоқ ва ҳаракат қилмоқ. Аллоҳни ёд этмаган ҳар қандай сұхбат-сўзлашув беҳудадир. Ҳар сукут тафаккур эмас, фафлат ҳамдир. Ҳар ҳаракат Аллоҳга ибодат бўлавермайди. Ҳаракатларда номувофиқлик ҳам бўлади. Нутқи-сўзи зикр, сукути фикр, боқишлиари ибрат, ҳаракатлари ибодатга айланган ва инсонларга тилию қўли билан салом берган бандасини Аллоҳ марҳамат қилсин.”⁶ Мазкур хусусиятлари ила ҳазрати Али тасаввуф тарихида муҳим ўрин тутган, шу боис кўпгина тариқатларда шайхларнинг силсиласи ҳазрати Алига бориб тақалади. Яна тариқат арбоблари пайғамбар а. с. ҳазрати Алига хусусан жаҳрий зинкрни талқин этиб, таълим берганларини айтадилар. Асҳоб орасида зуҳду тақвоси билан танилган яна

¹ Исфаҳоний. ў.а. 1-ж. 52-б.

² ў.а. 1-ж. 54-б.

³ Қушайрий, ў.а. 128-б.

⁴ Саррож, ў.а. 181-б.

⁵ Исфаҳоний, ў.а. 1-ж. 62-б.

⁶ Саррож, ў.а. 182-б.

бошқа зотлар ҳам бор. Абдуллоҳ ибн Масъуд ҳам шулардан бўлиб, қўйидаги сўзлар унга оидdir: “Агар сизлар мен билган нарсаларни билгандарингизда эди, бошимга тупроқ сочган бўлардингиз”, “Банда бандалик мақомига эришмай туриб, имон ҳақиқатига эришолмайди. Фақирикни бойликдан афзал кўрмаганича, тавозуни шарафдан устун билмаганича, ўзини мақтаган билан қоралаган назарида бир хил бўлмагунича имон ҳақиқатига эришолмайди.”¹ Ҳасжиди Набавийнинг суффасида яшаб, кўп вақтини тоат-ибодат билан ўтказган асҳоби суффанинг ҳаёт тарзлари кейинги чиқсан сўфиylарга намунаидир. Улар орасида Абу Ҳурайра, Абу Зар Ғифорий, Салмон Форсий, Абу Дардо, Абу Мусо Ашъарий каби илим аҳли саҳобалар ҳам бор. Булардан Абу Зар камбағаллиги, сабри ва “Аллоҳнинг Расули даврида озуқам бир миқдор эди. Аллоҳга қайтгунга қадар уни ортирумайман” деган сўзи билан машҳур бўлиб, ўзига садақа бермоқчи бўлган бир кишининг садақасини рад этиб, “Соғадиган эҷкимиз, юқ ташийдиган аравамиз, бизга хизмат қиласидиган хотинимиз, киядиган кийимимиз бор. Булардан ортиғи учун ҳисоб-китоб қилинамиз деб қўрқаман”² дейди. Саҳобалардан баъзилари зуҳд ҳаётида шу қадар тақвоси ортган эдик, улардан бири кечалари ҳар доим намоз ўқишга, кундузлари ҳар доим рўза тутишга доир қасам ичган.³ Бири қуёш иссиғида тик туриб, ҳеч сўзлашмай рўза тутишга қарор қилган.⁴ Бири уйланмасликка сўз берган. Усмон ибн Мазъун батамом ибодатга фарқ бўлиш учун аёлига яқинлашишни, лаззатли таом ейишни ўзига ман этган. Муҳаммад а.с. уларнинг бу ишлари нотўғри эканлигини ва бу фикрларидан воз кечишларини айтган. Саъд ибн Абу Ваққос бундай деган: “Агар Аллоҳ Расули Усмон ибн Мазъунга рухсат берганида эди, биз эркаклигимизни ўлдирган бўлардик.”⁵

Саҳобалардан зуҳду тақвоси билан машҳур бўлганларнинг бундай фазилату хусусиятлари “Табақоту сўфия” китобларида кенг ёритилган. Ана шу тариқа Муҳаммад а.с. билан бирга унинг яқин дўстлари-саҳобаи каромнинг ҳам ҳаётлари, ҳолу ҳаракатлари, ибодату зикрлари, дунёга нисбатан муносабатлари мутасаввифлар учун ўрнак бўлиб келган.

Айрича, шуни ҳам айтиш керакки, тасаввуфий тафаккур ва ҳолу ҳаракатларнинг яна бир манбай - бошқа пайғамбарларнинг фазилатларидир. Бу борада Жунайд Бағдодий бундай дейди: “Тасаввуф шу саккиз хислат узра барпо этилган: саҳоват, ризо, сабр, ишорат,

¹ Исафаҳоний, ў.а. 1-ж, 131-133-6.

² ў.а. 1-ж, 163-б; Лумъя, 186-6.

³ Бухорий, Савм, 56,56,59; Муслим, Қиёмат, 36.

⁴ Бухорий, Имон, 31; Ибн Можа, Каффорат, 21.

⁵ Бухорий, Никоҳ, 7; Муслим, Никоҳ, 3.

ғурбат, суф-жун киймоқ, саёҳат, фақр. Саховат - Иброҳим а. с., ризо - Исҳоқ а.с., сабр - Айюб а.с., ишорат - Закариё а.с., ғурбат - Яҳе а.с., суф - Мусо а.с., саёҳат - Исо а.с., фақр - Муҳаммад а.с. га оиддир".¹ Ибн Арабий ўзининг "Фусусил ҳикам" асарида йигирма етти пайғамбарга нисбат қилинган ҳикматларни айри-айри тадқиқ қилган. Хулоса қилиб айтганда, Ислом тасаввуфининг асл манбаи юқорида айтилганидек Қуръони карим, ҳадиси шарифлар ва Муҳаммад а.с. билан саҳобаи киромнинг ибратли ҳаётларидан иборатдир. Кейинги асрларда хилма-хил қарашлар натижасида тасаввуфга таъсир қилган ташқи таъсирлар, тасаввуфнинг манбаи исломий эканлигига зарар беролмайди.

в) Фитрий ва ижтимоий унсурлар

Ислом жамиятида пайдо бўлган тасаввуф оқимининг диний-фикрий ва маданий асослари билан бир қаторда, унинг пайдо бўлишига таъсир қилган инсоний, ижтимоий ва ҳатто сиёсий сабабларни ҳам унутмаслик керак. Тасаввуфнинг пайдо ўлиб, ривож топишида инсонларнинг фитрий хусусиятлари (таб. й майл, истак, рух йўналиши - муҳаррир изоҳи) ва бу хусусиятларга жамиятнинг муайян йўналиш ва шакл бериши ҳам муҳим аҳамият касб этади. Қайси динга ва ирққа мансуб бўлишдан қатъий назар, фитрат жиҳатидан мистик майлга эга бўлган инсон, муносиб шароит ва муҳитга эришганида, бу майлини ҳаракатлантиради ва қалб ҳаловатини ўша йўналишда қидиради. Умуман олганда эса инсонлар моддий муҳити ва жамиятида маънавий ҳаловат топа олмаган даврларда мистик изланишга бошлайдилар. Бу ҳолат Ислом жамиятида ҳам ўзини намоён этган. Муҳаммад а.с. ҳаётлигига баъзи саҳобаларнинг зуҳд ҳаётига ҳаддан зиёд берилиб кетганликларини айтиб ўтган эдик. Уларни бу йўлга йўналтирган омил - аввало юқорида айтганимиз ояту ҳадислардир. Аммо Муҳаммад а.с. нинг ҳаётлигига мавжуд бўлган маънавий ҳузур-ҳаловат ва омонлик-осойишталик муҳити, унинг вафотидан кейин узоқ давом этмади. Ҳазрати Усмон халифалиги давридаги фикрий ва ижтимоий чайқалиш ҳазрати Али даврида шу қадар шиддатли тус олдики, мусулмонлар бир-бирларини ўлдириш даражасига келдилар. Шубҳасизки; бунга Исломни ичидан емирмоқчи бўлган ташқи унсурлар билан бирга баъзи мусулмонларнинг охиратни унугтиб, дунёга майл этишлари, молу давлат, мансаб севгисига мубтало бўлишлари ҳам сабаб бўлган. Аҳли Исломни безовта қилган бу ҳолат, уммавийлар даврида бартараф бўлмаганидек, янада кескинлашди. Ислом жамияти йўлиққан бу муаммолар самимий мусулмонларни оз бўлса-да, безовта қилган ва бу вазиятдан холос бўлмоқ учун чора изловчиларнинг саноги тобора ортаверган. Дунёвий неъматлардан

¹ Ҳужвирий. Каашфул мажхуб, 120-б.

юз ўгириб, ўзини тоат-ибодатга бағишилаган ва шу орқали ҳузур-ҳаловат топишга уринган зоҳид-дарвешлар, Ислом тасаввуфининг илк вакилларини ташкил этадилар. Қисқаси, тасаввуфнинг юзага келишида тобеин даври мусулмонларидан баъзиларнинг дунёвий машмашалар орасида охиратни ва асл гояларни унумаслик тушунчаси билан ўзларини зуҳд ва ибодатга бағишилаганлари ва атрофдаги мусулмонларни ҳам бу йўлга чақиришлари буюк аҳамият касб этган. Бошқача қилиб айтганда, тасаввуф, мусулмонларнинг Аллоҳни ва охиратни унтиб, дунёга ортиқча майл этишларига қарши аксуламал (муқобил) сифатида пайдо бўлган дейиш мумкин.

IX. ТАСАВВУФНИНГ ТАРИХИЙ ШАКЛЛАНИШ ЖАРАЁНИ

Тасаввуф - Қуръон, суннат ва Мұхаммад а.с. билан саҳобаи киромнинг ўрнак ҳаётларига асосланар экан, ўша даврда илм ва фалсафа сифатида бир тизимга солинмаган бўлса ҳам, Саодат асрода (Пайғамбаримиз яшаган даврда) моҳияттан мавжуд эди. Аммо Қуръонда ҳам, ҳадисларда ҳам “тасаввуф” ва “сўфиий” сўзлари ишлатилмаган. Зуҳду ибодатда илғор зотларга зоҳид, обид, фақир ва носиқ дейилар эди. Ҳижратнинг I ва II-асрлари тасаввуф тарихида “зуҳд” даври дейилади. Бу даврда зуҳд ҳаётининг маркази Басра шаҳри бўлиб, зоҳидларнинг энг машҳур сиймоси - Ҳасан Басрий (х.110 йил. ваф. эт.) бўлган. Шунингдек, зуҳд ҳаракати Куфа, Мадина ва ҳатто Хуросонда ҳам кенг тарқалган эди. “Сўфиий” лақаби билан танилган илк зот куфалик Абу Ҳошим ас Сўфиий (767 й. в. э.) эди. Тасаввуф тарихида биринчи такя-хонақоҳ эса бир насроний амир томонидан Рамла шаҳрида Абу Ҳошим учун курилган эди.¹ Ислом тасаввуфи бошланишидан бугунга қадар кечган жараёнлар бир неча тарзда тасниф қилинган:

1. а) тариқатлардан аввалги давр (х.I - м.VII аср);
б) тариқатлар пайдо бўлгандан кейинги давр (м.VIII-XIV аср);
в) кейинги даврлар тасаввуфи.
2. а) ташкил топиш даври (х.I-III аср);
б) шаклланиш даври (х.III-м.VIII аср);
в) тақлид даври (м.IX-XV аср).
3. а) Мұхаммад а.с. дан Жўнайд Бағдодийгача бўлган давр (х.I-III аср);
б) Жўнайд Бағдодийдан Ибн Арабийгача бўлган давр (х.IV-VII аср);
в) Ибн Арабийдан кейинги давр (х.VIII ва ундан кейинги асрлар).

¹ Ломиний Чалабий. Нафаҳотул унс таржимаси, 86-б.

4. а) зуҳд даври;
- б) тасаввуф даври;
- в) ваҳдати вужуд даври;
- г) тариқатлар даври;
- д) замонамиздаги тасаввуфий жараён.

Бундан ташқари, тасаввуф жараёни, эътиқод нуқтаи назаридан қўйидагича тасниф этилган:

а) сунний тасаввуф; б) салафий тасаввуф; в) шия тасаввуфи.¹
Мазкур таснифлардан энг кўп фойдаланилгани 4 таснифdir. Биз қўйида мазкур таснифлардан ҳар бирини муфассал текширмасдан, тасаввуфнинг узоқ даври мобайнида қандай босқичлар босиб ўтганини қисқача кўриб чиқиш билан кифояланамиз.

а. Зуҳд даври: Ҳижрий I ва II-асрларда зоҳидларда намоён бўлган хусусият - қилган тоат-ибодатларида, дунёдан юз ўгиришларида ва ҳар қандай зоҳидона турмуш тарзларида Аллоҳнинг розилигини топиб, жаннатга кириш ва жаҳннам азобидан кутулиш ғоясига эга бўлишларидир. Яъни уларнинг ҳаётларида ҳоким бўлган туйғу ва тушунча - жаҳннам қўрқуви ва жаннатда Аллоҳнинг жамолини кўриш умиди эди.² Бу дэврдаги зоҳидларда аввал “қўрқув”га таянган зуҳд тушунчаси хукмон эди. Бу тушунчанинг энг машҳур намояндаси Ҳасан Басрий эди: Ҳазрати Али (к.в.)нинг талабаси бўлган, шаръий илмларда ҳам чуқур билими билан танилган Ҳасан Басрийнинг тасаввуф тарихидаги ўрни жуда муҳим. Кўплаб тариқатларда машойих силсиласи у орқали ҳазрати Алига бориб тақалади. Тасаввуф тарихида Басра мактабининг намояндаси саналган Ҳасан Басрийнинг амал тарзи - ўткинчи дунё ҳаётидан юз ўгириб, фақатина ёлғиз Аллоҳга йўналиб, унга суюниш ва ҳар лаҳза ундан қўрқмоқ эди. Чунки пайғамбарлар ҳам айнан шундай ҳаракат қилганлар. Шу боис у ҳаёти давомида доимий қўрқув ва изтироб гирдо-бига шўнғиган ва бу қўрқувнинг солиҳ амаллар бажаришида катта аҳамияти борлигига ишонган.³ “Табақату сўфия” китобларида унинг зоҳидлик, Аллоҳдан қўрқиш ва тафаккур ҳақида айтган ҳикматли сўзлари нақл этилган. Имом Шаъроний у ҳақда: “Жаҳннам оловидан шу қадар қўрқар эдик, гўё дўзах фақат унинг яратилган деб ўйлаган бўлар-

¹ Кара М., ў.а. 101-6.

² Исломда зуҳд ҳаёти учун қаранг: Абул Аъло Афиғий. “Фит тасаввуфил исламий ва тарихиҳи” (Никольсон таржимаси) Қоҳира, 1956, 2-12-б; Имомуддин Уммавий, Ҳаятул қулубфи қайғиятил вусули илал маҳбуб. (Қутул қулуб ҳошиясида) Миср, 1310, 11-ж, 118-136-б; Дўргул У.Р., ў.а. Ист. 1948, 48-59-б; Арберри А.Ж., Ла суфизма, франса тилига Жан Гувиллерд тарж.. Париж, 1952, 32-39-б; док. Сунар Жовид, Мистицизмнинг бош ійўналиши, Анқара, 1966, 103-б, 3-изоҳ.

³ Проф. Сунар Жовид. Ислом тасаввуфи тарихи, Анқара, 1978, 14-бет.

дингиз”, деган.¹ “Хол” тушунчаси борасида кўп маъруза қилган Ҳасан Басрийнинг нафсни ҳисоб қилиш тўғрисидаги насиҳатлари Ҳорис Муҳосибийга кучли таъсир қилган. У тафаккурга ҳам кўп аҳамият берган. Унингча тафаккур - инсонга яхши билан ёмонни кўрсатувчи бир ойна бўлиб, инсонни доимо ёмонлиқдан сақлайди.² Ҳижрий II асрнинг машҳур зоҳидларидан бири Робиятул Адавия (м. 752 й. в. э.) бўлиб, у ҳам Басра тасаввуф мактабига мансубдир. Ҳасан Басрий билан мулоқотда бўлган Робиянинг тўйғу ва тушунчалари Басрийдан ўзгача хусусиятга эга. Унинг ҳаракат нуқтаси дўзах кўркуви ва жаннат орзуси эмас, балки бевосита Аллоҳ ишқидир. У Аллоҳни фақатгина Аллоҳ бўлгани учун севиш, ўз мавжудиятини (борлигини) Аллоҳнинг борлиғида фано қилиш ва шу орқали Аллоҳнинг жамолига эришиш ғояларини илгари суради. Гарчи у ҳам Ҳасан Басрий сингари доимо маҳзун ҳаёт кечириб, кеча-кундуз кўз ёши тўксада, унинг бу йигиси жаҳаннам азобидан кўрқиш туфайли эмас, балки Аллоҳга бўлган ишқ-муҳаббатидан эди. Робия бу ҳолати билан тасаввуф тарихига “илоҳий ишқ” тушунчасини биринчи бўлиб олиб кирган сўфий бўлди ва кейинги даврларда тасаввуфий тушунчада катта ўрин тутадиган бир чашма очиб берди. Унинг соясида тасаввуфий дунёқарааш тарзи янгича шакл олди ва “илоҳий ишқ” қарashi асрлар мобайнида тасаввуф адабиётининг бош мавзусини ташкил этибигина қолмай, тасаввуф фалсафасида ҳам муҳим ўрин тутди. Робиянинг Аллоҳ ишқи бобидаги ушбу сўзлари машҳурдир: “Илоҳ! Сенга жаҳаннамдан кўрққаним учун ибодат қилаётган бўлсан, мени дўзак оловида ёқ! Агар жаннатингни орзу қилиб ибодат қилаётган бўлсан, жаннатингни менга ҳаром қил! Агар ёлғиз сени севганим учун сенга ибодат қилаётган бўлсан, мени азалий жамоғингдан маҳрум қилма, ё Парвардигоро!”. Робия ботинидаги изтиробнинг қаердан келганини бундай ифодалайди: “Аллоҳни севган киши севгилисига қовушмагунича фарёду фифони асло битмайди.”

Робиядаги илоҳий ишқ икки хил кўринишида намоён бўлади:

1. Аллоҳдан бошқа нарсалар билан машғул бўлишдан чалғитувчи севги.

2. Аллоҳни фақатгина зоти туфайли севиш, бу севгидан мақсад эса Аллоҳнинг жамолини мушоҳада этишдир. Мақбул бўлган севги ҳам шудир.³

Робия Аллоҳ ишқидан бошқа “тажалли” ва “тафдилул валий” тушунчаларига ҳам эътибор беради. Унингча, инсон ўз ботинига яшириниб, тафаккур орқали илоҳий сирга эриша олади. Ҳар қандай

¹ Имом Шаъроний, ў.а. 1-ж. 31-32-6.

² Сунар Ж., ў.а. 15-6.

³ Дўғрул У.Р., ў.а. 54-57-6.

борлик Аллоҳда бирлашади. Зеро, фақат Аллоҳ бор, коинот унинг сифатларининг тажаллисидан иборат. Аллоҳга эришмоқнинг ягона йўли эса севгидир.¹

Робиянинг илоҳий ишқ ва бошқа хусуслардаги фикр-қараашлари, ундан кейинги даврларда чиққан сўфийларга ҳам ўз таъсирини кўрсатган. Маъруф Кархий, Зуннун Мисрий, Боязид Бастомий, Сирри Сақотий, Жунайд Бағдодий, Мансур Ҳаллож, Хорис Муҳосибий ва ҳоказолар шулар жумласидандир.

Хижрий I ва II асрларда Увайс Қараний (657 й. в. э.), Жаъфар Содиқ (765 й. в. э.), Абу Ҳошим ас Сўфий (767 й. ваф. э.), Суфёни Саврий (777 й. в. э.), Абдуллоҳ ибн Муборак (797 й. в. э.), Фузайл ибн Аёз (802 й. в. э.) каби машҳур зоҳидлар яшаган. Бу зотларнинг ҳар бири тасаввуф аҳлоқининг бош мавзуларидан бирига катта эътибор бериб, тасаввуф пойdevорларини қурганлар. Аммо бу даврларда тасаввуф илми ҳали тўла-тўқис бир тизимга солинмаган эди. Хижрий III ва IV асрлардагина тасаввуф мустақил илм сифатида ташкил топиб, дарс сифатида ҳам таълим берила бошланди. Илк даврлардаги зоҳидларнинг йўлидан борганларга ҳижрий II асрнинг охиридан бошлаб “сўфий”, улар юрган йўлга “тасаввуф” дейила бошланди. Тасаввуфнинг бир илм сифатида пайдо бўлиши ва таълимотга айланниши ҳақида Имом Раббоний қўйидагича маълумот берган: “Тақиийуддин Мақризий “ал Ҳутат вал осор” номли тарихий асарида Имом Қушайрийдан нақл келтирадики, ҳазрати Мұхаммад а.с. давридаги мусулмонларга саҳоба, улардан кейинги асрга келиб, саҳобалар билан кўришганларга тобеин, улардан кейинги асрда яшаб, тобеин билан суҳбатлашганларга табъати тобеин дейдилар. Ундан кейин бидъат аҳли пайдо бўлиб, ҳар бир синф ўзича зуҳд даъво қилдилар. Уларнинг ораларидаги аҳли суннат эса “мутасаввифа” номи билан танилиб, бошқалардан устун чиқиб, ажралдилар. Ҳофиз Исфаҳоний “Шавоҳидут тасаввуф” номли китобида дейлики, “тасаввуфнинг зоҳирий илмлар каби бир таълимот ҳолига келтирилишига ва ўқитилишига сабаб бўлган биринчи зот - Аҳмад ибн Ато бўлиб, у бу иш учун маҳсус дарсхона ҳам қурдирган. Ундан кейин Аҳмад ибн Fasson ҳам маҳсус хонақоҳ вақф этган. Ундан кейин яшаган Ҳасан Масбуҳий ва Абу Ҳамзаларни эса Имом Аҳмад ибн Ҳанбал “сўфий” деб атаган. Ўшанда икки юздан ортиқ кишига “сўфий”, уларнинг жамоатига эса “мутасаввифа” деб мурожаат эта бошладилар ва улар шу тариқа бошқалардан ажрала бошладилар”.²

6. Тасаввуф даври: Ҳижрий I ва II-асрларда жаҳаннамдан

¹ Сунар Ж., ў.а. 17-6.

² Имоми Раббоний. Мактубот, Мустақимзода Сулаймон Саъдиддин тарж., Истанбул, 1270, 1-ж, 5-б.

қўрқиш, жаннатга умидворлик ва Аллоҳнинг розилигига эришиш фикрига асосланган зуҳд ҳаёти, яъни зоҳирий ибодат, риёзат ва муҳоҳадалар тарзидағи тасаввуфий ҳаёт, III ва IV-асрларда зоҳидона ҳаёт билан бир қаторда зоҳирдан ботинга интиқол этади: руҳий покланиш ва Аллоҳга эришмоқ фикри асос ғояга айланади. Шу тарзда тасаввуф руҳоний психологик аҳамият касб этади ва мутасаввифлар тасаввуфни инсон руҳиятини турли кўринишларида тадқиқ этиб, руҳан камолотга эришув йўлларини излай бошлайдилар. Бу ҳақда Ҳорис Муҳосибий “Риоя ли хуқуқиллаҳ“ ва “Китабул васоя” каби асарлари билан мутасаввифларга кучли таъсир кўрсатди. Масалан, Имом Қушайрий ва Имом Ғаззолий мазкур асарлардан унумли фойдаланганлар. III ва IV-асрлар - Ислом тасаввуфи илм сифатида шакланиб, ўз тамойиллари барпо этилган, буюк мутасаввифлар етиша бошлаган ва мумтоз тасаввуфий асарлар ёзилган давр бўлди. Бу даврда тасаввуф илмининг бош мавзулари белгиланди. Сўфийлар жамият орасида мустақил бир табақа намоён эта бошладилар. Муайян жойларда тасаввуф мактаблари ташкил топди, хуллас, тасаввуф Ислом жамиятида ўз ўрнини топиб, Ислом маданияти ва тафаккур тарихига ўз тамғасини босди. Бу даврда чиққан баъзи машҳур мутасаввифлар ва улар эътибор берган мавзулар ҳақида сўзлаб ўтиш мақсадга мувофиқдир:

1. Маъруф Карҳий (200ҳ.-815м. й. в. э.): “Тасаввуф” калимаси билан тасаввуфни англатган илк сўфий бўлиб, бағдодликдир. У аввал насроний, кейин мусулмон бўлган. Саккизинчи шиа имоми Али Ризо ҳузурида камол топган. Шу боис тасаввуф-шиа муносабати жиҳатидан муҳим ғлаҳс саналади. Ибнул Жавзий у ҳақда “Маноқибу Маъруф Карҳий” номли маноқиблар китоби ёзган. Машҳур сўфий Сирри Сақатий - Карҳийнинг энг таниқли талабасидир.

2. Зуннун Мисрий (245ҳ.-859м. й. в. э.): Мисрлик бўлган бу сўфий, тасаввуф ҳақида илк марта асар ёзган ва Мисрда тасаввуфий ҳол ва мақомлардан сўз очган зотдир. У кўпроқ Аллоҳ ишқи ва маърифатуллоҳ мавзуларига ўз эътиборини қаратган. Унинг фикрича, Аллоҳни севиш ўлчови - Муҳаммад а.с. нинг суннатига астойдил амал қилиб, ахлоқан undan ўрнак олишдир. Аллоҳ билан инсон орасида икки томонлама илоҳий муҳаббат бор ва бу муҳаббат соясида инсон Аллоҳга эриша олади. Унга эришгач, ўз зотининг илоҳий зотда ғарқ бўлганини ҳис этади. У мўъминларга, каломчи ва файласуфларга, валийларга оид бўлган уч хил билим ҳақида гапириб, улардан энг мақбули - валийларга хос билим эканини, Аллоҳни ҳақиқий маънода ана шу билим орқали билиш мумкинлигини айтади. Шундай қарашлари билан Саҳл ибн Абдуллоҳ Тустарий (283ҳ.-898м. й. в. э.), Абу Абдуллоҳ ибн Аъло ва айниқса ўзига талаба бўлган, фано ва бақо ҳақида сўз

юритган, “тасаввуфнинг тили” дея танилган Абу Саййид Ҳаррорз (х.277-м.890й. в. э.)га кучли таъсир кўрсатган. Фикрлари зоҳирий илмлар уламоси томонидан эътироzга учраган.

3. Боязид Бастомий (х.261-м.874й. в. э.): Ислом тасаввуфининг энг муҳим сиймоларидан бири. Аввал фиқҳ илмларини ўрганади, кейин тасаввуфга йўналади. Тасаввуфда “ишқ” ва “ваҳдат” гояларини илгари сурган. “Сакр” (сархушлик) тушунчасини тасаввуфга у олиб кирган. Унда “ваҳдати вужуд” фикрининг илк нишонадари кўринади. Боязид Бастомий тасаввуфда сакрон (бехуд) ҳолатида айтилган ошиқча (мажозий) маънодаги сўзлар-шатаҳот (шатҳия)нинг намояндаси бўлиб, фикрлари Мансур Ҳаллож ва Ибн Арабий каби машҳур ваҳдати вужудчи мутасаввифларга кучли таъсир қилган.¹

4. Саҳл ибн Абдуллоҳ Тустарий (х.283-м.896й. в. э.): Тасаввуфда “нафс” ва “ҳаво” мавзуларига илк бор катта аҳамият берган сўфиийлардан бўлиб, “таваккул” ва “валоят” (валийлик) борасида ҳам кўпгина қарашларга эга. “Тафсирул Қуръонил аъзийим” номли тасаввуфий тафсири бугунга қадар етиб келган ва нашр этилган. (Миср, 1326-1908й.).

5. Жўнайд Бағдодий (х.297-м.909 й. в. э.): Ниҳованд шаҳридан бўлиб, Бағдодда яшаган Жўнайд, зоҳирий илмларда кучли эди. Тасаввуф илмини тоғаси Сирри Сақатий, устозлари Ҳорис Муҳосибий ва Муҳаммад Қассоб каби зотлардан ўрганди. Тасаввуф илми бўйича устозларидан ҳам ошиб ўтган ва Бағдодда даврининг энг буюк сўфииси даражасига етган. Бағдод тасаввуф мактабининг йирик намояндаларидан саналади. Тасаввуф илмини тартибиға соглани, қониқарли изоҳлар қилиб, тасаввуфнинг кенг тарқалишида бекёёс хизмат қилгани, зоҳирий (шариат) илмлари билан ботиний (тасаввуфий) илмларни бир-бирига боғлагани учун “саййидут тоифа” ва “тоҷул орифин” унвонларини қозонган. Мухабbat, унс, фано, тавҳид ва мийсоқ тушунчаларига аҳамият бериб, сакр эмас саҳв, талвин эмас тамкин ўйуни танлаган. Шатҳияларга бой тасаввуф тушунчасига майл этмаган, асрдоши бўлган Ҳалложнинг жўшқин ҳатти-ҳаракатини маъқулламаган. Турли мавзулардаги фикр-қараашлари кўплаб сўфийларнинг таянч нуқтаси бўлган. Имом Қушайрий ва Имом Фаззолий каби буюк шахсиятларнинг етишиб, камол топишида катта роль ўйнаган. Бугунгача етиб келган баъзи мактублари исломшунос олим Сулаймон Оташ томонидан таҳлил қилиниб, нашр этилган. (“Жўнайд Бағдодий: ҳаёти, асарлари ва мактублари”, Истанбул, 1969)

6. Абул Ҳусайн Нурий (х.295-м.907й.в. э.) Жўнайд Бағдодийнинг дўсти бўлиб, асли бағдодликдир. Сирри Сақатийнинг сұхбатларида

¹ ў.а. 36-40-б.

қатнашган. Исор-фароғат мавзуларига аҳамият берган. “Мақомоти қулуб” номли рисоласи олим А. Субхий Фирот томонидан нашр этилган.¹ Бу рисолада Қуръондаги садр, калб, фуод, лubb каби калималарнинг маҳсус маънолар англатишини, булардан садр - Исломнинг, қалб - имоннинг, фуод - маърифатнинг, лубб - тавҳиднинг маңбаи эканини, аммо тавҳидсиз маърифат, маърифатсиз имон, имонсиз Ислом бўлмаганидек, буларнинг орасида ҳам мустаҳкам иртибот борлигини изоҳлаган.

7. Шиблий (ҳ.334-м.945й.в.э.): Бағдодлик бўлиб, тасаввуфнинг шаклланишида Жунайд Бағдодийдан кейин энг кўп хизмат қилган зотлардандир.

8. Мансур Ҳаллож (ҳ.309-м.921й.в.э.): Эронлик бўлган Ҳаллож, тасаввуф тарихида кўп шов-шувларга сабаб бўлган шахсиятдир. Тасаввуф илмини Тустарий, Амр ибн Усмон ал Маккий, Жўнайд Бағдодий ва бошқа сўфийлардан ўрганганд. Ироқ, Хуросон, Сижистон, Мовароуннаҳр ва Ҳиндистонни кезиб, кўпчилик билан танишган. Бошқаларга нисбатан табиати жўшқинроқ бўлиб, ўз фикрларини ошкор айтаверарди. “Ҳақиқати Муҳаммадия”нинг азалий бўлиб, оламнинг яратилишига сабаб-восита бўлгани, илоҳий зотнинг башарий зотга, яъни Лоҳутнинг Носутга айланиши ва барча динларнинг ягона манбага таяниши ҳақидаги фикрларини олға сурарди.² Ўз қарашларини “Девон” ва “Китобут тавосин” асарларида баён қилган. Унинг фикрлари “илоҳий ишқ” ва “ваҳдати вужуд” назарияларининг шаклланишига анча таъсир кўрсатган. Ошкора айтаверадиган фикрлари туфайли зоҳирий уламонинггина кескин ҳужумларига учраб қолмай, баъзи тасаввуф аҳлининг ҳам танқидига сабаб бўлди. Шундай бўлса-да, сўфийларнинг аксарият қисми унга тарафдор бўлганлар. Уни танқид қилган сўфийлар, “илоҳий сирни фош этиш”да айблаганлар. Баъзи сўфийларнинг фикрича, тавҳид дараҳитини Боязид Бастомий эккан бўлса, Ҳаллож уни қони билан суфорган. Ҳалложнинг “Анал ҳақ” сўзи фожеавий равишда қатл қилинишига сабаб бўлди. Франциялик шарқшунос Луиз Массигнон, Ҳаллож мавзусида кўп тадқиқоллар олиб бориб, бир қанча асарларини чоп эттириди. Бу хусусда “Ахборал Ҳаллож” (Париж, 1936 й.) ва “La Пассион дал Ҳаллаж” (Париж, 1922 й.) номли асарлари машҳурдир.³

Юқорида мухтасар ҳолда маълумот берганимиз машҳур сўфий-

¹ “Абул Ҳусайн Нурнӣ ва Мақоматул қулуб номли рисоласи”. //Ислом тадқиқотлари институти мажмӯси, VII-ж, 1978, 1-2 жузъ. 339-355-б.

² Сунар Ж., ў.а. 49-51-б.

³ Ҳаллож ҳақида кенг маълумот учун қаранг: Луиз Массигнон, Ҳаллаж, Ислом қомуси, 5/ 1-ж, 167-170-б; Ўзтурк Я.Н. Ҳаллож . ва китоби; Китабут тавасин, Ист. 1976.

лардан бошқа ҳижрий III ва IV-асрларда яшаган яна кўплаб сўфиийлар бор: Абу Сулаймон Дороний (х.227-м.841й.в.э.), Бишри Ҳофий (х.227-м.841й.в.э.), Сирри Сақатий (х.257-м.870й.в.э.), Амр ибн Усмон ал Маккий (х.291-м.903й.в.э.), Иброҳим Ҳаввос (х.291-м.903й.в.э.), Абу Сайид Ҳарроуз (х.227-890й.в.э.), Ҳамдун Қассор (х.271-м.884й.в.э.) (Бу зот тасаввуф тарихида Ҳурносон ҳудудида юзага келиб, тарқалган маломатия мактабининг асосяиси ҳисобланади), Рувайм (х.330-м.941й.в.э.), Наҳражўрий (х.330-м.941й.в.э.), Абдуллоҳ ибн Ҳафиф (х.328-м.939й.в.э.), Ибн Мунозил (х.330-м.941й.в.э.), Абу Али Сакофий (х.328 - м.939й.в.э.) (бу иккиси маломатий бўлиб, Ҳамдун Қассорнинг муридлариридир), Абул Ҳасан Бўшанжий (х.348-м.955й.в.э.) шулар жумласидандир.¹

Басра, Куфа, Бағдод ва унинг атрофида кенг тарқалган тасаввуф ҳаракати ҳижрий III-аср охиридан эътиборан Араб ярим оролининг ўзга ўлкалари, Миср, Ҳурносон, Нишопур ва Ислом оламининг бошқа диёrlарида ҳам ёйилди. Шу тарзда Бағдод, Басра, Миср, Мадина ва Ҳурносонда тасаввуф мактаблари юзага келди ва бу мактабларда тасаввуф жараёни янада ривож топиб, Ислом тараққиёти тарихида муҳим ўрин тута бошлади. Бу ўринда бир масалага эътибор берсан, фойдадан холи бўлмас: Ироқ ҳудудида Жўнайд Бағдодий ва бошқа машҳур сўфиийларнинг фикрлари асосида шаклланган тасаввуф тушунчаси, Ҳурносон ва Нишопур ҳудудларида ботиний жиҳатдан янада камол топиб, нисбатан фарқли характер касб этган. Чунончи, Ҳурносонда яшаган аҳли тасаввуфнинг кўпчилиги Ироқда ҳоким бўлган тасаввуф қарашларини “шаклий” деб топиб, тасаввуфни зоҳирга ошкор этмай, унинг фақатгина қалбда яшамоги лозимлигини ва инсоннинг асл вазифаси - нафсины ислоҳ этмоқ, риё амаллардан сақланмоқ, қалбини фақатгина Аллоҳга боғламоқ эканини таъкидлаганлар. Бу мутасаввифлар хонақоҳлар қурдириб, махсус қиёфаларга кириб, ошкор зикр мажлислари уюштириб, жамиятдан ажралиб. ўзгача бир гуруҳга айланишни риёкорлик деб билганлар. Ушбу фикр-қарашлар асосида Ҳамдун Қассор томонидан “маломатия” деб аталган янги тасаввуф мактаби пайдо бўлди.² Шу сабабли, айниқса, Ҳурносонда пайдо бўлган тариқатларда “маломат” тушунчаси кеңттарқалган. Ҳижрий III ва IV-асрлар - тасаввуф тарихида асосий тариқатлар юзага келган давр ҳисобланади. Асосчиларига нисбат берилиб, номланган бу тариқатлар қўйидагилардир: муҳосибия (Ҳорис

¹ Бу даврнинг сўфиийлари ҳақида кенг маълумот учун қаранг: Сулламий, Табақатус сүфийи; Қушайрий, Рисола; Ҳужвирий, Кашфул маҳжуб; Исфахоний, Ҳилятул авлиё; Аттор, Таъзиратул авлиё.

² Кенг маълумот учун қаранг: док. Усмон Турар. Маломийликка доир //Турк дунёси тадқиқотлари мажмуаси, №39, декабрь, 1985, 25-51-б.

Мұхосибий), қассория ва маломатия (Ҳамдун Қассор), тайфурия (Абу Язид-Боязид Тайфур Бастомий), жунайдия (Жұнайд Багдодий), нұрия (Абу Ҳусайн Нурий), ҳакимия (Ҳаким Термизий), харрозийя (Абу Саид Харроз), хафиғия (Мұхаммад ибн Ҳафиғ Шерозий), сайёррия (Абул Аббос Қосим ибн Маҳдий Сайёррий), хубайрия (Хубайра Басрий). Кейинчалик зұхұр этган тариқатлар ҳам шу тариқатлардан ва хусусан жұнайдиядан келиб чиққанлар. Нақшбандиянинг силсиласи эса тайфурийяга бориб тақалади.¹ Бу давр зоҳирий илмлар уламоси томонидан мутасаввифларга ҳужум қилина бошлаган давр бұлиб, хусусан, ҳанбалия мазҳаби мансублари қүйидаги сабабларни баҳона қылиб, ахли тариқатни қоралар әдилар:

1. Тобора фалсафий характер тус олаёттан тасаввуф таълимотида сүфийлар билим манбаи сифатида қалбға, завқ ва илҳом йўли орқали эгалланган маърифатга ишонар әдилар. Ботин илмини зоҳир илмидан устун кўришар эди. Бунга қарши, фиқҳ ва қалом олимлари Қуръон ва ҳадисларнинг фақатгина зоҳирий маъносига аҳамият беришар, ҳужжат-далилларнинг ботиний маъноси деган жиҳатни қабул қилмас әдилар.

2. Мутасаввифлар - рух, нафс ва қалбға; тариқатта кирмаганлар эса зоҳирий амалларга кўпроқ эътибор беришар эди. Яъни, сўфий-руҳоний, фақих-қонуний эди.

3. Исломнинг илк даврларида эътиқод, ибодат ва муомалаларга оид шаръий ҳукмлар ривоят йўли орқали ўрганилмоқда эди. Тобора тартиб-интизомга солинган илм сифатида шаклланган фиқҳ ва унинг йўли, мусулмонлар ўргасида ниҳоятда кенг тарқалди ва рағбат кўрди. Янада аникроғи, фиқҳ - Исломнинг гоясидир, деган тушунча пайдо бўлди. Бу ҳолат сўфийларнинг тизими ва фикриётларига мувоғиқ келмас эди. Чунки, диний масалалар ва шаръий аҳқом ҳақида уларнинг ўзларига хос қарашлари мавжуд эди. Сўфийларга кўра, фақиҳларнинг урфи бўйича дин тамоман бир маросим, ҳаётйлиги ва руҳонийлиги бўлмаган қоидалар йигиндисидир, ҳолбуки, диннинг камолини зоҳирий маънолардан эмас, ботиний маънолардан изламоқ керак эди. Сўфийларнинг ана шундай фикрлари натижасида тасаввуф илми пайдо бўлди. Шу тариқа шаръий илм, ҳаракат нуқталари бир-бираидан фарқли бўлган икки қисм - зоҳирий ва ботиний қисмларга ажралди. Фақиҳлар зоҳирий, сўфийлар эса ботиний томоннинг вакили әдилар.² Фикрлардаги фарқлар туфайли кўп ўтмасдан фақиҳлар билан сўфийлар орасида келишмовчиликлар ҳам юзага келди. Фақиҳлар сўфийларга қарши душманона муомала қила бошладилар. Баъзи сўфий-

¹ Сунар Ж. , ў.а. 46-47-б.

² Афиғий. Ат Тасаввуф ас савратур рухийя фил ислям, Миср, 1963, 111-112-б.

ларни қаттиқ қораладилар, баъзиларини динсиз, кофир ва мулҳидликда айбладилар. Натижада, баъзи сўфийлар тергала бошланди. Баъзилари оқланди, баъзилари сургун қилинди, баъзилари яширинишга мажбур бўлди, ҳатто баъзилари ўлим жазосига тортилдилар. Чунончи, Аҳмад ибн Ҳанбал Ҳорис Муҳосибийнинг сўфиийёна сўзларини рад этиб, бидъатга чиқарган. Шу боис, Муҳосибий яширинишга мажбур бўлган, вафот этганида жанозасига фақатгина тўрт киши қатнашган. Яна ҳанбалий фикҳ олимларидан Ғуломул Ҳалил 262ҳ.-875м. йил сўфийларни динсизликда айблаб, инсон билан Аллоҳ ўртасида ишқ бўлмайди, деб мусулмонларни уларга қарши қилиб қўйган ва халифага сўфийларни қоралаган. Шунда халифа Муваффақ етмиш нафар сўфийни тутиб, сўроқ қилмоқ учун уларни Бағдод қозисига топширган. Сўроқдан кейин қози халифага бундай деб жавоб берган: “Агар бу одамлар мухаҳид бўлмаса, у ҳолда ер юзида ҳеч бир мухаҳид йўқдир”. Бу жавобдан кейин сўфийлар озод этилган. Ислом тарихида бу воқеага “Ғуломул Ҳалил иши” дейилади.¹ Бундан ташқари Зуннун Мисрийга ҳам зулм қилинган, Абул Ҳусайн Нурий, Жўнайд Бағдодий ва Ҳамза сингари сўфийлар Бағдодда, Саҳл Тустарий эса Басрада қозилар томонидан сўроқ қилинганлар.² Аммо Ислом тарихида зоҳир-ботин зиддиятининг бу давр, қолаверса барча даврларига тааллуқли бўлган муҳим ҳодисаси - Мансур Ҳалложнинг қатл қилинишидир. Фикрлари ўзининг бошига бало бўлган Ҳаллож, “анал ҳақ” сўзи учун Довуд Зоҳирий томонидан кофир дея фатво чиқарилиб, саккиз йил қамоқ жазоси берилган. Сўнг Абу Умар Яздий ва Абул Ҳусайн ибн Ашнонининг қатл ҳақидаги фатволарига биноан халифа ҳам ўлим ҳукими ни имзолаган ва (х.309-м.921 й.) қўл-оёқ ва боши кесилиб, ўлдирилган ҳамда ўтда ёқилган.³ Сўфийлар мубтало бўлган бундай воқеалар, ахли тасаввуфни тасаввуф Исломга зид эмаслигини акс эттирувчи ва фақатгина сўфийлар эмас, балки бошқа мусулмонлар ҳам тушунадиган тарзда жиддий илмий асарлар ёзишга унлади. Бундай асарларнинг энг машҳурлари - Абу Наср Сарроҷ (378ҳ.-988м. й.в.э.)нинг “Лумъа фит тасаввуф”, Абу Толиб Маккий (386ҳ.-996м. й.в.э.)нинг “Қутул қуруб”, Абу Бақр Каъабозий (390ҳ.-999м.й.в.э.)нинг “Таарруф ли мазҳаби аҳдит-тасаввуф”, Абул Карим Қушайрий (465ҳ.-1072м. й.в.э.) нинг “Рисолаи Қушайрия”, Абул Ҳасан Ҳужвирий (469ҳ.-1077м.й. в.э.) нинг “Кашфул маҳжуб ли арабобил қуруб” ва ниҳоят И мом Ғаззолий (505ҳ.-1111м. й. в.э.)нинг “Иҳё улумиддин” асарларидир. Бу асарлар орқали тасаввуфнинг шаръиyllиги исботланган, диллардаги шак-шуҳбҳалар бартараф этилган ва кенг омма томонидан маъқул кўрилган.

¹ Оташ С., ў.а. 53-б; Ҳужвирий, ў.а. Улудоғ С. тарж. 302-303-б.

² док. Ҳайроний Олтинтош, ў.а. 11-б.

³ Оташ С., ў.а. 53-б.

Хижрий V-асрда тасаввуф ҳаракати жуда тез тарқалди. Бунга сабаб: бу асрда Ислом оламида турли сиёсий ва диний мажаролар авжига чиққан эди; бир томондан аббосий халифалари билан расман уларга тобе бўлган султонликлар ўргасидаги ихтилофлар, иккинчи томондан мазҳаблар орасидаги тортишувлар ва фақиҳлар билан файласуфлар ўргасидаги келишмовчиликлар давом этаётган эди. Шундай бир тўполон даврда ўёки бу томонга мансуб кишилар ўз фикрларининг ҳақлигини исботлаш учун асарлар ёзардилар. Бу эса илмий соҳа ривожланишига йўл очди. Ана шундай жанжал ва тўполнардан безовта-бехузур бўлган мусулмонлар, мазкур ихтилофларга аралашмаётган ва охират саодатини мақсад қилган тасаввуф таълимотига майл этишини афзал кўрдилар. Шу сабабли сўфийларга ўз фикрларини янада кенгроқ ёйиш учун фурсат топилди. Мазҳаб тортишувларидан узоқда турган сўфийлар, айни вақтда султонлар ва давлат арбобларининг ҳам ҳурмат-эътиборини қозондилар. Ана шундай имконлар остида Ҳужвирий, Қушайрий; Сулламий, Абу Саид ибн Абильхайр, Ҳарақоний, Абулқосим Журжоний ва бошқа кўплаб мутасаввифлар этишиб чиқдилар.¹ Бу даврда тасаввуфнинг кенг тарқалиши, шу билан бирга баъзи соҳта сўфийларнинг ҳам пайдо бўлишига сабаб бўлди. Бундай кишилар сўфийлар орасида бидъат ва хурофот амалларни ёйишга ҳаракат қиласар, шаръий амалларни адо этилмасликни ташвиқ этардилар. Баъзилар эса тасаввуфга шия ва ботиний ақидаларни сингдиришга ҳаракат қилардилар. Ислом тасаввуфи тарихниг ҳар саҳифасида бундай кишилардан катта зарар кўрган. Мана шу даврда Ҳужвирий “Кашфул маҳжуб”, Қушайрий “Рисола” номли асарларида ўрта-мўътадил йўлдан бориб, тасаввуй ҳаракатни илк ва асл кўринишида давом эттириш ва уни ботил қаращлардан ва бидъатлардан тозалаш учун курашдилар ва бунга муваффақ ҳам бўлдилар. Чунончи, ўша пайтга қадар кўпчилик тасаввуфдан қочар, сўфийлардан нафрәтланар, уларни қаттиқ қоралар ва тасаввуфга шубҳа билан қарар эдилар. Қисқаси, тасаввуфга бир нави Қуръон ва суннатдан узоқлашган динсизлик сифатида боқар эдилар. Албатта, бунга баъзи соҳта сўфийларнинг шариатдан четлашувлари, тасаввуфга ташқаридан кириб қолган бегона фикрлар ва шия билан ботиний эътиқодларнинг роли ҳам бор. Ана шундай даврда Ҳужвирий ва Қушайрийлар билан бир қаторда Имом Фаззолийнинг фаолияти ва “Иҳё” асари тасаввуфга нисбатан бўлаётган салбий муносабатларни бартараф этишга катта ҳисса қўши. Шундай қилиб, тасаввуф - сунний Исломнинг ўз аслига том маънода мувофиқ бир илм, тушунча, таълимот ва ҳаёт тарзи деб тан олинди.

¹ Ҳужвирий, ў.а. 23-24-6.

Дастлаб, шахсий зуҳд ҳаёти сифатида бошланиб, кейинчалик эса бир томондан ижтимоий аҳамият қасб этиб, иккинчи томондан, амалиётдан назарияга интиқол этган ва илоҳий ишқ, маърифат, фано, бақо ва ҳоказо мавзуларни тараннум эта бошлаган тасаввуф - Мұхәйиддин ибн Арабийнинг фикрлари билан ўзига хос усул ва изоҳ тарзларига эга бўлган мустақил бир фалсафага айланди. Ибн Арабий бир тизимга соглан бу тасаввуфий фалсафанинг номи - “ваҳдати вужуд” бўлиб, қисқа маъноси “Аллоҳдан бошқа борлиқ йўқ, бошқа барча борлиқлар унинг исми ва сифатларининг тажаллисидир”. Кейинги бобларда бу мавзуда батафсил тўхталамиз. “Ваҳдати вужуд” фалсафаси Ибн Арабийдан кейин Садриддин Кўнявий, Фахриддин Ироқий, Абдураҳмон Жомий ва бошқа шахсиятлар томонидан шакллантирилиб, тасаввуфий тушунча тарзига буюк динамизм (фаоллик) баҳаш этди. Деярли барча тариқатлар томонидан тан олинган ва тез орада кенг тарқалган бу фалсафа, асрлар мобайнинда давом этиб, Эрон ва Онадўлида жўшқин ва маънодор тасаввуф адабиётининг пайдо бўлишига сабаб бўлди. Ҳофиз Саъдий-Шерозий, Жалолиддин Румий, Юнус Эмро, Ниёзи Мисрий ва яна кўплаб шоирлар ўз асарларида асосан “ваҳдати вужуд” ғоясини олға сурғанлар. Ваҳдати вужуд фалсафасини энг жиддий маънода танқид қилган Имом Раббоний бўлиб, у Ибн Арабийнинг “борлиқнинг бирлиги” ғоясига қарши Аллоҳ ва олам, Аллоҳ ва инсон фарқини қабул қилиб, бошқа борлиқлар Аллоҳнинг исму сифатларининг тажаллисига воситадир, дейди.¹ Имом Раббонийнинг фикрлари нақшбандийя тариқати арабблари томонидан маъқулланади.

Шундай қилиб, илмий ва фалсафий соҳада буюк ўзгаришлар ясаган ва Ислом жамиятига кучли таъсир қилган тасаввуф ҳаракати, ҳижрий V-асрдан бошлаб, турли тариқатлар кўринишида ва такяхонақоҳлар атрофида йигилган ижтимоий, диний уюшмалар ҳолида маҳсус асос-тизимлар ишлаб чиқиб, тасаввуфий фикр-қарашларининг амалий ҳаётда шахсан тадбиқ этиш даврига қадам қўйди. V-асрда Ироқ, Хуросон ва Эроннинг турли жойларида кўплаб тақялар қурилди ва бу тақяларни машҳур сўфийлар бошқарар эдилар. Такя низомини илк бор ишлаб чиққан сўфий Абу Саид Абилхайр бўлиб, ўз даврида тасаввуф тушунчасининг кенг тарқалишига бекиёс хизмат қилган ва бир неча тақяларни бошқариб турган.² Ислом жамиятида фиқҳ илмини ташвиқ қилган мадрасалар балан бир қаторда такя ва тариқатлар тасаввўф илмининг намоёндалари саналиб, илк даврлардан бутунга қадар мустақил диний муассаса хусусиятини сақлаб қолмоқда. Мадрасалар жамиятнинг юқори табақасига таълим берса,

¹ Хайри Бўлай. Фалсафий доктриналар сўзлиги, Истанбул, 1979, 283-б.

² Ҳужвирий, ў.а. 26-б.

тариқатлар жамиятнинг деярли барча табақаларига мурожаат этган таълим-тарбия тарзи билан мусулмонлар орасида диний ҳистайғуларнинг сақланиб қолишида ва ижтимоий ҳамжиҳатликни таъминлашда катта хизмат кўрсатган. Айтиш мумкинки, тасаввуф - асрлардан бери ўз ҳаётийлигини сақлаб келганлиги ва бу даража кенг оммага таъсири этишига, албатта, тариқатлар туфайли эришгандир.

II-БОБ

ТАРИҚАТЛАР

Ислом тасаввудининг энг буюк хусусиятларидан бири, фақат назарий жиҳат билан чекланиб қолмай, тасаввуф тамойилларини тариқатлар йўли орқали амалий ҳаётда тадбиқ этиш ҳамдир. Назариётда “тасаввуф” деб аталган бу оқимга амалий ҳаётда “тариқат” дейилади. Чунончи, тасаввуф дастлаб амалиётга катта аҳамият берган зуҳд ҳаракатидан келиб чиққан. Шунингдек, тасаввудининг кўпгина масалаларини етарлича англай олмоқ учун фақатгина назарий билим етмайди: ибодат, зикр, муҳоҳада ва риёзат орқали қалб ушбу масалаларни идрок этадиган софликка эришади. Шунинг учун “тасаввуф - қол (сўз) илми эмас, ҳол (шахсан амалда яшаш) илмидир” деганлар. Тасаввуф амалий турмуш тарзига асослангани учун, бир томондан унинг назарияси ишлаб чиқилар экан, иккинчи томондан тариқатлар пайдо бўлиб, тасаввуйий турмуш тарзининг қоидалари белгиланган. Дастлаб, шахсий маънавий ҳаёт тарзи бўлиб кўринган тасаввуйий турмуш тарзи, аста-секин ижтимоий-жамоат ҳолига айланди. Зоҳидлиги ва илми билан танилган улуғ шахсиятлар ўз атрофларида суҳбат ҳалқалари ташкил қилганлар, уларнинг суҳбатларида иштирок этганлар шахсий ҳаётларида уларнинг тавсияларига амал қила бошлаганлар. Шундай қилиб, ҳижрий III ва IV-асрларда ана шундай машхур зотлар атрофида, улар етакчилигига тариқатлар пайдо бўла бошлиди. Фикҳий ва эътиқодий мазҳабларда бўлганидек, бу зотларнинг тариқат ташкил қилиш ниятлари бўлмаса ҳам, уларнинг атрофларида ўз-ўзидан табиий равишда тариқатлар юзага келган.

А. ТАРИҚАТНИНГ МАҲНОСИ

Тариқат - арабча “йўл” деган маънони билдириб, тасаввуф адабиётida “Аллоҳга яқинлашмоқ ва Унинг розилигига эришиш мақсади да юриш керак бўлган йўл” демакдир. Ушбу йўлда юрган кишига эса

“солик” дейилади. Солик бу йўлда юриш давомида Аллоҳни билиб-танигунга қадар турли манзиллар ва мақомларни босиб ўтади.¹ Баъзи соликлар бу сафарини ниҳоясига етказа олмай, ярим йўлда қолиб кетадилар. Баъзилари эса бу машаққатли йўлни босиб ўтиб, Аллоҳга восил бўлурларки, бу кишиларга “**восил**” дейилади. Бу йўлчилик-сифар чоғидаги манзилларни босиб ўтишга “**сайру сулук**” дейилади.

Б. ТАРИҚАТЛАРНИНГ ТАСНИФИ

Сўфийларга кўра, инсонни Аллоҳга элтувчи йўл маъносини билдирувчи тариқатлар, муайян саноқлар билан чекланмайди. Чунончи, Нажмиддин Кубро “Усули ашара” рисоласини “Аллоҳга элтувчи йўллар - яратилган жонзотларнинг нафаслари саноғи қадар” дея бошлайди. Илк сўфийлардан Абу Бакр Тамастоний (х.340-м.951й. в.э.). “Аллоҳга борувчи йўллар - яратилмишларнинг адади қадар” деса, Абул Ҳасан Музаййин (х.328-м.939й.в.э.) эса бу йўллар - “Юлдузларнинг ҳисоби қадар” дейди.² Бу йўлда асосий ғоя - таважжух, яъни холис ният-ла Ҳаққа йўналмоқдир. Йўл танлашдаги усул фарқи асосий ғояга тааллуқли эмас. Шу билан бирга тариқатларни турлича таснифлашган. Бу таснифларнинг кўплиги, уларнинг асосидаги ўлчовларнинг хилма-хиллигига бориб тақалади. Тариқатлар асосан кўйидагича тасниф этилган:

а) зикр кўринишларига кўра;

1. қиёмий тариқатлар (туруқи қиёмийя): кўпроқ тик ҳолда зикр қилувчи тариқатлар; масалан, қодирийя.

2. қуудий тариқатлар (туруқи қуудия): ўтириб зикр қиласиган тариқатлар; масалан, нақшбандия.

3. хафий тариқатлар (туруқи хафийя): овоз чиқармай яширин зикр қилувчи тариқатлар; масалан, нақшбандия.

4. жаҳрий тариқатлар (туруқи жаҳрия): овоз чиқариб зикр қилувчи тариқатлар; масалан, хилватия.

б) кўллаган методига кўра:

1. **Тариқи ахёр** (хайрлилар йўли): муомала арбобининг йўли бўлиб, фарз ва суннатларни, нафл намозларни адo этиш, нафл рўзалар тутиш, Қуръон ўқиш ва ҳоказо ибодатлар орқали Ҳаққа восил бўлишга асосланган. Бу йўл кўп вақтни тақозо қиласиди, бинобарин бу йўл орқали жуда оз киши мақсадига эришган. “Тариқи зуҳд ва ибодат” деб аталган бу йўл - зоҳидлар йўлидир.

2. **Тариқи аббор** (қалби софларнинг йўли): бу ҳам риёзат ва мужоҳада йўли бўлиб, шу орқали ахлоқни гўзаллаштириш, қалбни по-

¹ Журжоний. Таърифат, Истанбул, 1275, 57-6.

² Нажмиддин Кубро. Тасаввуфий хаёт, Мустафо Кара нашрга тайёрлаган, 33-б, 1-изоҳ.

клаш асос қилиб олинган. Риёзатдан мақсад - нафс истакларини қилмаслиқ, мужоҳада эса нафс истакларига қарши курашиш бўлиб, шу тарзда қалб ёмон хулқлардан тозаланиб, эзгу ахлоқ билан беза-нади. Биринчи методга нисбатан, у қисқароқ ва бу йўл билан Ҳаққа восил бўлганлар кўпроқ. Сўфий тариқатларнинг асосий йўли шудир.

3. Тариқи шуттор (ишқ ва жазба аҳлиниңг йўли): бу ишқ-муҳаб-бат, жазба йўли бўлиб, бу йўлда юрган солик бир ҳолдан иккинчи ҳолга: бир мақомдан иккинчи мақомга ўтиш орқали маънавий сайр қиласди. Шу боис бу йўлни “тариқи соирин” ҳам дейдилар. Бу йўлнинг шарти - инсон ўлимни ўз иродаси билан қабул қилишидир. Солик гўё бир ўлик каби ҳамма нарсалардан воз кечиб, ҳатто ўз борлигини ҳам йўқ ҳисоблаши керак. Бу йўл “усули ашара” деган қўйидаги ўн асосга таянади: тавба, зухд, таваккул, қаноат, узлат, доимий зикр, бутун борлиғи билан Аллоҳга йўналмоқ, сабр, муроқаба ва ризо. Қийин бўлишига қарамай, мақсадга эришувда энг қисқа йўл бўлиб, маломатийлар шу йўлни асос қилиб олганлар.¹

в) Фикр тизимларининг ҳақ ва ботил бўлишига қўра:

1. Ҳақ (шаръий, ортодокс) тариқатлар: Исломнинг бош асосла-рига таянган ҳолда ташкил қилинган ва шаклланган тариқатлар; нақшбандия ва қодирия каби.

2. Ботил (ғайри шаръий, гетеродокс) тариқатлар; булар икки қисмдир. Биринчиси, дастлаб зухур этиб, асосчисининг фикрлари ҳақ бўлган-у, бироқ аста-секин турли фикр ва анъаналар таъсирида ботиллашган тариқатлар, масалан, бектошийлик. Иккинчиси, даст-лаб пайдо бўлишиданоқ Исломга мувофиқ келмаган тариқатлар; Чунончи, хуруфийлик ва қаландарийлик.

ИЛК БОТИЛ ТАРИҚАТЛАР

Дастлабки даврлардаёт аста-секин баъзи гуруҳ-доиралар тасав-вуфий кўриниш остида Ислом ақидасига тўғри келмайдиган тамой-иллар ижод этганлар. Бундай гуруҳларнинг ҳақиқий сўфийларга ҳеч қандай алоқаси йўқлиги баъзи олимлар томонидан маълум қилинган. Абул Ҳусайн Мұхаммад Малатий (ҳ.337-м.948й. в.э.) “Танбех ва рад” асарида бундай сохта сўфийларни фош қилган (93-95 бет, Байрут, 1968). Яна Абу Наср Сарроҳ Тусий “Лумъя” асарида бундайлар ҳақида маълумот берган. Нажмиддин Умар Насафий (ҳ.532-м.1142й.в.э.) эса

¹ Мұхаммад Али Айний. Тасаввуб тарихи, 193-194-б; Исмоил Ҳаққиј Измирли. Янги қалом илми, Истанбул, 1339-1341, 1-ж. 155-б; Бу уч йўлнинг тафсилоти ҳақида қаранг: Ҳаририйзода М.К., Ҳақиқатут тариқа, қўлзома, Сулаймония ку-тубхонаси, Шўрзалий, №27 /2. Бу тасниф ва “Усули ашара” илкбор Н. Кубро томонидан “Усули ашара” номли рисоласида кўрилган. И.Х. Бурсавий ҳам бу ри-солани шарҳлаган: Н. Кубро. Тасаввубий хаёт, М. Кара нашрга тайёрлраган.

бундай ботил тариқатларни “Китоби фи мазоҳибул мутасаввифа” номли мустақил асарида бир тизим асосида изоҳлаб чиқкан.¹ У мазкур асарида тасаввуфий фирмаларни ўн иккига бўлади. Булардан бальзисини ҳақ, бошқасини ботил дея ажратади. Насафийнинг бу таснифи кейинчалик Исломил Ҳаққий Бурсавийнинг “Китобул хитоб” ва Иброҳим Ҳаққий Арзирумийнинг “Маърифатнома”сида деярли айнан нақл этилган. Буларни М. Али Айний ҳам ўзининг “Тасаввуф тарихи” асарида зикр этади (177-178 бет). Бу гуруҳлар ва уларнинг қарашлари қўйидагичадир:

1. Сунния: аҳди суннат вал жамоат йўлидан айрилмай, ҳар хусусда Мұхаммад а.с.нинг суннатларига амал қылувчи сўфийлар бўлиб, бу йўл ҳақ саналади. Бундан кейин келадиган ўн бир гуруҳнинг тутган йўллари ботиллар.
2. Ҳулулия: чиройли аёл ва эркакларга тикилиш ва рақс пайтида аралашиб-кучоқлашишни ҳалол ҳисоблашади, кўркам юзга Ҳақ тажаллиси тушган деб эътиқод қилишади.
3. Ҳолия: само ва рақс ҳалол, рақс вақтида пайдо бўлган даҳшат (ўзини йўқотиш) пайтида шариатга эътибор берилмаслигини ҳалол дейдилар.
4. Авлиёя: валийлик даражасига етган инсонлар шаръий масъулиятлардан соқит бўлади, дейдилар.
5. Сумраҳия: банда унс ва ҳузурга эришиб, Аллоҳнинг дўстига айлангач, ундан рўза, намоз каби амрлар ва шаръий буйруқлар масъулияти соқит бўлади, доира ва най куйлари остида самога тушиш, хушбўй ҳидли атир сепган аёлларни ҳидлаш ва улардан фойдаланиш жоиз дейдилар.
6. Ҳуббия ёки ҳабибия: буларнинг фикрича, Аллоҳ севгисини тоши марабасига эришиб, бошқа севгилилардан алоқасини узган киши намоз, рўза каби шаръий амр ва таъқиқлардан соқит бўлади, чунки у киши маънан юксалган, илоҳий тақаллуфларга эришиб даражасига етган бўлиб, унинг учун ибодатлар соқит бўлади ва ҳаромлар ҳалолга айланади.
7. Хурия: улар, ҳушимииздан кетсак, бизга жаннатдан ҳурлар келади, улар билан яқинлашамиз, шунинг учун ҳушимиизга келгач, гул вожиб бўлади, дейдилар.
8. Ибоҳия: булар ўзларини гуноҳдан қайтаришга қодир эмасмиз, дейдилар, яхшиликка чақирмайдилар, ёмонликдан қайтармайдилар, диннинг амр ва таъқиқларига риоя қилмайдилар, мусулмонларнинг мол ва номусларини мубоҳ ҳисоблайдилар.

¹ Насафийнинг бу рисоласи Улудоғ С. томонидан таржима қилинган. Қаранг: Калабозий, Ташкил топиш даврида тасаввуф, (Таарруф)нинг иловаси, Ист. 1979, 259-263-б.

9. Мутакосилия: ризқини топиш учун меҳнат қилмасдан, ёлғончилик қилиб, уйма-уй кезиб, ош-овқат йигадилар.

10. Мутажоҳилия: булар - мақсадимиз риёдан ва ўзни кўз-кўз қилишдан узоқ бўлиш десалар-да, қалбларида тақво ва гўзал ахлоқ бўлмагани ҳолда, фосиқлар каби кийинадилар.

11. Воқифия: инсон Аллоҳ ҳақида билим ва маърифат эгаллашга оқиз, Ҳақни фақат Ҳақ билади, деб, Аллоҳни таниш учун ғайрат қилмайдилар.

12. Илҳомия: Қуръон ўқиши ва Қуръон илмларини ўрганишдан юз ўтириб, файласуфларнинг асарлари ва шеърий китобларни ўқиб, ҳақиқат топишларини ва Қуръоннинг эса парда эканлигини иддао қиласидилар.

Исломга мувофиқ келмайдиган (еретик) мистик жараёнлар, албатта, фақатгина булардан иборат эмас. Бу ерда дарж этилган нарсалар Насафий қайд этган баъзи муҳим жиҳатлар холос. Кейинги асрларда бу хил гуруҳлар янада кўпайди: ҳуруфийлик, нуқтавийлик, бектошийлик, қаландарийлик ва риндлик шулар жумласидандир. Демак, тарихнинг ҳар даврида Исломнинг эътиқодий ва амалий асосларига мос тариқатлар бўлганидек, Исломдан узоқлашган баъзи тасаввуфий жараёнлар ҳам бўлган. Буларни доим бир-биридан фарқлаш керак. Бундай ботил гуруҳларнинг юзага келишида тасаввуфнинг мусомаҳакор (кенг бағирлилик) хусусиятини сунистеъмол қилган нияти бузук кишилар билан бир қаторда Исломга бегона бўлган маҳаллий анъаналярнинг ҳам катта таъсири бўлган.

г) Силсиларига кўра: 1. Бакрия ёки сиддиқия: силсиласи ҳазрати Абу Бақрга тақаладиган, 2. Умария ёки форуқия: силси-ласи ҳазрати Умарга тақалувчи, 3. Усмония: силсиласи ҳазрати Усмонга тақаладиган, 4. Алавия: силсиласи ҳазрати Алига бориб тақаладиган тариқатлар.

Кўриниб турибдики, тариқатлар ҳар томонлама тасниф этилган. Бу таснифларни янада кўпайтириш мумкин.

д) сўфийларни таснифлаш: тариқатлар тасниф қилинганидек, мутасаввифлар ҳам турлича тасниф этилган. Шулардан иккисини кўриб чиқамиз:

1. Тасаввуфий қарашларига кўра: тасаввуфдан мақсад - тавҳидга эришмоқ бўлиб, мутасаввифларга кўра, тавҳидга элтувчи йўл - фанони амалга ошириш. Аммо мутасаввифлар “тавҳид” ва “фано” тушунчаларига кўра уч қисмга бўлинадилар:

1. Қусудия. Ўз қасду иродасини Аллоҳнинг иродасида фоний қилганларга айтилади. Бу тоифа сўфийларнинг Аллоҳдан бошқа бирон мақсадлари йўқ, шу боис, улар Аллоҳ нимани мурод қилган бўлса, уни ирода қиласидилар, унинг амрларидан асло четга

чиқмайдилар. Бу тоифанинг йўли юқорида қайд этилган “ахёр” йўли-дир. Дастребки сўфий ва зоҳидлар мазкур йўлни танлаганлар. Буларнинг мақомига “фано фил кусуд” дейилади. Бу сўфийлар Аллоҳ билан бирга ўз борлиқларини ва ибодатларини идрок этадилар. Яъни, доимо “саҳв” ҳолидадирлар. Измирилик Исмоил Ҳаққий пайғамбарларнинг, саҳобаларнинг ва авлиёнинг йўллари бу эканлиги, бу йўл Исломнинг зоҳир ва ботинини ташкил этишини таъкидлаган.

2. Шуҳудия. Ҳар нарсада ва ҳар ишда Аллоҳни мушоҳада этувчиларга “шуҳудия” дейилади. Бу тоифа сўфийларнинг Аллоҳга бандалик қилишлари ва муҳаббатлари шу даражага келганки, Аллоҳга бўлган иштиёқларидан на ибодатларининг, на муҳаббатларининг фарқига борадилар. Улар фақат Аллоҳни ўйладилар. Ҳар нарсада Аллоҳни мушоҳада этадилар. Бу мартабага “фано фиш-шуҳуд” дейилади. Бу мартабада Аллоҳ-банда, Аллоҳ-бошқа яратиқлар каби иккилик муносабатига аҳамият берилади. Шунингдек, сўфий Аллоҳга бўлган муҳаббати туфайли, Ундан бошқа бирор борлиққа (мосивога) аҳамият бермайди. “Аброр” йўлидаги сўфийларнинг ҳоли шудир. Бу ҳол соликда ўткинчи ҳосил бўлган “сакр” ва “фано” ҳоли бўлиб, доимий эмас. Бу мақомда сўфий асл гояси - Аллоҳни унугтиб, “фано” ҳолини асл гоя гумонсираб, фанога эришгач, диний буйруқларнинг соқит бўлиш тушунчасига берилиб кетиш хавфи бор.., Бундайларга “Фолия” дейилади.

3. Вужудия. Аллоҳдан бошқа бирон борлиқни тан олмайдиган сўфийларга “вужудия” дейилади. Мартабасига эса “фано фил вужуд” дейилади. Бу мақомда сўфий назарида, олам Ҳақнинг тажаллиси, шуун (нури) ва авторидан иборат, мустақил борлиғи йўқдир. Сўфийлар назарида “тавҳид”нинг энг баланд мартабаси ҳам шу. “Шуттор” йўлидагиларнинг тавҳид тушунчаси ҳам шу. Баъзи фақиҳ ва калом олимлари бунга қаттиқ қаршидиirlар. Тасаввуфга қарши қилинган ҳужумлар умуман шу сабабидир.¹

II. Маънавий даражаларига кўра:

Баъзи мутасаввиблар, мусулмонларни Аллоҳ назидаги даражасига қараб тасниф этганлар. Масалан, Мавлоно Абдураҳмон Жомий “Нафаҳотул унс” асарида сўфийларни қўйидагича тартибга солган:

1. Асҳоби вусул (Аллоҳга восил бўлганлар-етишганлар):

а) машойихи сўфия (иршод билан вазифадор муршиidlар).

б) фанофилоҳга эришганлар (иршод билан вазифадор бўлмаган валийлар).

2. Аҳди сулук:

¹ Измирли И.Х., ў.а. 1-ж, 153-154-б; Ж. Сунар. Тасаввуф тарихи, Анқара, 1975, 192-б.

а) олий мақсадга толиб бўлган ва Аллоҳнинг зотига талабгорлар, булар икки қисм: мутасаввифлар, маломатийлар.

б) жаннат ва охират неъматларини хоҳловчилар, булар эса тўрт қисмга айрилганлар: зоҳидлар, фақирлар, ходимлар ва обидлар.¹ Сўфийларнинг мақомлари маломатийларницидан ҳам устун экани ҳақида Суҳравардий Жомий билан ҳамфикр.² Ибн Арабий эса куйидагича тасниф этган:

1. Маломатийлар. 2. Сўфийлар. 3. Обидлар.

Унинг фикрича, пайғамбарлардан кейин энг афзал ва устун инсонлар - маломатийлар бўлиб, сўфий улардан кейинги ўринда туради. Саййид Шариф Журжоний ва Имом Шаъроний ҳам бу хусуда Ибн Арабийнинг фикрига қўшиладилар.³

В. ТАРИҚАТЛАРНИНГ МУШТАРАК УНСУРЛАРИ

Бу мавзумизда, мумтоз маънодаги тариқат бўлмай, зоҳирда халқдан айрича хусусият касб этмаган, шу билан бирга қалбан доимо Аллоҳ билан бирга бўлиб, риёдан қаттиқ сақланишга асосланган дастлабки маломатийлар мустасно, муайян оқимлар (гуруҳлар)и, асослари ва такяларига эга бўлган барча исломий тариқатларда муштарак мавжуд бўлган тамал унсурлар ва ижтимоий-диний ташкилот бўлган тариқатларнинг моҳиятини тушунишга ҳаракат қиласилик:

I. ИНСОНӢ УНСУРЛАР

а) Пир, пири соний. Форсийда кекса маъносини билдирувчи пир - тариқатда шу тариқат асосчиси бўлган мутасаввифга айтилади. Масалан, нақшбандиянинг пири Баҳоуддин Нақшбанд, қодириянинг пири Абдулқодир Гilonий каби. Пири соний эса иккинчи пир демак. Тариқатга асос солингандан кейин, унга янгича йўналиш берган, уни жонлантирган сўфийга пири соний деб айтилади. Масалан, қодириянинг пири сонийси - Исмоил Румий (1631й. в.э.), хилватиянинг пири сонийси Саййид Яҳё Ширвоний (1457й. в.э.)дир. Пирнинг мақбараси жойлашган даргоҳга “пир уйи”, “пир мақоми”, “хузур” ва “хузури пир” дейилади.

б) Шайх, халифа. Шайх арабчада кекса дегани, тариқатда эса шу йўлга киргандарни тариқатнинг сайру сулук асосларига қўра вояга етказиш ва уларни синаш хукуқига эга бўлган шахс бўлиб, унга муршид ҳам дейилади. Яссавияда “ота” шайх ва муршид маъносида ҳам ишлатилади. Тариқат анъанасига қўра, бир шайхга боғланиб,

¹ Бу ҳақда қаранг: Л. Чалабий, ў.а. 15-6.

² Суҳравардий, ў.а. 72-74-б.

³ Бу ҳақда қаранг: док. Турар У., Маломийликка доир //Турк дунёси тадқ. №39, декабрь, 1985, 44-47-б.

унга қўл бермагунча солик ёки ҳар қандай бир мусулмон Ҳаққа во- сил бўлолмайди. Боязид Бастомийга оид дея нисбат берилган “шайхсиз одамнинг шайхи шайтондир” деган машхур сўз тариқатлар орасида кенг тарқалган, ҳатто баъзилар уни ҳадис ҳам дейдилар. Сўфийларнинг фикрича, муршидинг зарурлиги қўйидаги оятларга асосланади: “Қачон уларга (жангга кетган мусулмон аскарлар ҳақида) тинчлик ёки хавф-хатар (яъни галаба ёки маглубият) хабари келса, уни ёйиб юборадилар. Агар (улар ўзларига келган хабарни ҳар кимга ёйиб юбормасдан) пайгамбарга ва ўзларидан бўлган бошлиқларгагина етказганларида эди, уни (яъни мана шу хабарнинг ҳақиқатини) билмоқчи бўлган кишилар ўшалардан билган бўлардилар” (Нисо - 4:83); “Эй мўъминлар, Аллоҳдан кўрқингизлар ва Унга яқин бўлиш учун васила излангизлар, ҳамда Унинг ўйлида жиҳод қилингиз, шояд шунда најсом топурсиз!” (Моида - 5:35).

Шайх тариқатга кирган ва ўзига интисоб этган мурид учун ҳар бир ҳаракати билан ўrnак инсон сифатида намоён бўлади. Шунингдек, шайх мурид учун йўл кўрсатувчи, тарбияловчи ва муаммоларининг ҳал бўлишида ёрдам берувчи киши ҳисобланади. Шунинг учун шайхнинг барча кўрсатма-тавсияларига амал қилмоқ, бутун қалби билан унга боғланмоқ, уни маънавий ота ва устози деб билмоқ лозим. Мурид шайхига қанчалик қаттиқ боғланса, вуслат йўлида шунчалик тезлашади. “Умматим учун набий қай даражада муҳим ўрин тутса, мурид учун ҳам шайхнинг аҳамияти шу даражададир” деган ҳадис ҳам нақл этадилар.¹

Пир ёки шайх томонидан иршод вазифаси берилган кишига халифа дейилади. Халифага шайх халифалик ижозатномаси беради. Бу ижозат чекланмаган ҳуқуқлар учун берилгани каби фақатгина зикр талқини, ё туш таъбири учун берилиши ҳам мумкин. Шуни унутмаслик керакки, ҳар валий ҳам муршид бўлолмайди. Сайру сулукини адо этиб, вуслатга эришган киши валий бўла олади. Аммо шайх ва муршид бўлиш учун валий бўлишнинг ўзи кифоя қилмайди. Муршид инсонларни иршод этиш учун Аллоҳ томонидан вазифа берилган валийдир. Масалан, мажзуб валий бўлиши мумкин, аммо муршид бўлолмас. Демак, ҳар муршид ёки шайх валийдир, аммо ҳар валий муршид эмас. Шундай экан, шайхлик ниҳоятда муҳим вазифа бўлиб, ўзини шайх дея эълон қилиб, майдонга чиққан ҳар ким шайх бўлавермайди. Шайхлик - кўплаб ижобий сифатларни ўзида жо қилгач, Ҳақ томонидан омонатан бериладиган мақомдир. Масалан, Исломий Ҳаққий Бурсавий “Аҳднома” асарида бу мавзуда 235 хусусиятни зикр этади. Умумий маънода шайх бўла олиш учун қўйидаги хусусиятларга эга бўлмоқ керак:

¹ Ажлуний. Кашфул хафа. 11-ж, 2-б.

1. Илм, ирфон ва маънавий завқ эгаси бўлиш.
2. Исломни, яъни шаръий илмларни чуқур билиш.
3. Муайян бир тариқатнинг усулига биноан сайру сулукини адо этган ва иршод билан вазифалантирилган бўлиши.
4. Ёмон хулқлардан тозаланган, яхши хулқларга эга бўлган, мөхрибон ва олийхиммат бўлиш.
5. Мурид етиштиришга, яъни инсонларни тарбиялашга қобилиятли бўлиши.
6. Диний вазифаларни адо этишга катта эътибор бериб, уни жиддият билан бажариш. Халифа ҳам шайх даражасида бўлгани учун юқоридаги сифатлар унга ҳам тааллуқлидир.

в) Мурид, дарвеш, солик. Бирор тариқат шайхига байъат қилган ва сайру сулукини давом эттираётган кишига мурид, дарвеш ва солик дейилади. Тариқатларга кўра, бундай кишиларга бошқача исмлар ҳам берилади: толиб, факир, ихвон, асҳоб сингари. Тариқат аҳли мавжуд мавқесига қараб турли исмларга бўлинадилар:

1. Толиб - тариқатга кирмоқчи бўлган, аммо ҳануз тариқатга қабул қилинмаган.
 2. Мурид - истаги қабул этилиб, тариқатга олинган.
 3. Солик - сайру сулукини давом эттираётганлар.
 5. Восил - сайру сулукини тамомлаб, Аллоҳга восил бўлганлар.
- Сайру сулук жиҳатидан ҳам қўйидагича тасниф қилинган:
1. Мубгадий - сайру сулукини янги бошлаган.
 2. Мутавассит - ўйлнинг ярмисига келган.
 3. Мунтахий - сайру сулукни адо бўлиб, вуслатга эришган.

Шайхда мавжуд бўлганидек, муридларда ҳам бўлиши талаб қилинадиган баъзи хусусиятлар ва амал қилиш керак бўлган хусуслар бор. Булар тариқатдаги “одоб” китобларида кенг ёритилган. Мурид шайхига, қолаверса, бошқа муридларга нисбатан вазифалари шундай:

1. Садоқат ва самимият билан бу ишни бошлаш.
2. Ҳақиқий ихлос билан тавба қилмоқ, аразлашган, жанжаллашган мусулмонларнинг орасини тузатиш.
3. Қалбидан дунё севгисини улоқтирмоқ, кўнгилни Аллоҳга йўналтирмоқ.
4. Бирон киши хафа қилса ҳам, мақтаса ҳам аҳамият бермаслик.
5. Дунёвий мансаб қўлга киритиш ниятига эга бўлмаслик, фақатгина Аллоҳ розилигини кўзламоқ.
6. Қалбан бўлса ҳам шайхига эътироуз қилмаслик.
7. Шайхидан бошқа кишига асло сирини очмаслик.
8. Зикр, ҳилват ва само вақтида қалбга келадиган васвасалардан сақланмоқ.

9. Дарвишларга баданан хизмат қилмоқ,
10. Бевақт сафарга чиқмаслик.
11. Ҳар мавзуда ўзини ноҳақ, бошқа мурилларни ҳақ деб билиш.
12. Ғазабланмаслик, жанжаллашмаслик, қаҳқаҳа отиб кулмаслик.
13. Жабру-жафо ва қийинчилликларга сабр қилиш, ўз манфаати учун тортишмаслик.
14. Шайхи буюрган зикр билан шуғулланиб, қалбий зикрга аҳамият бермоқ.
15. Шайхда гуноҳ содир бўлса, аралашмаслик, ўз ишида давом этиб, вазифаларига аҳамият бермоқ.
16. Эриша олмагани ҳол ва мақомлардан баҳс этмаслик.
17. Раислик ва машҳур бўлишга интилмаслик, талаба бўлишни орзу қилиш.
18. Мъянавий мукошафа ва тажаллиларда ҳиссасига тушгани билан кифояланиш.
19. Диний билим ва ахлоқини янада ривожлантиришга интилиш, бу хусусда нафсига қарши курашиш.
20. Диний буйруқ ва таъқиқларга амал қилишда дикқат-эътиборли бўлиш.¹

Бирор кишининг шайхга боғланишига “интисоб”, “иноба”, “байъат” ёки “кўл бериш” дейилади. Ҳар тариқатга кирмоқчи бўлган мурид, шайхнинг ҳузурида авваламбор тавба қиласи, бундан кейин гуноҳ қилмасликка ва бунинг учун риёзат ва мужоҳада қилишга сўз беради. Бу жараён муайян асосга биноан амалга оширилади. Намуна сифатида нақшбандия тариқатининг холидия тармоғида амалга ошириладиган байъат усулини кўрайлик:

Мурид: “Жаноби Ҳақнинг маърифатидан баҳраманд бўлиш учун ҳузурингизга келдим” дега интисоб истаги борлигини шайхга билдиради. Шунга кўра шайх унинг исмини, хизматини, маслагини сўрайди ва шамоилига ҳам назар этиб, “истихора” амр этади. Шайхнинг ўзи ҳам истихора қилиб, Мұҳаммад а.с.га таважжуҳ этади. Толибнинг исми ва расми билан таърифлаб, инобаси учун рухсат сўрайди. Мұҳаммад а. с. ҳам малакларга у кишининг руҳини ҳузурига келтиришни буюрадилар ва тариқатда насиби бўлса, интисобига изн берилганини матълум қиласидилар. Акс ҳолда, шайх ҳузурига келган толибнинг кўнглини ранжитмасдан, истагини қабул этмайди. Толибга қилинган истихора натижасида кўнгил очиқлиги юзага келмаса, истихора уч ёки етти марта такрорланади. Охири шубҳа ва тараддул бартараф бўлгач, шайх Аллоҳдан ёрдам сўраб, толибнинг иршодига бошлайди. Қобилияtlарни кашф этиш қуввати эҳсон қилинган муршид, агар толибда кўнгил эътимоди-ишончини кўрса, истихорага

¹ Кара М., ў.а. 230-231-6.

эхтиёж сезмаслиги мумкин. Бу ҳам истихоранинг ўрнига ўтаверади, аммо истихора қилиниши толибда шайхга нисбатан бўлган ишончни янада орттиргани учун амалга оширилиши гўзалдир. Кейин толибга мукаммал фусл олиш буюрилади. Икки ракъат намоз ўқигач, бир чеккага ўтириб, етти марта “астағфируллоҳаз азим” ва юз карра “субҳаналлоҳаз азим” дейди, кейин Ҳақ розилиги учун имкон доирасида бирон нарса садақа қилгач шайхнинг ҳузурига боради. Шайх толибга намоздаги ўтиришнинг акси ўнг оёқ устига икки оёғини чапдан ташқарига чиқариб ўтиришни буюриб, рўпарасига ўтқазади. Барча катта-ю кичик гуноҳлардан тавба қилдириб, бўйнида ўтамоги лозим бўлган банда ҳаққини эгаларига ўташини насиҳат қиласди. Ёлғон сўзламаслик, бировга қарши чиқмаслик, таҳоратсиз юрмаслик, беш вақт намозни ўз вақтида ва жамоат билан ўқишини, қазо намозларини ҳам адо этиш ва ҳоказо ибодатларни камчиликсиз бажаришни ва буларга амал қилишни амр қиласди. Акс ҳолда атрофи гуноҳ ва ёмон ҳатти-ҳаракатлар билан тўлиб-тошган муриднинг руҳоний ҳаёти олға силжимаслиги, маъно оламида юксалиш қийин кечиши, кўнгил йўли тиканлардан тозаланмагунича у тараққий этмаслигини англатиб, муридига ҳассос ҳаракат қилмоғи лозим бўлган кўнгил нуқтасини таърифлайди. Кўнгил чап кўкракнинг икки бармоқ пастидаги “су-вайдо” деган нуқтадир. Ушбу кўнгил занглаб турган муддатда, илоҳий тажаллиларнинг нуроний ойдинликларини акс эттириши мумкин бўлмаганидан, қалбни мосиводан тозалаш усулини таълим ва талқин этади. Бу эса уч асосга асосланган: 1. Сабр ва тақво ѹўлидан айрилмаслик, 2. Жаҳаннам қўрқуви ва жаннат умиди ичра шаръий асосларга маҳкам ёпишмоқ, 3. Бандалик вазифаларини бажаришда қусур қилмаслик. Шунинг учун толибга ўлимни хотирдан чиқармасликни, робита ва таважжуҳнинг қандай бажарилишини изоҳлайди. Толибда қобилият нуқсонлиги кўрилса, яна бир муддат салоту салом ва тавбаю истиғфор билан машғул бўлмоғи кераклиги айтилади ва қобилияти бўлиш учун кўмаклашилади. Зикр талқини ва тариқат қоидаларини амалга оширишга имкон топган толибга зикр талқин қилинади. Ҳолати уйғун бўлса, қалбий зикр ўлароқ “лафзаи жалол” зикри талқин этилади. Чунончи, муршид муриднинг ўнг қўлини ушлаб, юзма-юз ўтқазиб, тиззасини-тиззасига тегизиб, пешонаси пешонасига тегиб, муридга назар қиласди. Бўйнидаги фарз бўлган шаръий ҳукмларни бажариш, суннат ва нафл ибодатларни адо этиш, диний қулайликларни тарқ этиб, азимат кўрсатиш ва бидъатлардан узоқлашиш учун муриддан ваъда олади. Кейин эса табаррукан:

“Эй Мұхаммад, дарҳақиқат сизга байъат-қасамёд қиласидиган зотлар ҳеч шак-шубҳасиз Оллоҳга байъат қилурлар - Оллоҳнинг қўши улар-

нинг қўллари устида бўлур. Энди ким (ўз қасамёдини) бузса, бас, у фақат ўз зиёнига бузур. Ва ким Оллоҳ билан аҳд-паймон қилган нарсасига вафо қилса, у ҳолда (Оллоҳ) унга улуг ажр-мукофот ато этур” (Фатх-48:10) ояти каримасини ўқийди. Кейин шайх билан мурид биргаликда: ”Астағфируллоҳ, астағфируллоҳаз азимал каримал лазиз ла илаҳа ху ал ҳаййал қайюм ва атубу илайҳ ва нас алуҳу тавба” дуосини ўқийдилар. Шайх бир Фотиҳа, уч Ихлоси шариф ўқиб, бошда Мұхаммад а.с. бошчилигида бошқа тариқатларнинг буюкларига ва хусусан Шоҳ Нақшбанд ҳазратларининг руҳига ҳадия этади. Бу вақт муридга кўзларини юмишни ва хаёлан қалбига назар солиб, ҳушёр бўлишини буоради. Кейин шайх ўзининг усулига биноан муридига таважжуҳ қиласди. Натижада муриднинг қобилият ва тоқат даражасига мувофиқ равишда талқинини бажо келтиради. Муршид муридига таважжуҳ этаётган пайтда эшиклар ёпиқ бўлиши шарт.¹

Бир киши бирдан ортиқ тариқат шайхига интисоб этиши мумкин, аммо истисно ҳолатдагина холос. Масалан, Салоҳуддин Ушшоқий (1782й.в.э.) бундай деган: “Тариқатларнинг сирлари менда тўпланганд. Шундай экан, мен хилватий, жалватий, бектоший, байрамий, саъдий, қодирий, ушшоқий, нақшбандий ва мавлавийман”.²

Тариқатларда сайру сулук бир шайх раҳбарлигига амалга оширилиши зарур, шу билан бирга баъзи истисно ҳолларда шайхсиз ҳам Ҳаққа эришиш мумкин. Бу йўлга **увайсийлик** дейилади. Пайғамбаримиз Мұхаммад а.с.ни дунё кўзи билан кўриш насиб бўлмаса ҳам, Аллоҳ таолонинг лутфи билан бирор муршидга боғланмасдан, маънан Расулуллоҳнинг тарбияси остида энг юксак мартабага эришган Увайс Қаранийга нисбат берилган ҳолда, бу маслак ва машрабда юрганларга увайсий дейилади. Тасаввуф тарихида қўйидаги сифатларга эга бўлган тўрт шахсиятга увайсий дейилади:

1. Бевосита Мұхаммад а. с.нинг руҳониятидан файз олиб камолотга эришганлар.
2. Увайс Қаранийнинг маънавий тарбияси остида етишганлар.
3. Ҳаёт бўлмаган ҳар қандай шайх ё қутбнинг руҳониятидан файз олиб тарбияланганлар.
4. Хизр а. с. воситасида иршод қилинганлар.

Увайсийлик йўлининг тасаввуфий таълимотда ўрни йўқ дейидиган сўфийлар бўлганидек, унинг Аллоҳ томонидан лутф қилинган ва ҳар ким ҳам эриша олмайдиган юксак мақом эканини тан оладиганлар ҳам бор. Фаридуддин Аттор шулар жумласидандир. Увайсийларга мисол келтирадиган бўлсан, Иброҳим ибн Адҳам, Абу Ҳасан Ҳарақоний, Абу Саид Абулхайр, Абу Қосим Журжоний, Нажмид-

¹ док. Ирфон Гундуз, Кумушхонавий Аҳмад Зиёвуддин, Ист, 1984, 263-266-б.

² Кара М., ў.а. 236-б.

дин Кубро, Баҳоуддин Нақшбандлар увайсийлик йўли орқали қамолотга эришган улуғ зотлардандир.¹

г) **Силсила.** Занжир маъносини билдирадиган силсила - тасаввуфда занжир ҳалқаси шаклида бўлиб, узилмасдан Мұҳаммад а.с.-нинг силсиласидан келган шайхлар демакдир. Тариқатларда силсила ўта мұхим аҳамият қасб этади. Мұҳаммад а.с. ҳазрати Али, ҳазрати Абу Бакр ва асҳобидан хос кишиларга таълим берган илоҳий ҳақиқатлар ва маънавий билимлар бу силсила воситасида интиқол этиб, ҳаётдаги шайхга қадар этиб келган. Шу сабаб шайх, Мұҳаммад а. с.нинг маънавий ворисидир. Силсила - тариқатларнинг шариатта мувофиқлигини ва ишонарли эканини кўрсатувчи ҳужжат-далиллар. Шунга кўра тариқатларда шайхлик мақомига янги ўтирган шайхга таомилга биноан ижозатнома берилишига ва силсила занжирининг узилмай давом этишига маҳсус аҳамият берилади.

Тариқат силсилалари, умуман олганда, ҳазрати Али ёки ҳазрати Абу Бакр воситасида Мұҳаммад а.с.га бориб тақалишини юқорида айтиб ўтган эдик. Ҳазрати Али ҳақида “Мен илмнинг шаҳриман, Али унинг эшигидир”,² ҳазрати Абу Бакр ҳақида эса “Мен илмнинг шаҳриман, Абу Бакр унинг асосидир”³ ҳадиси шарифларида ҳам ривоят қилинган. Бу ҳадисларга суюнган ҳолда, бу зотларнинг Мұҳаммад а.с.дан тасаввуфий илм, яъни кашф, маърифат ва ботиний илмни ўргангандилклари маълум бўлмоқда. Силсилалар, ҳақиқатан, Мұҳаммад а.с.дан Жаброил а.с. воситасида Аллоҳга боради. Шундай экан, бу шахслардаги билим манбаи Аллоҳ таолодир... тариқатларда ҳазрати Алиниңг бу мавқеи сабабли унга ва унинг наслидан бўлғанларга (саййидларга) нисбатан ортиқроқ севги ва ҳурмат кўрсатилади. Чунончи, ўн икки имомдан бир ёки бир нечаси жой олган силсилаларга “олтин силсила” маъносини билдирувчи “силсилатуз заҳаб” номи берилган. Тариқатларнинг деярли барчасининг силсиласи Жунайд Бағдодийда бирлашади ва ундан кейин ўша шахслар орқали Мұҳаммад а.с.га боради. Жўнайд Бағдодийдан давом этган силсила ё ҳазрати Али-Ҳасан Басрий-Ҳабиб Ажам-Довуд Тоий-Маъруф Кархий йўли билан ёки ҳазрати Али-Ҳасан-Ҳусайн-(ундан кейин келган имомлар) - саккизинчи имом Али Ризо-Маъруф Кархий-Сирри Сақатий йўли орқали Жўнайд Бағдодийга бориб тақалади. Кубравия силсиласи эса ҳазрати Умар орқали Мұҳаммад а.с. га бориб тақалади.⁴

¹ Увайсийлик ҳақида: Аҳмад Яшар Ўжоқ, Вайсал Қароний ва увайсийлик, Ист., 1982.

² Кашфул хафа, 1-ж, 203-б.

³ Фатавойи ҳадисийя, 269-б.

⁴ Кара М. Тасаввуф ва тариқатлар тарихи, 234-235-бетлар.

II. АМАЛИЙ УНСУРЛАР

Барча тариқатларда ҳар бир мусулмон одатда бажариши лозим бўлган жума намозини ўқиш, жамоат билан намоз ўқиш, закот ва садақа бериш ва бошқа ибодатларни адо қилиш каби жиҳатларга қўшимча равишда, соликнинг Ҳаққа восил бўлишини осонлаштирувчи баъзи амаллар мавжуд:

А) **ЗИКР.** Тариқатларда энг муҳим амалий унсур зикр бўлиб, луғатда эслаш, ёд этиш, хотирлаш, тилга олиш, баён этиш каби маъноларни билдиради, тасаввуф истилоҳида эса - дин ва дунё саодатини қўлга киритмоқ мақсадида ё комил муршиддан олиб, ё шариат-тариқат ўлчов ва одобига мувофиқ тасбех билан турли “асмои ҳусно”ни айтишдир. Бунда Жаноби Ҳақни фақат тил билан эмас, қалб ва зеҳн билан ҳам зикр қилиш кераклиги сўзнинг лугавий маъносидан яширингандир.¹

Маъносидан маълум бўлганидек, зикрда асосий иш - бошқа борлиқлар ва уларга алоқадор барча ўй-фикр ва тушунчаларни қалбдан узоқлаштириб, ёлғиз Аллоҳни эслашдир. Бу тарзда қилинган зикрга “зикри муттасил”, бошқа ўй-фикрлар билан аралаш ҳолда қилинган зикрга эса “зикри мунқотиль” дейилади. Қуръони каримнинг кўпгина оятларида ҳам зикр қилиш буюрилади: “Аниқки, Оллоҳни зикр қилмоқ (барча нарсадан) улугроқдир”. (Анкабут-29:45); “Эй мўминлар, Оллоҳни кўп зикр қилинглар ва эртаю кеч У зотни поклаб, тасбех айтинглар!” (Ахзоб-33:41), “Улар иймон келтирган ва қалблари Оллоҳни зикр қилиш-эсласи билан ором оладиган зотлардир. Огоҳ бўлингизким, Аллоҳни зикр қилиш билан қалблар ором олур” (Раъд-13:28), “...Парвардигорингизни зикр қилинг...” (Кахф- 18:24) ва хоказо.

Зикрдан мурод қалбда Ҳақни эслаш орқали рухни ғафлатдан қутқариш ва унга илохий тажаллиларни инкишоф этишига имконият туғдиришдир. Зикр орқали инсон Аллоҳнинг борлиғи қарисида ўлик каби, ҳар қандай ҳолатда Унга мухтож эканини, ҳар он ва ҳар жойда Аллоҳнинг ҳузурида ва Унинг илохий муроқабаси остида эканини эслаб, ўз ҳатти-харакатларини назорат қиласида ва рухий етукликка эришади. Тариқатларда зикр “Ла илаха иллаллох” лафзини ёки Аллоҳнинг асмои ҳуснасидан бирини белгиланган саноқларга риоя қилиб такрор этган ҳолда амалга оширилади. Муҳаммад а.с. энг фазилатли зикр “Ла илаха иллаллох” эканини айтганлар.² Шунинг учун тариқатга кирган кишига аввал шу лафз билан зикр қилиш буюрилади. Калимаи тавҳид: нафй ва исбот дея иккига бўлинади: “ла илаҳа” (хеч қандай илоҳ йўқ) қисми нафй, “иллаллох” (фақатгина Аллоҳ бор) қисми эса исботдир. Нажмиддин Кубронинг фикрича,

¹ Осим. Қомус таржимаси, II-ж, 346-347-б.

² Ибн Можа, Адаб, 65.

нафй қисми қалбий қасалликларга сабаб бўладиган, руҳни турли машғулот билан чалғитиб, нафсни кучайтирувчи ёмон ахлоқ ва ҳайвоний орзуларни йўқотади, исбот қисми эса ушбу ёмон ахлоқдан қутултириб, қалбни сиҳат-саломатликка эришиди.¹ Лафзи жалолни, яъни Аллоҳ лафзини зикр қилишга, “зикри муфрад” дейилади. Ҳар тариқатнинг сайру сулуқидаги турли босқичларида муайян исмларни айтиб, зикр қилинади.

Сўфийларнинг айтишларича, биринчи марта зикр талқин этган киши Мұхаммад а.с. бўлиб, тўрт халифанинг ҳар бирига турли услларда зикр талқин қилганлар. Кейинчалик тариқатлар буларга асосланниб, зикр тарзларини шакллантирганлар. Мазкур тўрт талқин қўйидагичадир:

А. Сиддия. Мұхаммад а.с. Мадинага қилган хижрати асносида ғорда яширинган ҳолатда Абу Бакрнинг қулоғига уч марта зикр талқин қиласидилар. Бу пайт Мұхаммад а.с. тиззаси устида, Абу Бакр эса мурабба (оёқдарини олдинга қовуштирган) ҳолда ўтирган эдилар. Хафий зикр шу ходисага асосланади.

Б. Кубравия. Ҳазрати Умар мусулмон бўлган чоғида Мұхаммад а.с. билан қучоқлашаркан, ул зот Умарга калимаи тавхидни жаҳрий талқин қиласидилар. Аммо Ҳазрати Умар оёқда туролмай, ўтиргани учун кубравийлар мурабба ҳолатида зикр қиласидилар.

В. Нурбахшия. Мұхаммад а.с. Ҳазрати Усмонга ҳам “харфсиз ва сас-садосиз” тарзда зикри қалбий талқин қилганлар.

Г. Жаҳрия. Мұхаммад а.с. Ҳазрати Алини тиз чўкитириб, кўзларини юмдирган ҳолда уч марта “ла илаха иллаллоҳ” деганлар. Шу жумлани Ҳазрати Алига ҳам уч бор тақрорлаттирганлар. Жаҳрий зикр қилувчи тариқатларнинг силсилалари асосан ҳазрати Алига бориб тақалади.²

Тариқатларда мухим ўрин тутган зикр - оддий қилинадиган харататлар эмас. Ҳар бир тариқатда ўзига хос зикр тарзлари шаклланган, зикрга асос ўлароқ исмлар белгиланган, жамоат билан ёки ёлғиз ҳолда қилинадиган зикрларнинг маълум одобу аркони бор. Зикрлар муайян тариқатнинг қонун-қоидаларига мувофиқ амалга оширилади. Зикр ёлғиз ҳолда қилинганидек, жамоа бўлиб ҳам қилинади. Мурид ёлғиз зикр қилганида ҳам шайхининг қўрсатмасига бўйсунади. Шайх муридининг ўй-фикрлари, хис-туйгулари, туш-рӯёларига қараб, зикр қилиши учун исм талқин қиласиди ёки эски зикрида давом эттиди. Мурид қилган зикрига “вирд”, “аврод”, ўқиган дуога “хизб”, “ахзоб” дейилади. Тунда қилинадиган зикрга “вирди лайлий” дейилади. Баъзи сўфийлар кундузлари калимаи тавхид билан,

¹ Кубро Н., Тасаввуфий ҳаёт (Усули ашара), М. Кара нашрга тайёрлаган. Истанбул, 1980, 58-59-б.

² Айний М.А., ў.а. 198-200-б.

тунлари бошқа бир исм билан зикр қиласылар. Шунинг учун калимаи тавхид билан қилинган зикрга “вирди нахорий” дейилади.

Тариқатлар юзага келиб шакллангач, таяларда жамоа бўлиб зикр қилиш кенг тарқалди ва вақт ўтган сайин хар бир тариқатга оид маълум одоб ва арконга эга зикр тарзлари пайдо бўлди. Алоҳида жамоа ҳолида ижро этилган зикрларга хар бир тариқатда алоҳида исламлар қўйилди. Буларнинг машҳурлари қўйидагилар:

а) самоъ. Мавлавийларнинг зикрига “самоъ” дейилади. Мусиқа жўрлигига, тик ҳолда ва айланниб ижро этилади. Бу зикр асносида дарвишлар ўз харакатлари билан турли диний-тасаввифий мавзуларни тимсол этадилар. Самоъ зикрига “муқобала” ҳам дейилади.

б) хатми хожагон. Нақшбандия тариқатида ижро этиладиган зикр. Шайхнинг ишораси билан истиғфор айтиб бошланади. Бу истиғфор шайхнинг хошишига кўра беш ё ўн беш марта такрорланиши мумкин. Кейин кўзлар юмилиб, робита билан бирга қалбга назар солинади. Ўндан етти киши “Фотиха” сурасини ўқиёди. Кейин юз марта “Саловоти шариф”, етмиш тўққиз марта “Иншироҳ” сураси, минг бир марта “Ихлос” сураси ўқиляди. Шундан кейин чапдан етти киши “Фотиха” ўқиёди. Кейин юз маротаба “Саловот” келтирилиб, охири ашри шариф (тиловот) ўқиляди ва шайх қилган дуога барча омин деб зикр ниҳоясига етади. Хатм асносида “вукӯфи қалбий”га эътибор берилганидек, силсланинг ва улуғ машойихнинг ҳам рухан бу мажлисда ўтирганларини ўйлаб, одоб сақланади.¹

в) Дарби асмоя. Ҳилватийлар зикри. Ҳалқа шаклида ўтириб, енгил солланиб бажарилади. Баданинг бу нозик харакатланиши мөсивони тарк этиш учун бир восита сифатида қабул этилади.

г) Зикри қиём. Руфоий ва саъдийлар тик ҳолда овоз чиқариб ижро қиласыдиган зикрга айтилади.

д) Даврон. Қодирийлар ўтириб, тик туриб ва айланниб қиласыдиган зикр.

е) Зикри арра. Яссавийлар ўтириб ва тик туриб қиласыдиган зикр.

Тариқатлар жамоа ҳолида қилган зикрлар ва хусусан “даврон” ва “самоъ” мадраса уламосининг танқидига учради ва бу ҳақда ҳатто асарлар ҳам ёзилган.²

Жамоа ҳолида қилинган зикрлар ҳафтанинг маълум кунларида, муборак кечаларда, қадр ва ҳайит кечаларида таяларнинг “тавхидхона”, “самоъхона”, “муроқабахона” каби номланган маҳсус хоналарида ижро этилади. Умуман олганда тариқатга мансуб бўлмаган кишилар ҳам қатнашишлари мумкин. Шу зайдада зикрлар туфайли

¹ док. Гундуз И., ў.а. 274-6.

² Кенг маълумот учун қаранг: Улудоғ С. Исломга кўра мусиқа ва самоъ, Истанбул. 1976.

жамиятдаги турли табақаларнинг ўзаро меҳр-муҳаббатли бўлиши, диний ва мистик иқлимда замин тайёрангган бўлади.

Жамоат бўлиб қилинадиган зикрга қатнашадиган ҳар бир мурид зикр бошлашдан олдин, зикр пайтида ва зикр битгач, бир қанча қоидаларга амал қилмоғи лозим. Бу қоидалар эса тариқатларга қараб ўзгаради. Фардий-шахсий қилинган зикр амалиётта кўра учга бўлиниди.

1. Қалб иштирокисиз фақатгина тил билан қилинадиган зикр.

2. Тил қатнашмаган холда фақатгина дил билан қилинадиган зикр.

3. Ҳам тил, ҳам дил билан қилинадиган зикр. Бундай зикрни хақиқий маънода бажариш қийин бўлиб, фақатгина улуғ авлиёуллохнинг қўлларидан келади, холос.

Бошқа бир жиҳатдан эса, зикр иккига бўлинади:

1. Жаҳрий - овоз чиқариб қилинадиган зикр.

2. Хафий - овоз чиқармай қилинадиган зикр.

Хафий зикр икки хил кўринишда қилинади: А. Фақат тил билан қилинадиган маҳфий зикр; Б. Маҳфий ва қалбан;

Қалбан қилинадиган зикр ҳам тўрт кўринишда амалга оширилади.

а) лафзи жалолни (Аллоҳ номини) дили билан, нафасини тутганинг холда, вужудни харакатлантиrmай, кўз юмуқ ва тилни томоққа ёпишириб зикр қилинади; б) қалбан, аммо нафасни тутмай, калимаи тавхидни зикр қилмоқ; в) нафасни тутиб, қалбан қалимаи тавхидни зикр қилмоқ, бунда бош харакатланиши мумкин; г) вужуд аъзоларини қимиirlatmasdan, нафасни тутиб, калимаи тавхидни зикр қилмоқ.¹

Қонун-қоидаси ва одоб-усулига риоя қилган холда ижро этилган зикр - тариқат ахлининг доимо Аллоҳни эслаши, дунёда эгасиз эмаслигини, ҳар бир қадамини Аллоҳ қўйган ўлчовларга кўра босиш кераклигини эслатиб турадиган назорат воситаси бўлиб хизмат қилади. Шунинг учун ҳам зикруллоҳ - тасаввуфий таълим-тарбияда жуда мухим аҳамият қасб этади.

Амалдаги зикр шаклидан хафий зикр афзалми ёки жаҳрий зикр мақсадга мувофиқроқми, деган масала тариқат ахли ўртасида баҳс мавзуудир. Бу масалада мухтасар қилиб шуни айтиш мумкинки, кишининг рух ва табиатига қайси бир зикр шакли мувофиқ келса, ўша унинг учун фойдалироқдир. Баъзилар учун хафий, баъзилар учун эса жаҳрий зикр маъқул келади. Шунинг учун доно шайхлар тариқатга кирмоқчи бўлган кишининг табиатига мос келадиган тариқат ва шайхга ҳавола қиладилар. Аммо, умуман олганда, мубтадий - тариқатга янги кирганлар учун жаҳрий зикр фойдалироқдир дейил-

¹ Гундуз И., ў.а. 272-273-6.

ган ва сайру сулукда маълум масофа босиб ўтгач, қалбий зикрга кўпроқ аҳамият бериш кераклиги мақбул кўрилган.

Б) ХИЛВАТ, ЧИЛЛА, АРБАИН. Тариқат таълим-тарбиясида муҳим ўрин тутган яна бир унсур хилват бўлиб, луғатда “бир киши билан ёлғиз, якка қолиш, ёлғизлик”¹, “танҳо қолиш, ёлғизлик”² каби маъноларни англатади. Хилват - тасаввуф истилохида “бирон киши ёки дунё моли бўлмаган бир жойда рухнинг Аллоҳ билан сўзлашуви” демакдир.³

Тариқатларда нафсини тарбиялаш ва рухни тасфия қилиш мақсадида баъзи вақтлар хилватга кириб, маълум муддат Аллоҳ билан яккама-якка, дунёвий машғулот ва ўй-фикрлардан узоқ ҳолатда ибодат ва зикр билан шуғулланиб, вақт ўтказилади. Бунинг маълум муддати йўқ. Аммо умуман қирқ кун ўтириш анъанадир. Шу боис, хилватга “қирқ” (қирқ кун) маъносини берувчи форсча “чэхил”дан келиб чиқсан “чилла” ва арабча “арбайн” (қирқ) сўзлари қўлланади.

Бу таъбирларнинг барчаси айни маънени билдиради. Бир киши бир неча бор хилватга кириши мумкин. Баъзан узоқ вақт хилватда қолиб кетган кишилар ҳам бор. Чунончи, хилватга алоҳида эътибор берадиган хилватия тариқати сивосия тармоғининг машҳур шайхларидан Абдулаҳад Нурий (1061х.й.-1650м.й.в.э.) пешма-пеш қирқ дафъа хилватга киргани, яъни давомли 1600 кун хилватда қолгани манбаларда айтилган.⁴ Хилватда асосан қирқ кун қолиш Қуръондаги ушбу оятга асосланади: “Мусо билан ўттиз кечага вазъдалашган эдик, сўнгера уни яна ўн (кеча) билан тўлдиридик. Бас, Парвардигорининг (унинг учун белгилаган) вақти комил қирқ кечага бўлди” (Аъроф - 7:142).

Хилват кўпчилик такяларнинг хилватхона ёки чиллахона деб аталаған маҳсус хоналарида, пинхон ерларда, ғорларда ўтказилади. Хилватта кириладиган жойлар нафсга ёқмайдиган даражада тор ва қоронғу бўлиши кёрак. Хилват шайхнинг назорати остида ва муайян қоидаларга риоя қилган ҳолда ўтказилади. Хилват, одатда қуидагича ўтказилади: шайх хилватга кирмоқчи бўлган дарвишни хилватхонага олиб боради, дуо қилгач у ердан чиқади. Хилват пайтида дарвиш зарурат бўлмаса ташқарига чиқмайди ва хеч ким билан сўзлашмайди. Кеча-кундуз ибодату зикр билан шуғулланади. Ҳатто баъзилар хилватда ётиб ухламайди, балки ўтириб ухлайди. Хилватдаги дарвиш-чинг кундалик емаги-ичмаги олдига ҳар куни олиб борилади. Емак дарвишнинг табиати ва сабрига кўра босқичма-босқич озайтирилиб

¹ Узаржим Осим афанди. Қомус таржимаси, Истанбул, 1272, III-ж, 805-6.

² Ҳасиддин Соми. Қомуси туркий, Истанбул, 1317, 587-6.

³ Ҷеконий, у.а. Истанбул, 1275, 41-6.

⁴ Ҳасиф Сафинаи авлиё. Сулаймония кутубхонаси, қўлёзма, №2307,

борилади. Кунда бир неча дона зайдун билан хилват ўтказганлар хақида ривоятлар бор. Қирқ кун тугагач, шайх дарвишнинг ёнига киради ва дарвишнинг хилват давомида кўрган тушларини тинглаб, таъбирлайди. Ўша кун қурбонлик сўйилади ва дарвеш хилватхонадан чиқарилади. Дарвиш ювениб, кийимини алмаштиради. Эртаси кун ёки ўша кун шомда қурбонлик гўшидан ейди ва диний зиёфатда қатнашади.¹

Улуғ авлиёуллоҳдан Кумушхонавий ҳазратлари хилватдан кутилган натижага эришмоқ учун 25 шартга амал қилиш кераклигини айтган.²

Хилватга кириш - нафснинг ўлдирилиши ва рухнинг инкишофтинида восита вазифасини ўтайди. Асосий жиҳат қалбнинг мосиводан буткул алоқани узиб, ҳар он Аллоҳ билан бирга бўлишидир. Шунинг учун ҳар бир солик ҳаётининг ҳар онида ўзини хилватда билиши, дунёни хилватхона деб билиши керак. Инсон бутун умрини хилватда ўтказса-ю, аммо кўнглидан мосивони чиқармаса, унда ҳақиқатан хилватга кирган саналмайди. Ва аксинча қалбни мосиводан поклаган киши ҳалқ орасида бўлса ҳам, ҳақиқатда хилват ахли саналади. Хилватдан мақсад - кўнгилни мосиводан поклаш ва қалба Аллоҳ туйғусини жойлашдир. Бу орзуга эришган киши хилватхонада бўлса ҳам, ҳалқ орасида бўлса ҳам, фарқи иўқ. Шу боис, баъзи сўфийлар “жалват” (ҳалқ орасида аралашиб юриш)ни хилватдан афзал билганлар. Нақшбандиянинг асосларидан бири - “хилват дар анжуман” (ҳалқ орасида хилватда бўлиш)дир. Инзиво, тажарруд, эътикоф, риёзат, парҳез, тарки дунё каби таъбирлар ҳам хилват маъносига қўлланилган.

В) **РОБИТА.** Арабчада боғланиш, алоқа воситаси, алоқа, муно-сабат маъноларини билдирувчи “робита”, тасаввуфий истилоҳда, “соликнинг комил шайхга кўнглини боғлаб, унинг ҳузурида ва файбан шайхининг сурати, сийрати ва айниқса, руҳониятини хаёлида ўзи билан бирга эслаб, ёнида эканини ўйлаб, одоб сақлаши” демакдир.³ Холид Бағдодийнинг таълимотига кўра, робита - муриднинг комил шайх суратини хаёлан сақлаш орқали унинг руҳониятидан истимоддод тилаш демакдир.⁴

Асосан, нақшбандия тариқатида кенг тарқалган робита - тасаввувф психологиясида мухим ўрин тутади. Робита сабабли Арабистон ва айниқса, мағриб худудида дарвишларга “муробит”, такяларга эса

¹ М. Заки Поколин. Усмонли тарихи таъбирлари ва атамалари луғати, I-ж, 713-б.

² Кумушхонавий. Жамиул усул, Раҳми Сарин тарж, 461-462-б.

³ Холиди Бағдодий. Рисолаи робита, Раشاҳот хошиясида, 238-б.

⁴ ў.а. 238-б.

“рибот” дейилади. Робита - айни вақтда мурид жисман муршиди билан бирга бўлмаса ҳам, рухан унинг хузурида эканини ва муршидинг маънавий мавқеининг давомийлигини сақловчи воситадир. Айниқса, мубтадий - янги бошловчи соликларга робита ўз-ўзини назорат қилиш вазифасини бажарувчи пурфойда асосдир. Мурид шайхига робита қилиш орқали Мұхаммад а.с. билан, унинг воситасида эса Жаноби Ҳақ билан робита қилган - алоқа ўрнатган бўлади. Робита мавзусида мустақил асар ёзган Абдулҳаким Арвосийнинг ёзишича, бевосита Аллоҳдан файз олиб, истифода қилишга қодир бўлмаган солик - робитага муҳтож. Даражаси юксалиб, бевосита Аллоҳдан файз олиш қудратига эришгач эса робитани тарқ этиши во-жибдир.¹ Шу жумладан, Имом Раббоний ҳам соликнинг камолотга эришувида робитанинг зикрдан ҳам фойдалари оқ эканига ишора қиласи.² Робита - муриднинг маънавий мартабаси ва уни бажариш шаклига кўра турли хусусиятлар келиб чиқаради. Муриднинг дара-жасига кўра робита учга бўлинади:

1. Мубтадий муриднинг шайхига қилган робитаси: мурид ҳар он ва ҳар жойда шайхининг хузурида тургандек ҳаракат қиласи, ҳаёлан ҳар доим шайхи билан бирга эканини, ҳаракат ва туйғуларидан шайхи хабардор эканини, ҳатто ухлаётганида ҳам гүё ёнида ётганини ўйлаши, ҳатти-ҳаракатларини шунга қараб назорат қилиши ва одоб сақлашидир. Буни амалга ошириш жараёнинг “фано фиш шайх” дейилади.

2. Мутавассит мурид Мұхаммад а.с. га робита қиласи. Бу хил робита эса сайру сулукда маълум босқичдан ўтган солик хаётининг ҳар онода Мұхаммад а.с. нинг хузурида ва муроқабаси остида эканини ўйлаб, унинг ахлоқи билан хулқланишга интилишидир. Буни рӯёбга чиқарган солик, шайхда фоний бўлиш мартабасини ошиб ўтиб, “фано фир расул” мартабасига юксалади.

3. Мунтахий мурид Аллоҳ билан робита-алоқа ўрнатади. Вуслат мақомига эришган солик ҳам шайхда, ҳамда Мұхаммад а.с. да фоний бўлиш мартабаларидан ошиб, “фано филлох” мартабасига эришгай. Бу мартабада солик ҳар он ва ҳар жойда Аллоҳ таолонинг хузурида эканини идрок этади. Робитанинг энг мукаммал ва охирги кўриниши бўлган бу мақомда мурид, бутун борлиғини Аллоҳга филоқилиб, ўзини ва дунёни Аллоҳнинг борлиғи олдида хеч нарса эмаслигини англаб этади.³

Яна бошқа бир таснифда ҳам робита учга бўлинади:

1. Робитай мавт: мурид ҳар лахза ўлимни эсласи керак.
2. Робитай муршид: мурид шайхини гүё икки қошининг ўртасида

¹ Арвосий А. Робитан шарифа, 2-6.

² Мактубот, I-ж, 187-б.

³ Гундуз И., ў.а. 278-279-б.

тургандек тасаввур қилиб, кўнглига мослаши ва шайхи қалбидаги файзларнинг ўз қалбига оқишини ўйлашидир.

3. Робитаи ҳузур: Аллоҳдан бошқа хамма нарсани ақлу хаёлидан улоқтириб ташлаб, тамоман Аллоҳ севгиси билан тўлган қалб билан Ҳақнинг ҳузурида эканини ўйлашдир.¹

Шайхга уч хил қўринишда робита қилинади:

1. Мурид шайхининг рўпарасида турганини тасаввур қилиб, унинг икки қоши орасига то ўзидан (хушидан) кетгунга қадар қарайди.

2. Мурид ўзини шайхи суратида кўради ва ўзидан кетгунга қадар бу холни давом эттиради. Шу тарзда робита қилган солик, ўз зотини шайхининг зотида, сифатларини хам унинг сифатларида фоний қилган бўлади.

3. Шайхининг хаёлий суратини ўз рўпарасида кўриб, уни қалбининг ўртасига туширади ва кўнглини узун ва кенг дахлиз хисоблаб, шайхини бу дахлизда юрганини ва ўзи томон келаётганини хаёлан тасаввур қилади.²

Маломатийлар робита қилишга “кўнгил кутиш” дейдилар. Тасаввувф арбоблари робитани баъзи оятлар билан асослайдилар. Масалан, Ҳожа Убайдуллоҳ Ахрор:

“Эй мўъминлар, Оллоҳдан кўрқингиз ва иймонлари ростгўй бўлган зотлар билан бирга бўлингиз!” (Тавба-9:119) оятидаги “бирга бўлингиз” ояти доимий бирга бўлишни, бу эса фақатгина робита орқалигина амалга ошиши мумкинлигини қайд этган. Яна “Эй мўъминлар, Оллоҳдан кўрқингиз ва Унга яқин бўлиши учун васила излангиз, хамда Унинг йўлида жиҳод қилингиз, шунда шояд најсом топурсиз!” (Моида-5:35) оятидаги vasila izlaш амрини Мухаммад а.с. га ёки комил бир муршидга кўнгил боғлаш ва унга робита қилиш сифатида изоҳлаганлар.³

Робита фойтда хассос мавзу бўлиб, моҳиятини тўла-тўқис тушунма-и ва усулига риоя этилмай қилинган робита, муриднинг яширий ширкка йўлиқишига сабаб бўлиши мумкин. Чу:ончи, баъзан робита қиласман деб, худо асрасин, шайхини Аллоҳнинг ўрнига қўйиб, хамма нарсани ундан кутиш ўта даражада таҳликалидир. Шу туфайли хам тасаввувфа қарши бўлганлар энг кўп эътиroz билдирган мавзулардан бири робитадир.⁴

¹ ў.а. 277-278-б.

² ў.а. 275-276-б.

³ Робита хақида қаранг: Жаъфар Содиқ ёрон. Ислом тасаввуфида робита масаласи, Отатурк университети Илоҳиёт факультети, 1986. Арзиум; Я.Н. Ўзтурк. Қушадали ИброХи: Хилватий, Истанбул, 1982, 77-86-б.

⁴ Айнини М.А., ў.а. 230-б.

Г) САЙРУ СУЛУК. Сайр ва сулук сўзлари луғатда кетмоқ, бормоқ, юрмоқ, кирмоқ деган маъноларни билдиради. Тасаввухий истилоҳда эса тариқатга кирган ҳар бир солик танлаган йўлининг бошидан то вуслат мақомига эришувига қадар, яъни тариқатдаги гоясининг рӯёбга чиқишига қадар босиб ўтган қалбий ва маънавий сафари маъносини англатади. Сайру сулук тамоман рухоний ходиса бўлиб, мурид тариқат асослари доирасида қилган ибодати, дуолари, риёзати, муҳоҳадаси, хилвати ва тафаккури натижасида рухининг тадрижий (босқичма-босқич) софлашуви ва илохий хақиқатларни англашига тўқсинглик қилувчи пардаларнинг кўтарилиб, аслий ўзлигига эришуви демакдир. Буткул рухий ходиса бўлгани учун сайру сулук вақтида солик яшаган ҳолларни сўз билан тўла тушунишириш имконсиз. Шу билан бирга, тасаввух арбоби сайру сулук тўғрисида жуда кенг изоҳлар қилганлар. Сайру сулук сафарида тадрижий равишда рухий камолотга эришув мухим аҳамият касб этади.

1. Сайру сулукнинг мартабалари:

а) сайр иллаллоҳ (Аллоҳга сайр): нафснинг орзуларидан юз ўғириб, қалбан Аллоҳнинг иродасига таслим бўлишдир. Амалий жихатдан - ёмон ишлардан қочиб, эзгу амалларга йўналмоқдир ва оқибатда қалбдаги “ваҳдат”ни тўсиб турган “касрат” пардаларини кўтаришдир. Бу сайрининг нихоясида қалб мақомининг охири бўлган “уфуқи мубин”га эришилиб, олий илмлар қўлга киритилади, ёмон ахлоқдан асар ҳам қолмай, гўзал ҳулқлар билан безалиб, “фано филлоҳ” мақомига эришилади. Бу сайр сўнггида соликда Аллоҳнинг исмлари тажалли этади.

б) сайри филлаҳ (Аллоҳда сайр): Ҳақнинг сифатлари билан сифатланиш, исмларини тахаққуқ эттириш ва ахлоқи билан ахлоқланмоқ, “уфуқи а्यло”га эришмоқдир. Бу мартабага эришган соликда баширий сифатлардан асар ҳам қолмайди. Бу мартабанинг сўнггида ладуний илм инкишоф этади. Бу мартабага “бақо биллоҳ” дейилади.

в) сайр ма’аллоҳ (Аллоҳ билан сайр): бу мартабада зоҳир-ботин, обид-маъбуд муносабати бартараф бўлиб, солик “ахадият” мартабасини қозонади. Бунга “қоба қавсайни ав адно” мақоми дейилади ва бу мақом валийлик мартабасининг нихоясидир. Бу мақомга эришган солик назарида ҳар хил зиддиятлар ҳал қилинган “айнул жам” холи пайдо бўлади.

г) сайр аниллоҳ (Аллоҳдан сайр): бу мақомда солик ваҳдатдан яна касратга сайр қиласиди. Яъни, толибларни тарбия ва иршод қилиши мақсадида Ҳақдан ҳалққа қайтади. Бу мақомга “бақо баъдал фано”, “сахв баъдал маҳв” ва “фарқ баъдал жам” каби номлар берилган. Бу мақомга эришган солик, ваҳдатни касратда, касратни ваҳдатда кўради. Бу мақом мартабаларнинг энг устунидир. Бу сайрлардан “сайр ил-

лаллох” билан “сайр филлах” орқали валийлик мақомига эришилди. “Сайр ма’аллох” ва “сайр аниллох” орқали эса даъват ва иришодга хуқуқ олинади. Бу пайғамбарларга ва комил авлиёларга мансубдир. Шу ҳолда аввал Ҳаққа восил бўлиш, яъни қалбан ва фикран фақатгина У билан машғул бўлиш лозим. Машаққатли бу сафарнинг ўзига хос шартлари бор. Буларнинг биринчиси муршид яъни комил бир раҳбар топиб, унга қўл беришдир. Акс ҳолда йўлдан адашиш мумкин. Бу сафарнинг муваффақиятли рўёбга чиқаришда иккинчи шарт - илохий ишқ бўлиб, бу ишқиз бирор мақсадга эришиб бўлмайди. Яна бир шарти эса “ихлос” ва “эхсон” билан бутунлашган бир иймондир. Демак, фақат илм билангина бу маънавий сафарни босиб ўтиш имконсиз. Бу иш ҳол билан амалга ошади. Яъни бир киши барча бу мақомларни илман билса, аммо “яқийн” илмидан, “ҳол” ва “завқ”дан бебаҳра бўлса, унга солик дейилмайди. У асалнинг тотли эканини ўрганган, лекин хеч асал емаган одамга ўхшайди.¹

2. Нафс мартабалари (автори сабъа):

Сайру сулук асносида солик нафсида пайдо бўлган ўзгаришлар ёзтиборга олиниб, нафсни енгиш сафаридаги камолот сари йўналган даражалар ҳам тартибга солинган. Етти мартаба-босқичдан иборат бу даражаларнинг ҳар бир мартабасида солик нафсининг хусусиятлари ҳар тарафлама изохланган ва ҳар мартабада қайси исмни зикр қилиш тариқат томонидан белгиланган. Бу мартабаларнинг ҳар бири Қуръони каримдаги бир оятдан фойдаланиб номланган. Бу мартабалар қўйидагилардир:

а) нафси аммора. Солик бу босқичда тамоман ҳайвоний ва шахвоний орзуларининг асиридир: “Чунки нафс албатта барча ёмонликларга буюргувчидир” (Юсуф-12:53) ояти билан бу мартабага ишора қилинган. Сайру сулукка янги бошлаган солик бу мартабада хисобланади. Унда солик нафси амморанинг таъсиридан қутулиш учун шайх билдирган шартларни бажаради: истиғфор, салоту салом ва хоказо ибодатлар билан биргаликда “ла илаха иллаллох” зикрини қиласи ва унга “ла маъбуда иллаллох” маъносини беради.

б) нафси лаввома. Бу босқичда солик рухида ёмонликдан яхшиликларга қайтиш орзуси туғилади ва аввал қилган гунохлари учун ўзини-ўзи қоралайди: “Ва мен маломатгўй нафсга қасам ичурманки (ҳеч шак-шубҳасиз қайта тирилиб, ҳисоб-китоб қилинурсизлар)” (Қиёмат-75:2) ояти билан бу нафсга ишора этилган. Бу мартабада солик “Аллох” исми билан зикр қиласи. Калимаи тавҳидга эса “ла мақсада иллаллох” маъносини беради.

в) нафси мулхима. Солик қилган зикри, риёзати ва мужоҳадаси соясида яна бир босқич босиб ўтади. Қилаётган барча ибодатидан

¹ ғ.а. 231-234-б.

ҳақиқий завқ ва қалбидан илохий ишқ олови ёна бошлайди. Нафси лаввома мартабасида дунёвий завқлардан воз кечган солик бу мартабада ухравий мукофотлардан ҳам воз кечади ва фақатгина Аллоҳ севгиси билан машғул бўлади. Бу босқичда қилган зикрининг таъсирини бутун аъзоларида ҳис қилганидек, бутун борлиқларнинг Аллоҳни зикру тасбех этишини тушуниб, англай бошлайди. Бу мақомда нафс ва шайтоннинг иғвоси билан йўлдан адашиш хавфи ортикроқ. Чунки солик эришган баъзи лутфлар ва мақомга алданиб, “мақсадимга эришдим” деб ўйлади. Нафс ва шайтон шу томондан уни чалғитишга ҳаракат қиласи. Шу туфайли бу мақомдаги солик доим намоз ўқиб, рўза тутиб, ибодат қилмоғи лозим ва ўзида пайдо бўлган зохирий ва ботиний тажаллилар ҳақида муршидига хабар бериб, унинг тавсияларига риоя қилмоғи даркор. Бу мартабада солик “хў” исми билан зикр қиласи. Бундан олдинги мартабадаги “илмал яқин” мақомида экан, нафси мулхима босқичида “айнал яқин” да эришади. Калимаи тавхидни “ла маҳбуба иллаллоҳ” маъносида англайди. Бундан ташқари, ҳар ишнинг бажарувчиси сифатида Аллоҳни кўради: “Айтинг, ҳамма нарса Аллоҳдандир” (Нисо - 4:78) оятига том маънода эътиқод қилиб, “тавҳиди афъол” мақомига эришади: “Ўз нафсини-жонини иймон ва тақво билан поклаган киши најсом топди ва у жонини фисқ-фужур билан кўмуб хорлаган кимса, номурод бўлди” (Шамс-91:7,10) ояларида ушбу нафсга ишора қилинмоқда. Қисқаси, бу мартабада соликнинг нафсига Ҳақ томонидан баъзи илмлар илҳом орқали берилади. Бу мартабада бўлишнинг аломатлари - фойдали илм, тавозуъ, тавба, сабр, шукр, саховат, қаноат ва тахаммулдир.

г) нафси мутмайнна. Бу мақомда соликнинг қалбидан илохий ишқ ўрнашиб, у дунё ва мосивони кўнгилдан чиқарган ва ҳар нарсада Аллоҳ феълларининг тажаллиларини мушоҳада этадиган холга келади. Шу важҳдан қалби таскин ва ҳаловатга тўлиб тошади. Аллоҳдан бошқа бирон нарсага аҳамият бермагани учун ҳам ниҳоятда саҳоватли бўлади. Бу мақомда барча ашёда Ҳақнинг тажаллиларини мушоҳада эта бошлайди ва баъзи кашфу кароматларга ноил бўлади. Аммо шунга қарамай, эришган тажаллиларини шайхига билдириб, унинг кўрсатмаларига биноан ҳаракат қилмоғи лозим. Чунки бу босқичда ҳам нафс ва шайтоннинг йўлдан адаштириш эҳтимоли ва таносух эътиқодига берилиб кетиш хавфи бор. Бу мартабадаги соликда илмига амал қилиш, таваккул, очлик, риёзат, ибодат ва тафаккур каби хусусиятлар зохир бўлади. Бу мартабада солик “Ҳақ” исмини зикр қиласи. Калимаи тавхидга “ла мавжуда иллаллоҳ” маъносини беради: “Эй хотиржам-сокин жон (нафс)!” (Фажр - 89:27) оятида ушбу нафсга ишора қилинган.

д) нафси розия. Бу мартабада экан соликда башарий сифатлар йўқолиб, “бако”га истеъдод қозона бошлайди. Аллоҳдан келган ҳамма нарсага тўла-тўқис рози бўлгани учун бу мартабага “розия” дейилади: “Сен (Оллоҳ атъо этган неъматлардан) рози бўлган (ва Оллоҳ таоло томонидан сенинг амалларингдан) рози бўлинган ҳолда парвардигоринг (хузури)га қайт” (Фажр-89:28) ояти бу ва ундан кейинги мақомга ишора этмоқда. Бу мартабада солик “хайй”, “самад” ёки “сабур” исми билан (бу тариқатларга кўра ўзгариши хам мумкин) зикр қиласди. Калимаи тавхидга эса “ла мавжуда ва ла мақсада ва ла маҳбуба иллаллоҳ” маъноларини беради. Бу мартабадаги соликнинг сифатлари: ихлос, бехуда сўзларни сўзламаслик, доимий зикр, вараъ ва қароматлардир.

е) нафси марзия. Бу мақомда солик Аллоҳдан рози бўлганидек, Аллоҳ ҳам ундан розидир. Юқоридаги оятда айтилган “марзия” (розиликка эришган, мақбул бўлган) калимаси билан бу мақомга ишора этилмоқда. Бу мақомда афъол тажаллисидан асмо ва Ҳаққа оид тажаллиларга ноил бўлади. Бу мақомга “ҳаққал яқин”, “жамъул жамъ” ва “амо” мартабаси ҳам дейилади. Бу босқичда солик “қайюм” исмини зикр этади. Солик Аллоҳнинг лутфи билан бу мақомда ушбу ҳусусиятларга эришади: Аллоҳдан бошқа ҳамма нарсани тарқ этади, маҳлуқотга лутф билан муомала қиласди. Аллоҳга яқинлашади, Унинг санъатларини тафаккур этади, Унинг қисметига рози бўлади ва маърифатуллоҳи кучаяди. Бу мақомга эришган комил зот, ашёнинг хақиқати ва сирларидан воқиф бўлади.

ё) нафси комила (ёки софия). Бу мартабада солик энг олий мақомга эришиб, комил сифатини қозонади, барча гўзал сифатларни ўзида жам қиласди, гўё шаклга кирган фаришта каби бўлади. Унинг рухонияти жисми устидан тамоман ҳукмрон бўлади. Рухониятининг ҳукмронлиги туфайли бу ҳолни қўлга киритиш учун аввалги мартабалардаги риёзат ва муҳоҳадага бу мартабага эришган солик учун зарурат қолмайди. Бу мақомдаги кишининг ҳатти-харакатлари хасанот ва ибодатдан иборат бўлиб қолади. Сўзлари хикмат бўлади. Юзидаги нур унга хузур-халоват бағишлияди. Уни кўрганлар беихтиёр Жаноби Ҳақни эслайдилар. Бу мақомга эришиб, “вуслат” сиррига мазхар бўлган киши барча илоҳий сирлардан воқиф бўлади. “Касратда вахдат ва вахдатда касрат” сиррига ноил бўлади. Барча бу ҳусусиятлари орқали “муршиди комил” сифати билан инсонларни иршод қилиш ҳуқуқига эришади. Бу мақомдаги солик “қаҳхор” исмини зикр қиласди.

Ушбу етти мақомнинг биринчиси, нафси амморани қабул этмай, нафси лаввома, нафси мулхима, нафси мутмаиннапи қабул этган, розия, марзия ва комила мартабаларини ҳам мақом леб қафул этмай, Аллоҳ таолонинг бандасини ўз лутфи билан Ўзига жазб ят и-

ши, тортиши орқали камолотга эришган зотлар ҳам мавжуд. Яъни, бу тушунчага кўра, нафс мақомлари уч хил бўлиб, банданинг ғайрати ва қасбига тааллуклидир. Бу уч мақом банда қасбидан кўра кўпроқ Аллохнинг лутфи-эҳсони бўлгани учун мақом сифатида қабул этилмаган.

Тариқатларда барча бу етти мақом сайру сулукнинг аслий мақомлари сифатида қабул этилиб, ҳар бири учун зикрга асос бўлувчи исмлар белгиланган. Шу сабаб, бу исмларга “усул” номи берилган. Баъзи тариқатларда эса солик энг юксак мақомга эришган бўлса ҳам Ҳақ таоло билан дўстлигини давом эттиргани учун ва Ҳақ хузурида эришган даражасини муҳофаза қилиш учун “Фуруъ” деган исмларни зикр қиласди. Яна бир бор тақрорлаймизки, сайру сулук ва нафс мақомларини босиб ўтмок, илм билан чекланиб қолмай, илмдан ҳам юксакроқ ҳаётда яшашига, тажриба ва завқга асосланади. Шартларига амал қилмай туриб, бу мақомларга эришиб бўлмайди, яъни бу мақомларни ўқиб-ўрганиш орқали киши комил инсон бўлиб қолмайди. Хуллас, тасаввуфнинг “қол илми эмас, ҳол илми экани”-нинг сирри шунда. Бу эса инсондан буюк ғайрат, сабр ва мужоҳада талаб қиласди. Бундан ташқари, муршидсиз ҳам булар рёёбга чиқмайди.

Нафс мақомларини ва ҳар бир мақомдаги хусусиятларни осон тушунилиши учун бир жадвал тузилди.¹

Сайру сулукда бу тарзда нафс мартабаларини босиб ўтишга “нафсоний йўл” ёки риёзат ва мужоҳада йўли” дейилади. Тариқатлар аксар шу йўлга асосланган. Бу йўлнинг бош ҳусусияти шундаки, унда солик зикр қилиши, мужоҳада қилиши ва амал қилиши даркор. Сайру сулукнинг яна бир йўли борки, бунга “руҳоний йўл” ёки “ишқ ва жазба” йўли дейилади. Бу йўл орқали Ҳаққа эришганлар, бошқа йўллардаги каби узун ва ҷарчатувчи риёзат ва мужоҳада чекмай, қалбларида ёнган Аллоҳ ишқи ва руҳларидаги софлик билан Аллоҳнинг лутфи илоҳийси натижасида “вусул” мартабасига эришгайлар. Аммо бундай кишилар ҳар қанча валий бўлсалар ҳам, муршид сифатига эга бўлмайдилар ва иршод вазифалари ҳам уларга берилмайди. Улар Аллоҳ ўзига жалб этган “мажзуби илоҳий” дирлар.

3. НАФС ВА РУХ. Сайру сулук ва нафс мартабалари янада яхшироқ англашилмоги учун сўфийларнинг нафс ва рух хақидаги фикр-қарашлари тўғрисида маълумот берсак фойдадан холи бўлмас.

Инсон моддий тузилишининг сирлари, замонавий физиология илми туфайли етарли даражада кашф этилган; аммо шу билан бирга мужаррад-якка тузилишга эга бўлган рух хақидаги маълумотимиз жуда ҳам оз. Руҳнинг мужаррад-яккалиги боис файласуфлар ва мута-

¹ Ҳаририйзода М.К. Тибёну васонилл ҳақойиқ. Сулаймония кутухонаси, Иброҳим афанди бўлими, №430. 1-ж, варак 344 А (Жадвал кейинги бетда).

Нафс маргабаси	Зикр қилинадиган исм	Жой	Сайр	Олам	Воридот	Хол	Шуҳуд	Нурининг ранги	Калимай тавҳид- га берилган маъно
1. Аммора	Ла илаҳа иллаллоҳ	Садр	иллаллоҳ	Шаҳодат	Шарият	Завқ	Тавҳиди афъол	Кўк	Ла маъбула иллаллоҳ
2. Лаввома	Аллоҳ	Қалб	лиллаҳ	Мисон	Тариқат	Шавқ	Тавҳиди сифат	Сарик	Ла максуда иллаллоҳ
3. Мулҳима	Ху	Рӯҳ	азаллалоҳ	Арроҳ	Маърифат	Ишқ	Тавҳиди зот	Қизил	Ла маҳбуба иллаллоҳ
4. Мутма- инна	Ҳак	Сир	ма'аллоҳ	Жабарут	Ҳакиқат	Васл	Жамъ	Қора	Ла мавжуда иллаллоҳ
5. Розия	Ҳайй	Сир - рус сир	филлоҳ	Лоҳут	Валоят	Ҳайрат	Ҳазратул жамъ	Яшил	Ла мавжуда
6. Марзия	Қайном	Ҳофий	аниллаҳ	Носут	Сидди- қиёнт	Фано фиглоҳ	Жамъул жамъ	Оқ	вала максуда
7. Комила	Қаҳҳор	Аҳдо	билилоҳ	Ҳакиқат	Қурбат	Бако билилоҳ	Аҳадиҷитул жамъ	Рангиз	вала маҳбуба иллаллоҳ

саввифларнинг у хақдаги изохлари хам фарқлидир. Чунончи, рухнинг номаълум нарса эканлиги: “(Эй Му’аммад), сиздан рух-жон ҳақида сўрайдилар.” Айтинг: “Рух ёлгиз Парвардигорим биладиган ишларданdir. Сизларга жуда оз илм берилгандир” (Исро-17:85) оятида баён этилган. Рух ва нафс ҳақидаги мутасаввифларнинг изохлари турлича ва қоришиқдир.¹ Шунга қарамай, ушбу изохлардан қуйидагича хулоса чиқсан: Инсонда тўрт хил нафс мавжуд: 1. Табиий нафс-жисмдаги заррачаларнинг аралашмаслигини таъминлайди. 2. Наботий нафс - баданнинг ўсиб-улғайиши, ҳазм фаолияти ва хоказо биологик функцияларни таъминлайди. 3. Ҳайвоний нафс - инсондаги хис-харакатларнинг манбаи бўлиб, сезиш органлари бу нафснинг хизматини қиладилар. 4. Инсоний нафс ёки “нафси нотиқа” - Парвардигорининг амридан бўлган бу нафс - бадандан айрӣ мужаррад - танҳо, ёлғиз бир гавҳар бўлиб, инсон баданининг асл сultonидир. Аммо бадандаги тасарруфини ҳайвоний нафс воситасида ижро этади. Бошқа борлиқларда бўлмай, фақатгина инсонларга хос бўлган нафсдир. Бу “нафси нотиқа”нинг ботини эса рухни ташкил этади.

Мутасаввифларга кўра, бу нафс - Аллохнинг “кун” - “бўл!” деган буйруғи билан мoddасиз пайдо бўлган бир гавҳардир, жисм ё тупроқ эмас. Ҳам ўзини, ҳам Парвардигорини билади. Маъқулот (ақлдан юксакроқ масала ва билимлар)ни хам идрок этади. Ўзгарувчан, аммо фоний эмас. Ҳайвоний рух эса ўткинчи бўлиб, инсоний рух ҳайвоний рух билан хаёт кечиргани муддатда алоқаси давом этаверади. Нихоятда латиф ва хафиғи бўлган инсоний нафс ҳайвоний нафс устидан ҳоким бўлгач, инсон ўзлигини билиш ва таниш дараҷасига эришади. Бу эса Аллохнинг буйруқ ва таъқиқларига риоя қилиш, кўнгилни ёмон сифатлардан тозалаб, гўзал сифатлар билан безаш орқали, хусусан, сайру сулук мартабаларини босиб ўтиш орқалигина амалга ошади. Шу орқали инсоният ҳайвоний нафсдан қутулиб, ҳақиқий ва комил инсон даражасига кўтарилиши мумкин.

Сўфийлар бу инсоний рухни хам бир неча мартабаларга бўлганлар. Шунга кўра, нафси нотиқанинг ботини “рух”, рухнинг ботини “сир”, сирнинг ботини “сиррус сир”, унинг ботини “хафий”, унинг ботини “ахфо”дир. Сўфийлар рухга оид бўлган бу мартабаларнинг ҳар бирига “латифа” (илтифот, латиф туйғулар) дея ном берганлар ва қалб (нафси нотиқа), рух, сир, сиррус сир, хафий, ахфолардан иборат бу латифаларнинг барчасига умумий “латоифа ситта” (етти латифлик) дейилади. Бу латифаларнинг ҳар бири ўзидан юқоридагига манба вазифасини ўтайди. Яъни қалбнинг манбаи рух, рухнинг манбаи сир, нихоят ҳафийнинг ва барчасининг манбаи “ахфо”дир. Амр оламидан бўлган латифаларнинг энг юксак мақомини “ахфо” таш-

¹ Айний М.А., ў.а. 236-б, I-изоҳ.

кил этади. Бу латифаларни ўзаро беш чамбар ва марказда бир нуқта деб ўйласак, марказ нуқтани “ахфо”, ташқаридаги чамбарни эса “қалб” ташкил қиласи. Қалб - “халқ” оламидан, нариги бештаси “амр” оламидандир. Буларнинг энг латифи - ахфо Жаноби Ҳақ, билан энг хира бўлган нафси нотиқа (қалб)нинг эса бадан билан, яъни моддий олам билан алоқаси бор.¹ Рух хақидаги бу даража қиёслар нисбийдир. Ҳақиқатда эса, нафс билан рух бир маънони билдиради. Аммо сўфиylар “нафс” деганда рухнинг бадан билан қоришган энг остки босқичини тушунадилар. Уларнинг фикрича, инсон рухи моддадан мужаррад (алоҳида, якка) бўлиб, жуда қимматли бир гавҳардир. Бунга “нафси нотиқа” дейилади. Модда билан бирлашганда етиқ қават парда билан асл ҳолидан пардаланган. Ушбу етти мартабадан иборат бўлган нафс мақомларини босиб ўтиш орқали бу пардалар бирма-бир ўргадан кўтарилиб, рух илк яратилган вақтдаги аслий соғлигига қайтади.

д) саёҳат, хижрат. Мутасаввиflар - тасаввуф илмини ўрганиш, Аллохнинг ер юзидағи гўзалликларини кўриб, ибрат олиш учун сайд-ёҳат қилишни фойдали деб билганлар. Ибрат учун коинотни тадқиқ этиб, у хақда фикрламоқ, турли оятлар орқали тавсия қилинган: “Ахир улар ер юзида сайру сайёҳат этишиб, ўзларидан аввалги пайғамбарларни ёлғончи қилиб, иймонсиз (кетган) кимсаларнинг оқибатлари қандай бўлганини кўрсалар бўлмайдими??” (Рум - 30:9), “Эй Мұхаммад, айтинг, “Ерда айланиб (Оллоҳ) даставвал қандай қилиб яратганини (ва сўнг Ўзи ўйқдан бор қилган нарсаларни ўйқ қилганини) кўринглар” (Анкабут-29:20). Ҳатто, пайғамбаримиз Мухаммад а.с. хам “саёҳат қилинг, соғлом бўласиз, ғаниматга эга бўласизлар”² деганлар. Сўфиylарга кўра, саёҳат туфайли вужуднинг соғлом бўлиши билан бир қаторда қалб ва рух саломатлигига эришмоқ мухимдир. Ҳадисда айтилган ғанимат деганда сайёҳат вақтида рўпара келган муршиидлар билан қилинган сұхбат ва улардан олинган илму файзни назарда тутганлар. Мухаммад а.с. нинг “Чинда бўлса хам илм ўрганинг” дея тавсия қилганидан мақсад, ладун илми, ботин илми, тасаввуф илми ва Чин дегани бу илmlарнинг манбай бўлган авлиё ва муршиидлардир.

Хуллас, сўфиylар учун “саёҳатдан мақсад - ахлуллоҳ топиш, олиму ориф ва соликларга яқинлашиш, байтул ҳаром, байтул мақдис ва гакя хонақохларни зиёрат қилишдир. Аксинча, умрини йўлда ўтказиш эмас”.³ Шу мақсадларда жуда кўп саёҳат қилганлари учун сўфиylарга “сайёҳун” ҳам дейишган.

¹ ў.а. 235-243-б.

² Ибн Ҳанбал, Муснад. 11, 380.

³ Исмоил Анқаравий, Минхожул фуқаро, 47-48-б.

Шу боис, саёҳат тариқатларда ўзига хос бир маънога эга. Юқорида айтганимиз саёҳат - жисмонан қилинган саёҳат бўлиб, Ҳақнинг нишоналаридан ибрат олмоқ, Ҳақ дўстларидан фойдаланиш ва айниқса, муршид излаш мақсадида амалга оширилади. Шу мақсад илиа қилинган саёҳатлар, муридга шайх томонидан тавсия этилади ва рух тарбиясининг бир унсур юнусатида рўёбга чиқарилади. Тариқатларда муридга раҳбар бўлмоқ учун ёзилган “Одоби тариқат”, “Одоби сулук”, “Одобул муридин” ва ҳоказо асарларда бундай саёҳатга катта ўрин берилган ва унинг қонун-қоидалари белгиланган.

Масалан:

1. Изн-ижозат олинади. 2. Йўлга ҳамроҳ танланади. 3. Уч киши бўлса, бири раис этиб сайланади. 4. Дўстлар билан видолашиб, улардан дуо сўралади. 5. Қаерда тўхталса, аввал ўша ернинг ҳаммомига борилади, кейин эса буюк зотларнинг қабрлар зиёрат қилинади. 6. Такяга бормоқчи бўлса, саҳар вақтида борилади. 7. Даргоҳга бисмиллоҳ билан кирилади, танишлар билан қучоқлашиб, қолганлар билан қўл бериб, сўрашилади. 8. Йўлчи-мусофири жамоатхонага ўтиб, икром этилган емакдан ейди ва имкони бўлса ҳаққини тўлайди. 9. Кейин шайхнинг ҳузурига бориб, қўлини ўпади.

10. Бу зотни муршиди комил деб билса, унинг баданий саёҳати ниҳоясига етган бўлади, акс ҳолда давом этади.¹

Сафар баъзан муршид топгунга қадар давом этаверади. Бу сафар асосан муршиднинг амри билан адо этилади. Шайхлар одатга кўра, муридларини бир-бирларига жўнатадилар ва бир-бирларининг усуларидан фойдаланадилар. Муршиднинг камолга етиши учун шундай қиласидилар.

Ундан ташқари, ҳаётини саёҳат билан ўтказган дарвишлар ҳам мавжуд. Уларнинг тамойили шуки, ҳар кун бошқа бир масжиднинг меҳмони бўлиш. Сайёҳатнинг яна бир фойдаси - кишини шуҳратдан сақлайди. Унга дунёда ғариблигини эслатади ва нафсини енгишга ёрдам беради. Зоро мутасаввифларга кўра, шуҳрат қалб оғатларининг энг ёвуздаридандир. Шу боис Атоуллоҳ Искандарий “Ҳиками Атойий” асарида бундай дейди: “Ўзингни билинмаслик тупроғига кўм, чунки кўмилмаган нарса тугамайди, тугаса ҳам натижа бермайди, мукаммал бўлмайди.²

Баданий сафар ниҳоясига етиб, яъни бир муршид топилиб, унга кўнгил боғланганидан кейин, маънавий саёҳат бошланади. Яъни қалб, нафс ва рух саёҳати. Бу саёҳат жисмоний саёҳатга нисбатан анча маşaқатли кечади. Бир қолипдаги қоидаларга эга бўлмаган ҳолда, сайру сулукнинг ва нафс мартабаларидаги хусусларнинг барчаси шу

¹ Кара М., ў.а. 219-б.

² ў.а. 220-221-б.

саёхатга алоқадор. Тасаввуфда саёхат, хижрат, сафар, сайр ва хоказо таъбирлар деярли кенг маънода ишлатилади ва булардан кўзда тутилган асл маъно - инсон руҳидаги камолот сари, юксаклик сари элтувчи маънавий сафардир. Бунинг асосини эса қўйидагилар ташкил этади: ёмон хулқлардан гўзал хулиқа, ёмон амалдан эзгу амалга, нафс орзуларидан Ҳақ амрларига, бадан хокимиятидан рух салтанатига, моддий оламдан маънавий оламга, ҳалқдан Ҳаққа, касратдан ваҳдатга қалбан ва руҳан йўл очмоқ. Бу сафарни ниҳоясига етказган киши **“комил инсон”** бўлиб, Ҳақнинг ойнаси ҳолига келади ва Унинг ер юзидағи халифаси бўлишга лойиқ бўлади.

III. ФИКРИЙ УНСУРЛАР

Асрлар мобайнida шаклланиб келган тасаввуф жараёни, табиий равишда тасаввуфга яқин ёки узоқ бўлган бир қанча фикрий шаклланишдан, озми-кўпми таъсирланди. Бунга тасаввуф ёйилган ҳудудларнинг жуда кенглиги ва бу таълимотининг мусомахакор (кенг фикрли)лиги сабаб бўлди. Ислом тасаввуфини унга қоришган бегона унсурлардан ажратса билиш ва тасаввуф доирасида шаклланган қараш ва маслак фарқларини яқиндан таниб-билиш учун бу фикрий унсурларга батафсил тўхталиб ўтишимизнинг боиси бор: бу унсурлар тариқатлар даврида ҳам ўз мавжудиятини давом эттириб келди.

А. **ТАСАВВУФ ВА ШИАЛИК** Ислом тасаввуфида оз бўлса-да мавжуд бўлган шиалик таъсири ва нашъаси “ташайю” калимаси билан ифодаланган. Тариқатлар билан шиалик орасида баъзи жихатларда ташки жузъий яқинлик бор. Ҳазрати Али кўпчилик тариқатларнинг силсилаларида илк йирик шахс бўлиб, бу тариқатлар эътиқодда алавийлик билан хеч қандай алоқаси бўлмаса ҳам, “алавий тариқат” дейилади. Шу боис ҳазрати Али ва авлодига баъзи тариқат муҳитларида зиёдаси билан меҳр-муҳаббат ва ҳурмат-эҳтиром кўрсатилади. Ўн икки имомни ҳам ҳурмат билан тилга олишади. Айниқса, саккизинчи имом Али Ризо баъзи тариқат силсилаларида жой олган. Машхур сўфий Маъруф Кархий унинг муриди сифатида кўрсатилган. Шунингдек, Жаъфари Содиқнинг ҳам алоҳида эътиборга лойиқлиги, унинг “Мажмаул баҳрайн ва мултақан нахрайн” (икки денгиз кўшилган ва икки дарё етган жой) дея сифат эгаси эканидан маълум. Ўн икки имомдан бири мансуб бўлган тариқат силсиласига эса “силсилатуз заҳаб” (олтин силсила) дейилади. Эътиқодий жихатдан батамом сунний бўлган тариқатлarda ҳам Ҳазрати Алига ахли байт ва ўн икки имомга нисбатан ҳурмат кўрсатилади. Шундай экан, бирон тариқатда бу шахсларга кўрсатилган ҳурмат ва таважжух, бу тариқатнинг шиа эътиқодига мансублигини кўрсатмайди. Фақатгина бектоший тариқати, асосчиси Ҳожи Бектоши Валийнинг шиалик

билин ҳеч қандай алоқаси йўқлигига қарамай¹, вақт ўтиши билан шиа характерини қозона бошлаган. Ўн икки имом тушунчасининг таъсири билан аста-секин “тариқатларнинг адади ўн икки экани” деган фикр ҳам ўрнашган.

Тариқатлар билан шиалик орасидаги бундай зохирий яқинлик билан бир қаторда ҳар икки мухитда ҳам мавжуд бўлган баъзи фикрий унсурлар борки, асосан шиаликнинг тасаввуфга таъсири шу мавзуларда жой олган. Аммо бу борада ҳам шиаларнинг тушунчasi билан мутасаввифларнинг қарашлари ўртасида тўла-тўқис бир хиллик мавжуд эмас. Бу муштарак жихатлар қўйидагилардир: валийнинг маҳфузияти, шиаликдаги имомнинг маъсумлигига ўхшайди. Авлиё мозорларига қудсийлик туси бериш, ҳуруфийлик ва абжад тушунчasi, ояту ҳадисларни таъвил орқали тағсир қилиш, шайхларга мутлақ қўл беришлик, маҳдий тушунчasi, рижолул ғайб тушунчasi, тариқат силсиласи, футувват ташкилоти (таълимоти), илм манбаи масаласи, ахли байтга қаттиқ меҳр қўйиш, авлиёлик тушунчasi ва хоказо тушунчалар тариқатлар мухитида кенг тарқалган бўлиб, шиа қарашлари билан яқинлиги бор.²

Бунга қараб, тариқатларни сунний Исломдан ташқарига чиқариб юбориласлик керак. Ҳатто суннийликнинг сўфиийлик тушунчаси билан муштарак ва ҳамоҳанглигини, шиаликнинг ривожланишига тўсқинлик қилаёттир деганлар ҳам бор. Чунончи, тасаввуфий тушунча ва тариқатлар Ислом оламида бўлмаса эди, у қолдирган бўшлиқни суннийликка нисбатан сиррий ва ботиний ҳусусига эга бўлган шиалик тўлдириши эҳтимоли кучли эди.

Б. **БОТИНИЙЛИК.** Ботин ички, моҳият, сир, яширин хақиқат каби маъноларни билдириб, зохир(ташқи)нинг акси-зиддидир. Исломий илмлар орасида тасаввуфга ботин илми, ботиний фикҳ каби номлар берилганини аввал ҳам айтиб ўтгандик. Бунинг сабаби - тасаввуфнинг қалбий ва сиррий мавзуларни намоён этиши ва сўфиийларнинг ояту ҳадислардаги ботиний маъноларга чуқур ахамият беришидир. Аммо илк сўфийлар далил-хужжатларнинг ботиний маъноларини қабул қилиш билан бирга, зохир-ботин мувозанатини сақлашга ҳаракат қилганлар. Китоб ва Суннатнинг зохирига тескари бўлган ботиний маънолар чиқаришдан сақланганлар.

Ботинийлик эса тасаввуфдан тамоман бошқа, ботил бир мазхаб бўлиб, унга кўра асл масала - оятларнинг ботиний маъноси; зохирий

¹ Ҳожи Бектоши Валий. Мақолот, проф. док. Махмуд Асъад Жўшан нацрга тайёрлаган. Истанбул, йили йўқ, XXXVI-XXXVIII бетлар.

² Кара М., ў.а. 243-б. Тасаввуф-шия масалаларини энг кенг тарзда тадқиқ этган олимлардан бири Ҳенри Корбин. Ўрнак сифатида қаранг: Ислом фалсафа-си тарихи, тарж. Ҳусайн Хотамий, Истанбул. 1986. 188-201-б.

маъносининг эса хеч қандай аҳамияти йўқ. Ботинийлик билан шиалик уртасида илк даврлардан бери фикрий яқинлиқ мавжуд. Имом Фаззолий ўз замонасида кенг тарқалған ботинийликка қарши қаттиқ курашган.¹

Далил-хўжатларнинг ботиний маънолафига аҳамият бериш борасида тасаввуф билан ботинийлик орасида байзи ўхшашик бор. Аммо сунний тариқатларда зохирий маънога эътиборсизлик қилинмайди. Ботиний маъно унинг устига қурилади. Аммо бектошийлик ва хуруфийлик сингари ахли суннат чизигидан чиққан ботил тариқатларда ботинийликнинг кучли таъсири бор. Мансур Халлож, Шахобиддин Суҳравардий (Мақтул) ва Ибн Арабий каби суфийларда ботинийликка яқин фикрлар кўпроқ учрайди. Ибн Арабийга нисбатан “амалда зохирий, эътиқодда ботиний эди” деганлар. Тасаввуфда байзи вақтлар зохир-ботин мувозанатини бузиб ботинийликка эгилиш тамойиллари кўринган бўлиб, Имом Фаззолий, Мавлоно Жомий ва бошқа кўплаб етакчи сўфийлар бунга қарши чиққанлар. Чунончи, Мухаммад Иқбол (1938й.в.э.) ботинийликка мойил сўфийларни танқил қилиб, бундай деди: “Сўфи ва муллага мендан салом айт. Улар менга Аллохнинг хабарларини келтирдилар, аммо уларнинг таъвиллари (тушунтириш изоҳлари) Аллохни, Жаброилни ва Мустафони хайратлар ичра қолдирди”.²

В. ИШРОҚИЙЛИК Тасаввуф маълумот-билим манбаи масаласида Ишроқ фалсафасига ҳам ўз муносабатини билдирган. “Ҳикматул ишроқ” ва “Ҳайоқилун нур” номли асарларнинг муаллифи Шахобиддин Суҳравардий Мақтул (587м.-1191ҳ.й.в.э.) томонидан шакллантирилган Ишроқ фалсафасига кўра, хақиқатни тушуниб етишнинг ягона йўли қалbdаги нур ва сезгидир. Бу борада ақл хеч қандай аҳамият касб этмайди. Қалбга келаётган нурнинг асл манбаи эса Аллоҳdir. Тасаввуфда ҳам билим манбаи сифатида кашфу илхомга катта ўрин берилган. Шу жихатдан, айниқса, фалсафий тасаввуф, яъни Ваҳдати вужуд фалсафаси билан Ишроқ фалсафаси орасида ўхшашлик бор. Чунончи, ишроқийликда судур назарияси мақбул бўлганидек, Ваҳдати Вужуд фалсафасида ҳам борлиқлар оламининг яратилиши масаласида бу назарияга муносабат билдирилган. Хулас, фалсафий тасаввуфнинг Ишроқ фалсафасидан таъсирланганини айтиш мумкин.

Г. ХУРУФИЙЛИК. Ҳарфларнинг байзи сир ва хақиқатларга эга эканига эътиқод қилувчи хуруфийлик - Ислом оламида Фаззуллоҳ

¹ Батафсил маълумот учун: Чубукчи И. О. Фаззолий ва ботинийлик. Анқара, 1964; проф. Аҳмад Оташ. Фаззолийнинг ботинийларни хонахайрон қилган далиллари. Китаб Кавасим ал батиния //Илоҳиёт факултети. мажмуси, 1954, III-ж. №1-2, Анқара, 23-44-6.

² Кара М., у.а. 248-6.

Астрободий Ҳуруфий (м.1394й.в.э.) томонидан тартибга солинган. Эронда яшаган бу киши кўпроқ ботинийликдан, қисман тасаввуфдан таъсирланиб, ўз тартиб-қоидасини жорий қилган. Ботил фикрлари учун Амир Темурнинг ўғли томонидан қатл эттирилганига қарамай, ҳуруфийлик, айниқса, Онадўлида тарқалиш имконини топган.¹ Ҳарфларнинг бъязи сирларга эгалиги ҳақидаги тушунча тасаввуфда ҳам мавжуд. Чунончи, Ибн Арабий асарларида бу мавзуга энг кўп жой берган бўлиб, у ўзининг “Футухоти Маккия” асарининг бир бўлимини “Маротибул ҳуруф”га ажратган. Шунга қарамай, ҳуруфийлик тариқатлар орасида қарор топа олмади. Ҳуруфийликдан энг кўп таъсирланган - бектошийлик бўлиб, бу ҳақда Исҳоқ афандининг “Кошифул асрор” ва “Дофиъул ашрор” (Истанбул, 1291й.) номли асарида маълумот берилган. Мавлавийликда ҳам қисман ҳуруфий таъсири сезиларли дараҷада бор. Ҳуруфийлик борасида Туркияда Абдулбоқи Гўлпинорли самарали тадқиқот олиб борган.

Д. **МАЛОМИЙЛИК** (Маломатийлик) Тасаввуф жараёни доирасида юзага келган ва унга энг кўп таъсир қилган оқимлардан бири - маломийлик бўлиб, x.ІІІ-м.Х асрларда пайдо бўлган. Ҳуросонда яшаган машхур сўфий Ҳамдун ал Қассор (x.271-м.884й.в.э.) томонидан асос солинган. Маломийликни ўша даврда **маломатийлик** дер эдилар. Шакл ва моддий унсурларга эътибор берадиган тасаввуфий тушунчага қарши ўлароқ пайдо бўлган маломатийликнинг тамал-асоси қуидагича: сўфийларда учрайдиган бъязи қиёфалар-кўринишлар, урф-одат, анъана ва зикр мажлислари орқали Ҳаққа эришиб бўлмайди, чунки булар риёл аломатлариdir. Риёдан қутулиш ва ихлосни кучайтириш учун феълан жамиятнинг барча фаолиятларига қатнашиш ва зохиран халқдан ажратиб турувчи қиёфа ва ҳатти-харатдан сақланмоқ керак. Нафл ибодатларни ҳам бошқалардан яширинча бажармоқ керак. Шу билан бирга қалбда Аллоҳни унутмаслик, ўзини мавжудот эмас, балки йўқлик деб хис қилиш. Бошқаларни эмас, ўзининг нафсини ерга уриши керак. **“Маломат”** сўзи арабчада қоралаш, таҳқирлаш маъноларини билдирувчи “лавм” ўзагидан келиб чиқсан. Бу тушунчага асосланган маломийликни Ибн Арабий энг баланд мартаба деб билган. Дастлабки қарашлари шулардан иборат бўлган маломийлик аста-секин асл ғоясидан узоқлашиб, ўзгларнинг таҳқирлашига сабаб бўладиган ҳатти-харакатлар қилмоқ, яхши амалларни яшириб, ёмон амалларни ошқор қилмоқ сингари тушунчалар маломийликнинг асосий ғоясига айланган. Бундай маломат тушунчаси идеал хисобланмаса ҳам, жоиз кўрилган Бу қараш

¹ Фазуллоҳ Ҳуруфийнинг хаёти ва ҳуруфийлик ҳақида: Гўлпинорли А. Ҳуруфийлик матнлари каталоги, Анкара, 1973, 1-33-б; Исҳоқ афанди. Кашифул асрор ва дафиул ашрор, Ист., 1291.

борган сайин ботиний ва шиавий унсурлар билан қўшилиб-аралашиб, “маломат” номи остида ҳар қандай гуноҳ амалларни бажариш ва шариатни менсимаслик сифатида намоён бўлди. Бундайларни Мавлоно Абдурахмон Жомий “Нафаҳотул унс” асарида қаттиқ танқид қилади.¹

Маломийлик тасаввуф жараёнида асосан бир маслак (нашъя, машраб) сифатида қабул этилган. Аммо баъзилар унга тариқат хам дейдилар. Пайдо бўлганидан бери маломийлик уч мухим босқични босиб ўтди:

1. Қассория маломатийлиги, яъни Ҳамдун Қассор асос солган маломийлик.

2. Байрамия маломатийлиги, Ҳожи Байрам Валийнинг муриди Умар Сиккиний (1475й. в.э.) шакллантирган маломийлик.

3. Нурия маломатийлиги, Сайид Мухаммад Нурул Арабий (1887й. в.э.) томонидан шакллантирилган.

Булардан байрамия маломатийлиги усмонли заминида бирмунча тарқалган, аммо сунний ақидасига тўғри келмаган баъзи фикрлари ва ортиқча ҳатти-харакатлари сабабли, мадраса уламолари ва давлат арбоблари томонидан қаршиликка учраган, ҳатто айrim маломий шайхлари қатл этилган. Натижада улар ошкора фаолият кўрсата олмайдиган ҳолга келгандар.

Нурия маломатийлиги эса XIX асрда Ғарбий Тракяда ва Ғарбий Онадўлида кенг тарқалди. Нурия маломатийлиги Ибн Арабийнинг вахдати вужуд фалсафасига асосланган бўлиб, амал борасида жиддий эътиборсизликка йўл қўйган.

Маломат тушунчаси тасаввуфий қарашларга хийла таъсир қилган. Айниқса, усмонийлар даврида бу тушунча жўшқин тасаввуф адабиётининг келиб чиқишига ёрдам берган. Масалан, машхур мутасаввиф шоир Ниёзи Мисрий маломий эди.²

Е. ФУТУВВАТ-АХИЙЛИК Илк давларданоқ тасаввуф билан чамбарчас бўлган футувватнинг луғавий маъноси - ийгитлик, мардлик саховат демакдир. Бу мавзууда илк бор асар ёзган Сулламий (1021й.в.э.)нинг таърифлашича, футувват-истилоҳ сифатида “Аллоҳнинг амрларига бўйсунмоқ, гўзал ибодат қилмоқ, ҳар қандай ёмонликларни тарқ этиш, зоҳирий ва ботиний ахлоқнинг энг гўзалига

¹ Чалабий Л., ў.а. 20-21, 114-6.

² Илк давр маломатийлиги хақида энг эски асар, Сулламийнинг “Рисолатул маломатий”сиdir. Байрамий маломатийлиги ва шайхлари хақида Сариф Абдуллоҳ афандининг “Самаратул фуод” асарида кенг маълумот берилган. М-лик хақида охирги ўйлар қилинган жиддий ишлар: Виждоний С. Томар-и туруқи олия, І-жузъ, Маломийлик, (Ист. 1338-1340) ва А. Гўлпинорли, Маломийлик ва маломийлар, (Ист. 1931) ва Турар У. Маломийликка доир, //ўша мажмуа, ўша сон.

амал қилиш” деган маъноларни билдиради.¹ Шу маънода футувват - тасаввуф ахлоқидан иборат. Маломат тушунчасининг пайдо бўлишига хам хисса қўшган илк даврдаги фугувват қоидалари Сулламий томонидан кенг тушунирилган. Чунончи, бошқаларнинг камчилликларига қарамасдан, инсофу диёнатга амал қилиш, бирорвга душманлик қилмаслик, фақирлардан нафрлатланмаслик, бойларга ялинмаслик, мол йиғмаслик, ниятни айтиб химматни яшириш, жўмара бўлмоқ, раҳмдил бўлмоқ, ўзидан олдин бошқаларни ўйлаш, ёмонликка яхшилик билан жавоб қайтариш, ёлғондан сақланиш, иборат, зикр ва тақвога риоя қилиш, тавба қилиш ва хоказолар. Демак, футувват - гўзал ахлоқ эгаси демакдир. Шундай экан, футувватни тасаввуфдан бўлак деб англаш имконсиз, чунончи, мутасаввифларга кўра, футувват - пайғамбарлардан мерос қолган ахлоқ йўлидир. Айниқса, ҳазрати Иброҳим, Юсуф ва Асхоби Каҳфга, Мусога ўртоғлик қилган Юшаъларга “фато” дейилган. Иброҳим алайхиссаломнинг ўз фарзандини курбон қилишдан қайтмагани ва бугларни синдиргани учун, ҳазрати Юсуф биродарларини кечиргани учун, Асхоби Каҳф эса ботилга майл этмай, Аллоҳга сифинганликлари учун бу номга лойиқдирлар.²

Хижрий II-асрдан эътиборан “фато” унвони жамият орасида Қаҳрамонлиги ва фидокорлиги билан шуҳрат топган кишиларга берилар ва бу кишилар футувват гурухини юзага келтирап эдилар. Халифа Носир Лидиниллаҳ эса футувват шалворини кийиб, “саййидул фитён” лақабини олган ва жамиятни ўзига қаратган. Шу боис у футувват гурухининг асосчиси деб қабул қилинган. Футувват гурухи (ташкилоти) мусулмон турклар орасида “ахийлик” деб аталган.

Футувват қараши ижтимоий хаётда идеал деб хисоблангани учун Хурсон худудидаги сўфийлар футувватдан таъсиrlаниб, унга ахамиятни кучайтирганлар ва рухоний хаётда хам бу қараш идеал холга айланган. Футувват гурухи аста-секин иқтисодий ва ижтимоий хаётга йўналган бир муассасага айланиб, тасаввуф ва тариқатлар билан дбимий алоқада бўлган ва шу зайлда тасаввуфнинг теран идеалларини ижтимоий ва иқтисодий турмушда акс эттирувчи жонли, фаол ва таъсири бир кучга айланди. Баъзи тариқатларда бўлганидек, футувват ташкилотида хам шиалик табиатининг баъзи кўринишлари мавжуд бўлса-да, аслан шиа мазхабига мансуб эмас. Масалан, Ҳазрати Али ўзининг йигитлиги, жасорати билан идеал бир “фато” деб тан олинган.

Тариқатларнинг валий пири бўлганидек, футувват ташкилотида хам ҳар маслак арбобининг пайғамбарлардан иборат бир пири бор.

¹ Сулламий. Тасаввуфда футувват, тарж. Оташ С. Анқ. 1977. 24-6.

² ў.а. 4-6.

Чунончи, ҳазрати Одам - дехқонларнинг пири, ҳазрати Шис - пахтасчиларнинг пири, ҳазрати Идрис - тикиувчи ва ҳаттотларнинг пири, ҳазрати Нух - савдогарлар пири, ҳазрати Солих - түякашлар пири, ҳазрати Иброҳим - сутчи ва дурадгорлар пири, ҳазрати Исмоил - овчилар пири, ҳазрати Исҳоқ - чўпонлар пири, ҳазрати Зулкифл - нонвойлар пири, ҳазрати Лут - тарихчилар пири, ҳазрати Узайр - боғбонлар пири, ҳазрати Илёс - тўқимачилар пири, ҳазрати Довуд - темирчилар пири, ҳазрати Луқмон - ҳакимлар пири, ҳазрати Юнус - балиқчилар пири, ҳазрати Исо - сайёхлар пири, ҳазрати Мухаммад боғбон ва савдогарлар пиридири.

Футувват ташкилоти тузилиш жихатидан тариқатларга ўхшайди. Маслакдаги босқичлар, ҳар бир қасбнинг мавжудлиги, бу маслакка кирганиларнинг кундалик хаётларини тартибга солган футувватномаларнинг борлиги ва бошқа жихатлар - бу оқимни муайян бир тариқатга ўхшатади.

Футувват ташкилотида босқичлар тартиби қўйидагича: 1. Нозил (фикран мойил). 2. Нимтариқ (ярим йўлдаги). 3. Муфралий (ёлғизлилдаги). 4. Башибар. 5. Нақиб (раис). 6. Нақибун нуқабо (раислар раиси). 7. Халифа. 8. Шайх. 9. Шайхуш шуйих (шайхлар шайхи)

Шунингдек, тариқатларда бўлганидек, футувват ташкилоти хам маҳсус қиёфа-кўриниш ва одобу аркон қоидаларига эга.¹

Ё. **РИЖОЛУЛ ҒАЙБ**. Тасаввуфий тушунчада оламни бошқариши тан олинган валийлар жамоасига “рижолул ғайб” дея ном берилган. Ғайб кишилари, ғайб эранлари, рижолуллоҳ, мардони худо, мардони ғайб-и ҳукумат-и маънавия каби таъбирлар хам шу маънода ишлатилиади.

Бу мавзуни энг чуқур ўрганган мутасаввиф Ибн Арабий бўлиб, “Футухоти Маккия” асарининг туб заминини “рижолул ғайб” мавзуси ташкил этади. Тасаввуф ва тариқат доираларида кенг миқёсда мақбул кўрилган бу қараш хақида Қуръони қаримда оят йўқ. Аммо баъзи сўфийлар: “Ерни эса ёйик-кенг қилдик ва унда тоғларни ўрнатиб қўйдик, ҳамда унда (ўсимлик, меваалардан) ҳар турли ғўзали жуфтларни ундириб-ўстиридик” (Қоф-50:7) оятидаги “равосий” (тоғлар) сўзини “валийлар” маъносida изоҳлаганлар. Бу маънавий ҳукуматнинг тузилиши ва шахсиятлари хақида баъзи жузъий фарқли ифодалар бўлса-да, умумий маънода бир хил. Чунончи, бу ҳукумат тепасида “қутб” туради. Қутб - тегирмон тошининг ўқи бўлиб, тегирмон тоши бу ўқ атрофида айланганидек, оламнинг меҳварини хам бу қутб ташкил этади. Қутбга “ғавс”, “ғавсул аъзам”, “қутбул актоб”

¹ Кара М. ў.а. 261-261-б; кенг маълумот учун: А.Гўлпинорли. Ислом ва турк элларидаги футувват ташкилоти ва манбалари //Истанбул университети Иқтисодиёт факультети мажмуаси, ТашринI, 1949 - июль, 1950.

хам дейилади. Қутбнинг ўнг ва чапида икки имом (имомайн) бўлиб, ўнгидаги малакут оламини, чапдаги мулк оламини бошқаради. Қутб вафот этса, чапдаги имом унинг ўрнига ўтади. Улардан кейин “автод” (устунлар) дейилган тўрт валий ўрин олган. Буларнинг хар бири маълум бир томонни бошқаради. Улардан кейин “абдол” ёки “ахёр” дейилган етти валий келади. Булар эса етти иқлимни бошқарадилар. “Нужабо” дейилган қирқ валий халққа ёрдам беришга масъулдирлар. “Нуқабо” дейилган уч юз авлиё эса одамларни синайдилар ва кузатадилар (назорат қиласидилар). Халқ орасида ишлатиладиган учлар, етилар, қирқлар иборалари ушбу авлиёлар хақидадир. Ҳужвирийнинг айтишича, бу уч юз валийдан ташқари тўрт минг нафарлик авлиё жамоаси ҳам бўлиб, буларнинг авлиёлигини на бошқаси, на ўзлари биладилар.¹ Рижолул ғайбдан бири вафот этса, бир остики табақадаги валийлардан бири унинг ўрнига ўтади. Унинг ўрнига эса нариги табақадан бири ўтади ва ниҳоят бу доирада бўлмаган бошқа бир валий “нуқабо”га кўшилади. Яъни буларнинг саноғи хеч қачон камаймайди. Бу тушунчага кўра, дунёда доимо бир қутб бўлиб, унинг силсиласи давом этаверади. Қутб Ҳақиқат-и Муҳаммадиянинг намояндасидир. Рижолул ғайб бир-бирларини танийдилар. Аммо уларни хар ким танийвермайди. Шу боис тариқатларда ўз тариқат раҳбарини унга бўлган муҳаббати туфайли қутб деб қабул этиш одат-анъана га айланган. Умуман олганда, тариқатга аъзо муриднинг назарida ўша тариқат шайхи қутбdir. “Ақтоби арба’а” (тўрт қутб) таъбири билан асосан Абдулқодир Гilonий, Ахмад Руфоий, Ахмад Бадавий, Иброҳим Дасуқий назарда тутилади. Баъзан тўргинчиси ўрнида Абулҳасан Шозалий ҳам айтилади. Онадўлининг тўрт қутби эса Жалолиддин Румий, Ҳожи Байрам Валий, Ҳожи Бектоши Валий ва шайх Шабон Валийдирлар.² Бошқа маслаклардаги валийларнинг кутблари ҳам бор. Кутбуз зоҳидин, кутбул обидин, кутбул орифин, кутбул ошиқин шулар жумласидандир.

IV. МОДДИЙ УНСУРЛАР

Тасаввуф жараёнининг тариқат сифатида шаклланиб, муассаса холига келиши билан бирга аста-секин тариқатларга ҳос баъзи моддий унсурлар юзага келди. Тариқат ахли йиғиладиган такя ва зовиялар, уларнинг маҳсус қиёғалари, зикр ва самоъ пайтида ишлатиладиган мусиқа чолғулари шулар жумласидандир. Бу моддий унсурлар хақида ҳам муҳтасар маълумот беришни мақсаддга мувофиқ деб топдик.

¹ ў.а. 251-6.

² ў.а. 252-6.

а) Такя.

Тариқат фаоллари фаолияти кўрсатадиган маскан бўлиб, рибот, зовия, хонақоҳ, даргоҳ, остона каби номлар билан ҳам аталади. Фақатгина булар орасида катта-кичиклиги ва фаолияти жихатидан баъзи фарқлар мавжуд. Баъзан бу жойлар ўша тариқатнинг номи билан бирга тилга олинади: мавлавийхона, қаландархона ва ҳоказо. Бир тариқатнинг барча такялари ўша тариқат шайхи жойлашган остона ё хонақоҳ дега, такяга қарашли бўлади. Бу такяга “пир уйи” ҳам дейилади. Кичикроқ такяга эса зовия дейилади. Такя ва зовиялар жамият орасида тез тарқалиб, нафақат тариқат ахлига, балки оддий ҳалққа ҳам таълим-тарбия, маданият ва иршод хизмати кўрсатадиган, ҳатто иқтисодий ва сиёсий жихатдан жамиятни бошқарадиган, ҳар томонлама фаол бир муассасага айланди. Мадрасалар жамиятнинг олиймақом - ўзига тўқ тоифасига хитоб этса, такялар кенг ҳалқ оммасининг таълим-тарбия ва иршод ўчоғи сифатида фаолият олиб борган.¹

Жоме вадада мадрасалардан фарқли ўлароқ, такялар, ақсан ёғочдан ва содда қурилган бўлиб, бир ёки икки қаватли бўлади. Аммо бектоший ва мавлавий такялари кенг қурилган. Чунончи, мукаммал бир мавлавий такясини олиб қарайдиган бўлсак, такя - ўн бўлимдан иборат бўлиб: самоъхона, мақбара, чиллахона, хужралар, дарвишхоналар, саломлашув хонаси, ҳарам, омбор ва ошхона, қаҳвахона ўчоғи, қафас (муборак кечаларда такяга келган аёллар ўтирадиган жой), матраб (самоъ вақтида наът ва илохий қўшиқ айтадиган куйловчилар ўтирадиган жой). Саломлашув хонаси шайхнинг жойи, ҳарам эса уйидир.²

Салжуқий ва усмонли даврига оид такялар атрофида кўпинча қабристон, ҳаммом, масжид, молхона, баъзан тегирмон жойлашган. Такядаги вазифадор шахслар ва уларнинг яқинлари вафот этганларида такя ичкарисига ёки олдидаги қабристонга дағи этилган. Такялар иқтисодий жихатдан ҳам мустақил эдилар. Кўпинча подшоҳ ёки бошқа бир давлат арбоби томонидан вақфлар ажратилиб, такяларнинг моддий эҳтиёжи таъминланган ва шу орқали давлат билан тариқат орасида яқинлик хосил бўлган. Аммо такяларга ажратилган

¹ Кенг маълумот учун қаранг: Кара М. Такялар ва зовиялар, Ист, 1977; И.Гундуз. Усмонийларда давлат-такя муносабатлари, Ист, 1984; А.Я. Ўжоқ ва С.Фаруқий, Зовия, Ислом Қомуси, XIII-ж, 468-476-б; Умар Л.Баркан. Колонизатор турк дарвишлари ва зовиялар. Вақфлар мажмуаси, Анқ., 1942, II, 293-338-б.

² Бу хақда қаранг: Илхон Оқчоӣ, Абдол Мусо такяси, VII, Турк тарихи конгресси, Анқара. 1972, 362-б. vd. 370 vd; ўша муаллиф, Усмонли тарихида тариқат тузилишлари, 98-251-б.

вақфлар баъзан такяларнинг фикр ёй мустақиллигига путур етказган. Шу билан бирга, бундай қулай имкониятни кўлдан бой бермаслик учун баъзи ҳолларда шайхлик отадан ўғилга ўғадиган ҳолга келган. Бу эса усмонли даврининг охирги йилларида яққол кўрга ташланади, хатто баъзи такялар дангасалар ва йўқсиллар маконига айлангани боис, такяларни ислоҳ қилишга хам мажбурият туғилган.

б) Тариқат қиёфалари.

Ҳар бир тариқат ўзига хос қиёфа-кийимга эга бўлиб, бу қиёфалардан дарвешларнинг қайси тариқатга мансублиги маълум булади. Баъзи тариқатларда ташқи қиёфаларга, алоҳида аҳамият берилган. Мавлавия ва бектошия тариқатлари бунга мисолдир. Нақшбандия тариқати ахли, ташқи қиёфа масаласига ортиқча эътибор бермай, оддий ва покиза либос кийиб, бошга салла ўраш билан кифояланганлар. Маломийлар эса умуман маҳсус қиёфага қаттиқ қарши бўлганлар.

Тариқат қиёфалари асосан мистик маъноларни тимсол қиласди. Масалан, Ҳужвирий “Асрорул ҳироқ вал мулавванот” номли асарида хирқани қуидагича шарҳлаган: хирқанинг бели сабр, икки томони хавфу ражо, икки ёни қабзу баст, белбоғи нафсга мухолифат, ёқаси соглом яқинлик, парвози эса ихлосдан тикилган.¹ Хирқа: тариқат ахли кийган кенин: одди очиқ, ёқасиз, енги узун ва бўйига хам узун либосдир. Хирқа кийиш шайхга таслим булишни тимсол қиласди. Хирқа кийдиришга “илбоси хирқа” дейилади. Икки хил хирқа кийилади. Бири “хирқаи табарруқ”, иккинчиси, “хирқаи иродат” ёки “хирқаи инобат”дир. Хирқаи табарруқ хануз тариқатга кирмаган, аммо баъзан зикр мажлисларига ва шайх сухбатларига қатнашадиган кишиига, ўз истагига биноан кийдирилади. Шу орқали тариқатга меҳр пайдо бўлиши ва қўл беришга ташвиқ этилган булади. Бу хирқа истаганга кийдирилади. Бунга “мухабиҳ хирқаси”, “мухабиҳ киеваси” хам дейилади. Хирқаи иродат эса шайхга қўл бериб, тариқатга аъзо бўлган кишиига шайх томонидан маълум бир маросим билан кийдирилган хирқацӣ. Шайхнинг қўлидан хирқа кийиш одати, Умму Ҳолиддан ривоят қилинган ва Мухаммад а. с. унга шолчадан тўқилган либос кийдиришига доир воқеага асосланади. Яна: «Эй Одам болалари, Биз сизларга аврагларингизни беркитадиган либосни, хам ясан-тусан (либосни) хам туширидик. (Ҳаммасидан яхшироқ либос тақво либосидир. Бу Оллоҳнинг (фазлу марҳаматига далолат қилувчи) ояллардандир. Шояд эслатма (панд-насихат) олсалар» (Аъроф -7:26) оятидаги тақво либоси билан тариқат хирқаси орасида боғлиқлик бор дейдилар².

¹ Кара М. у.а. 268-б.

² Анқаравий И. у.а. 35-37-б.

Тариқат арбобларига кўра, хирқа кийиш анъанаси ҳазрати Иброхимга бориб тақалади. Нақл қилинишича, ҳазрати Иброхимни гулханга ташлаганларида Жаброил а.с. жаннатдан ипак кўйлак олиб келиб, унга кийдирган ва ҳазрати Иброхим унинг баракоти туфайли оловдан қутулган. Ушбу кўйлакни сақлаб қўйинб, ҳазрати Исмоилга уни қурбон қиммоқчи бўлганида кийдирган. Бу кўйлак ҳазрати Исмоилдан ҳазрати Исҳоққа, ундан Яъкубга, ундан Юсуф а.с. га қадар келган ва унинг қудукдан қутулишига, ҳазрати Яъкубнинг эса қўзларининг очилишига восита бўлган. Сўфийлар хирқада бу кўйлакнинг сиррини кўриб, унга маънавий бир аҳамият берганлар. Аммо тариқат хирқасини дунёвий манфаат қозониш учун восита қилишдан сақланиш, уни нафсни ўлдириш ва қалбни ислоҳ этиш ниятида киймоқ даркор. Чунки, тасаввуфдан мурод - хирқа эмас, аксинча хирқаи дарун, яъни ботиний покликка эришмоқдир.¹

Кулоҳ. Тариқатнинг муҳим қиёфаларидан яна бири “кулоҳ” бўлиб, бошга кийиладиган, жундан тикилган сарпушча кулоҳ (ёки тож) дейилади. Ранги ва шакли тариқатларга қараб турлича бўлади: мавлавийларнинг қулоҳи “сикка” дейилади. Сикканинг устки қисми “қубба”, бош кирадиган қисмига эса “лангар” дейилади. Бектоший, қодирий, руфоий, саъдийларнинг кулоҳлари ўн икки бўлимдан иборат бўлиб, шозалий тожи бўлимсиздир. Кулоҳ устига ўралган салла “дастор” бўлиб, у турлича ўралади. Хирқа каби кулоҳ ҳам дарвешга маросим билан кийдирилади. Хирқа, кулоҳ ва камар каби тариқат либосларига “жихози тариқат” дейилади. Буларни маросим билан кийдиришга “такбирламоқ”, “такбирлатмоқ”, “такбир қиммоқ” дейилади. Кулоҳнинг шакли, ранги ва саллани ўраш усуслари - дарвишнинг тариқати, унинг тариқатдаги мақоми ва хоказо турли маъноларни билдиради.² Тариқат кулоҳлари хақида “Тожнома” номи остида китоблар ёзилган. Чунончи, Мустақимзода Саъдиддиннинг “Рисолаи тожия” асари шулярдан биридир.³ Тариқатларнинг яна бошқа либослари эса қуйидагилардир: камар - бир мартаға мўлжалланган, камар - шайх томонидан такбир айтилган холда дарвишнинг белига боғланадиган ва шайху тариқатга хизмат қилиш учун бел боғлашни намоён этувчи, кенглиги беш-олти энлик келадиган, жундан тўқилган, чеккалари тери билан ўралган қалин белбоғdir. Унга “ғайрат белбоғи, ғайрат камари” ҳам дейилади. Камар тақсанга “камарбаста” дейилади. “Камар боғламоқ” ибораси ўзини бутунлай тариқатга фидо қилиш маъносини билдиради. “Шадд” деб футувват арбоби боғлайдиган ва жун-

¹ ў.а. 38-б.

² Бу хақда: Гўлпинорли А. Тасаввуфдан тилимизга ўтган ибора ва мақоллар, 320-322-б.

³ Яна қаранг: Айний М. А. ў.а. 228-б, 2-изоҳ.

дан тайёрланган белбоққа айтилади.¹ Шадд - арабча қаттиқ боғламоқ дегани бўлиб, футувват қоидаларига тўла бўйсунишни намоён этади. Хайдарий, хайдария - хирқа остидан кийилладиган тор, ёқасиз, енгиз ва белгача келадиган либосдир. Таннуря - белдан тепаси тор, пасти кенг, узунлиги тўпиққача, ёқасиз, енгиз, олди белгача очик дарвиш либосидир. Чунончи, мавлавийларда “хизмат таннураси”, “самъ таннураси” деган икки хил таннуря мавжуд. Биринчисини хануз чилласини тугатмаган, хужра эгаси бўлмаган, ошхона қаби жойларда хизмат қўлувчилар кияди, унинг ранги қорамтири бўлади. Иккинчиси эса асосан оқ бўлиб, самъ зикри вақтида кийилади. Унинг этак қисми жуда кенгdir. Або - хуруфийлар киядиган кенг, енгиз, ёқасиз, олди очик, жундан тикилган кийим.

в. Яна бошқа тариқат ашёлари

Пўстак: кўй-кўзи ва хоказо хайвон терисидан тайёрланиб, устида ўтириладиган, хонадонларда кўп ишлатиладиган “пўстак”-тариқатда пирнинг мақомини билдиради. Шайх ўтирган пўстак тариқат пирининг мақомидир. Шу сабабдан шайхга “пўст нишин” хам дейилади. Пўстак маъносида “жойнамоз”, “пўст нишин” маъносида эса “жойнамоз нишин” таъбирлари хам ишлатилади.

Аълам - байроқ, туғ маъносини билдирувчи арабча сўз бўлиб, қубба ва миноранинг тепасига қўйилади. Бектошийларда халифага берилган омонатлар орасида, устида тариқатнинг эътиқод асосларини билдирувчи ёзувлар ёзилган туғ хам мавжуд. Гул - узунлиги икки қарич, ясси учли, ховуч қадар катталиқдаги темир таёқ. Руфоий тариқати шайх ва дарвишлари бу таёқларнинг уч қисмини қўрада қиздириб, зикр вақтида ялаб-ялаб совутадилар. Бу пайт “Ё Салом” исми билан зикр қиласидилар. Бундан ташқари тариқат тожларининг устига (куббасига) ўрнатилган чит устига ишланган шаклларга хам гул дейилади. Муттако-муин - бу сўзлар суянадиган нарса ва кўмакчи маъноларини билдиради. Асмо билан сұлукка асосланган тариқат ахли “арбайн” (чилла) чиқариш мобайнида ётиб, оёқ узатиб ухламасликлари учун бошларини қўядиган нарса бўлиб, узунлиги уч қарич ва ундан хам узунроқ, учли, темир, чўян ёки чустаҳкам бир тахтадан қилинади. Устки қисмida пешонани қўймоқ учун гурунчли жойи бор. Дарвиш учли жойини ерга қадайди, гурунчли қисмiga бошини қўйиб ухлайди.

Булардан ташқари тариқат мухитларига хос яна бир неча жихозлао бор, аммо мазкур ашёлар билан кифояланамиз. Шу орала мавлавийлар самъо пайтида ишлатадиган турли мусиқа асблобларини хам қайд этиш керак. Шуни айтиш керакки, даврлар ўтиб, батзи тариқатлар турли хил маросим ва моддий унсурларга кўпроқ аҳамият берib, тариқат ва тасаввufнинг асл ғоясидан узоқлашидилар. Бар-

¹ Қаранг. Гулпинорни А.. Ислом ва турк элларида футувват ташкилоти ва манбалари, ўша манба; А. Гулпинорли, Шадд, Ислом қомуси, XI-ж, 378-381-б.

ча бу шаклий ва моддий унсурларга аслида бир восита деб қараш керак. Ҳануз илк даврларда Али ибн Мұхаммад Зохид (м.925й.в.э.) “Тасаввуф жисм билан ўлчанмайди. Аввало қалбингни покла, кейин нима хохласанг киявер!” дея буни эслатган. Юнус Эмро хам ушбу лўнда байти билан тасаввуфнинг шаклда эмас, кўнгилда жо бўлиши лозимлигини уқтиради:

Дарвишлик бўлсайди тож ила хирқа.
Биз хам олар эдик ўтгизу қирқقا.

Г. ЙИРИК ТАРИҚАТЛАР ВА УЛАРНИНГ АСОСЧИЛАРИ

Тасаввуфий тушунча ва яшаш тарзи асосаң тариқат воситасида халқ орасида кенг тарқалди. Бугунги тариқатларнинг кўпи XII-асрда юзага келди. Олдинги асрларда мавжуд бўлиб, тасаввуфий асарларда ўн иккита дея қабул қилинган тариқатлар, кейинги даврлардаги тариқатларда мавжуд барча унсурларга эга бўлмай, кўпроқ машҳур сўфиylар атрофида шаклланган тасаввуф мактабларидир. Ҳужвирий “Кашфул маҳжуб” асарининг учинчи бўлимини бу тариқатларга ва уларга мансуб сўфиylар кўпроқ эътибор берган мавзуларга ажратган, уларни кенг миқёсла ўрганган, исломий қоидаларга мувофиқ ва зид томонларини изохлаган.¹ Илк давр сўфиий тариқатлари деб айтиш мумкин бўлган бу тариқатлар ва уларнинг ахллари бўлган сўфиylар ҳамда улар эътибор бераётган мавзулар қўйидагилардир:

A. ИЛК ДАВР СЎФИЙ ТАРИҚАТЛАРИ

1. Мухосибия: Ҳорис Мухосибий (857м. й.в.э.) тасаввуфдаги Ризо мавзусига кўпроқ эътибор берган. 2. Қассория: Ҳамдун Қассор (884м.й.в.э.) маломат мавзусига кўпроқ ахамият берган. Бу тариқатни маломатия тариқати деб ҳам аталади. 3. Тайфурия: Абу Язид Тайфур ал Боязид Бастомий (848м.й.в.э.) тасаввуфда “сакр”, яъни илоҳий ишқ билан йўғрилган рух жўшқинлигига ахамият берган, “сакр” холининг “саҳв” холидан ҳам устун деб қабул этган. 4. Жунайдия: Жунайд Бағдодий (909м.й.в.э.), Бастомийга муқобил равишида “саҳв” холига, яъни илоҳий ишқ мастилигидан қутулиб, тамкин холини эгаллаштига ахамият берган. Шу боис Ҳалложни “Аналхақ” ва бошқа сўзлари учун танқид қилган.² 5. Нурия: Абул Ҳусайн Нурий (907м.й.в.э.)

¹ Ҳужвирий, ў.а. С. Улудоғ нашрға тайёрлаган. Истанбул. 1982, 281-394-6.

² Тасаввуф ва тариқатларнинг тарихий тараққиётига назар согтанимизда, кўрамизки, ўша даврда Бастомийнинг «сакр» тушунчаси ва Бағдодийнин «саҳв» гоясини олға сурган иккى оқим ҳукмрон бўлганини курамиз. Сакрга асосланган жўшқин тасаввуф тушунча Абу Саид Абул Ҳайр, Жалолиддин Румий, Саноий, Аттор, Юнус Эмро каби, саҳвга асосланган гояни эса Катабозий, Сарроҳ, Маккий, Қушайрий, Сулламий, Исфаҳоний, Ҳужвирий ва Фаззалий каби мутасаввиflар мақбул кўриб, тарғиб этганлар. Зоҳир уламоси танқид қилган тасаввуф кўпроқ сакрга ахамият берувчи тасаввуфий қарашлардан иборатди.

исор (бошқаларни ўзидан афзал билмоқ; жўмардликнинг энг юқори даражаси) **Фароғат** каби жихатларга ва сұхбат тарзига ахамият берган, узлат ва инзиво хаётини ёқламаган. 6. **Сахлия**: Сахл иби Абдуллоҳ Тустарий (896м. й.в.э.), асосан нағс билан мужоҳада, риёзат ва чиллага кучли эътибор берган. 7. **Ҳакимия**: Ҳаким Тирмизий (898м.й.в.э.) кўпроқ валийлик ва қаромат узра тўхталган бўлиб, бу зот орқали тасаввуфга фалсафа кириб келган. 8. **Харроғия**: Абу Сайд Харроғ (890м.й.в.э.) фано ва бақо мавзуларига кўпроқ ахамият берган. 9. **Хафиғия**: Абу Абдуллоҳ Мухаммад ибн Ҳафиғ (982м.й.в.э.), ғайбат ва хузур мавзулари устида кўпроқ тўхталган. 10. **Сайёрия**: Абу Аббос Сайёрий (х.IV-аср.в.э.) жамъ ва фарқ (тафриқа) мавзуларига ахамият берган. Ҳужвирий хақ деб билган мазкур ўн тариқатдан бўлак яна икки ботил тариқат хақида ҳам сўз юритган уларни ва “хулулия” мазхабига оид деб хисоблаган: 11. **Халложия**: Форис исмли бир шахсга нисбат берилган. Ҳулул ва Таносуҳ хақидаги фикрларини Халлождан олганини, унинг ҳам ўзи каби фикрларанини даъво қилган. Ҳужвирий эса Халложнинг бу фикрларга алоқадор эмаслигини таъкидлайди. 12. **Хулмония**: Абу Ҳулмон Дамашқийга нисбат берилган. Бу шахс тавҳид эътиқодига амал қилган, лекин унинг йўлидан боргандар тўғри йўлдан адашганлар ва ҳулул, имтизож ва руҳларнинг таносухини қабул этганлар.¹

Тасаввуф илмини турли тушунчалар қамраб олган даврда яшаган бу шахсиятлар ва уларнинг фикр-қараашлари, атрофларида йиғилган сўфийлар юзага келтирган тасаввуфий мактаблар, Ҳужвирий ва бошқалар томонидан бир тариқат сифатида тилга олинса ҳам, булар кейинги даврларда пайдо бўлиб, мумтоз тарзда шаклланган тариқатлар каби эмас эди. Шу боис тасаввуф тарихида тариқат дейилганда x.VI-м.XII-асрдан кейин кент тарқалган ва юқорида муштарак унсурлари қайд этилган тариқатлар тушунилади. Энди ушбу тариқатлардан машхурларини ва уларнинг асосчиларини танитишга харакат қиласиз:

Б. КЕЙИНГИ ДАВРЛАРДАГИ ТАРИҚАТЛАР ВА АСОСЧИЛАРИ 1. ҚОДИРИЯ ТАРИҚАТИ.

Ислом оламида кенг тарқалган тариқатлардан бири. Асосчиси ва пири Абдулқодир Гийлоний (1160м.й.в.э.) бўлиб, “ғавсул аъзам”, “ғавсул сақалайн” каби сифатлар билан танилган. Унинг кунияси Мухйиддин Абу Мухаммад ибн Аби Солих бўлиб, насаби хазрати Алига бориб тақалади. Эроннинг Гийлон шахрида дунёга келган. Гўдаклигигдаёқ отадан етим қолганига қарамай, 18 ёшларида онасининг изни билан илм тахсил этмоқ учун Бағдодга боради. У ерда

¹ Ҳужвирий, ў.а. 388-389-б. Бу хақда қаранг: Иzmirlı İ.Х., Янги қалом илми, Истанбул, 156-158-6.

анча йиллар илм ва риёзат билан машғул бўлади. Муршиди - Абу Саид Муборак ибн Али Махзумий бўлиб, у айни вақтда сучли ханбалий олимни эди. Абдулқодир Гийлоний ҳам ханбалия мазхабига мансуб эди. Шайх Ҳаммод Даббос, Абул Вафо ва Абу Солих қаби шайхларнинг сухбатларида қатнашган Абдулқодир Гийлоний, шариат илмлари ва тасаввуф илмида буюк олим бўлиб етишади. Ваъзу сухбатлари нихоятда таъсирчан бўлгани боис, баъзи насиҳатлари китоб холига келтирилган. Довруги ҳар тарафга тарқалган Абдулқодир Гийлонийнинг хузурига Эрон, Миср, Яман ва Шомдан келган олимлар ундан илм ўрганиб, файз олдилар. У хаётида шариат билан тариқатни муштарак тадбиқ этган олим эди.¹ Гийлонийнинг асарлари ҳам бор. Булардан машҳурлари: “Алкуня ли толиби тариқил ҳақ” (сулук ва ахлоққа оид), “Фатхур Раббоний” (етмиш икки ваъз ва бир зайлдан иборат), “Футухул ғайб” (етмиш саккиз ваъздан иборат), “Ҳизбу башарил ҳаёт” (тасаввуфий авроддан иборат), “Ал мавоҳиби раббония”, “Ал Файузатир раббония фи авродил қодирия” шулар жумласидандир.

Қодирия тариқатида зикр қўйидаги тартибда қилинади: Авваламбор, ўн уч марта “Фотиха” сураси ўқилади. Кейин “Бақара” сурасининг бошидан “Улаика хумул муфлихун” гача бўлган қисми, “Оятил курси” ва “Ӯманар расулу” ўқилади ва уч марта “Ҳасбуналлоҳу ва ниъмал вакил ва нимал мавла ва ниман насир” дегач, уч дафъа “Иншироҳ” ва “Ихлос” суралари, бир мартадан “Муаввизатайн”² ва “Фотиха” суралари ўқилади. Саловот айтилади. кейин тик туриб, овоз чиқариб 166 мартадан калимаи тавҳид ва лафзаи жалол ўқилади, кейин уч марта “Фотиха”, кейин “Инналлоҳа ва малаикатаху” ўқилиб, саловот келтирилади, кейин охири шайх дуо қиласида ва шу аснода зикр нихоясига етади.³ Қодирия зикри жаҳрий бўлиб, ўтирган, тик турган, айланган холда ижро этилади. Ислом дунёсида қодирия тариқатининг тармоқлари, шаҳобчалари ҳам мавжуд. Онадўлига илк бор қодирийлик тармоғини “Музаккин нуфус” муаллифи Ашрафўғли Румий (1470м.й.в.э.) олиб кирган. Ислом Румий эса бу тариқатнинг Истанбулда кенг тарқалиши учун фаолият кўрсатган, шу боис мазкур зотлар Онадўлида “пиринсоний” дея тилга олинадилар. Қодирия тариқатининг марказий даргоҳи Бағдоддадир. Тариқатнинг асосий шаҳобчалари қўйидагилардир: ашрафия, холи-

¹ Гилонийнинг ҳаёти ва фаолияти ўзидан кейин ёзилган табакот китобларинда ёритилган. Бу ҳақда қаранг: Л. Чалабинӣ, ӯ.а. 585-587-б; Ҳожазода Аҳмад Ҳилмий. Ҳадикатул авлиядан силсилатул машҳоиҳул қодирия, Ист, 1318, 32-б вд; Ислом қомуси, I-ж, 80-82-б; Содиқ Виждоний, Томар-и туруқи олинидан қодирия, Ист, 1338.

² Муаввизатайн - “Фалак” ва “Нос” суралари (Тарж.)

³ Эроидин С. Тасаввуф ва тариқатлар, 280-б.

сия, ғарибия, румия, хилолия, ёфиия, исавия, асадия, акбария.¹ Гийлоний ханбалия мазхабига мансуб бўлганлиги боис ўлчовли ва жиддий харакат қилган, танқидга учрайдиган сўзлар айтмасликка харакат қилган. Шу сабабли тасаввуфдаги салбий кўринишларни қаттиқ қоралаган Ибн Таймия (1328м.й.в.э.) Абдулқодир Гийлонийнинг тасаввуфий шарҳларини маъқуллаган. Гийлоний энг кўп эътибор берган: саховат, ризо, сабр, ишорат, ғурбат, саёхат, факт, жунли либос киймоқ.²

2. ЯССАВИЯ ТАРИҚАТИ.

Бу тариқат асосчиси Хожа Аҳмад Яссавий (1166м.й.в.э.) бўлиб, бугунги Қозогистоннинг жанубидаги Чимкент вилояти, Сайрам қишлоғида дунёга келган. Гўдаклигига Яссига кўчишган. Бу ерда Арслонбоб исмли машхур шайхнинг хайр дуосига эришган. Дастлабки тахсилидан кейин ўша даврнинг энг йирик илм маркази Бухорои шарифга бориб, машхур шайх Юсуф Ҳамадоний (1140м.й.в.э.)га интисоб этиб, унинг таълим-тарбияси билан вояга етди ва шайхнинг таважжухини қозониб, унинг учинчи ҳалифаси бўлиш шарафига эришади. Шайхининг вафотидан сўнг, бир муддат унинг мақомида ўтиргач, шайхининг маънавий буйруғига кўра муридларини ва мақомини Абдулхолик Фиждувонийга қолдириб, такрор Яссига қайтади ва иршод фаoliyatiini асосан у ерда олиб боради. Оддий ҳалқ оммаси англайдиган услубда сўфиёна хикматлари-шеърлари билан атрофдаги одамларни ҳақ ўйлга чакиради, уларнинг маънавиятига кучли таъсир кўрсатади. Шеър-хикматлари “Девони хикмат” номи остида китоб ҳолига келтирилган. Аҳмад Яссавий хаётлигига ўзоқ ўлжаларга муридларини жўнатиб, ўз тариқатини кенг тарқатишга харакат қилди. Яссавий риёзат, чилла, зикр ва мужоҳада кучли аҳамият бериб, хаётининг аксар қисмини чиллахонада ўтказди. Унинг хаётию кароматлари хақида кўплаб маноқиблар сақланиб қолган.³

Хожагон тариқати дея ном берилган яссавия тариқати, аввал Сайхун ва Тошкент худудида, кейинроқ Ҳоразм, Мовароуннахр, Хурсон, Озарбайжон ва хатто Онадўли диёrlарида кенг тарқалди (манбаларда айтилишича, яссавийлик шимолда Қозонгача, гарбда Болқон ярим оролигача етиб борган - тарж.). Бу тариқат ўз мавжудиятини кейинчалик нақшбандия тариқати доирасида давом эттириди. Туркии қавмларнинг Ислом линига киришида яссавия тариқатининг буюк хиссаси бор. Яссавий унинг тариқати ва издошлиари хақида бугунга қадар амалга оширилган энг жиддий тадқиқот Фуод Кунрулининг

¹ ў.а. 39-6.

² М. Кара, ў.а. 290-6.

³ Яссавий хақида қаранг: Купрули Ф ў.а. 27-86-6; Ислом қомуси, I-ж, 210-215-6.

“Турк адабиётида илк мутасаввифлар” асаридир. (1997йил Туркияда-ги нақшбандия тариқатининг маркази, Истанбул шаҳридаги Искандарпошшо даргохига қарашли Сахо нашриётида “Хожа Ахмад Яссавий: хаёти, асарлари, таъсирлари” номли илмий тўплам нашр этилди. Олимларниң эътирофича, бу асар Купрули китобидан кейин Яссавийшунослик учун энг муҳим манбадир - тарж..)

Яссавия тариқатида жаҳрий зикр ижро этилади. Зикр чоғида дарвишнинг томоғидан арранинг саси каби овоз чиққани учун яссавия зикрига “зикри арра”, “зикри миншорий” дейилади. Бу зикр қуидаги ижро этилади: дарвиш икки қўлинни тиззаси устига қўйиб, нафасини қорнига чиқариб “ҳа” деб, яна қорни томондан нафас олиб бош, бел, елка қўмирламаган ҳолда “ҳай” дейди ва зикр шу тарзда давом этади. Яссавийликда хилватга ҳам катта аҳамият берилади.

Бу тариқатда муҳим ўрин тутган асослар қуидагилардан иборат: маърифатуллоҳ, мутлақ жўмардлик, ростгўйлик, хаққал яқийн (фенофиллоҳ)да ғойиб бўлиш, хақиқий таваккул ва теран тафаккур.¹

Яссавия тариқати асосан сунний эътиқодига амал қилиши билан бирга Ҳуросон маломатийлигидан бироз таъсирланганни сабабли, терма бир маданият базасига эга. Бу хусусияти билан кейинчалик юзага келган кўплаб тариқатларга ўз таъсирини кўрсатган. Ҳатто нақшбандияни яссавийликянинг бир шаҳобчаси деб билувчиликлар ҳам бор. Яссавийлик ўз навбатида Онадўлида шаклланган ахийлик харатига ҳам кучли таъсири кўрсатган. Ахмад Яссавийнинг энг машҳур ҳалифаси Сулаймон Ҳаким Ота (Боқирғоний, 1186 м.й.в.)дир.

3. НАҚШБАНДИЯ ТАРИҚАТИ

Осиё ва Онадўли заминида энг кенг тарқалган тариқатлардан бири нақшбандиядир Асосчиси Баҳоуддин Нақшбанд (1389 м.й.в.) бўлиб, Бухоро яқинидаги Қасри Орифон қишлоғида дунёга келган. Баҳоуддин Нақшбандни ёшлигига Ҳожагон тариқати шайхларидан Муҳаммад Бобо Самосий маънавий фарзандликка қабул қилди. Бир мулдат кейин Самосий унинг тарбиясини Амир Кулолга тоннирилди. Шу билан бирга Баҳоуддин Нақшбандининг хақиқий шайхи - “увайсийлик” йўли орқали тарбиялаган Абдулхолиқ Ғиждувоний (1220м.й.в.) хисобланади. Бир мулдат Самарқандда яшаб, у ердаги шайхларнинг сухбатлари ва таважҷухларига мушарраф бўлди. Амир Кулолдан ҳалифаликни олгач, Қосим шайх, Ҳалил ота ва Мавлоно Ориф каби яссавий шайхларининг ҳузурида кўп ўйлар қолиб, улардан илму фанӣ олишга мұяссар бўлди. Икки маротаба ҳажга бориб келган Баҳоуддин Нақшбанд, хаётининг охирги ўйларини Бухорода ўтказди.

¹ Эроидин С., ў.а. 184-185-б; бу тариқат хақида кенг маълумот учун: Ф. Купрули, ў.а. 87-118-бетлар.

Ислом оламида жуда катта обрў-эътиборга эга бўлган Нақшбанднинг хаёти маноқибларга тўла бўлиб, бугунгача унинг хаёти ва тариқатини ифодаловчи жуда кўплаб асарлар битилган. Шулардан, Мавлоно Али Сафийнинг “Рашахоту айнил хаёт” рисоласи нақшбандия тариқати шайхлар хақида кенг маълумот беради. Нақшбандиянинг силсиласи икки бошқа-бошқа шахобчалар орқали ҳазрати Али ва ҳазрати Абу Бакрга бориб етади. Машойих силсиласига қараганда, бу тариқат бошқа баъзи тариқатлар билан алоқадор эканлиги ва шунга кўра ўша даврда фарқли номлар билан аталгани маълум бўлади. Чунончи, ҳазрати Абу Бакрдан Боязид Бастомийга қадар сиддиқия, Бастомийдан Абдулхолик Фиждувонийга қадар тайфурия, Фиждувонийдан Баҳоуддин Нақшбандга қадар хожагония, Нақшбанддан Хожа Убайдуллоҳ Аҳрорга қадар нақшбандия, Хожа Убайдуллоҳ Аҳрордан Имом Раббонийга қадар нақшбандияйи-аҳрория, Имом Раббонийдан Шамсиддин Мазҳарга қадар нақшбандияйи-мужаддидия, Шамсиддин Мазҳардан Мавлоно Холиди Бағдодийга қадар нақшбандияйи-маҳарийя, Холиди Бағдодийдан кейин эса нақшбандияйи-холидия дея тилга олинган.¹ Бу тариқатнинг силсиласидан бўлган Абдулхолик Фиждувоний билан Аҳмад Яссавийнинг шайхлари Юсуф Ҳамадонийдир.

Нақшбандийлик асосан Фиждувонийдан кейин Осиё заминида жуда тез ва кенг тарқалди. Ҳатто яссавия тариқатидан ҳам кучлироқ нуфузга эга бўла бошлади. Имом Раббоний даврида Ҳиндистон ва атрофида кенг ёйилди. Фотих Султон Муҳаммадхон даврида Хожа Убайдуллоҳ Аҳрорнинг халифаси Мулла Илохий воситасида Истанбулга ҳам етиб борди. XVIII асрда Мавлоно Холид Бағдодийнинг ғайрати билан усмонли давлатида кенг тарқалиб, энг фаол ҳаракатга айланди. Ҳатто усмонли подшоҳларидан Султон Вахиддиннинг ҳам холидия тариқатига мансуб бўлганлиги ривоят қилинади. Истанбулнинг ўзидаёқ 65 та нақшбандия даргоҳларининг мавжудлиги, бу тариқатнинг Истанбул ва Онадўли заминида қай даража кенг тарқалганини кўрсатмоқда. XIX-асрда нақшбандиянинг Онадўлида яна ҳам кенг тарқалишига машхур олим ва мутасаввиф Аҳмад Зиёвуддин Кумушхонавий (1893м.й.в.э.) улкан хисса қўшди.²

Нақшбандия ахли суннат эътиқодига амал қилувчи тариқат бўлиб, хафий зикрга асосланган. Зоҳиран кўзга ташланадиган ҳатти-харатклардан йироқ, сухбат ва робитага кучли эътибор беради. Кўпчилик билан қилинадиган нақшбандия зикрига “Хатми хожагон” дейилади. Бу зикрга тариқатга кирмаганлар қатнашишлари таъкиқланади.

¹ Эройдин С., ў.а. 221-222-б.

² Кумушхонавий ва холидия хақида: И. Гундуз. Кумушхонавий А.З: ҳаёти, асарлари, тариқат тушунчаси ва холидия тариқати, Ист, 1984.

Нақшбандияда тариқатга кирган дарвиш ушбу шартларга амал қилиши шарт: тавба қилиш, пайғамбаримизнинг суннатларига қатъий амал қилмоқ, шариатга зид бидъатлардан қочиш, диний масалаларда қулайликлардан воз кечиб, қийинига, яъни тақвони кучайтиришга амал қилиш, зулм ва ноҳақлик қиласлиқ, қарзини тӯлаш, розилик сўраш, қазо намозларини ўқиш, Аллохни ҳар лаҳзада зикр қилиш.

Нақшбандия тариқати қўйидаги тўрт тамал асос устига қурилган:

1. Шариат билан зоҳирни поклаш.
2. Тариқат билан ботинни поклаш.
3. Ҳақиқат билан қурби илоҳийга эришмоқ.
4. Маърифат ила Аллоҳга эришмоқ.¹

Бундан ташқари яна ўн бир асос тамойил ҳам борки, нақшбандия тариқатига кирган ҳар бир дарвиш бу жихатларга риоя қилиши талаб қилинади. Абдулхолик Ғиждувоний ишлаб чиққан дея ривоят қилинган бу асослар қўйидагилардир:

1. Хуш дар дам: “хуш” - ақл, “дам” эса нафас дегани. Ҳуш дар дам - нафас олиб чиқаришда хушёр бўлиш, фафлатга тушмаслик, ҳар лаҳза Аллохни эслаш демакдир. Нафас олиб, чиқаришдаги “хэ” овози, “хувият” (моҳият, йнсоннинг ўзлиги)нинг “хэ”сига далолат этишини доимо хотирда тутиш керак. Яъни ҳар нафас олиш-чиқариш чоғида Аллохни зикр қилиш, агар фафлатга тушса, истигфор айтиш демакдир.

2. Назар бар қадам: солик қаерда бўлишидан қатъий назар, юраётганида оёқ учига қараб юриши керак. Токи қалб кўзи ва назари бўлмагур манзараларга қарашдан халос бўлгай. Маънавий сафарда рўпара келадиган таҳликалар тезда ошиб ўтилади. Бу тамойил - камтар бўлиш ва холига шукр қилишни ўзида мужассам этади.

3. Сафар дар ватан: соликнинг ёмон ахлоқдан яхши хулқقا, башарий сифатлардан илоҳий сифатларга йўналиши демакдир. Дарвиш бир муршиди комил топгунга қадар баданан (жисмонан) саёҳат қилишини билдиради. Нақшбандийлар фикрича, сайру сулук чоғида соликни умидсизликка тушириб, қийинчилик келтириб чиқаргани учун муршиди комил топгач саёҳат қиласлиги мақсадга мувофиқдир. Бу тамойил сайру сулук мартабаларини босиб ўтишни ўзида мужассам этади.

4. Хилват дар анжуман: зоҳиран халқ билан, ботинан Ҳақ билан бирга бўлиш демакдир. Солик моддий борлиғи билан халқقا аралашиб, турли башарий ва ижтимоий фаолиятларда қатнашиб, хаёт талаб қилаётган амалларни ижро этаётib, қалбан доимо Аллохнинг хузурида эканини, Уни бир лаҳзада, эсдан чиқармаслигидир.

¹ Кара М., ў.а. 295-296-б.

Бу хол доимий зикр маъносини ҳам билдириб, зикрда эришиладиган энг охирги босқич-мақомдир. Баҳоуддин Нақшбанд нақшбандиянинг тамалини “хилват дар анжуман” ташкил этишини таъкидлаган. “Хилватда шуҳрат бор, шуҳратда эса оғат бор” дей нақшбандияда хилватга кўп рағбат кўрсатилмайди. Шу боис бу тариқатда сұхбат ва ҳалқ билан аралашиб, уларнинг дардларига шерик бўлиб, Ҳақ розилиги йўлида ҳалққа хизмат қилиш мухим ўрин тутади: “...У зотни поклайдиган кишилар бордирки, уларни на тижкорат ва на олди-сотди Одлоҳни зикр қилишдан, намозни тўқис адод этишдан ва закотни (ҳақдорларга) ато этишдан машгул қила олмас” (Нур - 24:37) ояти ушбу холга ишора қилмоқда.

5. Ёд кард: эслаш, зикр этиш, яъни Аллоҳни ёд этиб, мосиводан кўнглини узиш; нақшбандияда бу зикрнинг усули қўйидагичадир: мурид ўзини ҳузур ичра шайхининг кўнгли рўпарасида тасаввур қилиб, кўзи-оғзини ёпади, тилини танглайига ёпиштириб, тишларини бирбирига жипслаб, нафас олмай, хоксорлик билан қалбан калимаи тавхидни зикр қиласди. Бир нафас олиб-чиқаришда уч дафъя зикр этишга уринади. Бу зикрни нафй ва исбот шуури билан қилиши керак.

6. Бозгашт: зикр қилиб бўлгач, “илохи анта мақсади ва ризока матлуби” (Аллоҳим, мақсадим сенсан, талабим-истагим сенинг ризолигингидир) дейди маъносини ҳам ўйлади. Шу зайлда нафй ва исбот зикрининг маъноси ва файзи қалбга нақш этилиб, кўнгил мосиводан алоқасини узади.

7. Нигоҳдошт: қалbdagi фикр ва хотираларни муроқаба қилиш демакдир. Нафй ва исбот зикрининг маъносини ўйлаб, кўнглига мосивони киритмасликка харакат қиласди. Шу ҳолни икки соат ёки ундан кўп сақлай олган кишининг қалбига бошқа хотиралар ортиқ кирмайдиган холга келади.

8. Ёддошт: ҳар лахза Ҳақдан хабардор бўлиш демакдир. Нигоҳдоштнинг бир поғона юқорисидир.

9. Вуқуфи замон: солик ҳар лахза ўз ҳолидан хабардор бўлиши, вақтидан унумли фойдаланиши, шукр, тавба-истиғфор этиши, шунга кўра хатти-харакат қилиши демакдир.

10. Вуқуфи ададий: мурид, шайх берган зикр вазифасининг саноғига қилиши демакдир. Зикрдан назарда тутилган маъно хосил бўлгач, саноғи мухим бўлмаса ҳам, фарз ибодатларида бўлганидек, зикрда ҳам шахс ўзини муайян саноғ ва вақт билан қайд остига олиши, хаётининг тартиб-интизомли бўлишида мухим ахамият касб этиши аниқ.

11. Вуқуфи қалбий: қалбнинг Ҳақдан хабардор бўлиши демакдир. Бу мартабада кўнгил Аллоҳдан бошқа хеч нарсани ўйламайди. Шу-

худ ва вусул мартабасига эришганларнинг холи шундай. Вуқуфи қалбий айни вақтда зикрнинг энг юқори поғонаси демакдир.¹

Нақшбандия тариқатининг энг машхур шаҳобчалари: ахория, мазхария, мужаддидия ва холидия. Мужаддидиянинг асосчиси Имом Раббоний, Ибн Арабийнинг “ваҳдати вужуд” фалсафасинин танқид қилиб, “ваҳдати шухуд”ни ёқлаб чиққан. Сунний ақидага зид келмайдиган тасаввуфий тушунчага эга бўлган Имом Раббонийнинг энг машхур асари “Мактубот” туркчага илк бор Мустақимзода Сулаймон Саъдиддин томонидан ўтирилган ва Истанбулда нашр этилган. Бу асар бугун хам нақшбандия тариқати ахли севиб ўқийдиган асарларданdir.

Учинчи босқич маломатийлиги сифатида танилган ва “ваҳдати вужуд”нинг қаттиқ тарафдори бўлган маломийи-нурия тариқати хам нақшбандия тариқатининг шаҳобчаси сифатида эътироф этилган.²

4. ХИЛВАТИЯ ТАРИҚАТИ

Бу тариқатга шайх Сирожиддин Умар ибн Акмалуддин Лахжий Хилватий (1397м.й.в.э.) томонидан асос солинган бўлиб, силсиласи ҳазрати Алига бориб тақалади. Лахжанда дунёга келган бу зот, илк таҳсилини она шаҳрида тамомлагач, Хоразмдаги амакиси шайх Мұхаммад Нурий Хилватийга интисоб этади. Амакиси сайру сулукда хилватга кўп аҳамият берар, умрининг аксар қисмини хилватда ўтказар эди. Умар Хилватий x.717-м.1317йил амакисининг вафотидан кейин унинг ўрнига ўтади. У Миср ва Ҳўй диёрларини кезган ва “Ламазот”да айтилишича, етти марта ҳажга борган. Султон Увайснинг таклифига биноан Ҳиротга кўчиб бориб, у ерда умрининг охиригача яшайди.³ Бу зот хам амакиси каби хилватга кўп эътибор берган. Ҳатто пешмапеш қирқ арбайн (чила 1600 кун) ўтиргани манбаларда ривоят қилинади. Кунлардан бир кун сахрода кезаркан, қалин ва ичи бўш бир чинор дарахтини кўриб қолади ва унинг ичидаги хилватга ўтиришни ният қиласди. “Шайхимиз йўқолиб қолди” дея излаган муриллари уни ўша дарахт ичидан топиб, мажбурлаб чиқарадилар. Маноқибга кўра, у ердан чиққач, дарахт хам унинг орқасидан эргашиб юра бошлийди. Буни кўрган шайх дарахтга қараб: “Эй чинор, нечун сирримни ошкор қилурсан? Зикрulloх бирла сенга бу қадар сафо ва шараф

¹ Арвосий Абдулҳаким. Риёзут тасавуфия, 107-113-б, Ист. 1341; Эройдин С., ў.а. 222-б

² Бандирмализода Аҳмад Муниб. Мир'атут турук, Ист. 1306, 26-б; Нақшбандийлик ҳақида маълумот учун: Қосим Куфрали. Нақшбандиянинг курилиши ва тарқалиши, Туркиёт институти кутубхонаси, №230.

³ Жамолиддин Махмуд Ҳулвий. Ламазот-и ҳулвий ламаоти улвий, вр. 128^н вд, Истанбул университети кутубхонаси, ТЙ, № 1894; Виждоний С., ў.а. Истанбул, 19-б.

берганимиз етмадими?! Ўрнингга қайт!” дейди. Шундан сўнг дарахт ўз ўрнига қайтади.¹ Хилватга бу қадар қаттиқ берилгани учун хам унинг тариқатига хилватия дея ном берилган.

Хилватия тариқати шайх Умар Хилватий даврида у қадар кенг тарқалмаган. Шунга қарамай, шайх Яхё Ширвоний (1458м. й.в.э.) ва унинг муриди Умар Дада Равшаний (1486м.й.в.э.) даврида ва ундан кейин кенг тарқалган. Шу жихатдан Ширвоний бу тариқатнинг иккинчи пири (пири соний) деб қабул қилинган. Ширвоний турли худудларга халифалар жўнатиб, тариқатини кенг ёйган. У Онадўлига юборган машхур халифалари Умар Дада Равшаний, Ҳабиб Караманий (1496м.й.в.э.) ва Мухаммад Арзинжоний (1474м.й.в.э.) бўлиб, улар ва улар етиширган сўфийларнинг фаолияти натижасида хилватийя тариқати Онадўлида кенг тарқалди. Аммо ахли суннат эътиқодига амал қилган бу тариқат ўзи пайдо бўлган Эрон заминида хеч қандай тараққий топмади.² Бу тариқатнинг хусусиятларидан бири шуки, у жуда кўп шахобчаларга эга. Шу хусусияти боис, бу тариқатга “тариқатлар дояси” дея ном берилган. Бу шахобчаларнинг асосчилари аксар Онадўлида дағн этилгани, боис, уларнинг фаолияти хануз давом этмоқда. Онадўли ва Румэли диёrlарида энг кўп такяси бор тариқатлардан бири хам айнан шу тариқатдир. Манбаларда хилватийянинг ўттиздан ортиқ шўъбаси борлиги қайд этилган. Бу тариқат ва шўъбаларини батафсил тадқиқ этган олим Содик Виждоний бўлиб, бу мавзудаги асари “Тўмари туруқи олиядан хилватия” (Истанбул, ҳ. 1338-1341й.) деб номланади. Мазкур тариқат аввалимбор тўрт бош шахобчага бўлинган: кейин эса булардан юзага келган шўъбалар ташкил топган. Булар ва асосчилари кўйидагилардир:

1. Равшания: асосчиси - шайх Дада Умар Равшаний; Онадўлининг Ойдин шахри ва унинг атрофида фаолият кўрсатган бу шўъба хам шахобчаларга бўлинади: темиртошия, гулшания, сазоия, холатия.

2. Жамолия: асосчиси - шайх Жамол Хилватий (1493м.й. в.э.); Пир Мухаммад Арзинжонийнинг муридидир. Бу шўъбанинг шахобчалари: сунбулия, шаъбония, қорабошия, носухия, суммония, хилватия (фавзия), дирдирия, савия, асалия, бахшия.

3. Аҳмадия: асосчиси - шайх Аҳмад Шамсиддин Мармараварий (1504м.й.в.э.); Ҳалаб худудида фаолият кўрсатган бу тариқатнинг шўъбалари: рамазония, жаҳонгирия, рауфия, жаррохия, хаётия, синония, муслихия, захрия, ушшоқия, жамолия, салохия, мисрия.

4. Шамсия: асосчиси - Шамсиддин Аҳмад Сивосий (1597 м.й. в.э.); Сивос ҳудудида фаолият кўрсатган бу шўъба Абдулаҳад Нурий Си-

¹ Ҳарирӣзода, ў.а. Й-ж, варақ 344 б.

² Таксин Ёзувчи. Фотихдан сўнг Истанбулда илк хилватий шайхлари //Истанбул институти мажмуаси, № 2, 1956, 87-6.

восий (м.1650й.в.э.) томонидан Истанбулда кенг тарқалгани учун, у ерда сивасия деб аталган.

Хилватия тариқатида жаҳрий зикр асос олинган. Сайру сулук асносида хилватийлар навбатма-навбат шу исмларни зикр қиласидилар: Ла илаха иллаллох, Аллоҳ, Ҳу, Ҳаққ, Ҳайй, Қайюм ва Қаҳҳор. Буларга “усул” номи берилган. Кейинчалик буларга Ширвоний томонидан яна ушбу исмлар илова қилинган: Қодир, Қавий, Жаббор ва Малик. Буларга эса “фуру” дейилган. Тариқатларнинг баъзи шӯъбалирида бу исмларнинг бошига “Ё” ибораси қўшиб зикр этилади.¹ Усулга оид бу етти исмнинг ҳар бири, навбатма навбат нафснинг етти мартабаси бўлган аммора, лаввома, мулхима, мутмайнна, розия, марзия ва комилада зикр қилинади. Шу зайлда сайру сулук таомланади. Кўпчилик бўлиб қилинган хилватия зикрига “зарби асмо” дейилади. Бу зикрда ахли тариқат зикр ҳалқасининг ўнг тарафида, тариқатга кирмаганлар эса чап томонида жойлашадилар. Шайхнинг бошқаруви остида тик туриб ва ўтириб зикрдан кейин даврон (айланиш)га бошлайдилар. Даврон “асмо ҳон”нинг иштироқи билан тик туриб, кўпчилик билан чапга ўнгга юриб ижро этилади.² Усмонийлар даврида даврон мавзусида хилватия шайхлари билан мадраса уламоси орасида бахс-мунозаралар бўлган, шу мавзуда асарлар битилган. Бу хақда Котиб Чалабий “Мезонул хақ” асарида сўз юритган. Бугун Мисрда бир неча шаҳобчаларга эга бўлган хилватия, ҳатто бошқа диёрларда ҳам кенг тарқалган. Чунончи, жаррохия шаҳобчаси ҳатто Амриқода ҳам ўз мансубларига эга.

5. РИФОИЯ ТАРИҚАТИ

Бугун Яқин Шарқ ўлкалари, Онадўли ва Румэлида кенг тарқалган рифоия тариқатининг асосчиси - Ахмад Рифоий (м.1183 й.в.э) бўлиб, Басрада таваллуд топган. Етти ёшида отасидан етим қолгач, тоғаси Абу Бакр Воситийнинг васийлиги ва илмий-тасаввуфий таълим-тарбияси остида вояга етади. Тоғасининг вафотидан кейин (м. 1145 й.да) унинг ўрнига тариқат шайхи бўлади. Насли Ином Мусо Козимдан эканлиги ривоят қилинган. Тариқат силсиласи эса ҳазрати Алига бориб тақалади. Довруғи оламга тараалган ва “актоби арба’а” - (тўрт буюк кутб)дан бири деб қабул этилган Рифоий ҳаж сафарида Мұхаммад а.с. нинг қўлларини ўпганлиги ривоят қилинади.³ Рифоий Восит шаҳрида вафот этган.

Рифоия сулуки Онадўлида футувват оқими, Румэлида бектошийлик тариқати билан қоришиб кетган. Афсус билан айтиш керакки, баъзи рифоия такяларида бектоший такялари каби ичкилик ва соз

¹ Ҳарирӣзода, ў.а. I-ж, варақ 344^а; С. Виждоний, ў.а. 29-30-б.

² Бу хақда кенг матдумот учун: Сунбул Синон. Даврон-и сүфия.

³ Ахмад Афлоқий. Маноқибул ориғин, тарж. Тахсин Ёзувчи, II-ж 915-б.

аралашиб йифин хам бўлиб ўтган. Шу сабабли подшоҳ Махмудхон II янгичарликлар билан бирга рифоия тақяларини ҳам ёпган. “Ҳар рифоий шайхининг кулохи остидан бир бектоший кулохи чиқади” деган гап рифоий-бектоший яқинлиги туфайли келиб чиқсан. Рифоия тариқатини бошқа тариқатлардан ажратиб турувчи хусусият - кейинги пайтлар бу тариқат арблари баданларининг баъзи аъзоларига найза санчиш, қиличнинг ўткир томонини босиш, оловда юриш каби одатларни ўйлаб топгандар. Ҳолбуки, чин сўфийлар бундай намойишкорона харакатларга ахамият бермаганлар. Жалолиддин Румий Кўнёдаги Қоратой мадрасасида оловда юриб, чўт темирни яланган, илон еб, қайнаб турган ёф билан таҳорат олган рифоийни томоша қилиш учун берухсат кўчага чиқсан аёlinи қаттиқ койиган ва рифоийларнинг бундай харакатларини ижобий баҳоламаганини узи ҳам қайд этган.¹ Рифоий тариқати қўйидаги шаҳобчаларга бўлинган: ҳариря, каёлия, сайдия, азизия, жандалия, ажлония, катнония, фазлия, восития, жабартия, зайния, нурия, маъруфия.²

6. МАВЛАВИЯ ТАРИҚАТИ

Ислом дунёсининг энг муҳим ва жуда кенг тарқалган тариқатларидан бири бўлган мавлавийликнинг асосчиси Мавлоно Жалолиддин Румий (м.1273й. в.э.) бўлиб, у Балҳда туғилган. Унинг отаси Султонул уламо Баҳоуддин Валад Балҳдан Кўнёга кўчиб борган. Улар бу шаҳардан кўчиб кетишлари билан Балҳни мўгуллар ишғол қилишган. Буюк олим бўлган Баҳоуддин Валад Кўнёда катта обрў эътибор қозонди, аммо икки йил ўтгач 1220 йил вафот этди. Мавлоно отасининг вафотидан кейин дарс олмоққа бошлади ва тез орада ҳалқнинг эътиборини қозонди. Шариат илмларини чуқур эгаллаган Румий кейинчалик тасаввуфга майл этиб, ўша вақт Кўнёда яшаган Сайид Бурҳониддин Муҳаққиқиј Термизийга интисоб этди. Шамси Табризий билан танишгач, хаёт ҳақида дунёқарashi тамоман ўзгарди. Зоҳирий илмларни қўйиб, мунзавий ва ишқу жазбага тўла ҳаётга йўналди. Унинг кескин ўзгариши ҳалқ орасида мишишларнинг тарқалишига сабаб бўлди. Шундан кейин Табризий Кўнёни тарқ этди, аммо Румий уни топиб яна Кўнёга олиб келди. Бироқ, воқеалар жараёни шу қадар кечдики, Табризий яна Кўнёни тарқ этди ва изсиз йўқолди. Бундан қаттиқ маҳзун бўлган Румий, оз вақтдан сўнг вафот этди.¹ Унинг “Маснавий”, “Девони кабир” ва “Фихи мо фихи” асарлари дунёда энг мумтоз асарлардан саналиб, бошқа тилларга ҳам таржима қилинган. Мавлавия тариқатининг асослари кўпроқ Румийнинг ўғли Султон Валад томонидан ишлаб чиқилиб, амалга оширилган.

¹ док. Ҳасан Кичик, Тариқатлар. Ист., 1980, 80-6.

² Бандирмализода. ў.а. 8-6.

Мавлавия тариқати бошқа тариқатлардан фарқли ўлароқ, кўпроқ халқнинг ўзига тўй ва санъаткору мусиқашунослар тоифаси орасида кенг тарқалган. Бунда гўзal санъатлар ва мусиқа билан бўлган яқин алоқанинг хам таъсири бор. Айниқса, тўркӣ тасаввуф ва санъат мусиқасининг пайдо бўлишида бу тариқатнинг бекиёс хизмати синган. Бундан ташқари, мавлавия тариқати бошқа тариқатлардан фарқи ўлароқ, Туркияда фольклорий аҳамият касб этган. Ҳар йил Кўнёдаги Жалолиддин Румий музейида уюштириладиган Мавлоно кечаларида турилди ўлкалардан кўплаб зиёлилар қатнашадилар. Мавлавия тариқатига баъзи ҳолларда шиа, маломатий, қаландарий унсурлари хам қоришиб кетган. Ишқу жазбага кўпроқ эътибор берган бу тариқат, ғайримуслимлар томонидан Исломнинг тан олинишида буюк хисса қўшган. Жалолиддин Румий ва мавлавийлик мавзусида Туркияда энг кенг тадқиқотни Абдулбоқи Гўлпинорли амалга оширган: “Румийдан кейин мавлавийлик” номли асари бу тариқатнинг тарихий тараққиётига бағишлиланган бўлса, унинг одобу арконига доир “Мавлавий одоб ва аркони” китобини қаламга олган. “Мавлоно Жалолиддин мактублари” асарида эса Румийнинг мактубларини таржима қилган. Бундан ташқари, олим “Маснавий”ни туркчага ўтириб, шарҳлаган.

Мавлавийлик тариқати дунё миёсида ягона марказдан туриб бошқарилади. Марказий даргоҳ 1925 йилгача Кўнёда бўлиб, такя ва тариқатлар тугатилгач, Ҳалабга кўчган. Бу тариқатнинг шуғъбаси йўқ, аммо ринд ва илохий ишқ жихатлари кучли бўлган шамс шахобчаси ва зухдга аҳамият берувчи валад шахобчаси ва уларнинг икки тармоқчалари борлиги манбаларда айтилган. Бироқ булар шахобчалардан кўра кўпроқ маслакдир. Мавлавийлик тариқати ишқу жазба, самоъ ва сафога асосланган.²

7. ШОЗАЛИЯ ТАРИҚАТИ

Бу тариқатнинг асосчиси шайх Абул Ҳасан Мағрибий Шозалий (м.1258й.в.э.). Шимоли-ғарбий Африқодаги Шозила қишлоғида туғилгани боис шозалий лақаби билан танилган бу зот, ёшлигидаёқ илм дengизига шўнгиган эди. Ҳатто илмга шу даража ташналигидан кўр бўлиб қолганлигини хам ривоят қилганлар. Кўзи ожиз бўлгач, тасаввуфга кирган Шозалий, марокашлик машхур сўфиий Абдусалом ибн Машишнинг таълим-тарбияси остида вояга етади. Ваъзу насиҳатлари ўта даража таъсирили бўлганидан, таъқиб остига олиниб, Искандарияга сургун қилинади, аммо унинг халқ орасидаги

¹ Ж. Румий хақида: Л. Чалабий, ў.а. 516-520-б; Риттер Х., Жалолиддин Румий, Ислом комуси, 3-ж, 53-59-б; Эройдин С., ў.а. 196-202-б; Гўлпинорли А., Мавлоно Жалолиддин, Ист. 1952.

² Кара М., ў.а. 294-б.

хурмат-эътибори тобора кучаяверади. Шозалий кўп жойларни кезган, олимуш машойих билан учрашган. Бир неча бор хаж сафари қилган. Сўнг дафъя хажга кетаётib, Мисрда вафот этган. Шозалий сайру сулукда одоб ва аркондан, ташки қиёфадан кўра кўпроқ мустахкам эътиқод, ибодатларга қаттиқ риоя қилган ва гўзал ахлоққа ахамият берган. Шу билан биргага хилватга ҳам эътибор қилмай, тасаввифни ижтимоий хаётда фаолият манбаи деб билган. У Имом Фаззолийнинг “Ихёи улумиддин”, Абу Толиб Маккийнинг “Қутул қулуб” асари-даги ахлоқий асосларга суюнган холда ўз тариқатини қўйидагилар асосида барпо этган:

1. Яширин ва ошкоро ҳар жойда Аллоҳдан қўрқиш.
2. Сўзда ҳам амалда ҳам суннатга қаттиқ амал қилиш.
3. Роҳат-фароғатда ҳам, қийинчиликда ҳам инсонлардан тамаъ қилмай, ҳар нарсани ёлғиз Аллоҳдан кутиш.
4. Катта-кичик ҳар масалада Аллоҳнинг иродасига таслим бўлиш.
5. Севинчли ва маҳзун лаҳзаларда Аллоҳдан паноҳ тиламоқ.¹

Шозалий, муридларига дунё ва дин ишларини ҳар доим тенг олиб бориш кераклигини, ҳеч вақт тиланчилик қилмасликни тавсия қилган. Ўз замонасида ҳеч қандай такя бунёд эттиргмаган. Тасаввифниг foysi бўлган “фано” мартабасига маълум бир тизимга кўра аврод ва азкор ўқиши орқали эришмоқ мумкин, деган. Ўзи белгилаган дуоларни “хизб” номи остида йиғган. Дастлаб Тунисда шаклланана бошлиган Шозалий тариқати, аста-секин унинг халифаси Абул Аббос Мурсий воситасида Ғарбий Миср ва Жазоирда ёйилди. “Ҳиками Атоия” асари муаллифи Атоуллоҳ Искандарий (м. 1309 й.в.э)² ҳам Мурсийнинг муридидир. Бу тариқатнинг ёрқин сиймоларидан бири шайх Зарруқ (м. 1493 й.в.э.) бўлиб, у ҳам мазкур тариқатнинг кенг тарқалишига катта хисса қўшган. XIX-асрда шайх Мухаммад ибн Мухаммад саъиҳи ҳаракати билан кенг тарқалган бу тариқат, Африқода Исломнинг кенг тарқалишида ва ҳатто мустамлака бўлган шимолий Африқо ўлкаларининг истиқдол курашларида фаоллик қўрсаётган. Онадўлида кенг тарқалмаган. Бу тариқатнинг Истанбулда атиги уч такяси бор. Усмоний подшохи сulton Абдулҳамидхон II ўз даврида шозалий шайхига интисоб этган. Аста-секин ўн уч тармоққа бўлинган бу тариқатнинг энг машҳурлари шайхия, тайбия, даркавиядир. Асримизнинг биринчи ярмида Оврупо мамлакатларида, айниқса, Францияда Исломнинг ёйилишида шозалия тариқатининг хизмати катта бўлди. Чунончи, машҳур француз мутафаккири Рене Гюонон (ҳозирги исми Абдулвоҳид Яхё) ҳам му-

¹ Кумушхонавий, ў.а. 86-б; Кара М., ў.а. 300-б; Марголиут Д. С., Шозалия, Ислом қомуси, XI-ж, 366-б.

² Бу зотнинг “Латоифул минан” асари, тариқат хақида энг муҳим манбадир. (Имоми Шаъронийнинг “Латоифул минан” хошиясида, Қохира, 1321)

сулмон бўлгач, бу тариқатга кирган. Тариқатнинг даркавия тармоғига қарашли алавия шахобчаси Францияда “Лес Амис де л’Ислам” (Ислом дўстлари) уюшмаси сифатида фаолият кўрсатмоқда, шу билан бирга Оврупонинг бошқа давлатларида ҳам бу уюшманинг қатор бўйимлари ишлаб турибди.

8. САЪДИЯ ТАРИҚАТИ

Бу тариқатнинг асосчиси Саъдуддин ибн Мусо ал Жибавий Шайбоний (м.1301й.в.э.); бу зот Ҳавранда дунёга келган. Ёшлигидаги йўлгўсар-қароқчилик қилиб юрган Саъдуддин, отаси шайх Юнус Шайбонийнинг дуоси билан кунлардан бир кун тушида Мухаммад а.с. ни кўради ва илохий танбех таъсирида тавба қилиб, отасига интисоб этади. Кейинчалик Ҳавран билан Қуддус орасидаги Жиба деган жойга кўчиб бориб, вафотига қадар ўша ерда яшаган. Бу зот талқин йўли орқали руҳий беморларни даволаганлиги билан тарихда ўчмас из қолдирган. Тариқат силсиласи Абу Мадян Мағрибий воситасида ҳазрати Алига бориб тақалади. Саъдия тариқатини рифоиянинг бир тармоғи деб санайдиганлар ҳам бор. Дастрлаб Суриядаги юзага келган саъдия, кейинчалик Миср ва Туркияда ҳам тарқала бошлади. Саломия тармоғининг асосчиси Абдусалом (м.1752й.в.э.) воситасида Онадўлига кириб келган саъдия, Истанбулдан Румэлига ўтган. Бу тариқат ҳам рифоия каби бектошийлик ва футувват билан аралашиб кетган. Саъдия вакиллари орасида илонлар билан ўйнаш каби ҳатти-харакатлар ҳам учраб туради. Ҳаририйзода Мұхаммад Камолиддин бу тариқат ҳақида “Абикус саодатил абадийя фи тариқи саодатис саъдия” номли асар ёзган. Бу асарда тариқатнинг одобуаркони батафсил хикоя қилинган. XIX аср охирларида Истанбулда йигирма икки саъдия такяси ишлаб турган эди. Жаҳрий зикрга асосланган саъдийлар бир айвон атрофида ўнг оёқ товони устида, кўзлари юмуқ ва қўллари очиқ холда айланниб рақсга тушадилар. Сурия ва Онадўлидан ташқарида у қадар кенг тарқалмаган бу тариқатнинг асосий тармоғлари қуидагилардир: тағлабия, вафоия, ожизия, саломия.¹

9. ДАСУҚИЯ ТАРИҚАТИ

Асосчиси Шайх Сайийд Иброҳим Бурхониддин Дасуқий (ёки Дусуқий) (х.636-м.1238й. түф., х.676-м.1272й. в.э.) бўлиб, бу зот Мисрнинг жанубидаги Дасуқ қишлоғида туғилган. Насаби ҳазрати Алидан келган. Ақтоби арба’а (тўрт буюк қутб)дан бири саналади. Рифоий шайхи бўлган отаси Абул Фатҳ Воситийдан хирқа кийган, кейин ҳам рифоий, ҳам сухравардий бўлган шайх Нажмиддин Исфаҳонийга интисоб этиб, ундан ҳам хирқа кийган. Шозалия тариқатидаги

¹ Марголиут Д.С. Саъдийя, Ислом қомуси, X-ж, 44-45-б; Кара М. ў.а. 297-298-б; Бандирмадизода, ў.а. 22-б.

сулукини хам тугаллаган деган ривоятлар бор. Шундай қилиб, у хам рифоия, хам сухравардия, хамда шозалия тариқатларининг арбобига айланган. Ҳаётининг йигирма йилини хилватхонада асар ёзиш билан ўтказган Дасуқий, Дасуқда ёшгина чоғида вафот этган. Ўзидан кейин тариқат шайхлигини укаси Сайид Абу Имрон Шарафиддин Мусага қолдирган. Дасуқий “Ҳақойик”, “Жавохир”, “Жавхара” номли асарларнинг муаллифидир. У ўзининг сахиyllиги ва кўп тилни билиши билан атрофда машхур бўлган.¹ Тариқатда шариатга амал қилишни мухим масалалардан деб билган. Мурилларини хам шу руҳда тарбиялаган. Шариатдан йироклашган киши ўнинг фарзанди бўлса хам аҳамияти йўқ. Дунёнинг қай бурчагида бўлса хам шариатга мустахкам бўйсунган кишини маънан фарзанд деб билган. Унингча, шариат бирламчи, тариқат эса иккиласмичидир. Камолотга эришув тариқат билан ҳақиқатни жам қилиш орқали амалга ошишини таъкидлаган Дасуқий, тариқатдан дунёвий манфаатларда фойдаланганларни қаттиқ қоралайди. Зуҳд ва ибодатга кучли эътибор бериб, “ваҳдати вужуд”га ортиқча аҳамият бермаган. Иккинчи номи бурхония бўлган дасуқия тариқати араб мамлакатларида, шимолий Африқода ва айниқса Мисрда кенг тарқалган. Онадўли ва Румэлида эса тарқалиш имконидан маҳрум қолган. Бу тариқатни бадавия тариқатининг бир тармоғи деб биладиганлар ҳам бор. Бу тариқатда жўшқинлик ва хис-хаяжонга дуч келиш амри маҳол. Бинобарин бу сулук - Қуръон ва суннат доирасида шариат, тариқат ва ҳақиқат тамойилларидан чиқмаган холда таълим-тарбия усулини ўзига асос қилган. Вакиллари жуда кам қолган бу тариқатнинг баъзи шаҳобчалари бор: шарнубия - асосчиси Сайид Ахмад Шарнубий; сўйутия - асосчиси Жалолиддин Сўйутий; тозия - асосчиси шайх Иброҳим Тозий; ашурия - асосчиси Сайид Солих Ашур Мағрибий.²

10. БАДАВИЯ ТАРИҚАТИ

Бу тариқат машҳур сўфий Сайид Ахмад ибн Али Бадавий (м. 1200-1276) томонидан ташкил этилган. “Ақтоби арба’а”дан саналган сиймоларданdir. У Мисрда энг машҳур ва хурмат қозонган зот бўлиб, насаби ҳазрати Алига бориб тақалади. Марокашда туғилган, ёшлигида оиласи билан Маккага кўчиб кетган. Бир муддат Маккада яшагач, Мисрга кетади. Ироқ ва Шомни зиёрат қиласи. Нихоят, Мисрнинг Танта қишлоғига келеб ўйлашади. Шу боис Тантовий деб ҳам аташган. Муршиди шаҳариддин Ҳасан Мағрибий. Бадавий Тантада қирқ

¹ Дасуқийнинг ҳасти ҳақидаги маълумотлар Булкинийнинг “Табақатуш шайх Ахмад Шайбоний” (Қохира, 1280) асарида, ўз асаридан иқтибос этиб берилган.

² Жожазода А.Х. ў.а. 6-қисм, Ахмад Бадавий ва Иброҳим Дасуқий, Ист, 1318, 30-б. вд; Қосим Қуфали, Дасуқий, Ислом қомуси, III-ж, 555-б; Бандирмалийода, ў.а. 21-б; Из. М. Тасаввуф, 163-164-б; Кара М. ў.а. 286-287-6.

йил халқни иршод қиласи ва шу ерда вафот этади. Мисрда жуда машхур бўлган Бадавий, зуҳд, ибодат ва Қуръон ўқишига катта эътибор берган. Шариат қонунларидан чиқмасликка харакат қиласи, етти хил қироат билан Қуръон ўқириди. Баъзан уйининг томига чиқиб, күёшга тикилиб, кўзларида мадор қолмагунга қадар бехаракат ўтираверарди. Бу хол унинг тариқатида анъянага айланган. Тунги ибодат ва тиловат қилишга катта аҳамият берар, тунда қилинган бир ракаът намоз, кундузи қилинган минг ракаът намоздан афзал деган қарашга эга эди. Африқо бадавийлари каби юзига парда тортиб юргани учун хам “бадавий” деган лақабга сазовор бўлган. “Аврод”, “Салотлар”, “Васоя” каби асарлар ёзган. “Васоя” асарида тариқат тушунчаси хақида батағсил тўхтатланган. Зикрга алоҳида эътибор берар, айниқса қалб зикри қатнашиши зарурлигини, фақатгина тил билан қилинган зикр бехуда эканини таъкидлар эди. Иккинчи исми аҳмадия бўлган бадавия тариқати Африқодан ташқарида тарқалмаган. Фақатгина Истанбулда саноқли бадавий такялари мавжуд, холос. Бу тариқат кўпроқ қишлоқ аҳли орасида кенг тарқалган. Бадавийлар қизил салла ўраш билан бошқа тариқат аҳларидан ажralиб турадилар. Бу тариқатнинг хам бир неча шахобчалари бор: шановия, матлубия, байумия, халабия, марзуқия, сутухия ва улвания.¹

11. АКБАРИЯ ТАРИҚАТИ

Бу тариқатнинг асосчиси машхур мутасаввиф олим Мухйиддин ибн Арабий (м.1165-1240) бўлиб, у “ваҳдати вужуд” фалсафасининг энг буюк намояндасидир. У Андалусга қарашли Мурсия деган жойда туғилган бўлиб, тоғаси ва отаси тасаввуф арబоблари эдилар. Обрўли оиласда катта бўлган ибн Арабий ёшлигига Қуръон ёдлаган, тафсир, хадис ва фиқҳ илмларини чуқур эгаллаган. Узоқ сафарларга чиқиб, шимолий Африқо орқали Мисрга борган, ундан кейин эса Маккага хаж қиласи. Саёҳати мобайнинда кўплаб олимлар ва мутасаввифлар билан танишади, Шом ва Бағдоддаги шайхларни зиёрат қиласи, улардан фиқҳ мавзусида сабоқ олади. Кўнёга хам келган Ибн Арабий, ўша давр салжуқий хукмдорларининг илтифотига сазовор бўлган. У ерда Садриддин Кўнявийни тарбиялаб, унинг тул онасига уйланади ва Шомга қайтгач, вафот этади.² Ибн Арабий энг кўп асар ёзган мутасаввиф олимлардан саналади. Ёзган асарларининг хисобини ўзи хам билмаган экан. Ҳатто унинг қадар китоб ёзган бошқа

¹ Воллерс К., Аҳмад Бадавий, Ислом қомуси, I-ж, 176-180-б; М.Из, ў.а. 161-162-б; М. Кара, ў.а. 281-282-б; Аҳмад Бадавий хақида Ҳасан Рашид Машҳадий Ҳафажий “Нафаҳоту: Аҳмадия вал жавоҳирис самадония” деган асар ёзган. (Қохира, 1321).

² Қаранг: Оташ . , Мухиддин Арабий, Ислом қомуси, VIII-ж, 533-541-б: Низот Каклик, Ибн Арабий хаёти ва муҳити, Ист, 1966, 62-172-б.

бирон мутасаввиф йўқ дейиш мумкин. Асарлари икки юздан зиёд. Унинг ноёб хусусияти шундан иборатки, асарларини кашф ва илхом йўли орқали ёзган. Унинг асарлари “ваҳдати вужуд” фалсафасининг асос манбалариdir. Энг машҳур асарлари: “Футухотил Маккия”, “Фусусил хикам”, “Таназзулотул мавсилия”.¹ Фикр-қарашлари билан Ислом ва исломий тасаввуфда янги йўналишлар очган ибн Арабий,² бир томондан тасаввуфий мухитларда кучли нуфузга эришиб, фикрлари кенг тарқалиб, асарлари шархланиб, “шайхи акбар” энг катта шайх унвонига сазовор бўлган бўлса, иккинчи томондан асар ва фикрларини англай олмаган ва диний хужжатлардан ташқарига чиқмайдиган зоҳирий уламонинг, айниқса, Ибн Таймия ва унинг тарафдорларининг қаттиқ хужумларига дуч келади ва улар Ибн Арабийга “шайхи акфар” (энг коғир шайх) дея ном кўядилар. Ибн Арабийнинг “шайхи акбар” лақаби туфайли “акбария” дея атаган тариқати, бошқа тариқатлар каби кенг тарқалмаган бўлса-да, асосан унинг фикр-қарашлари бошқа тариқатларда ўрин олган. Акбарияни қодириянинг бир шахобчаси дейдиганлар хам бор. Эронда эса унинг тарафдорларини “фусусийлар” дея аташган.⁴

12. СУХРАВАРДИЯ ТАРИҚАТИ

Асосчиси - Шахобиддин Абу Ҳафс Суҳравардий (м.1144-1234) бўлиб, у сунний сўфийликнинг энг машҳур намояндадаридан. Насли ҳазрати Абу Бакрга бориб тақалади. Эрондаги Суҳравардда туғилган. Кейинчалик Бағдодда яшаган. Тасаввуфдаги муршиди ўз тоғаси Абу Нажиб Суҳравардий бўлиб, суҳравардиянинг пири деб унинг тоғасини эътироф этадиганлар хам бор. Абдулқодир Гилонийнинг сұхбатларида хам қатнашиб, унинг тахсинига эришган. Фиқҳ, тағсир ва хадис илмларида чуқур илм эгаллаган. Уни “Аворифул маориф” номли асари машҳур қилган. Бу асар сунний сўфийликнинг тамал манбаларидан хисобланади ва барча тариқатлар бу асарни кўлдан туширмай ўқийдилар. “Жазбул қулуб ила мувасалатил” ва “Кашфун насойихил имания ва кащфул фазоихил юнония” номли асарлари хам эл орасида машҳур. Сўнгги зиқр этилган асарида юнон фалсафасини қабул қилган файласуфларни танқид қилган. Суҳравардий Бағдод хукмдорининг элчиси сифатида Кўнёга борган. Бу тариқат асосан Эрон, Покистон, Ҳиндистон ва Афғонистон худудларида тарқалган. Суҳравардий тариқатнинг одобу арқонига оид оят ва хадислардан далиллар топган олимдир. Бу тариқатнинг футувват

¹ Бошқа асарлари учун қаранг: Оташ А., ўша мақола, 541-547-б; Из М., ў.а 155-156-б.

² Унинг тасаввуфий фалсафаси учун қаранг: Абул Аъло Афиғий, Ибн Арабийнинг тасаввуф фалсафаси, тарж. Мухаммад Доғ, Анқара, 1975, 21-152-б.

⁴ Кара М., ў.а. 287-288-б.

турухига алоқаси ҳам бор. Сухравардияда диний асослардан четта чиқмай, шариат-тариқат мувозанати сақланган бўлиб, жазба ва жўшқинликка ортиқча эътибор берилмайди. Бу тариқат хилват холида “ла илаха иллаллох” қалбий зикрига асосланади.¹ Сухравардиянинг шахобчалари: бадрия, зайния, баҳоия, камолия, аҳмадия, нажибия.²

13. КУБРАВИЯ ТАРИҚАТИ

Бу тариқатнинг асосчиси - шайх Нажмиддин Кубро (м.1154-1226) бўлиб, тасаввуф тарихидаги энг ёрқин сиймолардан биридир. Хива-да туғилган. Ёшлигида диний илмларни эгаллаган. Айниқса, ҳадис илмида тенги йўқ эди. Турли ўлкаларни кезган. Мисрда шайх Рӯзбии-хон Ваззоҳ Мисрий билан танишиб, унга мурид бўлган. Қаттиқ ри-ёзатлар натижасида муршидининг таважжухига эришиб, унинг қизига уйланган. Кейинчалик Табризда Абу Наср Ҳафзадан дарс олган. Дарс олиш чоғида “Шархус сунна вал масолих” асарини ёзган. Бундан кейин у Аммор Ёсирга мурид бўлган, унинг тавсияси билан эса И smoил Касрий даргохига кирган ва у ердан “хирқаи табаррук” кий-ган. Яна Мисрга, шайхининг ёнига қайтган Кубро, шайхи томонидан ўз ватани Хоразмга иршод вазифаси билан жўнатилиди. Кубро Хоразмга кўчиб бориб, кубравия (захабия) тариқатига асос солган. Қисқа вақт ичидаги атрофдагиларнинг муҳаббатини қозонди, олим-лар тарбиялаб, вояга етказди. Чунончи, Фариддидин Атторнинг устози-шайхи Нажмуддин Бағдодий билан “Мирсадул ибод” муаллифи машхур Нажмуддин Дояни санаш мумкин. Нажмиддин Кубро мўгуллар билан бўлган жангда шаҳид бўлган.³

Ёзган асарлари орасида энг машхури “Усули ашара” рисоласи бўлиб, бу асар барча тариқатларга ўз таъсирини кўрсатган. И smoил Ҳаққий Бурсавий томонидан шарҳ этилган. “Фавоиҳул жамол” аса-ри эса тасаввуф руҳшунослиги (психологияси) мавзусидадир.⁴ Кубра-ронинг асарлари Эрон, Онадўли ва Ҳиндистондаги тариқат мухит-ларига хийла таъсир қилган. Чунончи, бу тариқат нақшбандийя ва мавлавия тариқатларига ҳам таъсир кўрсатган.

Кубравийлик кўпроқ Ўрта Осиё, Русия ва Эрон мамлакатларида кенг тарқалган. Чордана қуриб, жаҳрий зикр қиласидиган бу тариқат силсиласи ҳазрати Алидан келган. Тариқат асослари “Усули ашара”-да қайд этилган. Бу тариқат Русиядаги мусулмонларнинг ўзлигини

¹ Кара М. ў.а. 298-299-б.

² Бандирмализода, ў.а. 13-б.

³ Чалабий Л. ў.а. 475-480-б; Из, М. ў.а. 148-149-б; Кубро Н. Тасаввуфий хаёт, тарж. М. Кара, 11-17-б.

⁴ Бу иккни рисола Кубра-ронинг “Рисола илал ҳамм” билан бирга М. Кара томонидан тарж. қилинган, Кубро Н. Тасаввуфий хаёт. Истанбул 1980: бошқа асарлари учун қаранг: М.Из, ў.а. 150-б.

танишида мухим хисса қўшган. Кубравиянинг машхур шаҳобчалари кўйидагилардир: баҳоия, хилватия, фирдавсия, нурия, рукния, ҳамадония, нурбахшия, барзанжия.¹

14. МАДЯНИЯ ТАРИҚАТИ

Бу тариқатга Абу Мадян Шуайб ибн Ҳусайн (м.1197 ё 98 й.в.э.) асос солган. Бу зот Андалусда дунёга келган, Ишбилийядада таълим олган, кейин Марокашга кўчиб бориб у ердаги шайх Абу Яъзога интисоб этган ва тасаввуфий ҳаётга қадам қўйган. Қисқа вақт ичидаги тасаввуфий мақомларни ошиб ўтиб, қутбийят мартабасига эришади. Ҳаж сафарида Абдулқодир Гилоний билан кўришади. Ҳаждан қайтаётib, Бажоя деган жойга ўрнашади. Нуфузи ошиб кетишидан қурқан султон Абу Юсуф Яъкуб, уни Марокашга сургун қилади. Аммо у йўлда вафот этади. Абу Мадяннинг шимолий Африқода обрў-эътибори юксак. Ибн Арабий уни кўрмаган бўлса-да, тез-тез мақтаган, вафотига қадар унда “қутбийят” сифати борлигини айтган.² Бу обрўси боис, шозалия, ёғиия ва акбария тариқатлари мадянининг тармоғлари деб қабул қилинган. Тлемсен деган жойдаги “Риботул уббод” қабристонидаги мақбараси гавжум зиёратгоҳлардан хисобланади.³

Абу Мадяннинг эътибори шу қадар кучли бўлганига қарамай, унинг тариқати кенг тарқалмаган. Бу тариқатнинг тармоғлари шулардир: жабартия, маймуния, дажония, шайбония, маҳдавия, алавия, омудия.⁴

15. ЧИШДИЯ ТАРИҚАТИ

Бу тариқатнинг асосчиси - Муинуддин Мухаммад Чишдий (м.1236 й.в.э) бўлиб, асли ҳуросонликдир. Ўн беш ёшида отасининг вафотидан кейин тасаввуфга кириб, Самарқанд, Нишопур, Бағдод каби шаҳарларга саёҳат қиласан. Нишопурда шайх Усмон Ҳорунийга интисоб этган. Саёҳатлари чоғи Нажмиддин Кубро, Шаҳобиддин Умар Суҳравардий, Абдулқодир Гилоний, Ахвадуддин Кирмоний, Юсуф Ҳамадоний ва Носируддин Астрободий каби машҳур мутасаввифлар билан учрашган. Кейин Ҳиндистонга кўчиб бориб, у ерда иршод вазифасини бажарган, Ажмирда вафот этган. Мақбараси жуда катта зиёратгоҳлардандир. Ҳиндистонда катта обрў-эътиборга эга бўлган Чишдий, “Офтоби мулки хинд” (хинд ўлкасининг офтоби) лақабини олган. Бу тариқат Ҳиндистон ва Покистонда кенг тарқалган. Мазкур мамлакатларда Исломнинг ёйилишида жуда катта хизмат қиласан.

¹ Бандирмализода, ў.а. 12-б.

² Каклик Н. ў.а. 92-97-б.

³ Бел А. Абу Мадян, Ислом қомуси, IV-ж, 36-37-б; Чалабий Л., ў.а. 605-б; Каклик Н. ў.а. 91-92-б.

⁴ Кара М., ў.а. 293-б.

чишдия тариқатида қўйидаги уч асосга қучли эътибор берилган: денгиз сингари жўмард, қўёш каби тотли, тупроқдек камтарин қалбли бўлмоқ. Шу жихатдан чишдия тақялари меҳмондўстликлари билан машхур. Бу тариқат вакиллари кўпроқ сұянадиган манба - Сухравардийнинг “Аворифул маориф” асаридир. Чишдиянинг кенг тарқалишида хизмати сингган сўфийлардан Низомуддин Авлиё (м.1315 й.в.э.)дир. Чишдия тариқати тарқалган худудларда диний адабиёт ривожланган, шу билан бирга бу тариқат самоъ ва мусиқага ҳам аҳамият берган ва факр, қаноат, риёзат йўлини танлаган. Йиллар ўтиб, таъсир кучи камайган бу тариқат XIX-аср бошида “қиблай олам” дея танилган Хожа Нур Мухаммад томонидан қайта жонлантирилди. Бу тариқат Африқо, Онадўли ва Оврупода тарқалмаган.¹

16. БАЙРАМИЯ ТАРИҚАТИ

Бу тариқатга Онадўлининг машхур мутасаввифи Ҳожи Байрам Валий (м.1430й.в.э.) асос солган. Бу зот Анқаранинг Зулфазл қишлоғида дунёга келган. Диний илмларни эгаллагач, Бурса ва Анқарада мударрислик қилди. Бурсада экан, машхур шайх Шамсиддин Мухаммад ал Бухорий (Амир Кулолнинг ўғли Амир Султон) билан танишди. Кейинчалик, мударрисликни қўйиб, Қайсарида шайх Ҳамидулдин Оқсанорий (яссавий шайхи Сўмунжи бобо)га қўл бериб, тасаввуф йўлига сулук этади. Асл исми Нўймон бўлган Ҳожи Байрамнинг Оқсанорий билан биринчи марта қурбон байрами (ҳайити)да танишгани учун, шайхи унга Байрам деб исм қўяди. Ҳожи Байрам шайхи билан бирга Шомга ва у ердан ҳажга кетадилар. Қайтишда шайхининг вафотига қадар Қайсарида шайх хизматида бўлади. Бу пайт 62 ёшда эди. Кейинчалик Анқарада ваъзу иршод ва-зиғасига бошлайди. Қисқа вақтда номи ҳар тарафга ёйилади. Муридлари кўпайиб кетганидан чўчиган баъзи ғаламисларнинг ифвоси оқибатида Эдирнага, подшоҳ ҳузурига чақиртирилади. Ҳеч қандай хавф-хатар йўқлиги маълум бўлгач, ўз шахрига қайтарилади. Бу орада унинг илтимосига кўра муридлари солиқдан озод қилинади. Аммо бир муддатдан сўнг, давлат ҳазинасига катта заар етгач, Ҳожи Байрам барча муридларини бир жойга йиғиб, уларни синаш учун, ўзига Ҳақдан буйруқ келганини, муридларини қурбон қилиши зарурлигини айтади. Атиги бир мурид ўзини қурбон қилишга рози бўлиб, чодир ичига киргач, олдиндан тайёрлаб қўйилган қўчқор сўйилади, ташқаридагилар оқаётган қонни кўриб вахимага тушадилар ва “шайх ақлдан озибди” дея у ердан қочадилар, атиги бир неча муридгина қолади. Шундай йўл орқали ҳақиқий муридларини аниқлаган шайх, қурбон бўлишга рози бўлмаган сохта муридларидан солиқ олини-

¹ Кара М. ў.а. 285-286-б; Марголиуц Д. С., Чишдия, Ислом қомуси, III-ж, 435-536-б; naz. Khawaja Mueen un-Din Chishti, Lahore, 1970.

шини талаб қиласи. Ўша даврнинг хукмдори султон Муродхон II билан яқиндан алоқаси бўлган Ҳожи Байрам 80 ёшларида Анқарада вафот этади. Бугун ҳам унинг мақбараси шахарнинг энг гавжум ва файзли зиёратгоҳларидан биридир.¹

Онадўлида етишган сўфийларга Ҳожи Байрамнинг кучли таъсиси бўлган. Унинг муридлари орасида “Мухаммадия” асари муаллифи Ёзувчизода Мухаммад, унинг биродари Аҳмад Бижон, Оқшамсиддин, маломияйи-байрамиянинг пири Дада Умар Сиккиний, Оқбийик Султон, шайх Уфтоданинг устози Ҳизр Дада сингари машхур шахсиятлар бор. Қодирия тариқатининг Онадўлидаги пири Ашрафўғли Румий эса унинг муриди ва күёвидир.

Байрамиянинг силсиласи Абул Ҳасан Ҳарақонийга келиб нақшбандия билан туташади. Бошқа бир тармоқ орқали эса хилватия билан бирлашади.² Шу сабабдан байрамияни хилватиянинг бир тармоғи дейдиганлар ҳам бор. Бу тариқатда ҳам хафий, ҳамда жаҳрий зикр қилинади. Хилватийлардаги каби “асмо” зикрини сулук асоси сифатида қабул қилганлар. Ҳафий зикрга “кўнгилга бориш” дейдилар. Байрамий кулоҳи олти йўлли оқ жун матодандир. Бунга яшил салла ўралади. Байрамия тариқати асосан уч шаҳобчага бўлинган:

1. шамсия-байрамия: Ҳожи Байрамнинг энг кучли муриди, Султон Фотих Мухаммадхоннинг устози Оқшамсиддин давом эттирган тармоқ. Байрамиянинг анъаналари асосан шу тармоқда давом этган. Бу тармоқ ахли суннат эътиқодига ҳам содиқ қолган. Шия ва ботинийликдан таъсирланмаган. Бу тармоқдан таннурия, химматия ва исавия шаҳобчалари тарқалган. Бу тармоқда жаҳрий зикр қилинади.

2. маломияйи-байрамия: Ҳожи Байрамнинг муриди Бурсалик Дада Умар Сиккиний томонидан асос солинган. Шамсия тармоғига муқобил равишда бу тармоқдагилар ишқу жазба йўналишини танлаганлар. Қалбий зикрга катта ахамият берадилар. Такя, хирқа, кулоҳ каби унсурларга қарши чиққанлар. Бу тармоқда хис-хаяжонли сўфийлар етишиб чиққан. Аммо баъзи ортиқча хатти-харакатлари учун ҳукумат таъқибига учраган, баъзи шайхлари ҳатто қатл этилган.³ Бу тармоқ ахли аста-секин ахли суннат доирасидан чиқиб, шия ва ботиний хусусият касб этган.

¹ Кенг маълумот учун: Ҳаририйзода, ў.а. I-ж, вароқ 172 vd; Айни М. А. Ҳожи Байрам Валий, Ист. 1343; Фуод Байрамўғли. Ҳожи Байрам Валий; 2-ж, Анқ, 1982; Адҳам Жабажиўғли. Ҳожи Байрам Валий, Анқара 1991, 25-118-6; А. Гўлпинорли, Байрамия, Ислом Қомуси, II-ж, 424-426-б; Сомий Ш. Қомусул аълам, II-ж, 1428-б

² Бу мавзууда қаранг: Гўлпинорли А. Байрамия, Ислом қомуси, II-ж, 423-426-б.

³ Бу тармоқ ва шахсиятлари хақида: Гўлпинорли А. Маломийлик ва маломийлар, Ист., 1931.

3. жалватия: Ҳожи Байрамнинг муриди Ҳизр даданинг халифаси, бурсалик шайх Уфтоданинг муриди - шайх Азиз Махмуд Ҳудойи томонидан асос солинган бу ўзъба ҳам ахли суннат эътиқодига амал қилган ҳолда кўплаб сўфийлар вояга етказган. Машхур Исмоил Ҳаққий Бурсавий бу тармоққа мансуб бўлган.¹ Онадўлидаги ахийлик харакатига алоқаси бўлган байрамия тариқати усмонли маданияти тарихида мухим аҳамият касб этади.

Шу ерга қадар таърифлаганимиз тариқатлар, тасаввуф тарихида мумтоз маънодаги тариқатлар пайдо бўлган даврдан бошлаб юзага келган асл тариқатлардир. Аста-секин бу тариқатларга боғлиқ кўплаб янги тармоқлар келиб чиққан, улар ҳам алоҳида бир тариқат сифатида фаолият кўрсатгандар. Шу аснода Ислом оламида юзага келган тариқатларнинг саноғи ниҳоятда ортиб кетаверган. Яқин йилларгача майдонга чиққан тариқатларнинг рўйхатини тузган олим Массигоннинг ёзишича, Ислом тариқатларининг саноғи 394 та экан.² Ҳарирыйзода ўзининг “Тибёнул васоил” асарида эса тариқатлар 174 та эканлигини ёзган. Бу эса ўз навбатида тариқатларнинг ижтимоийдиний муассаса сифатида Ислом дунёси ва тарихида нечоғли аҳамият касб этганини кўрсатмоқда.

Ўтмиша бўлганидек бугун ҳам тариқатлар Исломнинг жамият ва шаҳс ҳаётида фаол иштирок этишини таъминлаётган ва турли давлатларда Исломнинг тарқалишида катта роль ўйнаётган унсурдир.

Русия, Марказий Осиё мамлакатларида Исломият кўпроқ тариқатлар воситасида кенг тарқалган. Осиё, Оврупо, Африқа ва ҳатто Амриқода Ислом дини бугун ҳам тариқатлар воситасида ёйилмоқда.

Шу ергача тасаввуфнинг пайдо бўлиши, шаклланиши, характеристик табиий-амалий хусусиятлари, тариқатларнинг муштарак жиҳатлари, машхур тариқатлар ва ҳоказолар ҳақида маълумот бе-риб, тасаввуф ва тариқат деганда диний ва ижтимоий жиҳатдан нимани тушуниш кераклигини англалишга уриндик. Китобимизда айтилганлар бир жиҳатдан тасаввуф ва тариқат тушунчасига бир разм солиш моҳиятида бўлиб, мавзу тўғрисида фақатгина баъзи умумий фикрларни айтишдан иборат. Тасаввуфни янада яхшироқ ва чукурроқ ўрганиш учун унинг турли масалаларга бўлган муносабатини, уларга кўра қилган изоҳ-шарҳларини, у кўтарган мавзуларни яқиндан танимоқ ва ҳатто тасаввуфни ҳол сифатида яшамоқ зарур. Уни руҳан англаш керак. Бу охирги омил эса ўрганиш билан амалга оширилади. Шу сабаб

¹ Азиз Махмуд Ҳудойи ва тариқати ҳақида кенг маълумот учун: док. Ҳасан Комил Йилмаз, Азиз Махмуд Ҳудойи ва жалватия тариқати, Ист, 1980.

² Массигонн Л. Тариқат, Ислом қомуси, XII-ж, 4-17-6.

тасаввубни мустақил бир илм сифатида яқиндан билиш учун бундан кейинги бўлимда тасаввубнинг баъзи бош мавзуларига муносабат билдириб, уларга мухтасар изоҳ бериш билан чекланамиз.

Ш-БЎЛИМ

ТАСАВВУФНИНГ МУАЙЯН МАВЗУЛАРИ (МАСАЛАЛАРИ) I. ТАВХИД

Ислом илмлари пайдо бўлаётган даврларда энг кўп ахамият берилган мавзулардан бири - тавхид эди. Ҳатто, калом илмининг илоҳиёт бахси батамом шу мавзуга бағишиланган. Қисқа қилиб айтганда, “Аллоҳнинг ягоналигини тасдиқлаш” маъносидаги тавхид, мавзусини илк даврлардан бошлаб сўфийлар каломчилардан фарқли равишда кўриб чиққанлар. Ахли суннат каломчилари мавзуни диний хужжатлар орқали ва ақлий далиллар билан изоҳлашга уринганлар. Мўътазила каломчилари эса “Фақатгина ақл орқали тавхидга эришиш мумкин”, дея даъво қилганлар. Сўфийлар эса ўзгача йўлдан бориб, тавхидга ақл орқали эмас, вахй ва илҳом орқали, сезги қуввати орқали эришиш мумкинлигига ишонганлар. Чунки уларга кўра, “Ҳақни Ҳақдан бошқа билолмас, Унга ўхшаш бошқа зот йўқ, ҳеч бир нарса Унинг ҳақиқатини ифодалай олмайди. Бирон нарса Уни идрок этолмайди. Зеро, ҳар нарсада бир нуқсон бор. Ноқис нарса қандай қилиб комил бўлган Ҳақни идрок эта олади?”¹

Ва шу билан бирга, сўфийлар энг кўп машғұл бўлган масала ҳам тавхид эди. Дастрлабки даврлардаёқ улар каломчилар билан баробар равишида ўз фикрларини ҳимоя қилиб, Ҳақ таолонинг зоти ва сифати мавзусидаги нуқтаи назарларини баён этганлар. Машхур сўфий Жўнайд Бағдодий сўфийларнинг тавхид тушунчасини бундай тарьифлайди: “Қадим бўлганни ҳодис бўлгандан айириш, ватандан чиқиши (ўзига ҳар қандай манзил тайин этмаслик), нафс орзу қилган нарсалардан алоқани узиш, маълум ва мажхулни тарқ этиш, буларнинг барчаси ўрнига Ҳақ таолони жойлаштириш”². Шиблий ҳам ақл билан идрок этиладиган, хаёлан тасаввур этиладиган ҳамма нарсанни Ҳақдан бошқа билиб, буларнинг ҳодис ва маҳлуқ эканини айтиб, уларда Аллоҳнинг зоти идрок этилмаслиги ва бу хусусда ҳеч нарса айтиш мумкин эмаслигини баён этган.³

¹ Оташ С. Ислом тасаввуби, 91-б; Сулламий. Ҳақойиқ, 100 ^бвароқдан нақлан.

² Қушайрий, ў.а., тарж. Улудоғ С. 426-б.

³ Қушайрий, ў.а. 417-б.

Сўфийлар тавҳид ҳақида таъриф айтиб бўлмайди деб, ундан уч маънони тушунгандар;

а) Аллоҳ ўзининг ягоналигини билиши ва билдириши;

б) Аллоҳ инсонда Ўзининг ягоналигини идрок этиш қуввати яратганлиги;

в) Инсон Аллохнинг ягоналигини ва бу ҳақдаги хукмни билиши;

Қушайрий буларнинг биринчисини, “Ҳаққнинг Ҳақ учун тавҳиди”, иккинчисини, “Ҳаққнинг ҳалқ учун тавҳиди”, учинчисини, “халқнинг Ҳақ учун тавҳиди” сифатида баҳолаган.¹

Сўфийларнинг айтишларича, тавҳид тушунчаси рухан яшаладиган ҳол ва завққа боғлиқ. Бу ҳолни яшаган кишининг ҳолати ва мақомига кўра тавҳид тушунчаси фарқли бўлади. Демак, авом, хослар ва хосларнинг хосларига оид тавҳид тушунчаси фарқлидир. Яъни:

а) авом тавҳиди: бу, асарнинг асар эгасига, санъат асарининг санъаткорга далолат қилиши асосида ҳаракат қилиб, ҳужжат келтириш йўли орқали коинотнинг ҳам бир яратувчиси борлигига хукм қилмоқдан иборатдир. Бунга “тавҳиди имоний” ва “тавҳиди илмий” ҳам дейилади. Бундай тавҳид тушунчаси фақатгина шу фикр эгасини ширкдан кутқаради ва Ислом мартабасига кўтаради. Шу туфайли унга мусулмонлик муомаласи кўрсатилади. Бу тавҳиднинг энг куйи дараражасидир.

б) хослар тавҳиди: сабабларни бўр томонга ташлаб, оламда жарайён этаётган ёмон ва яхши, фойдали ва зарарли ҳар ишда Ҳақдан бошқа нарсани кўрмасликдир. Бу тавҳидга эришган киши таваккулга ноил бўлиб, ҳалққа шикоят қилмайди, жаҳл қилмайди. Чунки ҳамма нарсани Аллоҳдан деб билади, Унинг хукмига таслим ва рози бўлади. Бундай тавҳид тушунчасига эга бўлган киши яширин ширк таҳликасидан ҳам қутулади. Ҳатто Ҳақнинг зоту сифатида фоний бўлади ва унинг кўзига Аллоҳдан бошқа нарса кўринмайди. Бунга эса “тавҳиди холий” дейилади. И мом Фаззолий кўп каломчиларни тавҳиднинг бу хилини англамаганликларини, англаганлари ҳам у билан сифатланмаганликларини таъкидлаган.

в) хосларнинг хосларига оид тавҳид: бу тавҳидга кўра, Жаноби Ҳақ ҳар лаҳза фардоният (танҳолик) ва ваҳдоният (яккалик) сифатларига эга эканлиги ва ҳақиқатан, Ундан ташқарида хеч нарса йўқлигини завқ-ла билмоқдир. Бу орифлар ва сиддиқлар тавҳидидир. Бунга “тавҳиди илохий” дейдилар. Абдуллоҳ Ансорий “Манозилус соирин” асарида тавҳиднинг бу мартабаси «Ҳақдан ташқари борлиқ бор» дейдиганларда мавжуд эмаслигини, чунки буни фақат Ҳақни боқий, бошқа яратиқларни ўткинчи деб билиб, яъни “фано филлох”га эришмоқ орқалигина амалга ошишини ва буни изоҳлаб бўлмас-

¹ Қушайрий, ў.а. 414-6.

лигини айтган.¹ Бошқа бир жиҳатдан эса тавҳидни қўйидаги дараҷаларга бўлганлар:

1. Кусудий тавҳид (ваҳдати қусуд): банда ўз иродасини бир томонга ташлаб, унинг ўрнига Ҳақнинг иродасини қўйиши ва ўз нафсига эмас, Аллохнинг хошишларига бўйсунишидир. Илк зоҳидларнинг тавҳид тушунчаси ҳам шу. “Ла мақсада иллаллоҳ”, “ла матгуба иллаллоҳ”, “ла мурода иллаллоҳ” ифодалари билан ушбу тавҳид тушинилади.

2. Шуҳудий тавҳид (ваҳдати шуҳуд): Аллоҳга яқинлик туфайли пайдо бўлган важд ва истиғроқ (ўзидан кетиш) холининг таъсирида банда ҳамма нарсада Аллохнинг тажаллисини мушоҳада этувчи ҳол. Қуёш чиққач, юлдузлар йўқолгани каби Аллоҳни мушоҳада этиш даражасига эришган кишининг кўзига ҳеч нарса кўринмайди. Бу ҳолга “фано фиши шуҳуд” ҳам дейилади. Имом Раббоний буни тавҳиднинг энг юксак даражаси сифатида қабул этган. Тавҳиднинг бу даражаси “ла машҳуда иллаллоҳ” тарзида ифодаланади.

3. Вужудий тавҳид (ваҳдати вужуд): Бу “Аллоҳдан бошқа ҳеч қандай борлиқ йўқ” тарзидаги тавҳид бўлиб, шуҳудий тавҳид мартабасидан ҳам юқори савияда Аллоҳга яқинлик пайдо қилиш натижасида бандада хосил бўлган бир ҳолдирки, банда бу мартабада Аллоҳдан ташқаридаги ҳамма нарсани, ҳатто ўзини ҳам йўқ хисоблайди. Бу мақом “ла мавжуда иллаллоҳ” ифодаси билан изоҳланади.²

Бу тавҳид тушунчалари орасида вужудий тавҳидни мукаммал равишда Ибн Арабий изоҳлаган бўлса-да, унинг илк нишонларини аввалги сўфийларда ҳам кўришимиз мумкин. Жунайд Бағдодийнинг: “Аслни кейинчалик яратилгандан айирмоқ” деган тавҳид таърифида вужудий тавҳиднинг маъноси тушунилганидек, Имом Фаззолий ҳам “Мишкатул анвор”ида бу тушунчани аниқ ифодалаган бундай дейди: “Орифлар мажоз чуқуридан ҳақиқат сари юксалиб, маънавий меъроҳларини тамомлагач, мушоҳада қўзи билан кўрдиларки, борлиқда Аллоҳдан бошқа ҳеч нарса йўқ ва Унинг борлигидан бошқа ҳар нарса ҳалок бўлғувчидир”.³ Бу ердаги “ҳалок бўлғувчидир” билан маълум бир замон тушунилмай, абадийлик ва абадий йўқлик устида сўз бораётир. Зотан, бундан ташқари бир нарсани ўйлаб бўлмайди. Орифлар қўйидаги нидони эшитмоқ учун қиёмат қўпишини кутишга эҳтиёж сезмайдилар: “Бугун мулк кимники? Вожид ва Қаҳҳор Аллоҳни кидир!” (Қасос-28:88). Аксинча, бу овозни әшит-

¹ Анқаравий Исмоил ў.а. 278-280-б; Абдулҳаким Арвосий. Риёзут тасаввуфия, 132-139-б.

² Измирли И.Х., ў.а. I-ж, 103-104-б; Кара М. ў.а. 318-319-б.

³ Қасос сураси, 28-суря, 88-оят.

маган лахзалари йўқ. “Аллоҳу акбар” сўзидан бир нарса тушунмай-дилар. У бошқалардан ҳам улуғ экан?! Ажабо?, Ундан бошқа борлиқ йўқки, Ундан ҳам улуғ бўла олиши учун?!

“Орифлар хақиқат фазосига юксалгач, Ҳақ ва Воҳид Аллоҳнинг борлиғидан бошқа бир борлиқ кўрмаганликларида ҳам иттифоқ-дирлар. Аммо бу ҳолни баъзилари илм ва маърифат, баъзилари эса ҳол ва завқ ўлароқ мушоҳада этганлар. Касратдан батамом кутилиб, мутлақ ваҳдониятга чўмғанларида, бу мастилик туфайли баъзилари “анал ҳақ”, баъзилари “ўзимни тасбих этаман, шоним нақадар олий-дир”, баъзилари “жуббамда Аллоҳдан бошқаси йўқ” деб юборди. Ошиқларнинг сакр ҳолидаги сўzlари тушунтирилмайди, балки яширин сақланади. Ориф ўз ҳолига қайтганида ягоналик борасида сўз юритилмаганини, фақатгина бунга ўхшаш бир ҳолатга рӯпара келганини айтади. Бундай истиғроқ ҳолини эса мажоз тилида “иттиход”, хақиқат тилида “тавхид” дейилади”.

Фаззолийнинг бу сўzlари бевосита вужудий тавхидга алоқадордир. У “ла мавжуда иллаллоҳ” табирини ҳам айнан қўлламоқдадир. Исмоил Геленбевий Фаззолий бу ифодаси билан “ваҳдати вужуд”ни баён этганини “Жалол ҳошияси” асарида баён этган.² Ибн Арабий бир тизимга солган “ваҳдати вужуд” фалсафаси ҳам тамоман вужудий тавхид тушунчаси устига қурилган. Ваҳдати вужуд борасида кейинчалик алоҳида тўхталамиз.

Кўриниб турибдики, сўфийлар назарида тавхид тушунчаси кишининг маънавий мартабасига қўра фарқланади. Улар авом тавҳиди борасида каломчилар билан ҳамфикр бўлсалар ҳам, хослар ва хосларнинг хослари тавхидлари, яъни шуҳудий ва вужудий тавхид масаласида фикрлари ҳар хил.

2. НУБУВВАТ ВА ВАЛОЯТ

A. НУБУВВАТ. Сўфийлар нубувватни фарқли тарзда шарҳлаганлар. “Хабар бериш” маъносини билдирувчи нубувватни Ҳаким Тирмизий, парданинг кўтарилиши ва ғайб сирларидан воқиф бўлиб Аллоҳни билиш; Аллоҳ нури билан ўралган ашёнинг моҳиятига басирагат кўзи билан разм солиш, дея шарҳлаган.² Кейинги давр мутасавифлари бу масалага фалсафий жиҳатдан муносабат билдирганлар. Масалан, Фарғонийга қўра, набий - Аллоҳнинг зотидан, сифатларидан, исмларидан, ҳукмларидан ва муродларидан ҳабар берувчи кишидир. Булар хақида бевосита ҳабар бериш эса Рухи Аъзамга хос. Аллоҳ Рухи Аъзамни аввал куллий нафсга, кейин жузъий нафсларга

¹ Фарид Кам. Ваҳдати вужуд, Ист, 1331, 103-104-б.

² Оташ С. ў.а. 137-б.

жўнатади. Улар Ҳақнинг зоти, сифатлари, исмлари хақидаги маълумотни Рухи Аъзамдан оладилар.¹ Сўфийлар назарида, нубувват - Мухаммад а.с. нинг бир ҳақиқати, зохирий борлиғи. Фарғоний “Руҳул Аъзам” деган нарсага Ибн Арабий “Ҳақиқати Мұхаммадия”, “Нури Мұхаммадия” деган. У “Фусусил хикам” асарида бу мавзуни батамом ёритган дейиш мумкин. Бу назарияга кўра, Мухаммад а.с. ҳақиқати жихатидан барча пайғамбарлардан олдин, моддий борлиғи жихатидан улардан кейин яратилган. Унинг ҳақиқати аслида бутун борлиқларнинг моҳияти-мағзини ташкил этади. Мухаммад а.с. билан бошқа пайғамбарлар ва валийлар орасидаги фарқ, бир жихатдан бутун нарса билан унинг парчалари орасидаги фарққа ўхшайди. У бошқа пайғамбарларда ва авлиёларда бўлак-бўлак (айри-айри) бўлган хусусиятларни ўзида мужассам этган.² Шу хусусияти туфайли, У пайғамбарлар муҳидидир. У билан пайғамбарлик ниҳоясига етган. Даржа эътибори ила пайғамбарларнинг энг устунидир. Ундан кейин ундаги илоҳий ҳақиқат авлиёлар воситасида одамларга етказилмоқда. Яъни, унинг ҳақиқий ворислари валийлардир. Ибн Арабийнинг “ваҳдати вужуд” фалсафасида “ҳақиқати Мұхаммадия” масаласи мухим ўрин олган. “Кутб” ва “рижолул ғайб” масалалари ҳам шу мавзуга алоқадордир.

“Ҳақиқати Мұхаммадия” назариясини тан олганларнинг айтишларича, ҳазрати Одамдан Мұхаммад а.с. гача келган ҳар пайғамбар Ҳақиқати Мұхаммадия нубувватининг бир кўриниши, аксиdir. Акслярнинг пайғамбарлиги эса ўткинчи бўлиб, вақт билан чекланган. Ҳар пайғамбар Ҳақиқати Мұхаммадиянинг бир сифати ва бир исмининг кўриниши-тажаллисиdir. Мұхаммад а.с. эса бутун зоти, сифати, исмлари билан юзага чиққан. Шу тариқа Мұхаммад а.с. орқали нубувватнинг муҳри урилган, яъни ниҳоясига етган. Шу жихатдан Мұхаммад а.с дунёвий жисми билан нариги пайғамбарлардан кейин бўлса-да, ҳақиқатда улардан олдин. Чунончи, “Биз илк бўлган охиргиларданмиз”³, “Одам а.с. сув ва балчик орасида экан, мен пайғамбар эдим”⁴, (бошқа бир ривоятда эса “... рух билан жасад орасида экан”) хадислари бунга далолат қилмоқда.⁵

¹ ў.а. 138-б.

² Афиғий Ибн Арабийнинг тасаввуфий фалсафаси, (тарж. М. Доғ) 75-б.

³ Бухорий, Вузуль, 67, Жумъя, 1, 12, Анбиё, 54; Муслим, Жумъя, 19, 21; Насойӣ, Жумъя, 1; Даримий, Муқаддима, 3.

⁴ Ибн Ҳанбал, IV, 127-128, Тирмизий, Маноқиб, 1.

⁵ Оташ С. ў.а. 138-139-б; Мишель Шудкевич. La Sceau des Saints, s. 79-94-б.

Париж, 1986.

Б. ВАЛОЯТ. «Дўст» маъносини билдирувчи валий (кўплиги «ав-лиёэ»), Куръони каримда икки хил маънода келган: 1. “Ишларини Аллоҳ таоло кўриб турадиган ва уни нафси билан танҳо ташлаб қўймайдиган киши” сифатида: “У солих бандаларга ёр бўлур” (Аъроф - 7:196) ояти шу маънода. 2. “Алоҳга ибодат ва тоатини ўрнига қўйган киши” маъносида. Бу маънода доимий ибодат қилиб, ўргага исён уруғи кирмаган киши дея тушунмоқ керак. Бир кишининг валий бўлиши учун мазкур икки сифатдаги фазилатларга эга бўлмоғи керак. Бу фазилатларга эга бўлган бир валий, бандалик вазифаларини энг мукаммал тарзда бажарадиган, Аллоҳдан кўркувчи, шу тариқа унга дўст бўлган, Аллоҳ ҳам бу фазилатлари туфайли уни омон-эсончиликда ва мушкул пайтларида ўз хифзи-химоясида сақладиган зот демакдир. Набийлар “маъсум”, валийлар эса “маҳфуз” дирлар. Яъни илоҳий муҳофаза остидалар.¹

Валий ўзининг валийлигини билиши ё билмаслиги масаласида ихтилоф бор. Баъзи сўфийлар, “оқибатидан кўнгли тўқ бўлади” дея валий эканини билиши жоиз эмас дейдилар. Баъзи сўфийлар эса оқибатидан кўнгли тўқ бўлиш холи - унинг учун Аллоҳни янада кўпроқ зикр қилиб, унга шукр қилишига восита бўлади, шу боис ўзининг валийлигини билиши жоиз ва ҳатто фойдалидир, деганлар. Чунончи, ашараи мубашшара ўзининг оқибатини билиши улар учун зарар эмас, балки фойда бўлган, уларни Аллоҳга янада яқин қилган.²

Воситийнинг айтишича, валийнинг тўрт сифати-аломати бор:

1. Ўзи билан Парвардигори орасидаги сирларни сақлади.
2. Кароматини яширади, риёга йўл қўймайди.
3. Аллоҳнинг яратганлари томонидан етказилган азият ва зулмга сабр-бардош қиласида ва уларга юқ бўлмайди.
4. Аллоҳнинг бандаларини уларнинг табиати ва феъл-атворларига кўра бошқаради.

Аллоҳнинг валий бандаларида қўркув (хавф) ҳам, умид (ражо) ҳам, ғамгинлик (хузун) ҳам йўқ. Чунки, қўркув келажакда бошга тушадиган ёмон ҳолатдан келиб чиқади. Ҳолбуки, валийни истиқбол қизиқтирамайди, у яшаб турган вақтининг қадрига етиш билан шуғулланади. Шу боис, “валий ибнул вақт” деганлар. Умид эса келажакда рўй берадиган ижобий ҳодиса билан даф этиладиган хунук ҳолатни ўйлашдан келиб чиқадиган туйғудир. Валий бунга ҳам қизиқмайди. Хузун эса кўнгил сиқилишидан келиб чиқади. Ҳақ розилигига ноил бўлган бир валийда бу ҳам муҳим масала қаторига кирмайди. Шунинг учун Куръони каримда: “Огоҳ бўлингизким, ал-

¹ Кушайрий, ў.а. 368-369-б.

² ў.а. 369-370-б; Калабозий. Таарруф. Қохира, 1980, 90-91-б.

батта Оллоҳнинг дўстларига бирон ҳавф-хатар ийқодир ва улар гамгин бўлмайдилар” (Юнус-10:62) дейилган.¹

Илк даврларда қаломчилар каби ўйлаган сўфийлар, Ҳаким Термизийнинг фикрларидан кейин бу масалага бошқача муносабат билдирадиган бўлдилар. Дастреб “рижолул ғайб” масаласини изохларкан, сўфийлар оламни валийлардан иборат маънавий хукумат бошқаришини тан олганлар. Улар: “Ерни эса ёйик - кенг қилдик ва унда тогларни ўрнатиб қўйдик” (Қоф-50:7) оятига зохирий маъноси билан бир қаторда, ботиний жихатдан қўйидагича маъно беришган: оятда ер дейишдан мақсад яратиқлар, тоғлар дейишдан мақсад эса валийлардир. Аллоҳ валийлар воситасида яратиқларини бошқаради, улар орқали одамлардан балоларни даф қиласди. Валийлар устида “автод”, автод устида “равосий” бор. Бир фалокат чоғида бандалар автодга, автод эса равосийга мурожаат қиласдилар. Равосий эса сара бандалардир. Уларни эса бутун валийларнинг устидаги қутб бошқаради.² Валийларни бундай даражаларга айриш ва бундай тушиунча Мухаммад а.с. нинг қўйидаги ҳадисига асосланади: “Бу умматда қирқ киши Иброҳим хулқи (машраби, табиати) узра, етти киши Мусо хулқи узра, уч киши Исо хулқи узра, бир киши эса Мухаммад(с.а.в.) хулқи узра бўлади. Булар ўз хулқ-табиатларига кўра инсонларнинг саййидлари (пешқадамларидир).³

В. **ХОТАМУЛ АВЛИЁ МАСАЛАСИ**. Бу масалани илк бор ўргатга қўйган, сўфийларнинг долзарб мавзусига айлантирган Ҳаким Термизий (898м.й.в.э.) бўлиб, бу мавзуда “Хатмул авлиё” номли асар хам ёзган (Байрут-1965). Термизий Қуръонда дарж этилган “Ва хотамун набийин”⁴ оятига мувофиқ, пайғамбарларнинг бир-бирларидан устунликлари бўлганидек, валийлар орасида ҳам даражалар бор дейди. Унга кўра, валийларнинг энг устуни хотамул авлиёдир. Бунинг устига, “валоят байроғини қўлида тутган хотамул авлиё, Мухаммад а.с. нинг бошқа пайғамбарларни шафоат қилиши каби, бошқа авлиёларни ҳам шафоат қилиш хукуқига эга. Ўша пайт валийлар унинг орқасида, набийлар эса олдида бўладилар”.⁵ Термизий “хотамул авлиё” сўзи ўrniga “имомул валоя” ва “раисул валоя” таъбирларини ҳам ишлатган. Қўйидаги сўзлар ҳам унга тегишли: “Мухаммад а.с. тўғрилик оёғини бошқа пайғамбарлардга нисбатан олдинроққа ташлаган. У ҳамма пайғамбарларнинг хотамидир. Унинг вафотидан сўнг, умматидан қирқ киши унинг ўrniga ўтади, шунда

¹ Кушайрий, ў.а. 372-373-б.

² Оташ С. ў.а. 141-142-б.

³ Каранг: Мухаммад ибн Али Шавканий. Фавойидул мажмуа фил аходисил мавзуа, Қоҳира, 1960, 245-249-б.

⁴ Аҳзоб - 33:40.

⁵ Тирмизий Ҳаким. Ҳатмул авлиё, Байрут, 1965, 345-421-б.

арз (ер) улар билан қоим бўлади. Улар Расулнинг ахли байтлариридир. Насаб жихатидан эмас, зикр жихатидан унинг хонадснидирлар. РасуллоХ қилган зикр уйига сифинган ҳар бир киши унинг ахли хонадонидир. Бу қирқ кишидан бирги вафот этса, ўрнига умматдан бири ўринини босади. Буларнинг саноғи тугаб, дунёнинг завол вақти келгач, Аллоҳ бир валий юборади. Уни саралаб, ўзига яқин қилган бўлади. Авъюга берганини унга берган бўлади. Унга хатмул валоя (валоят муҳри) хам бергандир. Бу валий қиёматгача бошқа валийларга Аллоҳнинг ҳужжати бўлади. Мухаммад а.с. нинг ҳубувват сидқи бўлганидек, унинг хам валоят сидқи бордир. Унга шайтон илаша олмас, нафс уни валоятдан чалғитиб, завқ-сафога етаклай олмас. Мухаммад а.с. барча пайғамбарларнинг саййиди бўлганидек, хотамул авлиё ҳам авлиёларнинг саййиди ва ҳар хусусда уларнинг пешқадамидир".¹

Төрмизий бошлаган бу тушунча тобора кенг ёйилди ва Ибн Арабий томонидан янада тартиблироқ ҳолга келтирилди. У бу хусусда қуйидаги ҳадисни далил сифатида ишлатади: "Аввали пайғамбарларга нисбатан менинг ахволим шунга ўҳшайди: Одам а.с. бир бино қурибди. Чеккасида бир ғишт сифадиган даражада жой қолдириб, бинони тамом қуриб битирибди. Ўйни ташқаридан томоша қилганлар "кошки шу ерга ғишт қўйилса эди" дебдилар. Ўша ғишт менман. Мен хотамун набийинман".² Ибн Арабий туш (рӯё) орқали бу бўшлиқни, бири олтин, бири кумуш икки ғиштлик жой сифатида кўрган. Кумуш ғиштнинг хотамул авлиёнинг зоҳирий жиҳатига, олтин ғиштни эса унинг ботиний жиҳатига ишора этишини айтгач, бундай деган: "Хотамул авлиё илму маърифатини шундай бир манбадан олади, пайғамбарга вахий келтирган малак ҳам ўша манбадан олади".³ Ибн Арабий "Футухот"даги бир шеърида унинг ўзи "хотамул авлиё" эканини ифодалайди.⁴

Ибн Арабий хатми валоят масаласини изоҳларкан, набий билан валий муносабатига ҳам тўхталади, бу хақда ажойиб фикрларни илгари суради. Унингча, набийлик ниҳоясига етган, валийлик эса давом этмоқда. Чунки Аллоҳнинг исмларидан бири - Валий. Бундан ташқари у "валий набийдан устундир" деган фикрни ҳам ўргага ташлайди ва бу мавзудаги фикрларини "Фусусил хикам"да қуйидагича баён этади: "Бу илм фақатгина расуллар билан валийларнинг хотамига махсусdir. Пайғамбарлар бу илмни фақатгина хотамул анбиёнинг (Мухаммад а.с. нинг) қандилидан кўрарлар. Валийлар эса буни хотамул

¹ Тирмизий X., ў.а. 342-346-б.

² Бухорий, Маноқиб. 18; Муслим, Фазонл. 20-30.

³ Ибн Арабий. Фусусил хикам, тарж. М.Н. Генчусмон. Ист. 1981. 19-20-б.

⁴ Ибн Арабий. Футухотил Маккия. Миср, 1972. IV-ж, 71-б.

авлиёning қандилидан кўрарлар. Чунки рисолат ва нубувват тўхтайди, аммо валоят асло тўхтамайди. Пайғамбарлар ҳам валий бўлганлари учун юқорида айтганимиз илмни фақатгина хотамул авлиёning Қандилидан кўрадилар. Гарчи хотамул авлиё хотамур расулнинг келтирган шариат ҳукмларига бўйсунса ҳам, бу унинг мақомини пасайтиrmайди ва айни холат бу фикрга зид келмайди. Чунки у бир жихатдан пайғамбардан паст бўлса-да, бошқа бир жихатдан устуницир. Шариатнинг зохирида бу фикримизни кўллаидиган далиллар бор. Масалан, Бадр асиirlари ва хурмонинг пайванд қилиниши хусусида хазрати Умарнинг устунлиги намоён бўлган. Комил бўлган зотнинг хар хусусда ва ҳар мартабада энг биринчи бўлиши шарт эмас. Бу йўлнинг эрлари Аллоҳни билиш хусусидаги устунликка Қарайдилар. Уларнинг гояси ҳам шу. Коинотдаги воқеалар уларнинг эсига ҳам келмайди. Бу айтганиларимизнинг хақиқатини яхшилаб англа ва идрок эт!”.¹

Ибн Арабий бу фикрларини бироз юмшатиб, бошқа бир жойда дейди: “Бир киши “валоят нубувватдан устун” деганини ёки ундан шундай ривоят нақл этилганини эшитсанг, билгингки, у фақатгина биз айтган хақиқатни кўзда тутиб айтгандир. Ҳатто улардан бирининг “валий - набий ва расулдан устундир” деганини эшитсанг, у бу сўзи билан бир шахсни кўзда тутгандир. Чунки у шахснинг набий ва расуллик мақомидан, валийлик мақоми янада мукаммалдир. Аксинча, набийга боғлиқ бўлган валий хеч вақт набийдан устун эмас. Зоро, тобе бўлган киши тобе бўлган нарсасида асло ўзи тобе бўлганни ўтиб кета олмайди. Агар тобе шахс тобе бўлганидан ўтиб кетса эди, тобе бўлмасди. Буни яхшилаб тушуниб ет!”²

Мавзуга оид унинг изоҳларидан қуйидагича натижа чиқмоқда: Мухаммад а.с. ҳам набийлик, ҳам расуллик ҳамда валийлик сифатларига эга. Унинг набийлик ва расуллик жихати ўткинчи ва бу дунёга алоқадор бўлиб, шариат илмини намоён этади. Валийлик томони эса боқий ва тугамайди. Чунки Аллоҳнинг исмларидан бири - Валий. Унинг валийлик жихати - хақиқат илмини намоён этиши. Шу жихатдан бир вақтнинг ўзида ундаги валийлик мақоми набийлик ва расуллик мақомидан янада устундир. Хотамул авлиёning хотамул анбиёдан устун бўлиши эса унинг дунёвий борлиги жихатидан эмас, Мухаммад а.с. нинг меросга кўра намоён этаётган валоят мақомига эга бўлиши жихатидандир. Акс ҳолда, албатта ҳар бир валий инсон ва уммат сифатида набийга бўйсунади ва дунёвий жихати ила ундан устун бўлолмайди.³

¹ Ибн Арабий. Фусусил хикам, 18-19-6.
² ў.а. 118-6.

³ Ибн Арабий. “Рисолатул аҳадия” рисоласида мавзуга доир кенг изоҳлар берган, бунинг учун қаранг: Ахмад Авний Кўнук. Фусусил хикам, таржима ва шарх. I-ж. 212 vd. бет.

Ибн Арабийдан кейин унинг бу қарашини тарафдорлари қабул қилган бўлсалар, баъзи сўфийлар қабул қилмаганлар. Масалан, Абдулкарим Жилий, набийнинг валийдан хар жихатдан устун эканини айтган. Ибн Арабийдан аввалги сўфийларнинг кўпи набийнинг валийдан устун эканини баҳс билан аниқлаб бўлмаслигини айтганлар. Масалан, Тусий “Лумъя” асарида бу масалага қисқа бир боб ажратиб, “валийнинг набийдан устунлиги”ни эътироф этадиганларга бундай жавоб берган: “Валийнинг набийдан устун эканини даъво қилмоқ залолатдир. Аллоҳ пайғамбарларининг ҳар бирига истаганича мўъжиза берган. Валийга берилган бир қаромат туфайли у набийдан устун бўлди дегани эмас. Чунончи, Сулаймон пайғамбарнинг вазири Осаф ибн Бархиёни, малика Билқиснинг таҳтини кўз юмиб очгунча келтирди деб уни Сулаймон а.с. дан устун дейиш имконсиз бўлганидек, Ҳудҳуд қушига сув топиш билими берилди деб, уни бошқа қушлардан устун кўйиб бўлмайди. Ҳар кимнинг ўзига хос бир қобилияти бор. Мухаммад а.с.: “Орангизда фарз амалларни энг яхши биладиган Зайд, энг чироили тиловат қиласидиганингиз Убай, ҳалол ва’харомни яхши фарқлайдиганингиз Муоз ибн Жабалдир” дегандар. Шу билан бирга ўн нафар сахобани жаннатий деб мұждалагандар. Юқоридаги уч саҳоба ушбу ўн нафар сахоба орасида йўқ. Демак, улар ўз билимлари билан ашарал мубашшарадан устун бўлмагандар. Хуллас, валийлар пайғамбарларга тобедирлар. Агар пайғамбарларга берилган масъулиятлар авлиёларга берилганда эди, улар маҳв бўлардилар.¹

Хотамул авлиё тушунчасини энг қаттиқ қоралаганлардан бири Ибн Таймиядир. У Ибн Арабийни шу фикрлари туфайли “кофир” деб эълон қилган. Унингча, салафдан хеч ким бундай фикрни даъво қилмаган. Валийнинг Аллоҳдан бевосита билим олиши ёлғон. Валий пайғамбар воситасида маълумот олади. “Одам а.с. сув билан балчик орасида экан, мен пайғамбар эдим” деган ҳадиснинг асли йўқ.² Ибн Арабийнинг нубувват ва валоят мавзусидаги қарашларини Алиййул Қори ҳам танқид қилган, ўзининг хотамул авлиё дегани учун уни кофирликда ва динсизликда айблаган.³

Г. КАРОМАТ. Карам, эхсон, лутф каби маъноларни билдирувчи қаромат, маъно жихатидан солих мўминларда юзага келган фавқулодда ходисалардир. Фавқулодда ходиса бир пайғамбарда рўй берса, унга “мўъжиза”, солих мўъминда содир бўлса “қаромат”, фосиқ мўъминда ёки кофирда зухур этса, “истидрож” ёки “макр” деййлади.

¹ Сарроҳ Тусий Лумъя фит тасаввуф, 535-537-6.

² Оташ С. ў.а. 149-152-б: Ибн Таймия Мазҳабул иттиҳадийин. 115-117-6, (Хотамул авлиё иловасида, 506-509-б.) дан нақдан.

³ Алиййул Қори Рисолату ваҳдатил вужуд, 1294, 71-72-6.

Ахли суннат олимларининг фикрича, каромат хақ; мўътазила олимлари эса, каромат эгасига пайғамбарлик изофа қилинишидан хавфсираб уни рал қилишган. Чунки уларнинг фикрича, оят, мўъжиза иш ва каромат бир нарса. Булар эса пайғамбарларга хос бўлиб, бошқаларда зохир бўлиши мумкин эмас. Ҳужвирий бу қарашнинг янглишигини исботлаб берган.¹ Бир валийнинг каромати, у тобе бўлган пайғамбарнинг мўъжизаси сифатида қабул қилинган.²

Каромат хақ эканини тан олган Ислом олимлари ва сўфиylари, Куръондаги Судаймон а.с. нинг вазири Осаф ибн Бархиёнинг Сабаъ маликаси Билқиснинг таҳтини кўз юмиб-очгунча олиб келиши ходи-саси³ билан ҳазрати Марямнинг маъбадга киришида, Ҳақ таоло томонидан олдига ризқининг хозирлаб кўйилгани воқеасини⁴ далил сифатида келтирганлар. Ҳусусан, кўпгина ҳадисларда ўтмиш умматларнинг валийларида рўй берган кароматлар хақида гапирилган.⁵ Санхоби киромда ҳам кароматлар зухур этган. Масалан, ҳазрати Умар минбарда хутба ўқиётган чоғида Ниховандда жанг қилаётган Ислом лашкарининг ахволини кўриб, кўмондон Сорияни огоҳлантириши ва унинг овозини Сориянинг эшитиши,⁶ қоронғу тунда Мұхаммад а.с. нинг ёнидан чиқиб, уйларига кетаётган Ато ибн Башир билан Усай ибн Ҳудайрнинг хассаси учida пайдо бўлган ёруғликнинг йўлларини ёритиши⁷ ҳодисалари шулар жумласидандир. Пайғамбар алайхиссалом бир ҳадисларида дейдилар: “Усти-боши чанг-тўзон, либоси эски ва ўзлари назарга илинмаган неча инсонлар борки, “Аллохим, шу ишни шундай қиласди” дея қасам ичсалар, Аллоҳ уларни қасамларида ёлғончи қилмайди”.

Мўъжиза билан каромат ўртасида бундай фарқ бор: мўъжиза пайғамбарлардан зохир бўлади. Пайғамбар мўъжизасини бошқаларга кўрсатишга масъулдир. Чунки шу йўл билан ўзининг пайғамбарлигини исботлайди ва инсонларни хидоятга эриштиришда васила бўлади. Мўъжизасини яширса, Аллоҳга исён қилган бўлади. Валий эса кароматларини яширса, янада мақбулроқдир. Аммо иршод мақсадида ошкор этиши мумкин. Бундан ташқари, ҳар бир пайғамбар мўъжиза кўрсатиши шарт, бироқ валий каромат изҳор этиши шарт эмас. Боз устига, мўъжизанинг самараси бошқаларга, кароматнинг самараси эгасига оиддир. Пайғамбар мўъжизасининг мўъжиза эканини била-

¹ Ҳужвирий, ў.а. 331-332-б.

² Тафтазоний, ў.а. 316-б.

³ Намл, 19:38, 40.

⁴ Оли Имрон, 3:37.

⁵ Қушаӣрий, ў.а. 475-479-б; Ҳужвирий, ў.а. 347-352-б.

⁶ Кашфул хафа, II-ж, 380-б.

⁷ Бухорий, Маноқиб, 25; Муслим, Салотул мусофириин, 36.

⁸ Муслим, Бирр, 40; Тирмизий, Маноқиб, 54.

ди, валий эса ўзида зухур этган фавқулодда холнинг каромат ёки истидирож эканини том маънода билолмайди. Хусусан, мӯъжиза эгаси шариат тасарруфида бўлганидек, каромат соҳиби хам набийнинг шариатига таслим бўлишга мажбур.¹

Каромат икки хил бўлади:

1. кавний (моддий, сурый) каромат: сув устида юриш, хавода учини, бир лахзада узоқ масофага бориш (тайий макон) каби кароматлар.

2. ҳақиқий (илмий, маънавий) каромат: бу эса илм, ирфон ва ахлоққа доир кароматлар бўлиб, асл каромат хам шу. Муридлар инг холларини ижобий томонга ривожлантириш, илму ирфони била ғаша сига таъсир қилмоқ, ўзидағи ва бошқалардаги ёмон хулқла жи йўқотиш. Сахл ибн Абдуллоҳ Тустарий, “Кароматларнинг энг улуғ ёмон хулқларингдан бирини ўзгартиришингдир”² деган.

Сўфийлар каромат борасида ушбу жиҳатларга алоҳида ахамият берганлар:

1. Кароматни яширмоқ. Комил инсон каромат билан эмас, Аллоҳга бандалик қилиш билан машғул бўлади. Ҳақиқий сўфийлар ўзларидаги бир каромат зохир бўлганида, буни хам бир имтихон хисоблаб андиша қиласидилар. Мавлоно Жомий, “Пайғамбарларга мӯъжизалирини изхор қилиш қай даража фарз бўлса, валийларга хам кароматларини яшириш шу даража фарздир”³ деган. Шу боис, сўфийлар кароматни ошкор қилмасликка ҳаракат қилганлар. Каромат кўрсатишни эса “хайзи рижол” (эркаклар хайзи) деб баҳолаганлар. Ҳеч бир валий каромат кўрсатиб, ўзининг валийлигини исботлай олмайди. У бундай қилишга масъул эмас. Аммо дунё манфаати кўзланмаган холда, бошқаларни иршод мақсадида каромат изхор этишининг зарари йўқ, деб хисоблайдилар. Кароматни яширишга маюматийлар жуда кучли эътибор берганлар.

2. Каромат валийнинг ғояси бўлмаслиги керак. Бош ғоя - истиқомат узра событ туриш. Ҳақиқий каромат хам мана шу. Абу Али Журжоний бундай деган: “Истиқомат соҳиби бўл, каромат соҳиби бўлма! Чунки нафсинг каромат хоҳламоқда, шунинг учун ҳаракат қиласидир. Ҳолбуки, Аллоҳ сендан истиқоматни талаб қилмоқда”.⁴

3. Кароматга эмас, шариатга бўйсуниш керак. Боязид Бастомий, тайий макон қилишни шайтон, сувда юришни балиқлар инсондан хам яхшироқ бажаришини эслатади ва уларга эътибор берилмаслигини айтиб, бундай деган: “Одам жойнамозини сувга ёэса, хавода

¹ Ҳужвирий, ў.а. 337-б.

² Қушайрий, ў.а. 483-б.

³ Оташ С. 179-б; Мулла Жомий, Нафахотул унс, вароқ 25 ^: Илоҳиёт факуљети кутубхонаси. № 634.

⁴ Қушайрий, ў.а. 304-б.

чордона қуриб ўтиrsa, унинг амр ва нахийларга риоя қилиш-
қилмаслигини билмай туриб, алданиб қолманг".¹ Асл каромат - амру
нахийларга риоя қилиб, ахлоқни гўзаллаштиromoқди.

4. Каромат валийнинг мақсадга эришиш ўйлида бир парда бўли-
ши мумкин. Баъзилар ўзларида каромат зухур этса, уни бир мазият
(фазилат) деб ўйлаб алданадилар ва асл вазифаларини унутадилар.
Пировағдидা асл мақсадга етолмасдан ярим ўйлда қоладилар.

Каромат мавзуси тариқат мухитларида ниҳоятда долзарб бир ма-
саладир. Чунончи, баъзилар ўзидағи кароматларни дунёвий манфа-
атлари учун сунистемол қиласи, баъзи муридлар эса шайхларининг
энг оддий харакатларига ҳам каромат назари билан боқадилар.

Шайх учмаса каромат-ла агар,

Мурид учирур то ба қамар.

байти шунга ишора қилмоқ учун айтилган бўлса керак.²

3. ИНСОНИ КОМИЛ

Тасаввуфдаги энг мухим масалалардан бири инсон мавзусидир.
Аммо инсоннинг вужудий эмас, балки руҳий тузилиши билан ҳолу
харакатлари диққатга сазовордир. Маълумки, инсон бадан ва руҳдан
иборат бир борлиқ бўлиб, унинг инсоний тарафини рус тузилиши
ташкил этади. Баданий томондан эса инсоннинг деярли хайвондан
фарқи йўқ.

Тасаввуфнинг ғояси инсон руҳидаги маънавий камолотни юқ-
салтиришдир. Буни амалга оширап экан тасаввуф, аввало, инсон
руҳиятини тахлил этади. Сўфийларнинг руҳ тўғрисидаги қараашларини
юқорида айтиб ўтганимиз учун уларни бу ерда тақрорлаб ўтирамай-
миз. Аммо шуни эслатиш жоизки, Қуръони қаримда руҳнинг моҳи-
ятини билиб бўлмаслик ва уни Аллоҳнинг ўзидан бошқа хеч ким
билимаслиги³ таъкидланган бўлса-да, сўфийлар инсон руҳини
қаттиқдан латифга қараб қалб (нафси нотиқа), руҳ, сир, сиррус
сир, хафий ва ахфо каби исмлар қўйиб “латоифи сittа” номи ости-
да тартибга солганлар.⁴ Илк мутасаввифлар эса инсон руҳига унинг
такомил даражаларини хисобга олиб таб’, нафс, қалб, сир ва руҳ
сингари исмлар қўйганлар. Мазкур латоифи сittанинг ҳар бири “нафс

¹ Тусий, ў.а. 400-б.

² Кара М. ў.а. 160-б; Валоят ва каромат хақида батафсил маълумот учун қаранг:
Чингиз Гундуѓу Тасаввуфда валоят тушунчаси. Диплом иши, Арзиурм, 1991.

³ Исрo, 17:85.

⁴ Айний М. А. ў.а. 235-243-б; руҳ ва нафс хақида кенг маълумот учун: Сунар Ж.
Тасаввуф фалсафаси ёки хақиқий фалсафа, Анқ. 1974, 251-257-б.

мартабалари” баҳсида изохланганидек, нафс (рух)нинг бир марта-басига мувофиқ келмоқда. Рух қаттиқдан латифга қараб ҳар бир босқич босишида Аллоҳ билан ўртасидаги пардалардан бири кўта-рилади ва ахфо мартабасига етганда орада хеч қандай парда қолмайди. Бу мартабага эришган рух дунёга келишдан олдинги софлигини қайтадан қозонади ва Ҳаққа яқинлик мушоҳада этади. Бу мартабага эришган кишига тасаввuf таълимотида “инсони комил” дейилади.

Ваҳдати вужуд фалсафасида инсони комил масаласи мухим ўрин олган. Кейинроқ ваҳдати вужуд мавзусига алоҳида тўхталажагимиз сабабли хозир у ҳақда кўп гапирмаймиз. Фақат, айтиб ўтиш керакки, тасаввufдаги инсони комил тушунчасини ваҳдати вужуд фалсафаси-дан ажратмоқ мумкин эмас. Бу тушунча мазкур фалсафанинг хусуси-ятларидан воқиғ бўлмагунча етарли даражада англашилмайди.

Қисқача айтадиган бўлсак, мутасавифлар инсони комил деганда қуийдагича фикрлаганлар: “Яширин хазина эдим, мени билиб-танишларини истадим, маҳлукотни яратдимки, мени таниб-бilsин-дар”¹ қудсий ҳалисида айтилганиде, к борлиқлар олами Аллоҳни би-лиши учун яратилган. Турли мартабалардан ўтиб пайдо бўлган олам-нинг яратилиши² инсоннинг яратилиши билан ниҳоясига етди. Борлиқлар орасида Аллоҳни идрок этиш қобилияти ҳам фақатгина инсонга берилган. Аммо инсоннинг бу қобилияти зулмоний ва нуро-ний пардалар билан тўсиб қўйилган. Инсон дунёда қилган ибодати, зикри ва хоказо солих амаллари билан руҳини моддий оламнинг таъсиридан ва ҳасадидан қутқариб, бу қобилиятини юзага чиқаради. Бу иш, аввалроқ изоҳ этганимиз сайру сулукнинг мартабаларини босиб ўтиш орқали амалга ошади. Инсон руҳидаги бу маънавий са-фарга тасаввuf таълимотида “сайри уружий” дейилади. Бу сафарни тугатиб, “вусул” мақомига эришган киши илоҳий ўзлигига қовушиб, Ҳақнинг барча исм ва сифатлари зоҳир бўлган бир ойна холига ке-лади. Шу кишига “инсони комил” дейилади. Шаҳодат оламидаги бутун борлиқлар ҳар қанча Аллоҳнинг исм ва сифатларини акс эттирса ҳам уларда нуқсонлик бор. Унинг барча исм ва сифатлари том маъ-нода мукаммал зоҳир этадиган борлиқ - инсони комилдир. Инсон яратилишидан аввал шаҳодат олами занг босган холда экан, инсон яратилгач, оламнинг жилосига айланган, унинг соясида олам жило-ли бир ойна бўлган ва Ҳақ таоло у ерда ўзининг илоҳий суратини мукаммал мушоҳада этган. Аммо бу-мушоҳада ўзидан ташқаридаги бир нарсани узоқдан мушоҳада этиш бўлмай, аксинча, барча зар-

¹ Ибн Таймия ва Заркаший бунинг ҳадис эмаслигини айтсалар, Алӣийул-Қори маъно жиҳатидан сахих эканини баён этган. Ажлуний, Кашфул хафа, II-ж, 132-б.

² “Таназзулоти саб’а” мавзусига қаранг (149 бет).

раларда ўз зоти бирла зўхур ва ҳузур ила мушоҳададир. Яъни, бадандаги жон не бўлса, юза а келиш оламида Ҳақ таоло удир. Фаришталар бу баданнинг хисларини, фалаклар ва унсурлар эса аъзоларини ташкил этади. Одам эса жами буларнинг ўзаги ва хulosаси бўлганидан, ер ва кўкларнинг яратилишининг сабабидир. Шунинг учун: “Эй Расулим, сен бўлмасанг эди, оламларни яратмаган бўлардим”¹ хадиси қудсийси айтилган. Инсон эга бўлган бу хусусият туфайли Қуръони каримда: “*Албатта, Биз бу омонатни (яъни шариати Исломиядаги тоат-ибодатларни) осмонларга, ерга ва тогу тошларга кўндаланг қилган эдик, улар уни кўтаршидан бош тортдилар ва ундан қўрқдилар. Инсон эса уни ўз зиммасига олди*”². дейилган.³ Шундай экан, оламнинг яратилишидан мақсад инсон, инсондан эса мақсад комил инсондир.

Мугасавифлар фикрича, олам - буюк инсон, инсон эса - кичик оламдир. Инсоннинг жисмоний тузилиши оламнинг моҳияти-мағзидир. Оламда мавжуд ҳар нарсанинг бир намунаси инсонда ҳам мавжуд.⁴ Инсон зоти жихатидан кейин яратилган ва Ҳақдан файри. Аммо у эга бўлган илохий ҳақиқат жихатидан эса Ҳақнинг ўзидир, дейилган.⁵ Шу жихатидан, яъни шу ҳақиқати ва маънавий жихати или инсон “олам-и кубро”дир деганлар.

Комил инсон мавзусида мустақил асар ёзган Абдулкарим Жилий бу масалани батафсил ёритган. Унингча, комил инсон - атрофида бутун борлиқ олами айланашган бир кутбdir. Борлиқ яратилгандан бери комил инсон бирдир ва унинг ўзига хос ҳақиқати бор. Асл исми Мухаммад бўлиб, ҳар асрда бошқа суратда ва бошқача номлар билан кўринади. Дунё яратилгандан бери ҳар хил пайғамбарлар шаклида кўринган ҳам комил инсондир. Қиёматга қадар энг улуғ валий (кутб) ҳам у.⁶ Жилийнинг бу изохидан “инсони комил” - “Ҳақиқати Мухаммадия” билан бир экани келиб чиқмоқда. Шундай экан, мутасавифлар “инсони комил” деганлари Мухаммад а.с. нинг ҳақиқатини намоён этган кишидир. Жилийнинг ёзишибча, “Мухаммад а.с. ҳар хил суратда кўриниш құдратига эга. Ҳар замон инсонларнинг энг комили суратига кириб, уларнинг шонини юксалтиради. Суратига кирган кишилар зохиран Унинг ҳалифалари, ботинан эса - У, уларнинг ҳақиқатидир”.⁷

¹ Ажлуний, ў.а. II-ж, 164-б, (2123-хадис).

² Ахзоб - 33:72.

³ Кўнук А. А., Фусусил ҳикам, тарж. ва шархи, I-ж, 61-62-б.

⁴ Батафсил маълумот учун қаранг: Жилий Абдулкарим. Инсони комил. Миср, 1390. II-ж, 71-78-б.

⁵ Кўнук А. А. ў.а. 63-64-б.

⁶ Жилий А. ў.а. 71-72-б.

⁷ ў.а., ўша бет.

Ибн Арабийнинг ваҳдати вужуд фалсафаси билан бир қатор мутасаввиғларнинг “инсон” хақидаги қарашлари янада қоидали, тартибли ҳолга келган ва бу мавзуни кўплаб мутасаввиғлар ишлаб чиққанлар. Аммо уларнинг бу мавзудаги фикр-қарашларини Ибн Таймия каби салафия олимлари бошчилигида тасаввубий маънодаги таълим-тарбиядан ўтмаган “уламои русум” ҳазм қилолмаганлар, бунинг устига, қоралаганлар. Мутасаввиғларнинг инсон ва комил инсон хақидаги барча изоҳларидан чиққан натижа қўйидагича: инсон оламнинг яратилиш сабабидир. У оламдаги мавжудотлар орасида энг камолга етганидир. Моддий тузилиши жихатидан оламда мавжуд ҳар унсурдан бир намунага эгадир. Шу хусусияти сабабли инсонга “олами суғро” (кичик олам) дейилади. Оламда охирги яратилган борлиқ ҳам у. Жисмоний тузилишининг асли тупроқ бўлиб, руҳий жихатдан энг аввал яратилгани- инсондир. Унинг руҳи “нафхи илоҳий” (Ҳақнинг ўз руҳидан пуфлаши) билан яратилган, аммо ўлимсиздир. Инсон руҳий жихатдан ашёнинг ҳақиқатини ва илоҳий сирларни англаш қобилияти берилган ягона борлиқдир. У шу жихати билан Аллоҳнинг барча исм ва сифатларига эга. Унинг жамол ва жалол сифатларини инсон ўзида жам этган. Чунки инсон руҳининг келиб чиқиши Ҳақнинг зотидир. Бир муршиди комилнинг тарбияси остида, нафс мартабаларини тамоман босиб ўтиб руҳан камолотга эришган киши, ўзида илоҳий исм ва сифатлар тажалли этган бир ойна ҳолига келади. Аммо инсон икки зид кувват курашиб турган бир борлиқдир. Бу курашда нафсий томони голиб келганлар илоҳий имтиҳонда бой берганлар, руҳий томони ғалаба қозонганлар эса ютганлардир. Шунинг учун инсоннинг вазифаси - дунёга келгунга қадар етти парда билан тўсилган руҳини, нафснинг етти мартабасининг ҳар биридан ўтиш орқали бу пардалардан тозалаб, “комил инсон” бўлишга интилишдир. Буни амалга оширган инсон илоҳий хувияти (моҳияти)ни қўлга киритган бўлади, Аллоҳнинг ер юзидаги халифасига айланади. Сўфийлар таълимотига кўра, инсон шариат қоидаларига амал қилиш орқали жаннатга эришади; тасаввубий маънода руҳ таълим-тарбиясидан ўтиб, “маърифат”га эришса, оламнинг сирлари ва илоҳий ҳақиқатга восил бўлади. Камолотга етган инсоннинг қалб кўзи очилади ва ашёнинг моҳиятига разм солиш, таъсир этиш имконини топади.¹

¹ И.Х. Бурсавийнинг “Китобун натижа” асарида инсон, комил инсон ва инсон-Аллоҳ алоқалари хақидаги қарашлари, Э.Фирот томонидан мухтасар ҳолда жамланган (қаранг: Китабун натижа ва инсон //Ислом илмлари институти

4. БОТИНИЙ ИЛМ (МАЪРИФАТ)

Сўфийлар зохирий илм деган ўқиши, ёзиш ва ўрганиш билан эгалланадиган ақлий ва нақлий илмлар билан бир қаторда, ботиний илмнинг ҳам борлигини тан оладилар. Ботиний илм - тоат-ибодат, зикр, риёзат, мужоҳада, тафаккур, тақво ва хоказолар натижасида Аллоҳ бандасига эҳсон қиласидиган илмдир. Сўфийлар: “...Сизларга барча зохирий ва ботиний неъматларини комил қилиб берганини кўрмадингларми?”¹ оятидаги “ботиний неъматлар” деганда ботин илмини тущунгандар.

Илмнинг зохирий ва ботиний дея бўунишини илк сўфийлардан тортиб бутун мутасавифларгача қабул қиласидар. Сулламий бу мавзуда “ал Фарқ байна илмиш шария вал хақиқа” номли асар ҳам ёзган.² Ибн Арабий инсон билимини ақлий билим ва маърифат дея иккига айирган. Унингча, ақлий билимнинг манбай ақл, маърифатнинг манбай эса нафс (рух)дир. Маърифат Аллоҳга яқинлик хосил қилиш орқали кўлга киритилади ва ақлий билимдан қадрлироқдир. Ақлий билим эҳтимолий маърифат эса аниқ билим бўлиб, илохий манбага асоссланади.³

Зохирий илм - шариат илми, ботиний илм хақиқат илмидир. Биринчиси ўқиши-ёзиш орқали кўлга киритилади (касбийдир), иккинчиси Аллоҳнинг лутфига боғлиқ (ваҳбий)дир. Ботиний илмни меҳнат қилиш, ўқиши-ёзиш орқали эгаллаб бўлмаганидек, риёзат чекмай, тоат-ибодат қиласидай ҳам эришиб бўлмайди. Бу илм хосил бўлиши учун банданинг жидду жаҳди билан Аллоҳнинг ваҳби (хийбаси, бағишлови, сийлови) бирлашмоғи керак. Ҳоллар илми бўлган ботин илми өдоб илми бўлган зохирий илм талабларининг бажарилишидан сўнг Ҳақнинг лутф этиши билан қозонилади. Ривоят илмини ўрганиб, у билан суннатга мувофиқ амал қиласан кишини Аллоҳ дироят (заковат, зийраклик) илмига ворис қиласиди. “Билганига амал қиласанга Аллоҳ билмаганларини ўргатади”⁴ хадиси шунга ишорадир. Зохирий илм билан ботиний илм бадан билан рух кабидир, бирбирини тақозо қиласиди, тўлдиради. Сулламийга кўра, шариатга риоя

мажмуаси, II, Анқ, 1975, 205-219-б. Бу ҳақда қаранг: проф. Сунар Ж. Аллоҳинсон алоқаси. Илоҳ. фак. мажмуаси, XXI, Анқ, 1976, 85-122-б; Сунар Ж. Тасавуф фалсафаси ёки хақиқий фалсафа, 110-140-б.

¹ Луқмон, 31:20.

² Сулаимония кўтубхонаси, АёСўфиё, № 4128, вароқ 139 б, Оташ С. бу рисололани таржими қилиб, нашр эттирган: “Зохир ва ботин илмига доир асар: ал Фарқ байна илмиш шария вал хақиқа”, //Унив, Илоҳ. фак. мажмуаси, XVI-ж, Анқара, 1968, 219-231-б.

³ Афиғий, Ибн Арабийнинг тасаввуф фалсафаси, 98-103-б.

⁴ Абу Нуағиим Анас тан ривоят қиласан. Ажлуний, у.а. II-ж, 265-б. (2542-хадис)

қилмаган хақиқат кофирилик. Зохирга асосланмаган боғин ботил бўлганидек, ботинга асосланмаган зохир ҳам ботилдир.¹

Сўфийлар ботин илмига: маърифат, ирфон, илми ладун, илми ваҳбий, илми асрор, ғайб илми, мавхиба илми, фаросат, илми мукошафа, илми хузурий деб номлар қўйғанлар. Бу илм ё ваҳий, ёки илҳом йўли орқали эгалланади. Яъни ваҳий воситасида пайғамбарларга берилса, сўфийларга илҳом йўли орқали берилади. Сўфийларга хос бўлган маърифат илми тасаввудан ташқаридағи исломий илмларда билим манбаи ўлароқ қабул қилинмаса-да, сўфийлар бу билимга камоли аҳамият билан қаранглар ва шу орқали Ислом тафаккурига кенг уфқлар очиб берганлар.

Ботиний илм эгаллашнинг йўли: тоат-ибодат, зикр, риёзат ва муҳоҳада билан қалбни тасфия (ёмон ахлоқ ва хис-туйғулардан тозалаш) ва тазкия (гўзал ахлоқ ва туйғулар билан безаш) қилишидир. Маънавий разолатдан тозаланмаган қалбда маърифат илми юзага келмайди. Бу илмнинг энг мухим хусусияти тажрибада яшаш, яъни хол илми эканлигидир. Ўқиб-ўрганишгагина боғлиқ эмас.

Сўфийлар хақиқатни идрок этиш хусусида одамлар эгаллаган илмларни қўйидагича тасниф қилганлар:

а) илмал яқин: ақл йўли орқали хужжат-далилга асосланган билимдир. Мурид қалбини зикр қуввати истило этиши билан бир лахзалик пайдо бўлган ва “муҳодара” дейиладиган кашфий билимга ҳам “илмал яқин” дейилади. Илмнинг бу босқичи зохир уламоси билан янги соликларга хос илмдир. Сўфийлар пайғамбарларнинг Жаноби Ҳақдан олиб билдирган шаръий ва диний хукмларни қабул қилиб, охиратга ва Аллоҳнинг сифатларига таалуқли берган хабарларига айнан ишонишни илмал яқин мартабаси сифатида қабул этганлар.² Бу “яқин” илмнинг энг паст даражасидир. “Қусуди тавхид” мартабасидагиларнинг илмий даражалари шудир.

б) айнал яқин: бир нарса хақида далилга эҳтиёж сезмай, идрок эгаси ўлароқ, кашф ва шуҳуд билан айнан кўрмок, шу сабаб бошқаси берадиган хабарга эҳтиёж сезмаслик³ маъносидаги “айнал яқин”да шубҳа йўқ. Кўнгилнинг поклиги ва банда билан ғайб олами орасидағи пардаларнинг кўтарилиши оқибатида хосил бўлган бу илм, мутавассит (ўрта холдаги) соликлар илми бўлиб, “шуҳуди тавхид” мартабасидагиларга хос.

в) ҳаққал яқин: банданинг сифати Ҳақ сифатида фоний бўлиб, илм, шуҳуд ва хол жихатларидан Ҳақ билан боқий бўлишидир. Ҳаз-

¹ Сулламий. ал Фарқ байна илмиш шария вал хақиқа, вароқ 139 б - 142 ʌ, Оташ С. ў.а. 182-б.

² Анқараевий И. ў.а. 204-б.

³ ў.а. 205-б.

рати Али “хаққал яқин”ни бундай таърифлаган: “Хаққал яқин азал тонгидан чиққан бир нур бўлиб, унинг асарлари тавхид ахлининг баданлари устида кўринади”.¹ Бу мартаба “яқин”ни ўйлаш кулфатидан хам кутулиб, хаққал яқинда фоний бўлмоқ, яъни яқин сифатини Ҳақ илмida фоний қилиб, Ҳақнинг илмига, Мутлақ вужуднинг нурига эга бўлмоқдир.² Мунтахий соликларнинг, яъни “вусул” марта-басига эришиб, фано филлоҳ ва бақо биллоҳ мақомларини кўлга ки-ритганларнинг илмидир. Яъни бу илм “вужудий тавхид” марта-басида-гилар илмидир. Илмларнинг энг бебаҳоси ҳам шу. Бу илм эгалари хеч қачон хато қилмайдилар. “Яқин”нинг бу даражаларини шундай мисол билан тушунтирайлик: Каъбатуллоҳни хеч кўрмасдан, бошқалар айтган маълумот орқали у хақда пайдо бўлган билимга “илмал яқин”, шахсан Маккага бориб, Каъбани кўриш орқали олинган билимга “ай-нал яқин”, Каъба ва у ерда қилинган тавоф, ибодатлар замиридаги илохий сирлар хақида Аллоҳ томонидан банданинг кўнглига баҳш этилган билимга “хаққал яқин” дейилади. Мазкур илмларнинг биринчисига “муходара”, иккинчисига “мукошафа”, учинчисига “му-шоҳада” илми дейилади. Булар тартиб билан авомга, хосларга ва хос-ларнинг хосларига оид билим турларидир.³

Сўфийлар “маърифат” деган илм - хаққал яқин туридаги илмдир. Нажмиддин Кубро маърифат ўзи билан муҳаббатни олиб келиши-ни, яъни муҳаббат маърифатга асосланишини таъкидлайди.⁴

Ботиний илми эгалари Мухаммад а.с. нинг илмига ворис бўлганлар-дир. Чунки улар ҳам Расулуллоҳнинг вахий олгани каби илмларини илҳом ўёли билан бевосита Аллоҳдан оладилар. Ўқиб, тинглаб билво-сита илм олганлар илмда унинг вориси бўлолмайдилар. Чунки улар-нинг илмлари орасида моҳиятган фарқ бор. Сулламий бу илмга эга бўлган-лар хақида бундай дейди: “Ҳақиқий олимлар шундай кишиларки, ру-хан гайбнинг ғайбидан, сиррнинг сирридан воқиф бўладилар. Аллоҳ уларга илм денгизидан етарлича берган. Ҳар бир ҳарфнинг замиридаги маъно хазинасини улар очган ва ҳукмини ҳам айтишган”.⁵

Сўфийлар фикрича, ботин илми соҳиблари ғайбдан хабардор бўладилар. Бу эса уларнинг ўзларидаги башарий сифатларини кечиб ўтиб, Ҳақнинг сифатларига эришганлари туфайлидир. Шу боис, улар-нинг ғайбдан хабардор бўлиши “ғайбни Аллоҳдан бошқа хеч ким билмайди” асосига зид эмас. Чунки улар Ҳақнинг кўзи билан кўра-дилар. Унинг илми билан биладилар. Унинг кўзи билан қараганлари

¹ ў.а. 205-б; Айний М. А. ў.а. 248-б.

² ў.а. 205-б.

³ Кубро Н. ў.а. 128-б.

⁴ ў.а. 129-б.

⁵ Сулламий, Ҳақойик, 18а, вароқ; Оташ С. ў.а. 183-б.

боис узоқлик билан яқинлик улар учун бир хил бўлади, моддий тўсиклар ўртадан кўтарилади. Чунончи, Мухаммад а.с.: “Мўъминнинг фаросатидан қўрқингиз, чунки у Аллохнинг нури билан қарайди”¹ деганлар. Аммо бу кишиларнинг файбга оид илмлари чекланган бўлиб, Аллоҳ уларга нимани билдирса, шуни биладилар. Бу улар учун Аллохнинг бир лутфи бўлиб, ўзлари эгаллаган сифат эмас. Шу жихатдан қараганда, файбни билгувчи фақат Аллоҳ экани мълум бўлмоқда.²

5. ВАХДАТИ ВУЖУД (ТАСАВВУФ ФАЛСАФАСИ)

Тасаввуф тарихига назар ташлаганимизда шуни кўрамизки, дастлаб амалий томони кучли бўлган, зуҳд ҳаёти мохиятига эга бўлган тасаввуф, хижрий II-ва III-асрларда назарий шакл ола бошлади. Шундан сўнг тасаввуф фақатгина зуҳд ҳаёти эмас, балки айни вақтда бир дунёқарашга айланади. Машхур сўфийларнинг ёзган асарларида диний, фалсафий ва метафизик масалалар хақидаги қарапашлар қайд этилади. Бу орада тасаввуфга “кашф” ва “илҳом” янги билим манбаи сифатида кириб келди, ашёнинг хақиқатини, Аллохнинг зот ва сифатларини ва шунга ўхшашиб метафизик масалаларни изохлашда энг ишончли билим манбаи деб қабул қилинди. Сўфийларнинг ўз ички тажрибаларига суюниб, бу мавзуларда қилган изохлари мустақил бир тасаввуф фалсафасининг пайдо бўлишига сабаб бўлди. Бу фалсафа аввалроқ изохлаганимиздек, “тавхид” масаласида учта хусусият бор деб талқин этади: а) ваҳдати кусуд: банда ўз иродасини Аллохнинг иродасига боғлаши, ҳар нарсанинг орқасида Унинг иродасини кўришидир. Бунда Аллоҳ-олам иккилиги хақида сўз юритилади. б) ваҳдати шуҳуд: руҳоний (психологик) бир хол сифатида оламда мавжуд ҳар нарсада Аллохни мушоҳада этмоқ. Бунда ҳам Аллоҳ-олам иккилиги бор. в) ваҳдати вужуд: иродада мушоҳадада бўлганидек, борлиқ жихатидан ҳам бирлик қабул қилинган бу босқичда Аллоҳдан ташқари бирон борлиқнинг хақиқатда мавжуд эмаслиги тан олинган. Сўфийларга кўра, бу тушунча “тавхиднинг энг сўнг эришиладиган ва энг мукаммал ҳолидир”.³

Ибн Арабийдан аввалги сўфийлар тавхиднинг бу хусусиятларидан ҳар бирига ишора этувчи сўзлар айтишган. Аммо тасаввуфий тушунчани тавхид ва бошқа мавзуларга доир тартибли бир фалсафа ҳолига келтирган Ибн Арабийдир. У бошқа маданият ва фалсафалардан ҳам фойдаланган холда, барча изохларига диний ҳужжатлар-

¹ Ажлуний, ў.а. I-ж, 41-б. (80-хадис).

² Оташ С. ў.а. 183-185-б.

³ док. Хайри Бўлай. Туркияда руҳпараст ва моддапараст қарапашлар кураши. Ист.: 1967, 171-172-б; Измирли И.Ҳ. ў.а. I-ж. 103-104-б.

дан далил келтириб, қисқача “ваҳдати вужуд” номи берилган тасаввүф фалсафасини ишлаб чиққан.¹ Бу фалсафа кейинчалик тасаввүфа тариқат мухитларида кенг миқёсда қабул қилинган. Шунинг учун Ибн Арабийнинг асарлари бугунга қадар ўз ахамиятини йўқотмай келмоқда, хатто уларга шархлар ҳам ёзилган. Имом Раббонийнинг бу фалсафани танқид қилиб, “ваҳдати шуҳуд” фалсафасини илгари мурishi нақшбандия тариқатидан ташқари бошқа тариқатларга катта таъсир ўтказмаган. Ибн Арабий тасаввүф мухитларида хануз фикрлари ишонарли саналган энг кучли олим бўлиб келмоқда. Энди “ваҳдати вужуд” фалсафасининг асосий хусусиятларини кўриб чиқайлик:

A. ЗОТ-СИФАТ МУНОСАБАТИ.

Ваҳдати вужуд фалсафасини яхши англаш учун сўфийларнинг Аллоҳ ҳақидаги қарашларини яхши билиш керак. Уларнинг фикрича, Аллоҳнинг зот ўлароқ субъектив бир борлиги борки, бу жихатдан У зоти билан қоимдир, бирдир, возибдир, қадимдир, азалийдир; кўпайиш, бўлиниш ва ўзгариш қабул этмайди, шаклий сурати йўқ. Сўфиylар шу жихатдан Унга Мутлақ вужуд, Зоти хувият, Мутлақ Амо сингари исмлар қўйғанларки, ягона ва холис борлиқ демакдир. Аллоҳ бу жихати билан ҳар қандай изоҳ ва таърифдан покдир.² Аллоҳнинг объектив ва борлиқлар олами (муқавванот) билан муносабатли жихати ҳам бор. Аллоҳнинг исм ва сифатлари шу жихатга боғлиқ бўлиб, борлиқ оламида тажалли этмоқда. Коинотдаги ҳар қандай воқелик Аллоҳнинг маълум бир жихатига алоқадордир. “У зот ҳар куни иш-амалдадир”³ ояти бунга ишорадир. Аллоҳ зоти жихатидан борлиқлар оламига нисбатан бир ойна кабидир. Ҳар нарса унда кўринади; исм, феъл ва сифатлари жихатидан ҳам борлиқлар олами У кўринган бир ойна мақомидадир. Борлиқлар олами У билан қоимдир. Демак, Аллоҳ зоти жихатидан ягона борлиқдир ва бутун мавжудотнинг ўзагини ташкил қиласди. Оламда ҳамма нарса Унинг зоти билан қоимдир. Ундан ташқаридаги борлиқлар, Унинг исми, феъл ва сифатларининг тажаллиларидан иборат бўлиб, аслий қоим борлиқлари йўқ. Ҳақиқий вужуд Аллоҳга оиддир. Ортиш ва кўпайиш вужуднинг кўринишларида бўлиб, Ҳақнинг зоти бундан мустасно-дир. Бу фалсафага кўра, Аллоҳ мутлақ Зот эътибори ила Ҳақ; муайян бўлиши жихатидан оламдир...⁴ Шундай экан, Ҳақ оламнинг ботини ва асоси, олам эса Ҳақнинг кўринишидир.¹ Мутлақ вужуд-

¹ Ибн Арабийнинг ўзи бу таъбирни ошкор ишлатмай, ундан кейин унинг фалсафасига бу номни берганлар.

² Эртуғрул И. Ф. Ваҳдати вужуд ва Ибн Арабий, Ист. 1928, 4-6; док. Мухаммад Байроқдор, Ибн Арабийда воқелик ва борлиқ ҳақида тасниф //Анқара уни. Илоҳиёт факултети мажмуаси. №XXV, Анқ, 1981, 349-350-б.

³ Рахмон - 55:29.

⁴ Жумладаги фикрни мажозий маънода тушуниш керак. (тарж.)

нинг бир зотий ва асмойи камоли бор. Зотий камоли - бошқа нарса тасаввур қилинмасдан, Аллохнинг нафсига, нафси учун ва нафси билан зухуридир. Бу зухур муфассал (тафсилотли)нинг мужмалда (мухтасарда) зухури кабидир. Асмойи камоли эса хорижий кўринишида зухуридир. Бу зухур мужмалнинг муфассалда кўриниши кабидир.²

Мутасавифларга кўра, Аллохнинг исем ва сифатлари кўп ва уларнинг ҳар бири Зотнинг мартабаларидир. Унинг зоти, зотига нисбатан эътиборли бўлган бу исем ва сифатлар билан турли суратларда тажалли этади. Аллохнинг беҳисоб исем ва сифатлари бўлиш билан бирга аслий сифатлари еттитадир: хаёт, илм, иродат, тақвиян (ёки қудрат), самий, басар ва қалом. Буларга Аллоҳ камол сифатлари дейилади. Исем зот эътибори билан мусаммонинг айни ўзи, хусусий маъно жихатидан эса ғайридир. Сифат зухур этган пайтда исем бўлади. Яъни, сифат исмнинг ботини, исем сифатнинг зохиридир. Зот эса сифатнинг ботини, сифат эса зотнинг зохиридир. Исем ашёнинг ботини, ашё эса исмнинг зохиридир. Шунга кўра, Зот ўз навбатида сифат, исем ва ашё шаклида тажалли этмоқдадир. Илоҳий исмларнинг кўпи Зотга, сифатга ва феълларга оид маъноларни ўзларида жамъ қиласидилар. Масалан, Раб исми событ, малик, муслих маъноларини ўз ичига олади. Буларнинг биринчиси Зотга, иккинчиси сифатга, учинчиси эса феълга оиддир.³

Яна мутасавифларнинг айтишларича, Аллохнинг хаёт, илм, иродат, қудрат каби сифатлари ҳам маҳлуқотда мавжуд. Аммо бу сифатлар Жаноби Ҳақда мукаммал экан, маҳлуқотда уларнинг қобилиятига кўра фарқли, нисбий даражалардадир. Сувнинг асли бир бўлгани ҳолда жойлашган жойига қараб ширин, чучук ва ҳоказо бўлгани каби.⁴

Ваҳдати вужудда тавхиднинг уч мартабаси эътироф этилган:

1. Тавхиди афъол: бу мартабада ориф-инсон, малак ва шайтондан содир бўлган феълларни мосивога эмас, Аллоҳга нибат этади. Бу ваҳдати қусудга зид келади. 2. Тавхиди сифат: орифнинг барча сифатларни мосивога эмас, Аллоҳга нисбат этишидирки, бу ҳам ваҳдати шуҳудга зид келади. 3. Тавхиди зот: борлиқ сифатида фақатгина ёлғиз Зот (Аллоҳ)ни ва Унинг турли мартабалардаги тажаллиларини кўрмоқ, шу аснода мосиводан “борлиқ”ни сургун қилишдир.⁵ Бу эса ваҳдати вужуддир.

¹ Эртуғрул И. Ф. ў.а. 5-б.

² ў.а. 26-б.

³ ў.а. 27-28-б.

⁴ док. Бўлай Х. ў.а. 256-257-б.

⁵ Эртуғрул И. Ф. ў.а. 32-б.

Тавхиднинг бу мартабалари ҳолга алоқадор бўлиб, ориф рухи камолга эришгани сайин буларнинг хар бирини навбатма-навбат завқ орқали идрок этиб камоли нихоясига етганида тавхиди зот мартабасига эришади.

Б. АЛЛОҲ-ОЛАМ МУНОСАБАТИ

Иbn Арабийнинг фикрича, коинот илохий севги ва зотий ишқнинг¹ зарурати сифатида шахси аниқ борлиқлар ҳолида зот жиҳатидан ягона борлик бўлган Аллоҳнинг тажаллисидан бошқа бир нарса эмас. Бу эса оламда исм ва сифатлар билан борлиқдан борлиққа ўтиш, доимий ва хар лаҳза янгиловчи хусусияти бўлган бир воқеликни ифодаламоқда.²

Унингча, оламдаги турланиш ва кўпайиш мутлақ номаълумлик мартабасидаги Зоти аҳадиятнинг “борлик” миёсидаги кўринишидан иборатдир. Аллоҳ зоти жиҳатидан азалда бор эди ва Ўзи билан бирга ҳеч нарса йўқ эди. Аммо У илохий исмларини ўзида мушоҳада этишни тилади. Чунки қудратсиз Қодир, ризқсиз Рazzоқ... сифатлари маъносиз ва қиймати йўқдир.³ Шунинг учун зот мартабасидан, турли босқичлардан ўтиб, борлиқлар оламини яратди. Шундай қилиб, уларни ўзига ойна қилди, ўз камолини ва жамолини томоша қилди. Ибн Арабийнинг фикрича, коинот Аллоҳдан чиққан, аммо Аллоҳ билан айнан бир моҳиятда эмас. “Мумкин” борлиқлар олдин йўқ бўлиб, кейин Аллоҳдан содир бўлгандир. Бироқ бу, парчанинг бутундан ажралиши каби, бир ажралиш билан пайдо бўлиш эмас. Шундай бўлса эди, булар борлиқдан борлиққа чиққан ва азалда ўз-ўзи билан қоим бир борлиққа эга бўлган бўлардилар.⁴

Ибн Арабийга кўра, Аллоҳ оламни ға бутун яратиқларни қандай шаклда яратишни азалий илми билан биларди. Бу илмни бошқасидан олмади. Чунки ўзидан бошқа бир борлик йўқ эди. Шундай экан, оламдаги мавжуд ҳамма нарса яратилмасдан аввал Унинг азалий билимида билқувва мавжуд эди. Аллоҳнинг зоти каби бу хусусдаги билими ҳам ўзининг бир сифати ўлароқ қадим ва азалийдир. Махлуқот яратилишидан олдин Аллоҳнинг азалий илмидаги шаклга “аъёни собыита” дейилади.⁵ Ибн Арабий фикрича, аъёни собыита, яъни Ал-

¹ “Яширин бир ҳазина эдим...” хадиси қудоийни эслаш керак.

² док. Байроқдор М. ў.а. 351-352-б.

³ Ибн Арабий, Футухотил Маккия, I-ж, 155-б.

⁴ Оташ С. ў.а. 101-б.

⁵ Сайид Шариф Журжоний “аён-и собыита”ни бундай таърифлаган: “Аён-и собыита, илм-и илохийда мумкинотнинг тан олинишидан иборатдир. У илохий исмларга оид ҳақиқатларнинг суратларидир. Аён ва арвоҳ, соя шаклидаги бир вужуд билан мавжуддир”. “Таърифот”, Ист.: 1300, 19-б; Бу ҳақда яна қаранг: Сунар Ж. ў.а. 49-51-б; Афиғий. Ибн Арабийнинг тасаввуф фалсафаси, 56-60-б.

лохнинг илмида мавжуд бўлиши жихатидан олам қадимдир.¹ Оламда яхши-ёмон, зулм-марҳамат, зулмат-нур сингари бир-бирига зид нарсаларнинг борлиги ҳам бир илохий хикматга асосланади. Бу зиддиятлар соясида Аллохнинг ҳам жамол сифатлари, ҳамда жалол сифатлари тажалли этмоқдадир.²

Ҳақиқий вужуд бир бўлиши билан бирга оламдаги тажаллиларнинг ва маҳлуқотнинг бир-биридан фарқли бўлиши маҳлуқот қобилиятларининг фарқлилигидандир. Аллоҳ бир маҳлуқини қайси қобилиятда тақдир этган бўлса, у шу тарзда вужуд топади ва Зоти Илохийни ўз қобилиятига кўра акс эттиради. Буни шуңдай тушуниш мумкин: деворларида қінғир-қиёшиқ ҳолда кўпгина ойна осилиб турган бир хонага кирган киши, ҳар бир ойнада фарқли шаклларда кўринади. Ҳолбуки, кишининг ўзида ўзгариш ва камчилик йўқ.³

Ваҳдати вужудчилар Аллоҳ-олам муносабатини изоҳлар экан, борлиқлар оламини қай тарзда яратилгани хақида “ваҳдати вужуд” назариясига ўйғун тарзда шарҳлар келтиришган. Уларнинг фикрларича, оламнинг яратилиши бир неча мартабалардан ўтиб рӯёбга чиққан. Бу яратилиш мартабалари “ҳазароти ҳамса” (беш илохий ҳазрат), “таназзулоти саб’а” (етти руҳий эниш) дея номланиб, ба-тафсил изоҳланган. Энди унинг асосларини кўриб чиқайлик:

A. Таназзулоти саб’а.

1. Ла таъаййун мартабаси: Ҳақ вужуди бу мартабада ҳар қандай чекланишдан йироқ. Шунинг учун бу мартабага “ахадият”, “мутлақ гайб”, “итлоқ”, “мутлақ амо”, “вужуди маҳз” (фақатгина вужуд), “уммул китаб”, “ғайбларнинг ғайби”, “зоти илохия” каби исмлар берилган. Бу мартаба Аллохнинг зот мартабасидир. Унинг зоти эса асло билинмайди. Бу мартабада Унинг исми Аҳад. Жаноби Ҳақ бу мартабада ҳануз исм ва сифатлар мартабасига тушмагани учун, барча исм ва сифатлари Зоти улухиятида йўқ эди. Бу мартабада бутун нисбат ва ходисалар фақат Зотнинг ўзидир.

2. Илк таъаййун мартабаси: бу мартаба Зоти илохийнинг борлиқ сахнасига нузул қилиш жихатидан ilk ҳаракатини ифодалайди. Аллоҳ бу мартабада Зотини, сифатларини, исмларини ва бутун мавжудотни бир-биридан ажратмай, ижмолий ўлароқ билади. Бу ерда воқеликнинг ilk бошланиши хақида гап кетаётти. Бу мартабага “ваҳдат”, “мутлақ ваҳдат”, “Ҳақиқати Мухаммадия”, “хувият”, “мутлақ

¹ Ибн Арабий, ў.а. I-ж, 153-154-б.

² Кўнёвий Садриддин. Ижозул баён, 109^б вароқ, (Кўнё, Юсуф оға кутубхонаси, №7)дан С. Оташ, ў.а. 100-101-б.

³ Эроидин С. ў.а. 125-б.

* таъаййун - юзага келиш, пайдо бўлиш, ошкор бўлиш, маълум бўлиш маъноларини билдиради.

илм” каби номлар берилган. Бу мартабада У - “Аллох” - Жамил исми билан номланган.

3. Иккинчи таъаййун мартабаси: бу мартабада Аллох, Зотини, сифатларини ва мавжудотини бир-биридан ажратган ҳолда (тафсил) билади. Бу мартабада илм суратлари бир-биридан бўлак бўлганидан ва бу суратлар илохий сифатларнинг суратлари бўлганидан, уларга “воҳидият”, “аъёни событа” ва “хақиқати инсония” дейилади. Бу суратлар имкон доирасида борлиқларнинг хақиқатлари ва таянчларидир. Илк таъаййун мартабаси бу мақомнинг ботини, бу эса унинг зохиридир.

4. Рухлар олами мартабаси: Бу мартаба Зоти Илохийнинг латифлигини бир даража йўқ этишидан иборат. Бу мартабада ҳар бир рух ўзини, ўз мислини ва ўзининг бошланиши бўлган Ҳақни ўраб олган. Бу мақом эса иккинчи таъаййун мартабасининг зохири, у эса бунинг ботинидир.

5. Мисол олами мартабаси: Бу мартаба ҳали парчаланиш ва ажралашни билмайдиган латиф мураккаб ашёдан иборат. Бу мартабада рухлар оламидаги ҳар нафар жисмлар оламида шаклга киради. Бу мартабага “хаёл олами” ҳам дейилади.

6. Шаҳодат олами мартабаси: Бу мартаба жисмлар олами бўлиб, парчаланадиган ва ажраладиган қаттиқ ва қоришиқ ашёдан иборат.

7. Шу ергача айтилган барча мартабаларни ўзида жо этган “Мартабай жомиа” мартабаси бўлиб, бу мартаба инсондир. Инсон хоҳ нуроний (латиф) бўлсин, хоҳ моддий (қаттиқ) бўлсин, барча мартабаларни ўзида жам этган. Аммо бу ерда айтилаётган инсон сўфийлар англаган маънодаги Инсони Комилдир. Исми Аъзам қандай қилиб Аллохнинг барча исмларини ўзида мужассам этган бўлса, инсони комил ҳам бутун оламларни ўзида жам қилган.¹ Комил инсон билан Аллохнинг исм ва сифатлари мукаммал зухур этган ва бошда айтганимиз илохий иродга амалга ошгандир.²

Бу етти мартабадан илк учтаси вужубий ва ғайбий тажаллилари, қолган тўрттаси эса имконий ва шуҳудий тажаллилардан иборат. 4, 5, 6-мартабалар навбатма-навбат руҳий, мисолий ва жисмоний таъаййун (юзага келиш) ва тажаллилардир. Жисмоний тажаллилар кўриниб турган оламга тааллуқлидир.³

¹ Юқоридаги комил инсон мавзусига қаранг.

² Эртуғрул И. Ф. ў.а. 15-20-б; Кам Ф. Вахдати вужуд, 115-116-б; Кўнук А. А. Фусусил хикам, тарж. ва шархи, 4-68-б; Х.Бўлай, ў.а. 257-260-б; Ж.Сунар. Тасаввуф фалсафаси ё хақиқий фалсафа. 48-75-б; Я.Н. Ўзтурк. Куръон ва суннатга кўра тасаввуф. 355-356-б.

³ Арвосий А. Риёзут тасаввуфия, 153-б.

Баъзилар бу мартабаларни “хазароти хамса” (беш ҳазрат) номи билан бешта деганлар. Юқоридаги етти мартабадан иккинчи ва учинчи ҳамда олтинчи ва еттинчи мартабаларни биттадан мартаба хисоблаб, қўйидагича санаб чиққанлар: 1. Ахадият, 2. Воҳидият, 3. Арвоҳ, 4. Мисол, 5. Шаходат. Баъзилар бу мартабаларни тўрттага ҳам туширганлар: 1. Лоҳут, 2. Жабарут, 3. Малакут, 4. Носут. Булардан Лоҳут юқоридаги Ла таъаййун, жабарут илк таъаййуннинг; малакут иккинчи тааййун, руҳлар олами ва мисол оламининг; Носут эса шаходат олами ва инсони комил мартабаларининг ўрнини босмоқда.¹ Аслида мазкур таснифлар тамоман нисбийдир. Чунки, “вужуд”нинг мартабаларини маълум саноқлар билан чеклаш тӯғри эмас.² Чунончи, Абдулкарим Жилий “Маротибул вужуд” асарида бу мартабаларни кирқтага қадар етказган.³

Бу ерда қўйидаги жихатни унутмаслик керак: юқоридаги мартабалардан ўтиб борлиқ сахнасига чиққан Зоти Улухиятнинг исму сифатларининг мукаммал зухур этиш, фитрий жихатдан барча мартабаларни ўзида жам этган инсоннинг хақиқий нафс ва рух тарбиясидан ўтиб “комил инсон” даражасига эришмоги ила амалга ошади. Шунинг учун бу мартабаларга “сайри нузулий” (тушиш сайри) дейилади. Инсон моддиятнинг панжасидан қутулиб, илоҳий хувиятига қайта эришуви, яъни “комил инсон” бўла олиши учун босиб ўтган нафс мартабаларига эса “сайри уружий” (юксалиш сайри) дейилади. Чунки, сайри нузулийда латифликдан қаттиқликка, руҳийликдан моддийликка қараб ўтиш ҳақида сўз юритилса, сайри уружийда моддийликдан илоҳий ҳақиқатга юксалиш бордир. Шу жихатдан қараганимизда, айтиш мумкинки, сайри нузулийдан мақсад - инсоннинг яратилиши бўлса, инсондан мақсад сайри уружий орқали “инсони комил” мартабасига эришмоқдир. Шундай қилиб, давр тамомланган ва илоҳий иродада амалга ошган бўлади.

Кўриниб турибдики, Аллоҳ ҳақида “зот” ва “сифатлар”ни ажратган каломчиларнинг нуқтаи назарлари билан вахдати вужуд тушунчасидаги мутасаввифнинг қараши орасида қафта фарқ бор. Сўфийлар бу қарашларини оятларга асоссламоқда, айниқса, Аллоҳ исмини Куръонда “зот”, “улухият” ва “рубубият” маъноларida ишлатилга-

Кўнук А. А. ў.а. 67-6.
ў.а. 67-6.

«Мактабатул жандий» Қоҳира, йили кўрсатилмаган, 12-42-6; Еттилик тасниф илк марта тахминан Жамолиддин ал Ҳиндий (1619м. й.в.э.) томонидан “ат Туҳфатул мурсала илан набий” деган асарда ёзилган. Бу асарнинг вужуд мартабаларни ҳақидаги қисмини Эртуғрул И. Ф. мазкур асарида (15-20-6) шарҳ қилган, “ат Туҳфа”ни Абдулғани Наблусий “ал Қавлул матин фи баёни тавхидил арифин” номли асарида шарҳлаган (Қоҳира, санасиз).

ни боис, оятларни шунга далил келтирмоқдалар. Табиийки, Ибн Арабий бошчилигидаги сўфийларнинг изохлари, зохир уламоси томонидан қаттиқ қаршиликка дуч келди.¹ Шу билан бирга, вахдати вужуд тушунчаси Ислом фалсафасига айрича жонлилик баҳш этиб, уни бойитди. Чунончи, усмонли давлатининг охирги олимларидан И. Фаний Эртуғрул, Фарид Кам, Шеҳбендерзода Филибали Аҳмад Ҳилмий, Мехмед Али Айний ва Аҳмад Авни Кўнук кабилар моддапараст тушунча ва ғарб файласуфларига қарши Исломни муваффақият-ла химоя қилас экан, кўпроқ вахдати вужуд фалсафасидан фойдаланганлар.²

Вахдати вужуд фалсафасининг энг буюк намояндаси бўлган Ибн Арабий Аллоҳдан бошқа борлиқни қабул қилмаган. Унингча, олам хам, юқорида изохланганидек, Аллоҳ сифатларининг тажаллисидан иборат бўлиб, унинг борлиғи Аллоҳнинг борлиғи билангина қоимдир. Оламнинг борлиғи соядангина иборат.³ Яъни, олам нисбий борлиқ бўлиб, вахм ва хаёлдан иборат. Соя эса ўзининг сабабчиси бўлган борлиқнинг вужудидан бошқа бир вужудга эга эмас. Шу вожхдан мутасавифлар ашёнинг хис ва ақлимизга нисбатан кўриниб турган борлиғига “соя борлиқ” деганларки, бу вахмий ва хаёлий борлиқ демакдир.⁴

Ашё хар лахза ўзгариб тургани холда бизнинг сезгиларимиз бу ўзгаришларнинг фарқига боришдан ожиз. Масалан, бир инсоннинг ёшлиги билан кексалиги орасидаги ўзгаришни сезиш жуда қийин, чунки ўзгариш хар лахза содир бўлади. Қор, муз, буғ - хаёлий нарсалар бўлиб, улар сувнинг вужудидан бошқа нарса эмас. Улар турли шароитларда хар хил шаклларга кирган бўлади, холос. Қор, муз ва хоказоларнинг хаёлий воқелиги шундаки, улар фақатгина зехнда мавжуд нарсалар эмас, балки сезгиларимизга нисбатан хақиқатда мавжуддирлар. Фақатгина зехний борлиқлар бўлса эди, улар хаёл қилганинг йўқ бўлиши билан улар хам йўқ бўлган бўлардилар. Ҳолбуки, қор, муз ва хоказолар шароит ўзгариб, сувга айланмагунларича доимдирлар ва зохиран мавжуддирлар. Қор бизни совуқоттиради. Муз юқоридан устимизга тушса, бошимизни ёради. Шундай экан, буларни хаёлий дейиш, хақиқатни инкор қилиш демакдир. Мутасавифларнинг ашёни хаёл ва вахм деганлари, ашёнинг сезгиларга нисбатан борлигини эътибордан узоқлаштириб,

проф. Мустафо Таҳрари. Фусусиля хикам шарҳи ва вахдати вужудга доир бўйзи масалалар. Кўнук А. А., ў.а. XLVII-6.

¹ Бу хақда қаранг: Х. Бўлтайн, ў.а.

² Ибн Арабий, Фусусиля хикам, тарж. Генчусмон, 73-74-6.

³ Эртуғрул И. Ф. ў.а. 8-6.

коинотда тажалли этиш ила бирга зот жихатидан ўзгармайдиган Ҳақнинг вужудидан бошқа бир нарса сифатида кўрмасликларидандир. Шундай экан, олам сезгиларга ва уларга бўйсунган ақлга кўра - хақиқий, басират кўзига кўра - хаёлийдир. Софистларга кўра, ашёнинг хақиқати бор, бу эса уларда тажалли этаётган Аллохнинг борлиғидан иборатдир.¹ И. Фанний Эртуғрул, мутасавиифларнинг ашёнинг хаёлий эканига доир қадимдан олға суриб келган ёяларини бутун Оврупо табиатшунос олимлари хам тасдиқлаганларини айтган ва бунга намуналар хам келтирган.²

ВАХДАТИ ВУЖУДНИНГ ФОЙДАЛАРИ.

Вахдати вужуд фалсафасини хар тарафлама ўрганган И. Фанний Эртуғрул бу фалсафага ошно бўлиш - кишига қўйидагича фойдалар беришини айтади: 1. Инсон бу фалсафа туфайли ўзининг илоҳий сифатларга эришганлигини кўради ва хақиқий баҳосини англайди. Ўзини танигач, Парвардигорини хам танийди-билади. 2. Бу билими орқали яширин ширкдан хақиқий тавхидга эришади. 3. Тавхидда камолотга эришгани боис, ибодатларида “ихлос” пайдо бўлади. Сўфийларнинг қалбий кашфлари хам аслида шу ихлоснинг натижасидир. 4. Бу фалсафанинг фазилатларини фахмлаган кишига муташобих (тушунилиши қийин) оятларнинг маъноси аён бўлади. 5. Вахдати вужуд билан инсон Аллохнинг буюклигини ва ўзининг ожизлигини идрок этади. Махлуқотга Ҳақнинг тажаллилари дея боқади ва уларга раҳму шафқат ила муомала қиласиди. 6. Вахдати вужудга ишонганлар, Аллохнинг бирлигини исботлашга уринмайдилар, чунки Ундан бошқа борлиқни бор деб қабул этмайдилар. 7. Вахдати вужуд муроқабасида давом этиш - Аллоҳга эришмоқ учун энг қулай ва қисқа 1.улдир. 8. Бугун вахдати вужуд моддапарастлар билан табиат олимларининг фикрларини рад қилиб, уларни ишонтироқ учун энг уйғун фикр тизимиdir. 9. Вахдати вужудни англаган киши Аллоҳ исм ва сифатларининг тажаллиси бўлган табиатни таниш йўлида янада кўпроқ гайрат қиласиди. Чунки Аллохнинг зоти маълум эмас. У фақат исм ва сифатлари билангина маълум. Табиатни тадқиқ этиш хам инсонни дунёда ва охиратда саодатли қиласиди.

И.Ф. Эртуғрул вахдати вужуднинг ушбу фойдаларини айтгач, бу фалсафани яхшилаб тушунган киши унинг Исломни йўқ қиласидиган бир эътиқод эмас, аксинча хақиқий тавхид эканини англаши, аммо уни хар ким ҳам тушунолмаслиги, шу сабабдан вахдати вужуд хос кишиларга оид бир эътиқод экани, авом аҳли уни нотўғри тушунив, шариатга зид иш содир этиб қўйиши мумкинлигини, шунинг

¹ ў.а. 10-6.

² ў.а. 11-12-6.

учун авом ахли ақоид китобларида қайд этилганидек, “Аллоҳ ма-
кондан мунаzzah (холи)дир” деб фақат ибодатлари билан машғул
бўлиши лозимлигини таъкидлаган.¹

Г. Ваҳдати вужуднинг танқиди.

Илк сўфийларда юқорида айтилган тарзда ваҳдати вужуд эътиқоди мавжуд эмасди. И.Ф. Эртурул Боязид Бастомийни, Жўнайд Бағдодий ва Абдулқодир Гилоний каби мутасавифларни ваҳдати вужудга хам-
фикр деб исботлашга уринса-да, бу мутасавифларнинг Ибн Арабий каби ваҳдати вужуд эътиқодида бўлмаганликларини Никольсон ва Массигнон сингари тадқиқчилар кўрсатиб беришган.² Мансур Халлож хам шулар қаторидадир.

Илк сўфийлар Фарб ва Шарқ фалсафалиридан таъсиранмаганлар. Зотан улар фалсафани хушламай зоҳидона яшашга кўпроқ аҳамият берганлар. Фалсафий асарларнинг таржима қилиниб, Ислом жамиятларida тарқалганидан кейингина мутасавифлар бу фалсафалардан таъсиранланганлар. Нихоят Ибн Арабий Фарб ва хинд фалсафасини ўрганиб, баъзи мавзуларда улардан фойдаланган ҳолда, ваҳдати вужуд деган тасаввуф фалсафасига асос соглан. Ваҳдати вужудга қарши чиққанлар уни пантеизмда айблаганлар. Ҳолбуки, пантеизм билан ваҳдати вужуднинг ўҳашаш томонлари кўп бўлса-да, аслида бир-биридан батамом ўзгача тизимлардир. Пантеизмда Аллоҳ билан ашё бир деб қабул этилса, ваҳдати вужудда бундай эмас, балки зот жихатидан Аллоҳнинг ҳамма нарсадан алоҳида ва ягона борлиқ экани, мосивонинг эса Унинг исм ва сифатларининг тажаллиларидан иборат бўлиб, зотий борлиқлари йўқлиги илгари сурилган. Мосивонинг борлиғи йўқ экан, “хулул” (эврилиш) ва “иттиход” (бирлашиш)дан сўз очишнинг ҳожати йўқ. Буларнинг бўлиши учун бирдан ортиқ борлиқ бўлиши керак. Пантеизм Исломдаги “Ваҳдати мавжуд”, “вужудия”, “вужудийлик” таъбирларига тўғри келади. Пантеизм билан ваҳдати вужуднинг бошқа-бошқа эканини И.Ф. Эртурул “Ваҳдати вужуд ва Мухйиддин Арабий”, Фарид Кам эса “Ваҳдати вужуд” асарларида исботлашга уринганлар. “Маснавий” ва “Фусусиҳ хикам”ни шарҳлаган А.А. Кўнуқ эса бу икки фикр тизими орасидаги фарқларни аниқлаган.³ Жўмладан, унинг айтишича, шарқшунослар бу икки фикр тизимини бир хил деб қабул қилиб, хато қилганлар. У Ибн Арабийнинг “Футухот”ида ўрин олган “Поклаймон ул зотники, ашёни изҳор этди, ҳолбуки у зот ашёнинг ўзидир” жумласини, яна “Футухот”дан олинган “У зоти Ҳақ зуҳур-

¹ ў.а. 96-99-б.

² Оташ С. , ў.а. 115-116-б.

³ Кўнуқ А. А. Маснавий шарҳи, Муқаддима. 25-27-б; М. Тахрари, ў.а. LXIII - I.XIII бет.

да ҳамма нарсанинг ўзири. Уни поклайманки, ашёнинг зотларида ашёнинг ўзи эмас. Балки У Удир ва ашё ҳам ашёдир” жумлалари билан изохлагач, бундай дейди: “Шарқшунослар бу сўзларни тушунмасдан, уларни вужудия файласуфлари деб ўйлайдилар. Нафакат шарқшунослар, балки мадрасаларда йиллаб Қуръон ва хадисдан дарс олган домлалар ҳам бу сўзлардаги назокат-хикматни англашга ожизлик қилганлар”.¹

Бу масалада пантеизмнинг ақл маҳсули бўлган бир фалсафа эканини, ҳолбуки ваҳдати вужуд ақлий далил билан эмас, қалбий мушиҳада, завқ ва ҳол билан эришилган бир “ирфон” бўлиб, ақлий бир назария эмаслигини доимо назарда тутиш керак. Яъни, ваҳдати вужудга эришмоқнинг йўли ақлий ва китобий эмас, сайру сулук натижасида “фано” мартабасига эришмоқдир.²

Ваҳдати вужуднинг намояндлари бу масала устида тўхталар экан, унинг “хулул” ва “иттиход” каби ботил тушунчаларга алоқадор эмаслигини баён этганлар. Жалолиддин Румий бир рубоийсида буни шундай тушунтиради: “Банда ўзидан “фонии мутлақ” бўлмагунича тавхид унинг наздида амалга ошмайди. Тавхид, Ҳақнинг банда вужудига кириши эмас, балки сенинг мавхум вужудингдан йўқ бўлишингдир. Акс ҳолда беҳуда сўзлар билан ботил Ҳақ бўлиб қолмайди”.³ Чунончи, “Футухоти Маккия” бўйича жуда жиддий тадқиқот олиб борган проф. Н. Каклик ҳам Ибн Арабийнинг мавзуга алоқадор бавзи сўзларини нақл этгач, “Таносух, хулул ва иттиход каби мавзуларда Ибн Арабий хеч қачон тухматга лойиқ эмас. Чунки (Исломга тўғри келмагани учун) ўзи ҳам бу назарияларни рад этган”, дейди.⁴

Аллома Жалолиддин Сийутий ҳам сўфиylар “ваҳдати вужуд” назариясини хулул ва иттиход сифатида баҳоламасликларини, унинг хақиқий тавхид эканига ишончи комил эканини айтган. Тадқиқотчи Мөхир Из эса Сийутийнинг “ал Ҳавий лил фатово” асаридан ушбу сўзларни нақл этган: “Баъзи сўфий муҳаққиқларнинг сўзлари орасида иттиход сўзига дуч келасиз. Бу ердаги иттиход лафзи тавхид хақиқатига ишоратдир. Тавхидда муболағадир. Асосан тавхид - воҳидни ва аҳадни билишдир. Йўлдан адашганлар бу маънони англамайдилар. Иттиходни хулул маъносида англаганларнинг фикри ақлан, шаръян, урған рад қилинган-лаънатлангани каби, анбиё, авлиё ва машойихи сўфиянинг ва ҳоказо уламонинг ижмол (хулоса-қарор)и бирла ҳам мардуд-лаънатлангандир. Бу мардуд сўз фақатгина галаёнчи тоифанинг, яъни илмга асосланмаган ва Вожиб таоло ҳақида мұ-

¹ Кўнук А.А., ў.а. 27-28-6.

² Таҳрари М., ў.а. LXIII - LXIV-бет.

³ Кўнук А.А., ў.а. 27-6.

⁴ Каклик Н., Футухоти Маккия, II-ж. (бўлим А), 76-77-6.

каммал бир фикри бұлмаган, күр-күрона билимiga сұянағынан гурухнинг ҳақиқати илмия олдида айтған қийматсиз сўзларидан иборатдир".¹

Ибн Арабийдан кейин ваҳдати вужуд фалсафаси күпчилик томонидан тан олинди, "Фусусил хикам" кўп мароталаб шарҳ қилинди, бу назария тўғрисида қанчадан-қанча китоблар битилди. Шу билан бирга бу назарияни билиб-бilmай рад этганлар хам кўпчиликни ташкил этади. Бу назариянинг энг эски ва энг кучли душмани Ибн Таймия (м. 1328й. в.э.) бўлиб бу мавзуга ўз муносабатини "Ибтолу ваҳдати вужуд", "Ҳақиқату мазхабил иттиҳадийин ва ваҳдатил вужуд" каби рисолаларида билдирган. И.Ф. Эртуғрул ўзининг "Ваҳдати вужуд ва Муҳиддин Арабий" асарида Ибн Таймиянинг танқидларига жавоб берган.² Ибн Таймиядан бошқа баъзи олимлар хам ваҳдати вужудга қарши чиққанлар. Қуйида уларнинг исм ва асарлари рўйхатини хавола этамиз:

1. Аҳмад Носирий (1412м.й.в.э.): "Фасоду ақидати Ибн Арабий".
2. Мухаммад Алоуддин Бухорий (1438м. й.в.э.): "Фазийхотул мулхидин ва насиҳатул муваххидин" (Бу асар Саъдиддин Тафтазонийга нисбат этилган).³
3. Мансур ибн Ҳасан Қозируний (1456м.й.в.э.): "Хужжатус сафаратил баара алал мубтадиатил фажаратил кафара фи нақдил Фусусил Ибн Арабий".
4. Бурхониддин Иброҳим Букоий (1480м.й.в.э.): "Тахзирул ибад мин ахлил инад би бидъатил иттиҳад" ва "Танбиҳул ғобий ало такфири Ибн Арабий".
5. Иброҳим Ҳалабий (1545м.й.в.э.): "Ниъматуз зария фи нусратиш шария" (туркча).
6. Мухаммад ибн Бадруддин (1768м.й.в.э.): "Ар радд аъла Ибн Арабий".
7. Алиййул Қори (1605м.й.в.э.): "Фаръул авн муддаи имани Фиръавн".⁴
8. Ибн Ҳолдун (1405м.й.в.э.): "Шифоус соил ли тахзибил масоил".
9. Мустафо Сабри: "Мавқифул ақли вал илми вал олам" (тўрт жилдлик бу асарнинг учинчи жилдидаги ваҳдати вужуд кескин қораланган унга қарши ваҳдати шуҳуд химоя қилинган). Миср, 1950.⁵

¹ Из М. , ў.а. 251-б.

² Эртуғрул И. Ф. ў.а. 231-252-б; Бу ҳақда қаранг: М. Кара, Ибн Таймийяга кўра Ибн Арабий, Бурса, илмий иш, 1980.

³ Эртуғрул И. Ф. ў.а. 101-102-б; Тафтазонийга нисбат қилинган бу асардаги танқидларга Эртуғрулнинг жавоблари учун: ў.а. 101-106-б.

⁴ Алпиййул Қорининг ваҳдати вужуд ҳақидаги танқидларига Эртуғрул батағсил жавоб берган: ў.а. 167-231-б.

⁵ Кара М. Тасаввуф ва тариқатлар тарихи, 243-244-6.

Усмонли давлатининг сўнгги паллаларида вахдати вужуд назариясини химоя қилганлар бўлганидек, уни қораловчилар хам чиққан: олмалилик М. Ҳамди Ёзир¹ билан измирилик Исмоил Ҳаққийни бунга мисол келтириш мумкин.

Вахдати вужуд баъзи мутасавифлар томонидан хам ганқид қилинган. Масалан, бу назарияга тарафдор бўлган Абдураззоқ Кошонийга қарши ўлароқ, унинг замондоши, машхур муфассир ва мутасавиф Алоуддавла Симоний бу назарияни “куфр” деб қабул қилган ва тасаввуфда охирги мартаба - бандаликдир, деган.² Ахмад Руфоий “ал Бурхонул муайяд” асарида бундай лейди: “Ҳалложнинг “Мен Ҳақман” деганини нақл қиласлар. Вахми билан хато қилибди. Агар Ҳақ узра бўлганида эди “Мен Ҳақман” демаган бўларди. Вахдати вужудни эслатувчи бир шеърни унга бағишлаганлар. Вахми уни холдан холга сурдаган. Яқинлиги ортиб, аммо кўркуви ортмаган киши тузоққа тушади. Бундай сўзлар сўзлашдан ўзингизни тийинг. Чунки бундай сўзлар ботилдир.”³

Айрича, нақшбандия тариқатининг асосчиси Баҳоуддин Накшбанд Ибн Арабийнинг фикрларини тан олган ва “Рисола фи вахдатил вужуд” асарида бу назарияни ёқлаб чиққан.⁴

Ибн Арабийнинг вахдати вужуд фалсафасини энг жиддий ва тизимили равища танқид қилган Имоми Раббоний (1624м.й.в.э.) бўлиб, бу назарияга қарши ўзининг вахдати шухуд ғоясини илгари сурган. Энди вахдати шухуд ҳақида хам қисқача тўхталамиз.

Д. ВАХДАТИ ШУХУД.

Вахдати вужуд назариясида, оламдаги борлиқларга “вужуд” дея нисбат бериб бўлмайди, улар бир соядек борлиқлар бўлиб, ягона ҳақиқий вужуд-Ҳақнинг вужудидир, борлиқлар олами (муқавванот) ни Ҳақдан бўлак мустақил “вужуд”лари йўқ, хуллас, вужуд хусусида Аллоҳ-олам дея ажратилмайди, олам - Аллоҳнинг исм ва сифатлари тажаллисидан иборатдир, деган ғоя асосдир, биз буни юқорида кўриб чиққандик.

Имоми Раббонийнинг “вахдати шухуд” назарияси хам бу назарияга ўхшашлиги билан бирга ўзак масалада ундан айричадир. Имоми Раббоний отасининг изидан бориб, аввал вахдати вужуд назариясини қабул қилгани, аммо шайхи Мухаммад Боқийнинг иршоди билан фикри ўзгарганини бундай хикоя қиласди:

¹ Ҳақ дини Қуръон тили, тафсир, I-ж, 575-577-б.

² Бу ҳақда қаранг: Чалабий Л. ў.а. 543 вд-бёт; С. Оташ, ў.а. 121-б, I-изоҳ.

³ Оташ С. ў.а. 122-123-б; Бурхонул муайяд, 32-б; Ист. 1301.

⁴ ў.а. 123-124-б.

“Анча вақтгача вахдати вужуд фикрида эдим, ойлар ўтди, бирдан Ҳақ таолонинг ёрдами келиб, саноқсизлик ва мавхумлик юзини ёпиб турган пардани кўтарди. Иттиход ва вахдати вужудга асосланган эски билимларимни ўчириди-йўқ қилди. Аниқ тушундимки, Улуг яратувчининг айтилган тарзда бу олам билан хеч қандай муносабати йўқ экан. Унинг ҳамма нарсаси ихотаси ва яқинлиги ва зоти билан эмас, илми биландир. У бирон нарса билан бирлашган эмас. У Удир, олам эса оламдир. У саноқли эмас, ҳолат ҳам эмас, унга ақл бовар қилмайди. Олам эса бошдан охир саноқли миқдор ва ҳолатлар билан тамғаланган. Англашилмайдиган борлик, англашиладигандек бўлмайди... Вожиб-мумкиннинг ўзи, дейилмайди. Қадим эса ҳодис (кейин рўй берган нарса)нинг ўзи эмас. Йўқлиги имконсиз бўлган билан йўқлиги мумкин бўлганни бир ўринга қўйиб бўлмайди. Ҳақиқатларнинг ўзгариши эса ҳам ақл, ҳамда дин томонидан имконсиздир. Шайх Мухийиддин (Ибн Арабий) ва тарафдорлари айтганларидек, Улоғ Илоҳнинг зоти жихатидан мутлақ мажхуллиги, ҳамда зоти билан яратиқларга яқин ва улар билан бирга эканини эътироф этмоқ У хақда зиддиятга тушмоқ бўлади. Тўғрироғи, ахли суннат олимлари айтганларидек, Аллоҳнинг ашёга билими билан яқинлиги ва ашёни билими билан қамраб олганидир. Шу олам олий сифатларнинг ойнаси, Илоҳий исмларнинг акс этадиган жойи бўлса ҳам, вахдати вужудчилар ўйлаганларидек, кўрсатувчи кўраётганнинг ўзи эмас. Соя асл билан бир хил бўлолмайди... Яратиқлар, яратувчи-нинг исм ва сифатларининг воситачиларидир. Орадаги бу муносабат баъзиларида вахм юзага келтиromoқда, тавҳид ҳақида ортиқча фикр-лаганларидан шу вахмий ҳукмларга тушмоқдалар... Аслида ашё бор, аммо сархушлик холида уларга йўқ бўлиб кўриняпти. Ортиқча сев-гидан Аллоҳнинг зоти или ҳамма нарсани қамраганини ва ҳамма нарсага яқинлигини кўрадилар. Саноқсиз ва ҳолатсиз бўлган улут Аллоҳ, сон-саноқли ва ҳолатли ашёда макон тутмайди, маконсиз бўлган маконда жойлашмайди. Саноқсизни саноқли доиранинг ташқарисидан изламоқ даркор. Маконсизни макондан ташқарида қидирмоқ керак. Офоқ (объектив) ва анфус (субъектив)да кўрин-ган нарсалар, Аллоҳ таолонинг алохида ишоратларидир”!¹

Имоми Раббоний Аллоҳнинг исм ва сифатларини Унинг зотидан алохида борлиқлар сифатида эътироф этган. Бу ҳақда: “Бу фақир, Ҳақ ахли олимлари айтганларидек, Ҳақнинг сифатларини алохида-зойд борлик (вужуд) деб биламан”, деган.² Унинг фикрича, оламнинг Аллоҳнинг зоти билан хеч қандай муносабати ва иштироки йўқ. Оламнинг муносабати Унинг исм ва сифатлари билан ва бу исм

¹ Имом Раббоний, ў.а. I-ж. 32-мактуб. 46-48-б.

² ў.а. II-ж, 45-мактуб. 53-б.

ва сифатларнинг зухур этадиган жойидир: “Агар эхтимолда хаёт бор бўлса, Вожиб таоло хаётининг кўзгусидир. Ва агар илм бор бўлса, Ҳақ Субҳанаҳунинг илм кўзгусидир. Агар қудрат хам бор бўлса, Ҳақ таоло қудратининг ойнасиdir. Ҳақ таоло зотининг эса оламда бир ашё ва ойнаси (акс этадиган жойи) йўқдир. Балки, Ҳақ таоло зотининг олам билан хеч қандай муносабати йўқдир ва хеч нарсада иштироки хам йўқдир”.¹ Яна Раббонийнинг айтишича, “Аллоҳ мавжуддир, фақат ўзлигига мавжуддир, вужуд сифати билан эмас. Ҳай-Тирикдир, аммо зоти билан ва зотида Ҳай-тириклир, хаёт сифати билан эмас. Олимдир, аммо зотида ва зоти билан олимдир, илм сифати билан эмас”.²

Хуллас. Имом Раббоний олам-Аллоҳ иккилиги мавзууда сўз кетгандা, Ибн Арабийдагидек “вужуд” жихатидан олам билан Аллоҳни бир хилластиришни рад этган. Яъни, Ибн Арабий “монист” бир фикр тарафдори бўлса, Раббоний “дуализм”ни ёқлаб чиққан. Раббонийнинг айтишича, Аллоҳнинг исм ва сифатлари зотининг сояси, олам эса Унинг исм ва сифатларининг сояси ва зухур этадиган жойидир. Фақатгина исм ва сифатларнинг Илоҳ зотидан бўлак “вужуд”лари бўлганидек, оламнинг хам исм ва сифатлардан айри “вужуд”лари бор. “Фано” мақомига эришган соликнинг оламда Аллоҳнинг сифатларидан бошқа бир нарсани мушоҳада қиласлиги оламнинг борлигини инкор қилиш деган маънони билдирамайди. Бироқ худди қуёш нурининг таъсири билан юлдузларни кўрмаган ва уларга қизиқмаган киши каби Аллоҳнинг тажаллиларига гувоҳ бўлган кишининг кўз олдида олам йўқолади. Акс холда, қуёш ёруғлигига юлдузлар батамом йўқ бўлмаганидек, соликнинг кўз олдидан йўқолган олам мавжуддир.³ Шундай экан, Аллоҳ билан олам орасида “иттиход” (бирлашув), “айният” (бир хиллик), “ихота” (қамраш), “маилят” (берга бўлиш) туридаги муносабат йўқдир.⁴

Шу билан берга Имом Раббоний хам оламнинг яратилиши масаласида Ибн Арабийдаги каби бир неча мартабалар қабул қилган, илохий севгига асосланган ва Ҳақ зотидан чиққан илк таъаййун (келиб чиқиши) ва иккинчи таъаййун мартабаларидан сўз юритиб, Ибн Арабийга фикрдош бўлган.⁵ Чунончи у оламларни кўринадиган ва кўринмайдиган тарзда ажратиш, Аллоҳнинг мутлақ борлиқ, олам эса нисбий борлиқ экани, амр, халқ ва мисол оламларининг

¹ ў. жой.

² ў.а. III-ж. 25-мактуб, 28-29-б.

³ Эроидин С. ў.а. 158-159-б.

⁴ Имом Раббоний, ў.а. I-ж, 31, 125, 287-мактублар.

⁵ Сунар Ж. Ваҳдати шуҳуд, ваҳдати вужуд масаласи, Анқ, 1960, 30-31-б.

аниқланиши, рухнинг тоқлиги, тажаллий, нузул ва уруж каби фикр-қарашларда Ибн Арабий билан ҳамфирдир.¹

Жовид Сунар бу мавзуда қылган тадқиқоти натижасида Ибн Арабий билан Имоми Раббонийнинг фикрлари орасидаги шундай фарқларни аниқлаган: 1. Ибн Арабийга кўра, зот ва вужуд бир хил (айнан)дир. Раббонийга кўра, сифатлар зотнинг ўзидир. Раббонийга кўра, сифатлар зотлан айри бўлиб, зот ва вужуд (кўшимча вужуд) билан ташқарида мавжуддирлар ва зотнинг соялари дид. 3. Ибн Арабийга кўра, олам - сифатларнинг маълум бўлиш ва юзага келиши (тажалли ва зухур)дан иборат. Раббонийга кўра, сифатларнинг эмас, уларнинг сояларининг тажаллиларидан иборат. 4. Ибн Арабийга кўра олам хаёлдир, аммо Аллоҳ бор. Яъни Аллоҳ оламдир. Раббонийга кўра эса, олам хаёл эмас, унга хаёл дейиш оламнинг объектив реаллигини ва Аллохнинг “ибдоъ” сифатини инкор қилимоқдир. 5. Ибн Арабийга кўра, олам соядир, аммо Аллохнинг ўзидир. Раббонийга кўра ҳам олам соядир, аммо бу соя асл (Аллоҳ) нинг ўзи эмас, бошқа нарса ва Аллоҳ ўзига баҳш этган вужуд билан ташқарида ўз изфисида мавжуддир. 6. Ибн Арабийга кўра, “аъёни событа” (илоҳий илмда - ашёнинг азалдан бери событ бўлган сурат ва хақиқатлари)нинг вужуди йўқ. Шу туфайли олам ҳам йўқ. Аллоҳ бор. Раббоний фикрича эса бу янглиш фикр. 7. Ибн Арабийга кўра, Аллоҳ бир жихатдан оламнинг ичидан, бир жихатдан оламдан ташқарида ва устидадир. Шу жихатдан хақиқат, гапзих билан ташбих орасини бирлаштириш орқали қўлга киритилади. Раббонийга кўра эса, Аллоҳ оламларга эхтиёжсиздир, шу боис уни холи равишида танзих этмоқ даркор. 8. Ибн Арабийга кўра, Аллохнинг тажаллиси оламда ва унинг объектлари даги “лахза”да. Раббонийга кўра эса, доимийдир. 9. Ибн Арабийга кўра, вужуд бир ва фақатгина эзгуликдир. Шу жихатдан оламда ёмонлик ва яхшилик деган нарсалар мутлақ ва хақиқий эмас, нисбийдир. Раббоний фикрича эса, олам вужуд-адам (йўқлик) таркибидан пайдо бўлган ва мохияти йўқликдир. Мохияти йўқлик бўлган олам ўз нафси билан мавжудлиги учун барча ёмонликнинг манбаидир. Унингча, ёмонлик ва камчиликлар ҳам нисбий эмас, хақиқийдир. 10. Ибн Арабий фикрича, инсон билан Аллоҳ орасидаги муносабат яқин бўлиш (курб) муносабатидир. Аллоҳ инсонни ўз сурати узра яратган. Нафсини билган киши Аллоҳни билади. Раббоний фикрича, гарчи Аллоҳ бизга жон томиримиздан ҳам яқин, аммо бу яқинликнинг мохиятини англаш, ақл худудларидан ташқаридадир. Нафсен билмоқдан мақсад, инсоннинг ўз борлиги-

1. 42-б; проф. док. Улкан Ҳ.З. Ислом Тафаккури, Ист. 1946, 186-б.

нинг нуқсонликлар билан тұла эканини билиши, ўзидан ташқарыда ҳам барча камолот даражаларининг Аллохга оид эканини қабул қилишидир. 11. Ибн Арабийга күра, яратилишнинг сабаби мухаббатдир. Мақсади эса Аллохнинг яшириң камол даражаларининг мартабаларда юзага чиқиб, илм ва вужуд жихатидан ҳам тугалланған бўлишидир. Яъни Аллоҳ ўзини билиш ва севиш учун оламда тажалли ва зухур этган. Раббонийнинг фикрича, яратилишнинг сабаби мухаббат бўлиб, аммо мақсад Аллохни билмоқ ва Унинг камол даражаларини мартабаларда тафсил сурати билан тамомланиши эмас. Мақсад - инсоннинг Аллохга ибодат қилиши ва фақатгина ўзини камолотга етиштиришидир.¹

Хуллас, Ибн Арабийнинг монист ва пантеист қараашларга янада яқинроқ бўлган ваҳдати вужуд назариясига қарши Имом Раббонийнинг ваҳдати шуҳуд назарияси, диний шуури ҳар қандай пантеистик таъсирлардан узоқ ва Аллоҳ билан оламни бир-биридан ажратиб турувчи дуалист хусусиятга эга. Ваҳдати шуҳудга кўра, инсон ўз борлиги ва шуури-идрокига эга бўлганидан барча'харакатларида хур бўлиб, натижаларига масъулдир.² Ибн Арабий эса инсон феълларида жузъий иродага ўрин берса ҳам, унинг назариясида жабрия эътиқодига кириб қолиб, қилинган ёмонликларни Аллохга юклаш таҳликаси янада кўпроқ кўзга ташланмоқда.

Кўриниб турибдики, ваҳдати шуҳуд ва ваҳдати вужуд назариялари жуда нозик ва тушунилиши қийин мавзулардир. Бундан ташқари, бу икки назария аслида ақл бовар қилмайдиган, сайру сулук натижасида “фано филлоҳ” мартабасига эришганларнинг завқ орқали хис қиласидан масалалардир. Ваҳдати вужудга кўра, солик энг охири эришадиган мартаба “вужудий тавхид” бўлса, ваҳдати шуҳудга кўра, “шуҳудий тавхид” дир.

Шу билан биргага бу масалалар Ислом олимни ва мугасавифлари орасида асрлардан бери мунозараларга сабаб бўлган. Имом Раббонийдан бир аср кейин яшаган машхур олим ва мугасавиф Шоҳ Валийуллоҳ Дехлавий бу икки назария ўртасида аслида хеч қандай фарқ йўқлигини иддао қилиб, иккала назарияни ҳам бирлаштирган холда, янги бир назария ўйлаб топишга уринган ва шу мақсадда “Файсалату ваҳдатил вужуд ваш шуҳуд” номли рисола ёзган.³ Бу нуқтада Кошоний билан Симоний орасидаги мактуботлар ҳақида аввалроқ ҳам тўхталиб ўтгандик. Кейинги даврларда бунга ўмеш мактубли мунозара, ваҳдати вужуд тарафдори Аҳмад Авнии Қўнук билан ваҳдати шуҳуд тарафдори Мухаммад Эҳсон орасидан ҳам тоза

¹ Сунар Ж. ў.а. 92-94-б.

² ў.а. 94-95-б.

³ ў.а. 99-100-б.

бўлган, мактуб орқали бир натижага эришолмаган Ахмад Авний Кўнук бу мавзуда кичик бир рисола ҳам ёзган.¹

Бу масалаларда бъязилар ўзининг аниқ холосасини айтса, бъязилар унга ҳам, бунисига ҳам тарафдор бўлмай ишни Аллоҳга ҳавола этишни танлаганлар. Масалан, Исмоил Ҳаққий Измирили бу мавзуда “энг тўғри соғлом йўл - вахдати вужудга эътиқод ҳам қилмаслик, уни инкор ҳам қилмаслик. Масалани ҳаким ва аллом бўлган Жаноби Ҳақнинг ўзига ҳавола қилмоқдир”² деб, аниқ холоса айтишидан сақланган.

Имом Раббонийнинг вахдати шуҳуд назарияси, айниқса нақшбандия тариқати аъзолари орасида кўпроқ қабул этилган. Зоро, у вахдати вужудга нисбатан ахли суннат эътиқодига янада мувофиқроқ деб топилган. Чунончи, Абдулҳаким Арвосий вахдати вужудда маҳфий қолган ва изохталаб масалаларнинг кўпини Имом Раббоний воситасида юзага чиққанлигини қайд этиб энг юксак мақом вахдати шуҳуд эканини аниқ баён қиласди.³

ХУЛОСА

Сахоба ва тобиун даврида на тасаввуф деган бир илм ва на “суфий” номи билан танилган бир мусулмон мавжуд бўлган. Бироқ, бъязи сахоба ва тобеинлар бошқа мусулмонларга нисбатан Аллоҳга янада кўпроқ ибодат қилишар, қалбида Аллоҳдан қўрқув ва Унга нисбатан севги тўйгуларига кўпроқ ўрин беришар, дунё ва дунёвий манфаатларга жуда оз қиймат беришарди Ўша даврда бундай кишиларни “обид”, “зоҳид”, “фақир” каби исмлар билан аташар эди. Чунончи, Мухаммад а.с. ҳам нубувватдан аввал ибодат, инзиво ва тафқурга тўла бир маънавий хаёт кечиргани каби, пайғамбар бўлганидан кейин ҳам дунёга аҳамият бермаган, бошқалардан кўпроқ ибодат ва зикр билан шуғулланар, Аллоҳни ва охиратни асло ёдидан чиқармас эдилар. Хусусан, инсоннинг нафсига қарши қилган кураши, урушда душманга қарши жанг қилишдан ҳам қийинроқ ва буюкроқ эканидан хабар берганлар.

Мухаммад а.с. нинг вафотларидан кейин Ислом заминининг оз вақт ичida кенгайиши, ғанимат молларнинг кўпайиши, мусулмонларнинг тобора Аллоҳни ва охиратни унугиб, моддий дунёга кўпроқ майл этишларига сабаб бўлди. Бу ҳолат эса ўз навбатида бъязи мусулмонларни зуҳд ҳаётига кўпроқ аҳамият бериб, бу хавфдан

¹ Бу ҳақда қаранг: ў.а. 103-110-б.

² Измирили И.Х., Янги қалом илми, 2-китоб, Ист., 1340-43, 193-194-б; Из. М. ў.а. 218-219-б.

³ Арвосий, ў.а. 154-159-б.

узоқлашишга ва бошқа мусулмонларга бу кетишнинг оқибати хунуклигини англатишга йўналтириди. Бундан ташқари, ҳазрати Усмон ва ҳазрати Али даврида бошланиб, уммавийлар даврида янада кучайган ички мажаролар туфайли ҳам кўпчилик мусулмонлар зухд хаётига берилиб кетдилар.

Ана шундай шароитларда Мухаммад а.с. ва сахобаи киромни ўз ҳаёт тарзларида ўрнак қилиб олган мусулмонлар жамиятда ўзгача бир зумра (гурух)ни ташкил эта бошладилар. Бундай тақвodor зотлар атрофида исломий сұхбат ва зикрulloх ҳалқалари пайдо була бошлади. Бу кишилар нафсга ёқмайдиган ва камтаришлик аломати деб билғанлари қўпол жун (суф) либос кийишни одат ҳолига келтирганларни учун хижрий II-асрнинг иккинчи ярмидан бошлаб сўфий номи билан танила бошладилар.

Бир томондан фиқҳ, ҳадис, тафсир ва қалом каби диний илмлар жамланиб, мусулмонларнинг эътиқод асослари билан ибодат ва муомалага доир қоидалар белгиланар экан, бир томондан зухд ва ибодатга кўпроқ аҳамият берувчи сўфийлар ҳам тасаввуф илмини ўзаро жамлай бошладилар. Аммо бу илм нариги диний илмлардан бўлакча бир ҳусусиятга эга эди. Яъни, уларда далил ўлароқ диний ҳужжатларнинг зохирий маъноларига мурожаат қилинса, тасаввуфда диний ҳужжатларнинг зохирий маънолари билан бир қаторда кўпроқ ботиний маъноларига ҳам аҳамият бериларди. Сўфийлар ибодат ва муомалаларда шакл билан чекланиб қолмай ихлосга кўпроқ эътибор берсалар, тасаввуф илми ҳам инсонларнинг ибодат ва ҳатти-харакатларидаги “қалб”га ва “ният”га янада кўпроқ диққат қиласа, тўғрироғи, инсоннинг ички дунёсига йўналган эди. Шунинг учун тасаввуфга “ботиний фиқҳ” номи берилган. Масалан, фиқҳ илми намознинг қай шаклда ва қайси қоидаларга кўра ўқилишидан сўз юритса, тасаввуф намозда “ихлос”ни қандай қилиб рўёбга чиқариш кераклиги ва инсон руҳида ижобий ўзгариш бўлиш-бўлмаслигидан сўз юритадиган илmdir. Тасаввуф илми сўфийлар томонидан шаклланар экан, зохирий дин илмларидаги ишлатилмайдиган билим тури бўлган “кашф” ва “илҳом”ни ҳам қўллаганлар, диний ҳужжатларнинг зохирига зид бўлмаган “кашф” га катта эътибор берганлар. Чунки улар “Билганига амал қилганга Аллоҳ билмаганини ўргатади” ҳадисида таъкидланганидек, Аллоҳга ихлос билан ибодат қилиб, унга дўст бўлиш баҳтига мусассар бўлган кишиларнинг кўнглига Ҳақ томонидан баъзи билимлар илҳом йўсимида ато этилишига ишонганлар.

Ҳусусан, сўфийлар диний ҳужжатларнинг ботиний маънолари хамда инсонларнинг қалбий томонлари билан шуғулланганларидек. Қилган ибодатлари ва мужоҳадалари натижасида бошқалар билмаган баъзи илоҳий сирлардан воқиф ҳам бўлганлар. Бу сирларни бир-

данига бошқаларга тарқатиши хоҳламаганлар ва мазкур сирлар билан яшаган ҳолларини ўзаро ифодаламоқ учун баъзи истилоҳлар ишлатганлар.

Шу аснода борган сайин ўзига тортувчи хусусияти, методи ва истилоҳларига эга бўлган тасаввуф илми шаклана бошлади. Ҳижрий III- асрдан бошлаб бу илм асарлар сифатида ўз меваларини бера бошлади. Ҳорис Мухосибий, Абу Толиб Маккий, Жўнайд Бағдодий, Зуннун Мисрий, Ҳаким Термизий, Абул Ҳусайн Нурий, Тусий, Сулламий ва Қушайрий каби буюк сўфийлар ўз асарлари билан тасаввуф илмининг асосларини барпо этдилар. Тасаввуф тарихининг бошланишида илк сўфийлар ўртасида икки бошқа-бошқа маслак хоким бўлганини кўрамиз: Булардан бири Мухосибий, Маккий, Жунайд Бағдодий, Сулламий, Тусий ва Қушайрий каби сўфийлардаги “саҳв”, “тамкин” ва зохир-ботин мувозанатига риоя қилган бир маслак бўлса, иккинчиси Бастомий ва Халлож каби шахсиятларда акс этган “ишиқ”, “жазба”, “талвин” ва ботиний маънолар берган жўшқинлик боис зохирий маънони иккинчи даражага қўйишни акс эттирувчи маслак эди. Илк даврларданоқ бу иккинчи маслак фиқҳ, қалом ва ҳадис олимлари томонидан ҳазм қилинолмаган, шу боис кўпчилик сўфийлар таъқибга олинганлар, баъзилари қамалган, баъзилари, чуннончи Халлож қатл этилган. Хурросон худудида гарқалган тасаввуф тушунчасида бу иккинчи машраб хоким бўлган бўлса, Ироқ ҳуд лида биринчи машраб ҳоким бўлган.

Илк даврлардаёқ сўфийлар билан зохир олимлари орасида юзага чиққан бундай ўзгачаликлар ва дин олимларининг уларга қарши қилган ҳужумлари сабабли мусулмонлар орасида тасаввуф кенг тарқалмай қолган ва ҳатто хавфли саналган бўлса-да, кейинчалик Ином Қушайрийнинг “Рисола”си, Абу Наср Сарроҷ Тусийнинг “Лумъа фит тасаввуф”, Ҳужвирийнинг “Кашфул мажхуб”, Суҳравардийнинг “Аворифул маориф” сингари асарлари соясида тасаввуфнинг исломий илм экани, унинг исломий илмларнинг руҳини ташкил этиши исботлана бошланди ва ижобий натижаларга эришилди. Нихоят, Ином Ғаззолийнинг “Ихёи улумиддин” ва бошқа асарлари орқали тасаввуф борасидаги шубҳа-гумонларнинг аксар қисми ўз-ўзидан йўқолди ва тасаввуфнинг мусулмонлар ўртасида кенг тарқалишига имкон туғилди.

Илк даврлардан бошлаб сўфийларнинг дунёкараши ва хаёт хақидаги тушунчаларининг фарқли бўлганини айтиб ўтган эдик. Улар бир томондан ўз тушунчаларини мусулмонларга талқин этиб, асарлар ёзишар экан, иккинчи томондан фалсафий ва метафизик мавзуларда ҳам ўз фикрларини баён этиб изоҳлар эдилар. Буларни амалга оширадар

экан, Қуръон ва ҳадисни асос қилиб олишар, шу билан бирга ўзлари қабул қилиш мумкин деб хисоблаган бошқа - хорижий маданият ва фалсафа унсурларидан ҳам фойдаланишар эди. Шундай қилиб, тасаввух назарий илм соҳаси бўлиш билан бир қаторда, фалсафий моҳият касб этиб, борган сайин Аллохнинг зоти ва сифатлари, Аллоҳ-олам муносабати, оламнинг асли ва яратилиши, Аллоҳ-инсон муносабати, инсон-олам муносабати, инсоннинг руҳий хусусиятлари, билим масаласи (эпистемология) ва яна бошқа кўплаб мавзуларда ўзига хос қараашлар илгари сурилган бир тасаввух фалсафаси сифатида шаклланди. Бу фалсафа исломий асосларга боғлиқ қолган холда Ислом тафаккурининг уфқини кенгайтирди, Исломни қатъий қоида-қолиллар дини бўлиб қолишдан қутқарди, шу аснода Исломнинг бегона эътиқод ва анъаналардан устун бўлишига ҳам катта хисса қўши. Тасаввух фалсафасининг энг буюк намояндаси хеч шубҳасиз Муҳийиддин Ибн Арабий бўлиб, у ривожлантирган ваҳдати вужуд фалсафаси бу соҳада эришилган энг юқори даража сифатида қабул қилинган, бунинг устига бу назария қисқа вақт ичида бутун тасаввух ва тариқат мұхитларида тан олинган ва кенг ёйилган. Ҳатто Ибн Арабий тасаввух тарихининг энг юксак нуқтаси ўлароқ эътироф этилган, ундан кейинги даврлар эса тасаввухий тафаккур жихатидан тақлид даври сифатида баҳоланганд. Ундан кейинроқ Имоми Раббоний Ибн Арабийнинг бу назариясини турли томонлардан танқид қилган ва унга муқобил ваҳдати шуҳуд назариясини кўтариб чиқсан. Унинг бу назарияси нақшбандийлар орасида қабул қилинган, бироқ ваҳдати вужудни тагтомири билан йўқотишга муваффақ бўлолмаган. Ибн Арабий эса бугунга қадар тасаввух фалсафасида йирик мавқе соҳиби сифатида хурмат билан тилга олинишда давом этмоқда.

Тафаккур: илм ва фалсафа соҳаларида тараққий топган тасаввух, ижтимоий соҳада ҳам ўзини яққол намоён этган, илк даврлардаёқ маълум мавқели сўфийлар атрофида ташкил топган ва бир нави тасаввухий мактаблар холида ўзини намоён этган сўфиий жамоатлари жамиятни ўз foялари бўйича йўналтиришга ҳаракат қиласи, хижрий VI ва VII-асрлардан бошлаб мумтоз маънодаги буюк тариқатлар юзага келди. Бу тариқатлар жамиятнинг ҳар табақасига хитоб қилувчи иршод усуллари, маҳсус шакллантирилган сайру сулук қоидалари, одобу арконлари, зикр тушунчалари ва такялари билан Ислом жамиятида тез тарқалди, жумладан, Ўрта Осиё, Хиндистон, Онадўли, Болқон ва Африқо каби худудларда Исломнинг тарқалишида жуда буюк роль ўйнадилар. Бу тариқатлар жамиятнинг кўпроқ ўзига тўқ зумрасига хитоб қилувчи мадрасалар билан ёнмаён равишида кенг омма маънавиятида диний туйғуларнинг жонли жўш уриб туришини таъминлади.

Хулоса қилиб шуни айтиш керакки, габиати, ҳолати нихоятда нозик ва айни вақтда турли ўзгаришларга мойил бўлган тасаввуфнинг илк даврларида баъзан йўлдан адашишлар ҳам рўй берган, тасаввуфий кўриниш остида баъзи ботил доиралар юзага келган. Илк даврлардаги ботинийлик ва ибохийлик, кейинги даврдаги хуруфийлик, қаландарийлик, бектошийлик харакатлари буларга мисол бўлиши мумкин. Аммо булар тасаввуфнинг забардаст намояндалари сайъ-харакатлари орқали бартараф этилиб, тасаввуфнинг ўз аслий ўзанидан чиқиб кетишга имкон берилмаган. Дастробки даврлардан бугунга қадар суннийлик хусусиятини қаттиқ муҳофаза қилиб келаётган тасаввуф ва унинг тариқатлари, сунний Исломнинг ботиний ва сиррий жиҳатларига янада кўп эътибор бериб, ботиний ва шиа харакатларининг сунний мухитларга дахл этишига тўсқин бўлишдек жуда муҳим вазифани бажарип келаётir.

BİBLİYOGRAFYA

Abdulkadiroğlu, Doç. Dr. Abdülkerim, Halvetilik'in Sha'bâniyye Kolu Şeyh Sha'bân-ı Veli ve Külliyesi, Ankara, 1991.

Aclûnî, İsmail b. Muhammed, Keşfu'l-Hafâ, Beyrut, 1351-1352.

Affîfî, Ebu'l-A'lâ, Muhyiddin İbnü'l-Arabi'nin Tasavvuf Felselesi, Çev. Dr. Mehmet Dağ, Ankara, 1975.

— et-Tasavvuf es-Sevrâtü'r-Rûhiyye fi'l-Îslâm, İskenderiye, 1963.

Altıntaş, Prof. Dr. Hayrânî, Tasavvuf Tarihi, Ankara, 1986.

Ankaravî, İ-mail, Mînbâcü'l-Fukarâ, İstanbul, 1286.

Arberry, A. Le Sufisme Introduction à la Mystique de l'Is-

- lam, Fransızcaya çeviren: Jean Guillard, Paris, 1952.
- Arvasî, Seyyid Abdülhakîm, Râbîta-i Şerîfe, Neşreden: Necip Fazıl Kısakürek, İstanbul, 1974.
- _____, er-Riyâzü't-Tasavvufiyye, İstanbul, 1341.
- Ateş, Prof. Dr. Süleyman, İslâm Tasavvufu, Ankara, tarihsız.
- _____, İşârî tefsir Okulu, Ankara, 1974.
- _____, Sülemî ve Tasavvufî Tefsî-i, İstanbul, 1969.
- _____, "Zâhir ve Bâtin İlmine Dâir Bir Eser, al-Fark Bayna İlmi's-Şerîfa Wa'l-Hakîka", İlahiyat Fakültesi Dergisi, XVI (Ankara, 1968), s. 219-231.
- _____, "Zikir", İlahiyat Fakültesi Dergisi, XIV (Ankara, 1966), s. 235 vd.
- Attâr, Ferîdüddin, Tezkiretu'l-Evliyâ, Tercüme: Süleyman Uludağ, İstanbul, 1985.
- Aydın, Dr. Hüseyin, Muhâsibî'nin Tasavvuf Felsefesi, Ankara, 1976.
- Aydınlı, Dr. Abdullah, Doğuş Devrinde Tasavvuf ve Hadis, Seha Neşriyat, İstanbul, 1986.
- Aynî, Mehmet Ali, Hacı Bayram-ı Veli, İstanbul, 1343.
- _____, Tasavvuf Tarihi, İstanbul, 1341.
- Bağdadî, Mevlânâ Hâlid, Risâle-i Hâlidiyye ve Âdâb-ı Zikir Risalesi, Sadeleştiren: M. Zahid Kotku, Seha Neşriyat, İstanbul, 1990.
- Baklı, Şeyh Ebû Muhammed Rûzbihân, Kitabu Meşrabi'l-Ervâh, Neşreden: Nazif M. Hoca, İstanbul, 1974.
- Barkan, Ömer Lütfî, "İstilâ Devrinde Kolonizatör Türk Dervîş-

- leri ve Zaviyeler", Vakıflar Dergisi, II (1942), s. 279-384.
- Bayraktar, Dr. Mehmet, "İbnü'l-Arabî'de Oluş ve Varoluşsal Çeşitlenme", İlahiyat Fakültesi Dergisi, XXV (Ankara, 1981), s. 349-358.
- Bayraktar, Prof. Dr. Mehmet, Tasavvuf ve Modern Bilim, Seha Neşriyat, İst., 1989.
- Bennigsen, Alexandre (Chantel Lemercier-Quelquejay ile birlikte), Sûfî ve Komiser, Rusya'da İslâm Tarikatları, Terc.: Dr. Osman Türer, Akçağ Yay. Ankara, 1988.
- Bilgin, İbrahim Ethem, Devrimci Sûfî Hareketleri ve İmam-ı Rabbanî, İst., 1990.
- Bolay, Dr. Süleyman Hayri, Aristo Metafiziği ile Gazzâlî Metafiziğinin Karşılaştırılması, İstanbul 1980.
- _____, Felsefi Doktrinler Sözlüğü, İstanbul, 1979.
- _____, Türkiye'de Ruhçu ve Maddeci Görüşün Mücadelesi, II. baskı, İstanbul, 1979.
- Burckhart, Titus, İslâm Tasavvuf Doktrinine Giriş, Terc.: Fahrettin Arslan, İstanbul, 1982.
- Bursevî, İsmail Hakkı, Kenz-i Mahfî, Sahaf Rıza Efendi Matbaası, İstanbul, tarihsiz.
- Cebecioğlu, Ethem, Hacı Bayram Velî, K.B. Yay., Ankara, 1991.
- Chevalier, Jean, Le Soufisme et la Tradition Islamique, Paris, 1974.
- Chodkiewicz, Michel, Le Sceau des Saints Prophétie et Sainteté dans la Doctrine d'Ibn Arabî, editions Galli-

- mard, Mayenne, 1986.
- Coşan, Prof. Dr. Esad, Hacı Bektaş-ı Veli, Makâlât, Seha Nesriyat, İst., tarihsiz.
- Cîlî, Abdülkerîm, el-İnsânü'l-Kâmil, Mısır, 1390.
- _____, Merâtibü'l-Vûcûd, Mektebetü'l-Cendî, Kahire, tarih-siz.
- Cûrcânî, Seyyid Şerif, Ta'rîfât, Matbaâ-i Âmire, İstanbul, 1285.
- Çubukçu, Prof. Dr. İbrahim Âgâh, İslâm Düşüncesi Hakkında Araştırmalar, Ankara, 1983.
- _____, Gazzâlî ve Şüphecilik, Ankara, 1964.
- _____, "İslâm'da Tasavvuf", İlahiyat Fakültesi Dergisi, VIII (Ankara, 1960), s. 99-108.
- _____, İslâm Düşünürleri, Ankara, 1977.
- _____, Türk Düşünce Tarihinde Felsefe Hareketleri, Ankara, 1986.
- _____, Türk-İslâm Kültürü Üzerinde Araştırmalar ve Görüşler, Ankara, 1987.
- Demirci, Doç. Dr. Mehmet, Yunus emre'de İlâhî Aşk ve İnsan Sevgisi, Selçuk Yay., İst., 1991.
- _____, Yahya Kemal ve Mehmet Akif'te Tasavvuf, İzmir, 1994.
- Doğrul-Ömer Rıza, İslâmiyetin Geliştirdiği Tasavvuf, İst., 1948.
- Düzen, Prof. Dr. İbrahim, "Aziz Nesefi'ye Göre Allah, Kâinat ve İnsan, Ankara, 1991.

- Eflâkî, Ahmed, Menâkibu'l-Ârifîn, Trc.: Tahsin Yazıcı, Ankara, 1953-1954.
- Eraydın, Selçuk, Tasavvuf ve Tarîkatlar, İstanbul, 1981.
- Erdem, Hüsamettin, Panteizm ve Vahdet-i Vucûd Mukâyesesi, K.B. Yay., Ankara, 1990.
- Ertuğrul, İsmail Fennî, Maddiyyûn Mezhebinin İzmihlâli, İstanbul, 1928.
- _____, Vahdet-i Vucûd ve Muhyiddin-i Arabî, Orhaniye Matbaası, İstanbul, 1928.
- Fırat, Erdoğan, "Kitabu'n-Netice ve İnsan", İslâm İlimleri Enstitüsü Dergisi, II (Ankara, 1975), s. 205-219.
- Gazzâlî, Ebû Hâmid Muhammed b. Muhammed, İhyâ' Ulûmi'd-Dîn, Mısır, tarihsiz.
- _____, Dalâletten Hidayete (el-Munkîzu mine'd-Dalâl), Trc.: Doç. Dr. Ahmet Suphi Fırat, İstanbul, 1978.
- _____, Mişkâtü'l-Envâr, Nşr.: Ebu'l-A'lâ Affîfî Kahire, 1383/1964.
- Gölpınarlı, Abdülbaki, "İslâm Türk İllerinde Fütûvvet Teşkilâtı ve Kaynakları", İstanbul Üniversitesi İktisat Fakültesi Mecmuası, XI (1949-1950), No: 1-4.
- _____, 100 Şoruda Tasavvuf, Gerçek Yay. İst., 1985.
- _____, Melâmîlik ve Melâmîler, İstanbul, 1931.
- _____, Mevlânâ'dan Sonra Mevlevîlik, İstanbul, 1983.
- _____, Mevlevî Âdâb ve Erkânı, İstanbul, 1963.
- _____, Tasavvuf'tan Dilimize Geçen Deyimler ve Atasözle-

ri, İstanbul, 1977.

Gümüşhanevî, Ahmed Ziyaüddin, *Velîler ve Tarîkatlarda Usûl* (Câmiu'l-Usûl), Trc.: Rahmi Serin, Pamuk Yay., İstanbul, tarihsiz.

Gündoğdu, Cengiz, *Tasavvufsta Velâyet Kavramı; Basılmamış Yüksek Lisans Tezi*, Erzurum, 1991.

Gündüz, Dr. İrfan, *Gümüşhanevî Ahmed Ziyaüddin (k.s.) Hayatı-Eserleri-Tarîkat Anlayışı ve Hâlidîyye Tarîkatı*, İst., 1984.

_____, *Osmanlılarda Devlet-Tekke Münasebetleri*, İst., 1984.

Güngör, Prof. Dr. Erol, *İslâm Tasavvufunun Meseleleri*, İst., 1982.

Harîrî-zâde M. Kemâleddîn, *Tibyânî Vesâili'l-Hakâik fi Beyâni Seâsilî't-Tarâik*, Süleymaniye Ktp., İbrahim Efendi, No: 430-432.

Hucvîrî, Ali b. Osman el-Cüllâbî, *Hakikat Bilgisi (Keşfû'l-Mahcûb)*, Hazırlayan: Süleyman Uludağ, İstanbul, 1982.

İsfahânî, Ebû Nuaym, *Hilyetü'l-Evliyâ ve Tabakâtü'l-Asfiyâ*, Misir, 1351/1933.

İbn Halîmîn, Mukaddime, Trc.: Ahmed Cevdet, İst., 1275-1277.

_____, *Tasavvufun Mahiyeti (Şîfâ'u's-Sâil)*, Hazırlayan: Süleyman Uludağ, İstanbul, 1977.

İbn Teymiyye, *Mezhebü'l-İttihâdiyyîn* (Tirmîzî'nin Hâtmü'l-Evliyâ'sı ekinde), Beyrut, 1965.

İbn Arabî-Ahmed Avni Konuk, *Tedbîrât-ı İlahiyye Tercüme ve Şerhi*, Yayına Hazırlayan: Prof. Dr. Mustafa Tahralı, İz Yayıncılık, İst., 1992.

İbnü'l-Arabî, Muhyiddîn, *el-Fütûhâtü'l-Mekkiyye*, Beyrut, târihsiz.

_____, *Fusûsu'l-Hikem*, Çev.: M. Nuri Gençosman, İst., 1981.

_____, *Nurlar Hazinesi (ışkâtü'l-Envâr)*, tercüme eden: Doç. Dr. Mehmet Demirci, İz Yayıncılık, İstanbul, 1990.

İbnü'l-Cevzî, Cemâlüddin, Telbîsu İblîs, Mısır, 1340.

İskenderî, Atâullâh, *Tesavvuf Hikmetler (Hikem-i Atâiyye)*, Hazırlayan: Mustafa Kara, Dergah Yayınları, İst., 1990.

İz, Mahir, *Tasavyuf*, İstanbul, 1969.

İzmirli, İsmail Hakkı, *Yeni İlm-i Kelâm*, İstanbul, 1340-1343.

Kâm, Ferîd, *Vahdet-i Vucud*, Matbaa-i Âmire, İstanbul, 1331.

Kara, Mustafa, *Din Hayat Sanat Açılarından Tekkeler ve Zâviyeler*, İstanbul, 1977.

_____, *İbn Teymiyye'ye Göre İbn Arabî*, basılmamış tez, Bursa, 1980.

_____, *Tasavvuf ve Tarîkatlar Tarihi*, İstanbul, 1985.

_____, *Bursa'da Tarîkatlar ve Tekkeler 1-2*, Uludağ Yayınları, Bursa, 1990, 1994.

Keklik, Prof. Dr. Nihat, *Allah Kâinat ve İnsan*, İstanbul, 1967.

_____, *el-Fütûhât el-Mekkiyye*, İst., 1974-1980.

- _____, Muhyiddîn İbnü'l-Arâbî Hayatı ve Çevresi, İst., 1966.
- Kelâbâzî, Ebû Bekr Muhammed, et-Ta'arruf li-Mezhebi Ehli't-Tasavvuf, Kahire, 1400/1980.
- Kısakürek, Necip Fazıl, Batı Tefekkürü ve İslâm Tasavvufu, İstanbul, 1982.
- Konevî, Sadreddin, İ'câzü'l-Beyân, Konya Yusuf Ağa Ktp., No: 7.
- Konuk, Ahmed Avni, Fususu'l-Hikem Tercüme ve Şerhi I-IV, Hazırlayanlar: Dr. Mustafa Tahralı-Dr. Selçuk Eraydin, İstanbul, 1987-1990.
- Kotku, Mehmet Zahid, Nefsin Terbiyesi, İstanbul, 1983.
- _____, Tasavvufî Ahlâk I-IV, Seha Neşriyat, İst, tarihiz.
- Köprülü, Prof. Dr. Fuad, Türk Edebiyatında İlk Mutasavvıflar, Ankara, 1984.
- Kuşeyrî, Abdülkerîm, Tasavvuf İlmîne Dair Kuşeyrî Risalesi, Hazırlayan: Süleyman Uludağ, İstanbul, 1978.
- Kübrâ, Necmüddin, Tasavvufî Hayat (Usûlü Aşere, Risâle İle'l-Hâim, Fevâihu'l-Cemâl), Hazırlayan: Mustafa Kara, İstanbul, 1980.
- Küçük, Dr. Hasan, Tarîkatlar, İstanbul 1980.
- Lâmiî Çelebî, Nefehâtü'l-Üns Tercümesi (Fütûhu'l-Mücâhidîn), İstanbul 1270.
- Lings, Martin, Tasavvuf Nedir, Çev.: Harun Şencan, İst., 1986.
- Massignon, Louis, Ahbâru'l-Hallâj, Paris, 1936.

- _____, Essai Sur Les Origines de Lexique Technique de La Mystique Musulmane, Paris, 1954.
- Mecdî, Edirneli Mehmed, Şakâyîk-ı Nu'mâniyye Tercümesi, İst., 1269.
- Mekkî, Ebû Tâlib, Kütü'l-Kulûb fî Keyfiyyeti'l-Vusûli Île'l-Mahbûb, Mısır, 1310.
- Mevlânâ Celâleddin, Mektuplar, Çev. ve Hazırlayan: Abdül-baki Gölpinarlı, İstanbul, 1963.
- Molé, Marijan, Les Mystiques Musulmans, Paris, 1982.
- Nablûsî, Abdülgânî, el-Kavlû'l-Metîn fî Beyâni Tevhîdi'l-Ârifîn (Tuhfetü'l-Mürsele'nin şerhidir), Kahire, tarih-siz.
- Nasr, S.H., Essais Sur le Soufisme, Fransızcaya çeviren: Jean Herbert, Paris, 1980.
- Naz, Khawaja Mueen ud-Din Chishti, Lahore, 1970.
- Nedvî, Abdü'l-Bâri, Tasavvuf ve Hayat, Terc: Mustafa Ateş, İstanbul, 1967.
- Nesefî, Azîzüddîn, Tasavvufta İnsan Meselesi (İnsân-ı Kâmil), Trc.: Mehmet Kanar, Dergah Yay. İst., 1990.
- Nicholson, R.A., Fi't-Tasavvufî'l-Îslâmîyyî, Arapçaya Çeviren: Ebu'l-A'lâ Affîfî, Kahire, 1375/1956.
- Öztürk, Prof. Dr. Yaşar Nuri, Hallâc-ı Mansûr ve Eseri (Kitâbu't-Tavâsin), İstanbul, 1976.
- _____, Kur'an-ı Kerim ve Sünnete Göre Tasavvuf, İst. 1979.
- _____, Kutsal Gönüllü Veli Kuşadalı İbrahim Halvetî (Hayatı, Düşünceleri, Mektupları), İstanbul, 1982.

- _____, Tarihi Boyunca Bektâşîlik, İst., 1990.
- _____, Tarih Boyunca Tasavvufî Düşünce, I, İst., 1974.
- _____, Tasavvufun Rûhu ve Tarîkatlar, İstanbul, 1988.
- Pakalın, Mehmed Zeki, Osmanlı Tarih Deyimleri ve Terimleri Sözlüğü, İstanbul, 1971.
- Rabbânî, İmam, Mektûbât, Trc. Müstakim-zâde Süleyman Sa'deddîn, İstanbul 1270-1277.
- Rifâhî, Seyyid Ahmed, el-Bürhânü'l-Müeyyed, İstanbul, 1301.
- Safiyuddîn, Mevlânâ, Reşehâtu Aynî'l-Hayat, İstanbul, 1291.
- Samî, Şemseddîn, Kâmusu'l-A'lâm, İstanbul, 1306-1316.
- Sarı Abdullah Efendi, Semeratü'l-Fuâd, Matbaa-i Âmire, İstanbul, 1288.
- Schimmel, Annemarie, Tasavvufun Boyutları, Çev.: Ender Gürol, İstanbul, 1982.
- Stoddart, William, Le Soufisme, Edition des Trois Continents, Lozan 3, 1979.
- Sunar, Prof. Dr. Cavit, "Allah İnsan İlişkisi", İlahiyat Fakültesi Dergisi, XXI, (Ankara, 1976), s. 85-122.
- _____, Ana Hatlarıyla İslâm Tasavvufu Tarihi, Ankara, 1978.
- _____, Mistiçizmin Ana Hatları, Ankara, 1966.
- _____, Tasavvuf Felsefesi Veya Gerçek Felsefe, Ankara, 1974.
- _____, Tasavvuf Tarihi, Ankara 1975.
- _____, Vahdet-i Şuhûd-Vahdet-i Vûcûd Meselesi, Ank., 1960.

- Sühreverdî, Şihabuddîn, Avârifü'l-Maârif, Beyrut, 1966.
- Sülemî, Ebû Abdurrahman, Tabakatu's-Sûfiyye, Mısır, 1389/1969.
- _____, Tasavvufa Fütüvvet (Kitabu'l-Fütüvvet), Trc. ve neş: Prof. Dr. Süleyman Ateş, Ankara, 1977.
- Şapolyo, Enver Behnan, Tarîkatlar ve Mezhepler Tarihi, İst., 1964.
- Şa'rânî, Abdülvahhâb, Levâkîhü'l-Envâr fî Tabakâti'l-Ahyâr (et-Tabakâtü'l-Kübrâ), Kahire, 1355.
- _____, el-Envârû'l-Kudsîye fî Ma'rifeti Kavâidi's-Sûfiyye, tahkik: Tâhâ Abdülbâkî Sûrûr-Seyyid Muhammed eş-Şâfiî, Beyrut, 1408/1988.
- Şevkânî, Muhammed b. ALİ, el-Fevâidü'l-Mecmûa fi'l-Ehâdîsi'l-Mevzûa, Kahire, 1330/1960.
- Taftazanî, Sa'duddîn, Kelâm Îlmi ve İslâm Akâidi (Şerhu'l-Akâid), Hazırlayan: Süleyman Uludağ, Dergah Yay., İst., 1980.
- Tatçı, Dr. Mustafa, Yunus Emre Dîvâni, I-II, K.B. Yay. Ankara, 1990.
- Tirmizî, Hakîm, Hatmü'l-Evliyâ, Beyrut, 1965.
- Tûsî, Ebû Nasr es-Serrâc, el-Luma fi't-Tasavvuf, Mısır, 1380/1960.
- Türer, Dr. Osman, "Melâmiliğe Dair", Türk Dünyası Araştırmaları, 35 (Aralık 1985), s. 25-51.
- Türer, Doç. Dr. Osman, "Batı'nın İslâm'ı Tanımásında Tasavvuf'un Rolü", Tanımı, Kaynakları ve Tesirleriyle Ta-

- savvuf, Seha Neşriyat, İstanbul, 1991, s. 143-176.
- _____, Şeyh Muhammed Nazmî Hayatı Eserleri ve Hediyye-tü'l-İhvân'ı, Basılmamış doktora tezi, Ankara, 1982.
- _____, Türk Mutasavvîf ve Şairi Muhammed Nazmî, K.B. Yay. Ankara, 1988.
- _____, "XIII. Asırda Anadolu'da Tasavvuf ve Yunus Emre", Diyanet Dergisi, Cilt: 27, Sayı: 1 (Ocak-Şubat-Mart 1991), s. 87-100.
- Uludağ, Süleyman, İslâm Düşüncesinin Yapısı, Selef, Kelâm, Tasavvuf, Felsefe, İstanbul, 1979.
- Ülken, Prof. Dr. Hilmi Ziya, İslâm Düşüncesi, İst., 1946.
- _____, Türk Tefekkürü Tarihi, İstanbul, 1933.
- Vicdanî, M. Sâdîk, Tomâr-ı Turuk-ı Aliye'den Halvetiyye Silsilenâmesi, İstanbul, 1338.
- _____, Tomâr-ı Turûk-ı Aliye'den Kâdirîyye Silsilenâmesi, İstanbul, 1338-1341.
- _____, Tomâr-ı Turuk-ı Aliye'den Melâmetiyye Silsile-nâmesi, İstanbul, 1338-1341.
- Yılmaz, Dr. H. Kâmil, Azîz Mahmud Hüdayî ve Celvetiyye Tarîkatı, İstanbul, 1980.
- _____, Tasavvufî Hadîs Şerhleri ve Konevî'nin Kırk Hadîs Şerhi, İstanbul, 1990.
- Yetik, Dr. Erhan, İsmail-i Ankaravî Hayatı, Eserleri ve Tasavvufî Görüşleri, İşaret Yay., İst., 1992.
- Yüksel, Prof. Dr. Emrullah, Amîdî'de Bilgi Teorisi, İşaret Yay., İst., 1991.

МУНДАРИЖА

Кириш сўзи	3
Муқаддима	12
I - Бўлим	
Тасаввубнинг пайдо бўлиши, шаклланиши ва тасаввубнга доир масалалар	17
1. Тасаввубнинг таърифи	17
2. Тасаввубнинг мавзуси	19
3. Тасаввубнинг ғойиси	19
4. Тасаввуб сўзининг келиб чиқиши	21
5. Тасаввуб илмининг юзага келиши ва хусусиятлари	23
6. Тасаввубий қарашнинг хусусиятлари	27
7. Тасаввуб билан гарб мистицизми орасидаги фарқлар	31
8. Тасаввубнинг пайдо бўлиши масаласи	33
A. Та什қи таъсирлар масаласи.....	33
Б. Тасаввубнинг исломий манбалари	36
9. Тасаввубнинг тарихий ривожига бир назар	49
II - Бўлим	
ТАРИҚАТЛАР	61
A. Тариқатнинг маъноси	61
Б. Тариқатларнинг таснифи	62
В. Тариқатларнинг муштарак унсурлари	67
1. Инсоний унсурлар	68
2. Феълий унсурлар	74
3. Фикрий унсурлар	91
4. Моддий унсурлар	98
Г. Буюк тариқатлар ва асосчилари	103
1. Қодирия тариқати	104
2. Яссавия тариқати	106
3. Нақшбандия тариқати	107
4. Хильватия тариқати	111
5. Руфоия тариқати	113
6. Мавлавия тариқати	114
7. Шозалия тариқати	115
8. Съидия тариқати	117
9. Дасуқия тариқати	117
10. Бадавия тариқати	118
11. Акбария тариқати	119
12. Сухравардия тариқатим	120
13. Кубравия тариқати	121
14. Мадания тариқати	122
15. Чашдия тариқати	122
16. Байрамия тариқати	123

III - бўлим

ТАСАВВУФНИНГ АСОСИЙ МАВЗУЛАРИ	
1. Тавҳид	126
2. Нубувват ва валоят (валийлик)	129
3. Комил инсон	138
4. Ботиний илм (маърифат)	142
5. Ваҳдати вужуд (тасаввуф фалсафаси)	145
А. Зот-сифат муносабати	146
Б. Аллоҳ-Оlam муносабати	148
В. Ваҳдати вужуднинг фойдалари	151
Г. Ваҳдати вужуднинг танқид қилиниши	154
Д. Ваҳдати шухуд	157
ХУЛОСА	162
Библиография	166

«Истиқлол» нашриёти

Илмий-адабий нашр

**УСМОН ТУРАР
ТАСАВВУФ ТАРИХИ**

Муҳаррир З. Исомиддинов

Рассом Ш. Мирфайёз

Техник муҳаррир Ж. Бекиева

ИБ №

Босмахонага 5.08.99 й. да берилди. Босишига 12.10.99 й. да рухсат этилди. Бичими
60x84 1/16. 2-нав босмахона қоғози. 11,25 босма табоқ. Жами 1000 нусха. 67 ракамли
буортма Баҳоси шартнома асосида.

«Ҳилол нури» шўъба корхонасининг «Истиқлол» нашриёти, 700129, Тошкент,
Навоий кўчаси, 30.

«САРВАР» кичик корхонаси, Тошкент шаҳар, Одилхўджаев кўчаси, 1-үй.